

ანა ანჯოწოვსკაია

ღ ი ღ ი მ ო უ რ ა ე ვ ი

პირველი წიგნი

ნაწილი მეოთხე

თარგმანი ა. ჭუმბაძისა

თავი ოცდამეერთე

ბულში გახვეულ ქარავანთა შავი აჩრდილი ტაატით მიაბიჯებდა. მდოვრად სდიოდა მღვრიე, ობმოკიდებული წყალი ბაშბის ყანების სარწყავ არხებში.

— აიბალამ! ბა-ლამ, ბაა-ლაამ! — გაისმოდა ყვითელმტერიან ჰაერში. უსასოო ლოტეასავით ელარუნებდნენ ეჭვნები აქლემთა — დრომადერთა, ბულურთა და შუთიურ-ბაადთა მრუდე კისერზე.¹

გზა-თანდათან ფართოვდებოდა, ქარავანი იშლებოდა. ზოლიან საპალნეებით, მოგრძო ყუთებით, მოკიქული დოქებით მიჰქონდათ მაზანდერანის ლერწმის შაქარი, შირაზის ვარდისწყალი, სეფირრუდის ზეთისხილი, რეშტის სახანოს ბრინჯი, გილანის ნუში, ხორასნის წმინდაბეწვიანი ხალები, ქერმანშაჰის აბრეშუმი, ხურემაბადის ზაფრანა და ინა, ქიშმირული თხის მატკლი და მარგალიტი სპარსეთის ყურედან.

— აი ბალამ! ბაა-ლაა-მ!

ზენდერუნდს გაღმა სიცხის აღმურში, ბუნდოვანად კრთოდნენ ჰაეროვანი მეჩითები. მარმარილოს სასახლეები, მოზაიკიანი ციხე-დარბაზები, ფერდოსშეფენილი ბალები და ბროლის ქარვასლები.

მხედარი უნაგირზე შეირხა და მტერიანი ხელით ამოიწმინდა თვალები.

მის წინაშე გაშლილიყო ჩაარბალის შესანიშნავი წალკოტი, რომელსაც ოთხად ჰკვეთდნენ ზენდერულიდან მიწისქვეშა მილებით გამოყვანილი ხელოვნური მდინარენი. რიკულოვან კიშკრებში მოსჩანდნენ მარმარილოს მჩქეფარე შადრევნები, ხელოვნური კლდეები, ბროლივით მოკამკამე ჩანჩქერები, ქარათებიდან რომ ბაზალტის კალაპოტიან ტბებისკენ მიექანებოდნენ, ნაქანდაკევი ფასკუნჯები, რომელთაც ნეფრიდის თვალები უბრწყინავდათ და გაღებულ ხახიდან აქაფებული ნაკადულები სდიოდათ.

ქადართა მწკრივები ჰყოფდნენ ბალს ხეივნებად, დაჩრდილულ მოედნებად, ლაბირინტებად — „სალხენ ადგილებად“, რომელთა გარ-

¹ დრომადერი — ორკუხიანი აქლემი, ბულური — ერთკუხიანი, ხოლო შუთიურ-ბაადი სწრაფი მორბენალი.

შემო გაფურჩქნულიყო თეთრი, წითელი, ყვითელი, ფერმკრთალი და მოშავო ვარდნარი.

აქა-იქ გაბნეულ ფანჯატურებს ამშვენებდნენ ნაჩუქურთმევი ოქროსვარაყიანი ფოთლები და ყვავილები.

გრილ ბალში უხვად ხარობდა საუცხოო ნუში, ფსტა, წერწეტა ინდიხურმა, ტბილი ლელი, ხავერდოვანი ატამი, ქერამი, ბროწეული, კაკლის ხე, უზარმაზარი წაბლი მრავალი, ეკლიანი კენკრა და სხვა ხეხილი.

ნაშუადღევის სიცხე ჩაარბალში იწვევდა აუარებელ ხალხს. ქიშკრებთან ისხდნენ შაჰის მებაღენი, რომელთაც წინ ედგათ შექედილი, თავლია ზანდუკები, თვითეულ ისპაჰანელს იქ უნდა ჩაეგდო ოთხი შაი, იმ ხილის საფასურად, რასაც იგი, რამდენიც უნდოდა, იმდენს შესჰამდა თვით ბალში, ხოლო თუ გაბედავდა და, ერთი მარცვალი ფსტა რა არის, იმის გატანასაც კი ეცდებოდა, ასეთ გულადს იქვე გაჯობხვდნენ.

მხედარმა ერთხელ კიდევ მოავლო თვალი საუცხოო ჩაარბალს. გაახსენდა საზეიმო შესვლა ისპაჰანს ყრმა შაჰ აბაზისა, რომელიც ჯერ ხორასნის მმართველი იყო, სანამ სეფევიდთა ტახტზე ავიდოდა.

ბრწყინვალე ქარავანი საყვირთა და დაფდაფთა გუგუნით უახლოვდებოდა მაშინ ქალაქის კარებს. შაჰის შავმა ტაიქმა უეცრად წაიფორხილა. გაკვირვებულმა შაჰმა თვალი მოავლო ტიალ მიდამოს და ბრძანა, რათა უცხოელთა შურის აღსადგერელად აქ გაეშენებინათ ახალი სატახტო ქალაქის ბაღი. სპარსეთის ყოველი კუთხიდან დაუყოვნებლივ წამოედინა აქეთ ქვა, მარმარილო, უცხო მკენარეთა ნერგეულობა, და ნოყიერმა ნიადაგმა უხვად აღმოაცენა მწვანილოვანი სამყარო.

სწრაფად გავიდა თხუთმეტი ქარტეხილიანი წელი და ახლა სურნელოვანი ჩაარბალი მგზავრის თვალსა და გულს ახარებს.

მხედარი ქალაქის კედელთან შესდგა. ოქროშექედილ ქარქაშიდან ხმალი ამოიღო. საჩუქრისათვის იხმარა ლაპლაპა ლითონი, სადაც მკრთალად გამოჩნდა წვრილი თვალეები, ზაფრანისფერი სახე და ნაკეთი თითები, რომლებითაც ოდნავ ხუჭუჭა შავ წვერს იოშავდა.

მბრძანებლურ ძახილზე ქიშკარი საჩქაროდ გაიღო და დარაჯი მოწიწებით მიესალმა ძლიერ ხანს ალი-ბაინდურს:..

ნაკრა-ხანებში მედუდუკენი, მედოლეხი და მესაყვირენი შესაგებად უკრავდნენ. გადახრილი მზის აღმაცერი სხივი ფრთხილად ეფინებოდა მაღალ კედელს, რომელზედაც მოქიქული მასალისაგან რელიეფურად იყო ნაქანდაკევი. გაჩირაღდნებულ ომთა გამოხატულებანი.

შავს არაბულზე მჯდომარე შაჰ აბაზი დევლეთ-ხანეს ჩუქურთმიან ქიშკარში შედიოდა.

შაჰი მაღალი არ იყო, ჩასხმული ტანი ჰქონდა, იგი მძლავრად უჭერდა გრძელ წვივებს აბრეშუმითა და ძვირფასი თევლებით მორთულ ასალს და სპარსულ დიდებულთა ჩინებულ ამალასა და სირიელ ბუმბერაზ მამულეკთა შორის მინც ყველაზე მაღალი სჩანდა.

შაჰმა სადავე მორიგე ხანთა ვაჟებს გადასცა და ნელი ნაბიჯით შეუდგა ხალებით დაფენილს თეთრ კიბეს, რომლის აქეთ-იქით მხარეს ბრინჯაოსაგან ჩამოსხმული ფასკუნჯები და პირქვე დამხობილი მღუმარე მონები ჩამწკრივებულიყვნენ.

მის წინაშე გაიღო წინა დარბაზი. დარკინული ფანჯრები თვალის მომქრელს ლურჯ სინათლეს აფრქვევდნენ. მუქ-მწვანე გუშბათში ოქროს ვარაყით ბრწყინაილდნენ ფანტასტური ყვავილები და ფოთლები. კედლებზე ფირუზისფერი, მტრედისფერი, მწვანე, ნარინჯისფერი და ლურჯ-ყვითელი საღებავებით, რასაც ვერცხლისა და ოქროს ვარაყი ამუქებდა, გაცოცხლებულიყვნენ ძველი სპარსული ლეგენდანი და თქმულებანი სპარსეთის მონარქიის დამფუძნებლის, დასაველეთ აზიისა და აღმოსავლეთი ქვეყნების დამპყრობის კიროსის შესახებ.

წინა კედელზე წარმოდგენილი იყო ძველის-ძველი სატახტო ქალაქი კიროსისა პასარგადი, რომელსაც მდინარე პულვარი ჩაუდიოდა.

შაჰ აბაზის წინ მიხაკისფერი ხელები სასწრაფოდ აღებდნენ მო-ოქრულსა და შავად შეღებილ კარებს...

მრგვალ ოთახთან, რომელსაც ერქვა „ყურნი შაჰისა“, შაჰ აბაზი მელიდურად შესდგა...

ფირუზისფერი ცა დაჰყურებდა ისპაჰანს.

შუადღის პაპანება თითქოს უფრო ამწვავებდა კამათს ერთი მხრით ფერგათ-ხანსა და აზი-ხოსრო-ხანსა ხოლო მეორე მხრით ბორის გოდუნოვის ელჩებს მეფის ნაცვალ შაცკის, თავად ალექსანდრე ზასეკინს, აზნაურ ტემირ ვასილის-ძე ზასეკისა და დიაკს ივანე შარაპოვს შორის.

წესიერად მდგარი თარჯიმნები გულმოდგინედ სთარგმნიდნენ დიპლომატიურ საუბარს.

თავად ზასეკინს მძლავრი მკერდი წინ გამოეწია, წარბი შეეკრა და შიგ თვალში ჩასცქეროდა გამოუცნობ ხანებს, მისი სიტყვები ისე ისმოდა, თითქოს ყინულის ნამტვრევები ცვივაო:

— ეს სად გაგონილა, რომ დიდი ხელმწიფის საელჩო სალაღობო აღდილას მიელოთ, და შაჰი ცხენზე მჯდარიყოს?..

ფერგათ-ხანი ინით შეღებილ უღვაშებზე ხელს ისვამდა, თავის ქნეფას ზასეკინის აღწვთებულ სიტყვებს აყოლებდა და მერმე, თარჯიმნებს რომ თვალი მოაშორა, დინჯად წარმოსთქვა:

— მოწყალედ მოისმინე, დიდად პატივცემულო თავადო: არწივს თავისი ქვის ბუდეში საკუთარი კანონი აქვს, ერანის ლომს ალაჰის მიერ ნაკურთხს სამეფოში თავისი კანონი აქვს. უკეთუ არწივი ელ-

ჩებს ზღზავნის უძლეველ ლომს, ვფიცავ იმამ-ჰუსეინის საფლავს, ლომის ყოველი სურვილი მათ მკურნავ მზესავით უნდა ეჩვენათ. და შაჰ-ინ-შაჰი პატივს დაგდებთ და საელჩო საუბარს მოედანზე გაგიმართავთ, ვინაიდან სწორედ ახლა ჩამოვიდნენ თურქი, ბუხარელი და სხვა ქვეყნის ვაჟარები, რომელნიც თავს უმეცრებად ჩასთვლიან უკეთეს მთელ ქვეყანას არ მოსდებენ დიდი შაჰ-ინ-შაჰისა და რუსეთის ბრძენთა ბრძენი მეფის მეგობრობის ამბავს.

თავადმა ზასეკინმა მუხლზე დაუშვა თავისი მსუქანი ხელი, რომლის შუა თითზედაც მეფის ძვირფასი ბეჭედი ეყო.

— ჩვენ, თვისთა ელჩთა, დიდმა ხელმწიფემ მეფემან ჩვენმა ბორის თევდორეს-ძემან გვიბრძანა მოვახსენოთ მის დიდებულებას შაჰ აბაზს, რომ ჩვენის ხელმწიფისა და შაჰის მტერთა წინააღმდეგ ერთად ვიყვნეთ. ჩვენ მზად ვართ ამას არ გადავადგეთ, მხოლოდ თქვენის უთავაზობით ჩვენ, დიდი ხელმწიფის ელჩებს შეურაცხება არ მოგვადგეს. და გვამცნეს ჩვენ მახლობელთა კაცთა, რომ შაჰს სწვევიათ ესპანეთის მეფის ელჩნი, ფილიპე დრეიფი ამხანაგებითურთ და მათთანვე კაცი ოთხასი ზავისა და თანხმობისათვის, რათა წინააღმდეგ თურქისა ერთად იყვნენ, და შაჰს უბრძანებია თურქეთისა და ესპანეთის ელჩნი ერთად წარმომიდგენო; ხოლო როცა ისინი შეკრიბნენო, იყო მათ შორის გინება დიდი და ტაკებაცა სურდათო; იამტეხნი კი ესპანეთის მეფის ელჩნი იყვნენო. და მეცა მწაღია, საელჩოდ მივიდე მისის უდიდებულესობის შაჰისა თანა, გარნა არა სალალობო აღვიღას და არცა მოედანზე, არამედ შაჰისა სასახლესა შინა, და რათა მას ეამსა შინა შაჰისა თანა არა იყვნენ მტერნი ჩვენსა ხელმწიფისა, გინა შაჰისა, თურქი და ბუხარელი ელჩები და ვაჟრები...

ხანები თარგმანს უსმენდნენ და ძლივს იკავებდნენ ღიმილს: უხაროდათ, რომ შაჰის უთავაზო მოპყრობას დიდ სახელმწიფოთა— ესპანეთისა და თურქეთის მიმართ რუსთა ელჩების ყურამდეც მიულწევიაო. მათ შეუმჩნეველად გადააღლეს ერთმანეთს მოღიშარი თვალი, გარნა ფერვათ-ხანმა მოკრძალებით მიუგო:

— ნუ შეშფოთდები, კეთილშობილო თავადო; ერანის სამართლიანმა მბრძანებელმა საამური შეხვედრა იმიტომ მოუწყო ქედმაღალ სახელმწიფოთა ელჩებს, რომ დიდ შაჰ-ინ-შაჰსა სურს მეგობრული და მოყვრული ურთიერთობა მხოლოდ თავის დიდებულ ძდასთან— რუსეთის მეფესთან იქონიოს.

აზნაურს ტემირ ვასილიჩს, რომელიც ზამოსკვორეჩიეში კრივით იყო განთქმული, ჩვევისამებრ, არ შეეძლო ხელი გაეჩერებია, წარამარა ჰკუმშავდა უზარმაზარ მუშტს, სადაც ვერცხლის აბაზიანი ჰქონდა, და გამოძწევად წარმოსთქვა:

— მის უდიდებულესობას შაჰ აბაზს არა სურს ისეთი მოყვრობა ჰქონდეს რომელიმე ხელმწიფესთან, როგორც ჩვენთან, მაგრამ მთე-

ლი რუსეთის მტრები—თურქეთის ელჩები კი შემოუშვა სატახტო ქალაქ ისპაჰანში, ხოლო გაიგო თუ არა ჩვენი მისვლა, ბრძანა, თურქეთის ელჩები სხვადასხვა ქალაქებში გადაიყვანეთო, რათა ჩვენ არა შეგვეტყო რა მისი უდიდებულესობის შაჰ აბაზისა და თურქთა ელჩების მოლაპარაკების შესახებ.

თავადმა ზასეკინმა თვალი უყო ვასილს, დაკინებით გადაჰხედა ხანებსა და დაურთო:

— ჩვენი დიდი ხელმწიფე ბორის თევდორეს-ძე რომ რუსეთის დიდ სახელმწიფოებზე გაბატონდა, ჩვენს ხელმწიფეს სულთნისათვის არაფერი მიუწერია და არც თურქეთის სულთანს მ: ჰმადს გამოუგზავნია რამე მისი მეფური უდიდებულესობისათვის. ხოლო როცა სულთნის შიკრიკი მოვიდა ძღვენითა და მეგობრობის წინადადებითურთ, ჩვენმა დიდმა მეფემ ბორის თევდორეს-ძემ იგი შერცხვენილი გაისტუმრა: ძღვენი არ მიიღო და, ქურქის ნაცვლად, სულთანს ღორის ტყავი და ფარჩის ტომარი გაუგზავნა, რომელიც უწმინდურებით იყო სავსე.

ელჩებმა ერთად გადაიხარხარეს.

რაკი დიაკმა ივანე შარაპოვმა სპარსელ დიპლომატთა გაოცება დაინახა, ხალისით განმარტა: სიცილის მიზეზი ფარჩის ტომარი გახლავთ, რომლის შიგნადებიც აზნაურის ტემირ ვასილის-ძე ზასეკის წყალობა იყო.

ხანებმა ირონიულად მოიწონეს საზრიახი მეფის ბორის გოდუნოვისა და გულუხვი ზასეკის გონებამახვილობა, მადლობაც გადაუხადეს საამო ბაასისათვის და სთხოვეს, ახლა კეთილ ინებეთ და შოისმინეთ შაჰ-ინ-შაჰის მიერ რუსთა ელჩების მიღების ცერემონიალი:

— ძღვეამოსილს ერანში, — მტკიცედ დაიწყო აზი-ხოსრო-ხანმა, — სადაც მეფობს მრავალ სახელმწიფოთა მრისხანე დამპყრობი დიდი შაჰი აბაზი, ყველა ელჩნი, ვისაც კი შაჰ-ინ-შაჰი მიღების ღირსს გახდიდა, ერანის მზის 'წინაშე ემზობოდნენ. ერანის დიდი მბრძანებელი მოწყალედ ათხოვებს ყურსა და მოუსმენს თხოვნას მეფის ბორის გოდუნოვის ელჩებს, არა მაიდანზე, არამედ შაჰ-ინ-შაჰის დეველეთ-ხანეში.

რუსთა ელჩების თითქოს გაქვავებულ სახეზე ოდნავ გამოიბატა სიამოვნება, მათ მიერ გამოჩენილი სიმტკიცის შედეგის გამო.

ფერვათ-ხანმა ნეკზე მსხვილი ბრილიანტის ბეჭედი გაისწორა და შეპარვით დაიწყო:

— ვფიცავ მექას, კეთილშობილნო ელჩნო, რომ თქვენ დამცხრალ მთვარეზე დაბადებულხართ, ვინაიდან ღირსნი გახდით მიპატიებებისა დიდთა შორის უდიდესი შაჰის აბაზის სადილზე და შაჰის ლხინზე, რომლის ღირსიც არც ერთი უცხო ქვეყნელი არ გახდება.

და ნიშნად ჩრდილოეთის შეფისადმი, ბრძენთა უბრძნესი, ბორის გოდუნოვისადმი დიდი მეგობრობისა და სიყვარულისა ერანის მრისხანე მბრძანებელი ნებას დაგრთავს, თავადო, ეპისტოლეს გადაცემისას ეამბორო მისი უდიდებულესობის შაჰის ფეხს.

ტემირ ვასილის-ძემ ძლიეს მოუსიბინა გაფითრებულ თარჯიმანს, წამოხტა და მუკში გავარდა გაქვლეტილი აბაზიანი. მკერდზე ისე ებერებოდა მოქარგული ქურთუკი, თითქოს სამკედლოს საბერველიაო.

თავადმა წარბებს ქვემოდან გადახედა ტემირ ვასილის-ძეს და მერმე გაავებული თვალი ხანებს მიაპკრო:

— ჩვენი ხელმწიფე მისი უდიდებულესობის შაჰ აბაზის ელჩებს თავის მეფურ ხელზე ამბოვრებინებს ხოლმე... შაჰის ფეხთან მე არა - სოჯეს არ მივალ და არც შაჰის ფეხს ვაკოცებ.

ხანებს დროზე გაახსენდათ შაჰის ბრძანება, რაც შეიძლება ეცადეთ არ გააღიზიანოთ ელჩები მრისხანე მეზობლისა, რომელიც საკიროა სუნიტური თურქეთის წინააღმდეგ საერთო მოქმედებისათვისო. ამიტომ ხანებმა მყის დაარწმუნეს რუსთა ელჩები, როცა შორსმკვრეტელი შაჰ-ინ-შაჰი ხანებს მოწყალებდ მოგვისმენს, უთუოდ შესაფერის პასუხს გაგცემთ თხოვნაზე, რომ დიდებული შაჰის ხელს ეამბოროთო.

ყარაჯულაი-ხანი, ალა-ხანი, ემირ-გიუნე-ხანი, ერებ-ხანი და ყორჩი-ხანი კარგა მოშორებით ისხდნენ, შაჰის პირდაპირ. შაჰმა მოისმინა ყარაჯულაი-ხანის მოხსენება, ინგლისელთა წინადადების შესახებ: ჰამრუნის ნავსადგურს გაემაგრებთ სპარსეთის ყურეში, რათა ინდოეთთან ვაჭრობა განვითარდესო, მოისმინა აგრეთვე მოხსენება ემირ-გიუნე-ხანისა გოდუნოვის თხოვნის შესახებ, ჩრდილოეთს გაუშვი კახეთის ბატონიშვილი თეიმურაზი, რომელიც ისპაჰანაში მძევლად არისო, წარბი შეიკრა და ამ საკითხის გადაწყვეტა მანამდე გადასდო, სანამ რუსთა ელჩებთან გაგზავნილი ხანი არ დაბრუნდებოდა.

— საკიროა ჯერ შევიტყოთ მოსკოველი მეფის ფარული ზრახვა-ნი და მერმე გავცეთ პასუხი შორსმკვრეტელ ინგლისელებსაც და შორსმკვრეტელ გოდუნოვსაც. მართო ერთი სარწმუნოებისათვის იგი იმ მთებში არ დაუწყებდა ქურქებს თრევას ქართველთა მეფეების დასასაჩუქრებლად.

— ვინაიდან ნათქვამია, — მოსწრებულად ჩაურთო ემირ გიუნე-ხანმა, — თვალნი მისნი ვითარცა თვალნი ბუხარელი ზარაფისა.

შაჰმა გაიღიმა. მრჩეველებმა მოწონებით გადახედეს „მზიარულ“ ხანს.

შაჰმა გადასწყვიტა, ალი-ბაინდურის დაბრუნებამდე არ მიეღო გოდუნოვის ელჩები, და შეუდგას სხვა საკითხების განხილვას, რომელ-

ნიც შეეხებოდნენ ატრეკის ნაპირას ახალ სასახლვრო სივარგეთა აგებასა და მერვში, ურჩ უზბეკთა წინააღმდეგ, ერანის ერთგულ თურქ-ყაჯართა დასახლებას.

თავი ოცდამეორე

ესგერაბათის ვიწრო ქუჩაში, რომლის ორივე მხარეს აოშართულიყვნენ თიხით ნაშენი ყრუ კედლები, მიდიოდა შზისგან სახე დამწვარი სპარსელი ბიჭი და დაკოყრებული ხელით ძლივს იმაგრებდა დასაკერვლებულ ტოპარს, ზურგზე რომ ეკიდა. მიტყაპუნებდა ქერიმი და მტერის კორიანტელს აყენებდა.

უკვე გაიარა ეს ყრუ კედლები, რომელთა გადაღმაც ბზენარევი თიხით გაღესიღს ქოხმახებში თავს აფარებდნენ კალატოზები, ანუ ტვირთმზიდაევი მუშები, მკალაეები, მეწუღეები, მეჭურქლეები და სხვა წვრილი ხელოსნები; ეს ხალხი დილაადრიაწვე მოედებოდა ხოლმე ისპაჰანს გამოსარჩენის საძებნელად. ქოხმახებში არ ინთებოდა მაყალი, არც სარეცხი ირეცხებოდა, სადილი მხოლოდ ხმელი ლავაშისა და ერთი კიქა წყლისაგან შესდგებოდა, ტანისამოსი კი—უხეში ყვითელი კონკებისა და ტომრისაგან შეკერილი, საღღესასწაულო წამოსასხიმისაგან, რომელიც, ვით ფუფუნების საგანი, ქოხის კუთხეში ცალკე ეკიდა.

სქელი ჩადრებითა და მაღალი კედლებით ცხოვრებას მოწყვეტილი, ქანცმიღუთული ქალები აჩრდილებივით დალასლასებდნენ ყოველის მხრით შემოზღუდულს ეზოებში.

ამ ყრუ ქუჩაში არ ისმოდა მოთამაწე ბავშვთა ჟივილ-ხივილი. მათ ოთხის წლის ასაკიდანვე უნდა იზრუნონ დღევანდელი დღისათვის; განთიადიდან ლურჯ დაისამდე მათ შეხედებით მაიდნის სახელოსნო უბნებში: ზოგნი ქვაბებს, სინებსა და საყავეებს ჰკვერავენ, ზოგნი სირაჯებთან წვალობენ, ზოგნი სამკედლოებში საბერველს უწყობენ ხელსა და ზოგნიც მეხალიჩებთან ხის დაზგებზე ნაირსახიან ხალიჩებსა ქსოვენ. ეს საბრალონი რაღაც ერთ შაჟრად ასრულებენ სპარსელ სოვდაგართა სამძიმო დავალებას. ოთხი ხუთი წლის ბავშვთა თვალეში უკვე იხატება ზრუნვა ლავაშისა და კიქა წყლისათვის. თორმეტის წლისანნი უკვე მაღალ ოსტატობას აღწევენ, რათა თექვსმეტი წლისას ქლექისა, თვალთა-დაავადების, ან სხვა სნეულების მსხვერპლნი გახდნენ.

სწორედ ამაზე ფიქრობდა ახლა ყრმა ქერიმი, რომელსაც მეზობლებმა უცნაური აზროვნების გამო ჯადოსანი კალატოზი დაარქვეს. მშიერი, უბნიდან რომ გამოვიდა, მსუბუქად ამოისუნთქა, მხესა და კამკამა ცას გაულამა.

ხანებელდან ზუზუნ-გუგუნის მოისმოდა. თიხის გუმბათიან აბანოების ბანებზე თეთრ კარგებივით ქათქათებდნენ სველი ზეწრები.

თუმცა ქერიმს გზა მაიდნის ლურჯი კარებისაქენ როდი ჰქონდა, მაგრამ ამ კრელ ბრბოში გარევა და წუთით თავისი მიყრუებული ქუჩის დაეწყება მუდამ იმ ლურჯი კარებისკენ იზიდავდა ხოლმე.

მაიდანს გუგუნებდა, ზუზუნებდა, წკრიალებდა, კრიალებდა და ხარბად ისრუტავდა მთელი ერანის ვაქრობას, მაღალი ქვიტკირის კედლებით გარსშემოვლებული ქარვასლები, კარგად მოწყობილი ოთახებით, ბელლებითა და ორ-სამ სართულიანი გადატიხრული ტალანებითურთ, ძალიან მოხერხებული იყო მოსულ ვაქართა, მათს აქლემთა და საქონლისათვის.

აქედან დიდი საბითუმო ვაქრობა მთელს ერანს ჰფენდა სხვადასხვანაირ საქონელს. კაისერეში იზომებოდა ინდური აბრეშუმი, სახიანი ფარჩა, პეწიანი ატლასი, ნაირფერი ხავერდი. სხვადასხვა პატიოსანი თვალი აელვარებდა ხელოვნურ ნაკეთობათ. ოქროულობა, სპილოს ძვალი, ნაზი ფაიფური ზედ გამოხატული ცეცხლ-მქშინაევი გველუშაპებითა და ელამი ჩინელი ქალებითურთ, ქაშანური ლარნაკები, სურები, თეფშები, ძველი სპარსული ნახატებითა და წარწერებით დაფარული ფინჯნები, ნელსაცხებლით სავსე ბროლის ჭინჭილები თვალსა სტაცებდნენ ნატიფი გემოვნების მქონე მყიდველს.

აქ მოეყარა თავი შაჰთა ჰარამხანებისა და ხანთა სასახლეების მთელ ფუფუნებას.

მაიდნის ირგვლივ ჩამწყრივებულიყვნენ ორსართულიანი, თალოვანი და აიენიანი შენობანი. კობტად ნახსლაევი შიმშადები აჩრდილოებდნენ ისედაც მიბინდულ ღუქნებს. მთელს მაიდანს ქამარივით შემორტყმობდა ქვის არიკი, სადაც შადრევანთა წყალი სდიოდა ნამაზისათვის და ბინების მოსასხურებლად.

აიენების ქვეშ გრძელს დერეფნებში ჩამწყრივებულიყვნენ ოქრომკედლები და შინაშრეწველთა ნაწარმის ვაქრები.

აღმოსავლეთის მხარეზე, აიენების პირდაპირ, ფართო თალოვან ტალანებში სხვადასხვა საამქროთა ხელოსნები მოთავსებულყვნენ.

მაიდნის გასწვრივ გაქიმულიყვნენ დაფარდაგებული ხანეები. გრილს ჩაი-ხანებში სვამდნენ სურნელოვან ჩაისა და თამაშობდნენ ნარდ-ჰადრაკს. ხალდაფარებულნი და ბალიშებიანი ფართო ტახტებით, დაბალი სუფრებით, მოწყობილი ყავახანები ყავისა, ყალიონისა და ჩიზუხის მოყვარულთ იზიდავდნენ. შირე-ხანა, ირგვლივ გამართული ხალიჩებიანი სკამლოგინებით, იდუმალი ოთახებითა და ქვის აუზებითურთ. დუდუკის დულუნითა და დოლის ბრახუნით ეპატიეობოდა ოპიუმისა და ხაშხაშის მწვევლთ. აქ სურქერი-ბიკები ვნებიანი ცეკვით აღიზიანებდნენ გარყვნილ მოქეიფეთ. შუაგულ ხანებში

მაღალ სკამებზე შემსხდარი პოეტები და ისტორიკოსები წყეპლის ქნევით კითხულობდნენ ლექსებს, ჭკუის სასწავლად და სმენის დასატკბობლად მოუთხრობდნენ წარმტაც ამბებსა და არაკებს.

ყავა-ხანის ახლოს შეჯგუფებულ იყვნენ ჯერა-ხანისა¹ და დელაქ-ხანის სადალაქოები. შუაგულ მაიდანში, ჭრელ ფარდულებ ქვეშ, ღია ზანდუკებსა და ხალიჩიან ტახტებზე დახვავებულ ფულთან მორთხმულიყვნენ ზარაფები.

და ასე, დილის ნამაზიდან საღამოსი ლოცვამდე გუგუნებდა, ზუ-ზუნებდა, წკრიალებდა და ჭრიალებდა მაიდანის.

ქერიმი ბრბოს გამოეყო და გზის განგრძობას ეპირებოდა, რომ მისი ყურადღება შეეცრად ახალმა სასწაულმა მიიპყრო: თეთრს მრგვალ ფირფიტაზე, რომელიც მოჩითული იყო მინანქრის ხოკოებით, პეპელებითა და ამობურცული ვარსკვლავებით, ორი ისარი იძვროდა.

ქერიმი მოჯადოვებულებით აღეგნებდა თვალს ისრების მოძრაობას. იგი უკვე კარგა ხნის წინათ უნდა ყოფილიყო მძლავრი ხანის დიდებული სასახლის მშენებლობაზე, მაგრამ ვერას გზით თვალი ვერ მოეშორებინა კაისერის შესავალზე ჩამოკიდებული სასწაულისათვის რომელსაც, მწვანე დერვიზის სიტყვით, თავის მკიდე კლანქებში დრო მოემწყვდია.

ქერიმს დაავიწყდა თავისი უბადრუკი ქოხიდან კუთხეში მიყრილი ძონძები, რომლებზედაც ქანცმილეულსა ეძინა ხოლმე, უდიერი შრომის შემდეგ, რამაც მამა მისი მაჰმადი ასე უდროოდ გაისტუმრა საიქიოს.

ქერიმს აღარც შიშვინი ახსოვდა, ჩვეულებრივად რომ დილიდან საღამომდე სტანჯავდა ხოლმე. ყურადღებასაც არ აქცევდა გინებასა და მუჯღუგუნებს და აღფრთოვანებული უცქეროდა „მიწიურ მზეს.“

აბა რას წარმოიდგენდა ინგლისელი ფესი, რომელმაც შაჰ აბაზს ძღვნად მიართვა მოხატული, სარეკიანი საათი, თუ ეს ჯადოსნური საჩუქარი ასე საბედისწერო გახდებოდა ალი-ბაინდურისათვის.

ძლიერმა მუჯღუგუნმა და შიშველ ზურგზე აწივლებულმა მათ-რახმა ერთბაშად მოიყვანა გონს გაშტერებული ქერიმი. ბიჭი ძლიერ წამოდგა, სისხლი კტუქიანი მჩვრით მოიწმინდა და მრისხანე თვალი გააყოლა ბრწყინვალე მხედრებს, აყენებულ მტვერში რომ მიიმაღნენ.

ქერიმმა გაფანტული ჩაქურჩები ტომარაში ჩაჰყარა და შეურაცხყოფის ცრემლები მუშტით მოიწმინდა. მწვანე დერვიზმა მხარზე ხელი მოუცაცუნა ბიქსა და ურჩია, მიწას ტყუილ-უბრალოდ ნუ ასველებ მლაშე წყლითაო. ნუ თუ არ იცი, რომ ყოველ მართლმორწმუნეს უნდა უხაროდეს, როცა მძლავრი ხანის ალი-ბაინდურის ცხენი თავისი ნალის ნაკვალევს დასტოვებს მის ზურგზეო.

¹ ჯერა-ხანა, — სადალაქო, სადაც აგრეთვე მკურნალობენ.

— უფრო საწყენი ის იქნებოდა,—დაუმატა დერევიშმა,—რომ მაგ „შაითანის ულვაშთა“ ცქერაში ლარიბი კაცის მკლე სახედარს შეეშალნა შენთვის ხელი.

ქერიმი გაუდგა გზას აქოთქოთებულ მაიდანზე, დახეთქილი ტუჩები ჩურჩულებდნენ „ალი-ბაინდური“...

ურტყამს ჩაქუჩს ქერიმი და სულმალა და მალა მიიწვევენ მრისხანე ხანის ახალი სასახლის კედლები. მაგრამ რატომ არ ძალუძს ქერიმს, მსგავსად ესგერაბათისა, მორჩილად ყლაპოს შხამიანი მტვერი? რატომ არა ხდის ლავაშს უფრო მაწიერს, ხოლო ხანების მათრახის წივილს ყურისათვის საამოს ჩეხელ-სოთუნის მეჩითის მოლლას მიერ მომომენ მართლმორწმუნეთათვის დაპირებული ნეტარება მაჰმადის სამოთხეში?

„შაჰის ყურების“ მცირე დარბაზში გამართული საიდუმლო თათბირზე ალი-ბაინდურმა დაწვრილებით აუწერა შაჰ აბაზს ქართლის სამეფოს მდგომარეობა. ერანის მბრძანებელს მოსწონდა მისი მალაღობა, რისი მეოხებითაც იგი ხან ვაჰრად იქცეოდა, ხან დალაქად და ხანაც თავადად. ალი-ბაინდურმა შაჰის ყურადღება მიაპყრო ტატიშჩევის მიერ პატრიარქ იობისათვის გაგზავნილი ეპისტოლის ნაწყვეტს. ხანმა აღნიშნა პაპანდოპულოს თარგმანის სიზუსტე, რასაც იგი დარწმუნდა მის ღუქანში, რომელიც ერანის დავალებით, საიდუმლო ცნობათა შესაკრებელი ადგილი იყო. ალი-ბაინდურს სააკაძე გაასენდა და შაჰის გამხიარულება მოინდომა. უამბო იმ დაქინებული ხმების შესახებ, რასაც ჩუმად ავრცელებდნენ ქართლის ლაშქარში: თრიალეთის მთების ხეობაში თურქების დამარცხებას გიორგი X თავისთავს კი არა, სხვა გიორგის უნდა უმადლოდეს, რომლის გულიც დიდი მამულის ბოძებით მოიგო.

შაჰ აბაზმა ყურადღებით მოუსმინა ხანსა და დაწვრილებით გამოკითხა სააკაძის შესახებ. ახალი გმირის სახელი მან ერთბაშად დაუკავშირა იმ შულს, რაც ქართლის აზნაურთა და თავადთა შორის ჩაღებოდა. ჩაუკვირდა რა ყოველივეს, რაც ტატიშჩევის ელჩობაზე იყო ნათქვამი, შაჰ აბაზმა მტკიცედ განაცხადა, სურვილი და მისი აღსრულება ყოველთვის ერთ გზაზე როდი ხვდებიან ხოლმე ერთმანეთსა, და გოდუნოვიც იძულებული იქნება იგემოს მწარე ნაყოფი თვისი ნაგვიანევი ნათესისაო.

რაკი თავის იღუმალ ზრახვებს თვით მახლობელ ხანებსაც კი არ უმაღავდა, შაჰი ჩაათქრა იმ მუქარამ, რომელიც სულ უფრო და უფრო მოიწვედა ჩრდილოეთიდან...

რუსეთის ელჩები ხმამაღლა მსჯელობდნენ უკანასკნელ მიღებაზე, რაც მათ ღველეთ- ხანეში გაუმართეს. ახარებდათ მიღწეული შედეგი და ოცნებით უკვე იშინჯავდნენ სამეფო ქურქებს, რითაც, რა თქმა უნდა, ბორის გოდუნოვი მათ დააჯილდოებდა, წარმატებით შესრუ-

ლებული ელჩობისათვის. ელჩებს განსაკუთრებით ახარებდა სურვილი შაჰ აბაზისა ერთხელ კიდევ მოესმინა ის ადგილი ბორის გოდუნოვის უსტარისა, სადაც რუსეთის მბრძანებელი მიჰმართავდა ერანის ლომს „რათა მისი უდიდებულესობა თურქს არ დაეზავოს და კეისართან ერთობა იქონიოს...“ და „მეფე და შაჰი ერთად წინააღდეგს მტერთა თვისთა; ელჩნი და ვაჭარნი თავისუფლად ვიდოდეს რუსეთით ერანსა და ერანით რუსეთს: ნუ შემოიღებენ ახალ საევაქრო ბაჟსა...“

არანაკლებ ახარებდა ელჩებს ის გარემოება რომ შაჰმა სრულიად არ იცოდა რა ტატიშჩევის საელჩოს იღუმალ მიზნებზე ქართველთა სამეფოებში. შაჰ აბაზი დანტერესდა მხოლოდ, „რად იხსენებაო რუსეთის ხელმწიფე ივერიის ქვეყნის, ქართველთა მეფეების, ყაბარდოელთა მიწა-წყლისა და ჩერქეზთა და სხვა მთიელ თავადთა ხელმწიფედ,“ რაზედაც თავადმა ზასეკინმა სიამით უპასუხა გოდუნოვის განაწესისამებრ: „ის სახელმწიფონი ჩვენს ხელმწიფეს ახლა შეუერთდნენ: ქართველ მეფენი შევერომნენ მის ხელმწიფებას, წინათ კი თურქეთისანნი იყვნენ... ხოლო ყაბარდოელი თავადნი დიდი ხნიდანე...“

რუსეთის ელჩებს ფიქრადაც კი არ მოსდიოდათ ის შინაგანი გააფთრება, რამაც შაჰ აბაზი მოიციო ამ ამბის შეტყობისას. შაჰის თავაზიანმა ღიმილმა დაჰფარა გადაწყვეტილება ახალ-ახალი სისხლისღვრის შესახებ იმისი გამო, რომ ქართველთა სამეფოებს სურდათ თავი დაეღწიათ ერანის ვასალური დამოკიდებულებისათვის.

მრისხანე შაჰის თვალი ამ წუთს ბორის გოდუნოვისა და მისი ძის თევდორეს ნაძღვნევს დასცქეროდა: „მაქმანით მორთული ქერთუკებს, სონლულებს, სიასამურებს, შავ მელიებს, თევზის ძვლებს, ჯავშნებს, სამოპალს, გერმანულ ფალიან თოფებს, სარეკიან საათებს, დათვსმარეკს, ორ მწვევარსა და ორ მედელური ჯიშის, ძალს, ორას ვედრო ყაზანურ არაყს, ორ საღვინე კასრს მიღებით, სახურავითა და თუნგებითურთ“.

დააყოლა რა საამო მოგონებათ ცივი შარბათი, დიაკმა ივანე შარაპოვმა საკინძე გაიხსნა, ოფლიანი შუბლი კრელი ხელსასოციტ მოიწმინდა, ბატის ფრთის კალამს წვერი წაუმახვილა, დაჯდა და ბორის გოდუნოვისადმი გასაგზავნ ეპისტოლეს დამთავრებას მიჰყო ხელი.

...და როცა თავადი შაჰის პალატაში შევიდა, შაჰთან იყვნენ ძე მისი სეიფი-მირზა და იურგენის მეფის აზიმის ძმისწული და სხვანი მახლობელნი... ფერგათ-ხანი შაჰის სხვა მახლობელნი კი არ იყვნენ: საომრად იყვნენ გაგზავნილნი არაბეთის შავ ქვეყნებში... თავადი რომ შაჰის სასახლიდან ბრუნდებოდა, ეზოში დაჰყავდათ თხუთმეტობოდე არგამაკი, მორთულნი საძაგრავებითა, და გვითხრეს, ეს არგამაკები შაჰს გამოუგზავნა მაზდრონის ხელმწიფემაო, ხოლო მაზდრონის ქვეყანა შაჰის ქვეშევრდომია... ხოლო სერი იყო მთელს გარემო-ეზოში, კედლებზე სანთლები იყო ანთებული, და

ლერწმები შუშხუნა წამლითა, ნავითა და გოგირდითა; ხოლო შუა ეზოში სპილენძის მილებში აუქიდეს შუშხუნა წამალს; ხოლო შაჰისა და მის მახლობელთა სუფრაზე მიჰქონდათ მწვანილი, სასმელს კი შარაფები არიგებდნენ... და შუა ლხინში შაჰმა დალია ხელმწიფის სადღეგრძელო და თასი თავადსაც მიაწოდა... მარტის ოთხს უბრძანა შაჰმა თავადს სასეიროდ მეწვიეო... ხოლო მიიდანზე რომ მოვიდა, ჩამოხტა არგამაკიდან, ვიდრე თავის ადგილამდე მოვიდოდა; როცა რიგებში მოვიდა, რიგებში დაიარებოდა და საქონელს ათვალეირებდა, ხოლო ყველა დუქნის კედლებზე და ქერზე გაქრულია ჩინური აბრეშუმის და ქსოვილი მეწამული და საქონელი დაკიდებულია კედლებზე და თაროებზედაც აწყვიდა; მრავალი სანთელი და ქრაქი ანთია დუქნებში და საქონელთან... და შაჰი დაჯდა რიგებში და უბრძანა, დაუკართ ზურნა და დაფი, იმღერეთ და იცეკვეთო. სროლის შემდეგ შაჰი ბალში წავიდა და თავადს უბრძანა ნახე პალატები და წყალი, რომელიც ზემო პალატებშია აყვანილიო... და შაჰმა აქ, ბალში სკამა მწვანილი, ალუბალი და ნესვი და თაფლიანი საზამთრო, და თავადსაც მოართვეს. შაჰმა თავადს უჩვენა ყვითელი იაგუნდი, წონა მისი იყო ასი მისხალი, რახტი მოკედლილი ოქროითა და დიდად ძვირფასი თვლებითა, იაგუნდითა, ლალითა და ფირუზებითა; და სთქვა შაჰმა, ეს რახტი თემირაქსა კოვისეულიაო, გვიჩვენა ჩაჩქნები და ქუდები და სარკენი ფოლადისანი, მოოქროვილნი; და ჯავშანი, ხოლო გვეუბნებოდა: ამას ჩვენს სახელმწიფოში აკეთებენ, ვარნა კარგი და საუკეთესო ინდოეთის სახელმწიფოდან გამოდის, ხოლო კარგი ჯავშანი—ჩერკასიდანაო. უძღვნა თავადსა სარკე და თვალი სარდიონი, ოქროში ჩასხმული, და ხატი ღვთისმშობლისა ოქროსი, და სთქვა, ეს ხატი ჩემმა მხატვრებმა გადმოიღეს ფრანგული ხატიდან, ხოლო ფრანგული ხატი გურამიზიდან გამომიგზავნესო...“

შაჰ აბაზი რომ რუსეთის საელჩოს პატივსაცემად მიღებასა და ლხინს მართავდა, თავს რომ იქებდა სპარსეთის სასახლის სიმდიდრით—ომისა და მშვიდობიანი დროის ნადავლით, ძვირფას საჩუქრებს რომ იღებდა და იძლეოდა, იგი ანგარიშს უწევდა ბორის გოდუნოვთან კავშირის შეკერის სარგებლიანობას, ითვალისწინებდა აგრეთვე, რომ იმხანად შეუძლებელი იყო საქართველოზე გალაშქრება ცეცხლითა და მახვილით (რაც რამდენიმე წლის შემდეგ განახორციელა). ამიტომაც არ დააყოვნა და ქართლში საიმედო საელჩო გაჰგზავნა...

— აი ბალამ... ბა... ლააა...მ...—გაისმოდა ყვირილი მტერის კორიანტელში.

მზე ძალზე აცხუნებდა. ისპაჰანის გზაზე გაქიმული მდიდრული ქარავნის თავში, სანაქებო ამაღლის, ცხენოსანი სარბაზებისა და მრავ-

ვალრიცხოვან მსახურთა წინ მიდიოდა ოქროსფერ ცხენებზე მჯდარი ორი ხანი.

— აღირსე ჩემს ყურს, კეთილშობილო ყორჩი-ხან, შენი ბრძნული სიტყვები, ვინაიდან ნათქვამია: სიბრძნე საუკეთესო ფარია საშიში მგზავრობისასო.

— ძლევამოსილმა ერებ-ხანმა თავი რად უნდა დაიმძიმოს სხვისი სიბრძნის ფართა.

— მაგრამ არსად არ არის ნათქვამი შუთირ-ბაადის, ალი-ბაინდურის ცნობათა სისწორის შესახებ. რად უნდა მოსკოვის მეფეს ქართლელი გიორგის ასული? იქნებ ტფილისში უკვე დგას ჩრდილოეთის ჯარი, ჩვენ კი უმეცრად მივდივართ მეგობრული წინადადებებით.

— დიდებულ შაჰ აბაზს არ უყვარს, როცა მის კეთილშობილურ ყურს ცრუ ცნობებით სტენიან; ასეთ შემთხვევაში ერანის ლომი მთელი თავით ამოკლებს ხოლმე გაუფროთხილებელს, ვინაიდან ნათქვამია: „ვისაც მხისა და მთვარის გარჩევა არ შეუძლია, იგი ზედმეტი ტვირთით ნურც თავის მხრებს, დაამძიმებსო,“ ან იქნებ მამაც ერებ-ხანს სხვა მიზეზიც აქვს შეშფოთებისა?

ერებ-ხანი ყურადღებით დააკვირდა მარჯვენა ხელის ინიონალებ ფრჩხილებს, ასალი გიისწორა და მტკიცედ განაცხადა: ახლანდელს პირობებში სპარსეთის ელჩობის წარმატება საქართველოში ძალზე საეჭვოაო.

— ვინაიდან ნათქვამია, — დაურთო ხანმა, სახედარი ნუ გწადია, როცა ცხენს გთავაზობენო.

ყორჩი-ხანმა მიუგო, სასიამოვნოა გონებამახვილ ერებ-ხანთან მოგზაურობაო, და ურჩია: მიეწოდოთ ალაჰსა და ქართლელთა სიბეცეს — ისინი ვერ მისწვდებიან უძლეველი შაჰ აბაზის გონიერულ გეგმებსო.

— ხშირად ფენტხიც გავად გავა... თუმცა რა ღირსნი ვართ ჩვენი მპრძანებლის აზრები შევამოწმოთ.

ერებ-ხანმა გამომცდელი თვალი მიაპყრო ფროთხილ მობაასეს.

— იყავ თავაზიანი, ღრმად პატივცემულო ყორჩი-ხანო, შენი ბრძნული სიტყვა მამედვინებს გთხოვო: განვაგრძოთ საამო საუბარი. ამიხსენი: შუბზე წამოაგებენ ჩვენს თავს, თუ ისპაჰანის საამოდ ქუჩაში გადააგდებენ?

— ნუ სწუხნარ, უკეთილშობილესო ერებ-ხანო, უკეთუ ქართლის მეფის უარით დავბრუნდით, მეონია, შუბზე წამოაგებენ.

— თავის შოიმედედ ნუ ჩასთვლი შაჰის მრჩეველს, მაგრამ, ვფიცავ ნეჯფეს, თავს ურჩევნია ალაჰის მიერ განკუთვნილ ადგილას დარჩეს. განსაკუთრებით ყორჩი-ხანის ქებული კისრისთვის იქნება არასასიამოვნო მოაკლდეს დიდებული კაზმულობა.

— უზრდელად ნუ ჩასთვლი შაჰ-ინ-შაჰის მრჩეველს. ვფიცავ ქერბელას, მრჩეველს რომ არჩევანი არგუნონ, იგი მყისვე გაიზიარებდა ერებ-ხანის ბრძნულ აზრებს, მაგრამ ყოველი მართლმორწმუნის ბედი

მისსავე კისერზე ჰკიდია. ხოლო, უკეთუ შაპ-ინ-შაჰს არა ნებავეს თავი ერთგული ყორჩი-ხანისა, მით უმეტეს ჩემთვის აღარ არის იგი საკირო.

— ვინ იქნება ისეთი თავხედი, რომ სულგრძელ ყორჩი-ხანს არ დაეთანხმოს? ვფიცავ მაჰმადის წვერსა, არ გავალიზიანო მზიური თვალი შაპ-ინ-შაჰისა და, თუ მეფე გიორგი უარს იტყვის, შაპ აბაზს ქალს არ მივცემო, ჩემს დამწუხრებულ თავს ერანის ფარგალს გარეთ გავგზავნი. ვინაიდან ნათქვამია: იქ ნუ დადგები, სადაც უთუოდ წაიქცევიო.

— ხომ არ ნებავეს წარჩინებულ ხანს, რომ იმ უნებურ მოგზაურობაში გამყოლად იყოლიოს მორჩილი ყორჩი-ხანი?

— არსად არ არის ნათქვამი—წმინდა ადგილები მარტომ მოინახულეო და, ალბათ, წარჩინებულთა შორის წარჩინებულმა უწყის, რომ მექა საუკეთესო მუზარადია თავისთვის.

— იქნებ მამაცი ერებ-ხანი შიშობდეს, რომ ერანის მრისხანე მბრძანებელი შეიტყობს ასეთ წინადადებას?

— ვფიცავ, არა, ხანთა შორის შორსმკერეტელო ხანო... ერანის სამართლიანი მბრძანებელი ასეთ შემთხვევაში თავსა ჰკვეთს იმასაც, ვინც ლაპარაკობს და იმასაც ვინც უსმენს... ვინაიდან ნათქვამია: მეზობელს ნებას ნუ მისცემ, ყანა ცუდი თესლით წავიხდინოსო...

ყორჩი-ხანმა იუჟია: „ერებ-ხანი მართალია, შაჰს 'შენი თავის მოსაკვეთი ხმალი არ უნდა მიაწოდო!

და უეცრად გადასწყვიტა ქარავანი დაეთვალერებინა, ცხენი მიაბრუნა და აქლემებისკენ გაემართა.

„ვფიცავ ალაჰს,—ჰფიქრობდა იგი,—ერებ-ხან განთქმულია კეთილ-შობილებათა და უშიშრობით, მაგრამ როცა თავი გერყევა, საკუთარი თავის იმედი ამაოა. და უმჯობესია აქლემმა დაგდუჟოს, ვიდრე გულადი ხანის ყბაში ჩავარდე.“

ერებ-ხანმა დამცინელი თვალი გააყოლა გაქცეულ მოსაუბრეს. იგი სიამით ჰფიქრობდა: უკეთუ ასეთი წარჩინებული ხანი ვერ ჰბედავს ქართველთა უარით დაბრუნდეს შაჰთან, მაშინ მეც არა მაქვს რა ასაჩქარებელი. ვინაიდან ნათქვამია: „უსარგებლო სიმამაცე ბრძნთა აცინებს, ხოლო სულელებს ახარებს.“

თავი ოცდამესამე

სანამ სპარსული საამო ბაასით გართულნი ყორჩი-ხანი და ერებ-ხანი ყარადალს გადაივლიდნენ, სანამ ტფილისს მიახლოებულნი გიორგი და დათო გამოსძებნიდნენ საშუალებას თუ მკირე საღსრით როგორ შეეძინათ რაც შეიძლება მეტი საჭურველი ნოსტელ ახალგაზრდა აზნაურთა ლაშქრისათვის, ამასობაში მეტეხი განუწყვეტლად

ლხინობდა. სიონის ზართა რეკით აცილებდნენ ახალდაქორწილებულთ გულშარისა და ამირინდოს, მარიამ ბარათაშვილის ასულსა და ჟმკროს ამილახვარს. ნეფე-დედოფალთა პატივისაცემად ლხინს ასპარეზობა მოსდევდა, ასპარეზობას კი—ნადირობა.

შადიმანის, ამილახვრისა და ბაგრატის გაერთიანებამ უფროც დააარწმუნა ბააკა, რომ ილარიონ ორბელიანი ამ სამი თავადის მოკლული უნდა ყოფილიყო, რათა თავიდან მოეშორებინათ თურქეთთან გაბმული ინტრიგების საშიშარი მოწმე. და ბააკამ გადასწყვიტა ფრთხილად შეემზადებინა მეფე, რომ შადიმანი სასახლიდან განეგდოთ. ხერხეულიძე, რა თქმა უნდა, ნამდვილ მიზეზს არ ამხელდა, და სწოხდა, რომ ლუარსაბი ძალზე გატაცებულია ნადირობით, რასაც შადიმანი გამალებით უნერგავსო.

— თავგადაკლული მონადირე კუდი მმართველია, — დაუღალავედ იმეორებდა ბააკა, — და ურიგო არ იქნება გავისხენოთ, რომ ერთხელ, როცა გიორგი მეექვსე ხობებზე ნადირობიდან დაბრუნდა, თავის ტახტზე მიმტაცებელი დახვდა.

მეფე ხედებოდა იმ უფრო მნიშვნელოვან მიზეზს, რაც ფრთხილ ბააკას აიძულებდა სხვა საქმიანობა ენატრნა ლუარსაბისათვის. გულში თვით გიორგი X არ ენდობოდა შადიმანს, მაგრამ რაკი იცოდა, მემკვიდრეს ძლიერ უყვარს თავისი აღმზრდელიო, გადასწყვიტა მისი თავმოყვარეობა მოეშველებინა, სახელმწიფო საქმეებით თანდათან დაეინტერესებინა ლუარსაბი და, ამრიგად, შადიმანის განშორება ბუნებრივი გაეხადნა.

ლუარსაბის მკვირცხლი გონება სწრაფად ერკვეოდა რთულ საქმეებში და ამიტომ ის სავსებით გაიტაცა ახალმა გასართობმა.

შეწვთოთებული შადიმანი ზედავედა, როგორ სუსტდებოდა მისი გავლენა ლუარსაბზე, და უკვე მოისაზრა შემდგომი ღონისძიებანი, მაგრამ ერანის საელჩოს მოულოდნელმა მოსვლამ სულ დაფუშა ბააკას გეგმა.

და კვლავ გამოცოცხლდა ნარინჯისფერი ფრინველებით მოხატული დარბაზი. და სადღესასწაულოდ მორთული თავადობა და სამღვდელოება კვლავ შემოეჯარა ბაგრატოვანთა ტახტს, რომელზედაც გიორგი X იჯდა. მეფის ქულაჯაზე ბალთის მაგიერ დამცნეული იყო ერანული ოქროს ლომი, რომელსაც შაჰ აბაზის ელჩებისადმი მიეპყრო თავისი ბრილიანტის თვალი.

გიორგი X რომ სპარსელ ელჩთაგან უხე ძღვენს იღებდა, შემოთებდას ძლივს მალავდა, გარნა ლუარსაბი, რომელიც გვერდს ეჯდა მამასა და ღიმილით ისმენდა ელჩთა ლიქნიანობას, სიამაყის გრძნობით ივსებოდა.

„...გული და თვალი მრისხანე შაჰ აბაზისა მუდამ ღიაა ქართლის მეფისთვის, და ძლევამოსილ შაჰ-ინ-შაჰს მოწყალედ სწადია ურღვევი კავშირით განამტკიცოს მეგობრობა მეფეთა-მეფეთას... ვინა-

იდან ნათქვამია: „მეგობრობა გრწამდეს, გარნა სწინდარზე უარს ნუ იტყვიო“.

გიორგი მეფემ ყორჩიხანს გამოართვა უსტარი შაჰ აბაზისა, ზედ ბექედს ეამბორა და ძვირფასი იერლაცი შადიმანს გადასცა წასაკითხავად.

„დიდებულო ძმავ ჩემო, მეფე ქართლისა, ძეო სვიმონ პირველისა, სულითა და გულით გიგზავნი სამაგიერო ძღვენს, რაიცა წარვუღე უღირსთა თურქთა, რომელთა ომში არა იციან პატიოსნება, ხოლო მშვიდობაში ვერაგნი არიან. მტერთა სარისხავად ფიცით ვამტკიცებ შენთან კავშირსა და შენკანაც ველი საამისო საბუთს. აღასრულე ნატვრა ჩემი და სამარადისო იყოს მეგობრობა უძლეველი შაჰ აბაზისა და მეფის გიორგისა.“

ო, მუჰამედ! ო, აალი!

შაჰ აბაზი, მონა რვისა და ოთხისა“¹

შადიმანმა ზემით გადასცა წერილი საგინაშვილსა და ბარტომეაც. ღინჯად ჩაუშვა იგი ჩუქურთმიან ყუთში.

გიორგი მეფემ გაიხარა შაჰ-ინ-შაჰის კარგად ყოფნითა და კეთილდღეობით, აღფრთოვანდა ერანის ლომის დიდი გონიერებითა და გულკეთილობით, დაარწმუნა წარჩინებული ხანები, მხადა ვარ ყოველგვარი საბუთი მივცე დიდებულ მოკავშირესო, ხოლო გულში შეშფოთებით ჰფიქრობდა: „რა განუზრახავს სისხლის მსმელ სპარსელს ჩემს წინააღმდეგ? ხომ არა შეუტყვია რა ჩემი მეთანხმებისა რუსეთის ელჩებთან?“

— მეფეთ-მეფეო, ღირსი გავგზადე შენის ყურადღებისა! შაჰ-ინ-შაჰის მიერ ნოთხოვნილი საბუთი პატივისა სდებს მასაც და შენკადიდებულნი მეფენი მეგობრობას ოდიფანვე განამტკიცებენ ხოლმე ქორწინების კავშირითა...

— სახელითა ღვთისათა! ვინ გაბედავს უგულვებელჰყოს ესოდენ დიდი პატივი!.. გარნა გული ჩემი ასული თინათინ, და თვალის ჩინი ჩემი, ბატონიშვილი ლუარსაბ უასაკონი არიან, ხოლო ასულნი დიდებულნი შაჰ აბაზისა, მალალმა ღმერთმა დღევგრძელ ჰყოს იგი, ქორწინებისათვის ჯერედ არ მოწიფულან, — წარმოსთქვა გიორგი X და მეტის შეშფოთებით გაიფიქრა: „განა უგუნურება არ იყო, რომ რუსთა საელჩოს ნება დავრთე ქართლში მოსვლისა?..“

— დიდებულთა შორის დიდებულნი შაჰ აბაზისთვის ჯერ ადრეა ზრუნვა თავის ასულთა გათხოვებისთვის. ერანის ლომი თვით სთხოვცოლად ქართლის მეფეს უფლისწულს თინათინს...

ერებ-ხანმა შეშფოთებით გადაჰხედა ღრმა ღუმლით მოცულ ქართველ თავადებს.

¹ „მონა რვისა და ოთხისა“ — ასე აწერდა ხელს შაჰ აბაზი, აალის შთამომავალ თორმეტ იმამთა პატივისცემის ნიშნად.

გიორგი მეფეს სისხლი თავში აეკრა. უნებურად ხელი ხმლის ვადას დაიდო.

შადიმანმა მყის გაითვალისწინა უადგილო წყრომის შედეგი, ამიტომ სასახლის წესი დაარღვია და სწრაფად წარმოსთქვა:

— მეფეო, ზარმა უკვე სამჯერ დარეკა. იქნებ ინებოთ ბაასის შეწყვეტა, რათა მოვასვენოთ და დავაპუროთ ელჩნი, მრისხანეთა შორის უმრისხანესი შაჰ აბაზისა, ვინაიდან ნათქვამია: „სტუმარი ჯერ განაძღე, ხოლო შემდეგ ბაასით დაატკბეო.“

გიორგი მეფემ მადლობის თვალი შეავლო შადიმანს, რომელმაც თავიდან ააშორა საშიში აფეთქება, რაც ქართლს სისხლისღერას უქადოდა.

გონს რომ მოვიდა, მადლობა გადაუხადა დიდი პატივისათვის, რაც ძღვევამოსილმა შაჰმა დასდო, მაგრამ ამასთანავე სინანულიც გამოსთქვა: თინათინი დიდი ღვთის მოსაყვია და მონაზუნად აღკვეთას აპირებდნო.

ყოჩი-ხანმა მარცხენა ლოყაზე ლურჯი ნაიარავეები მოისინჯა და ნელა წარმოსთქვა:

— ეგ სურვილი შაჰ აბაზმა უკვე უწყის, ვინაიდან მოსკოვის მეფე თავის ელჩთა პირით ერთ-ერთ მონასტერს სთავაზობდა ქართლის მეფის ასულს.

თავადებმა შეშფოთებით გახედეს ერთმანეთს. მეფეს შიშის კანკალი აუტყდა, ასე ეგონა, ტახტმა ქამანდივით წამოიჭირა ყელშიო, ნერწყვი ძლივს გადაყლაპა და წაიხიხინა:

— რუსეთის მეფის ელჩნი უფრო მნიშვნელოვანი საქმისთვის იყვნენ მოსულნი, მაგრამ, შაჰ აბაზისადმი ერთგულების გამო, ჩვენ პირდაპირი პასუხის გაცემას მოვერიდებით.

ერებ-ხანმა აღუთქვა: ამ სასიამოვნო ამბავს შაჰ აბაზს შევატყობინებო; იგი ირწმუნებოდა: საუცხოო ჰარამხანა და ერანელ სეფეკალთა ბრწყინვალე საზოგადოება უფრო მეტ სიხარულს მიანიჭებს თინათინს, ვიდრე პირქუში მონასტერიო. შაჰი სპარსული ფუფუნებით გარემოიკავს მას, განთქმულ ბრძენთა ხელმძღვანელობით მეფის ასული აღმოსავლეთის მაღალ მოძღვრებათ ეზიარება და შემდეგ ძღვევამოსილი შაჰ აბაზის მეუღლე გახდებაო.

გიორგი X, რომელიც ძლივს იკავებდა შიშსა და რისხვას, საუბარი სახვალოდ გადასდო და საყვარელ სტუმრებს წინადადება მისცა, დრო ქამა-სმასა და მოსვენებაში გაატარეთო.

— მესტუმრეთუხუცესი იზრუნებს ყოველგვარი სურვილის შესრულებასათვის, — დაურთო გიორგი მეფემ და იქნებ ამით ჰოიგოს კეთილშობილ ხანთა გული, რათა ისინი ხშირად ესტუმრებოდნენ ქართლის მეფეს.

მაგრამ ელჩებმა ძლივს მოასწრეს მადლობის გადახდა გულითადი მიღებისათვის და დარბაზიდან გასვლა, რომ ერთაბაშად იფეთ-

ქა აღშფოთებამ: განა ჰარამხანა ქრისტიანი ქალისათვის უდიდესი განსაცდელი არ არის? განა ქართველი მეფის ასული შეეგუება ისეთ ქმარს, რომელსაც ცოლი ასობით ჰყავს? თავადნი ომით გასცემენ პასუხს გარყენილი სპარსელის ამ დამამცირებელ მოთხოვნას!

— შაჰ აბაზის სურვილი ოჯახური საქმე არ არის,— გრვეინავდა გიორგი X,— სისხლის მსჩელი შაჰი ქართლს ეპარება.

— ნებას არ მივცემთ! საჭიროა ერთბაშად მოელოს ბოლო ვერა-გულ განზრახვას,— ცხარობდა მირვან და ხმლის ვადას ხელს უკერ-და.— დე იომონ ჩვენთან, დეე კავშირი შეჰკრან, ხოლო ჩვენს ქალებს კი ხელს ნუ ახლებენ.

— და მერმე განა საქმე ქალებია? — შენიშნა ტფილელმა.— იქნებ ცბიერ სპარსელს სურს ქართლთან დაახლოებით კვლავ დაამციროს ჩვენი ეკლესია?

ბაგრატი განგებისი აღშფოთებით წამოიქრა:

— კავშირი დაედოთ, სტამბოლი მოწადინებულია ამას... ეხლა ბევრი რამ შეგვიძლია მივიღოთ, თურქებს კვლავ ომი აქვთ ერან-თან. ოსმალებისთვის ხელსაყრელია ქართლი თავის მზარეზე იყოლი-ონ... რისთვისღა უნდა მისცეთ მეფის ასული თინათინ?

— მე მგონია, შაჰი ამას არ დასჯერდება,— ნაღელიანად წარ-მოსთქვა ზაზა ციციშვილმა,— მაგრამ თურქეთის ნახევარმთავარეს ნაკ-ლებ ბასრი ბრკეალები როდი აქვს, ვიდრე ერანის ლომს.

— მე სულ სხვა რამეს ვფიქრობ: ვინ ოხერმა აცნობა შაჰს რუს-თა მეფის მაკანკლობის შესახებ? — და ნუგზარმა მუქარით ააჩხარუნა ხპალი.

და უეცრად თავადებმა იქვენეულად გადახედეს ერთი-მეორეს და გულში შეშურდათ იმ შორსმკვერტელი პოლიტიკოსისა, რომელ-საც შაჰ აბაზის უხვი ჯილდო მოელოდა.

— ერთი გაბედოს ქართლში შემოქრა, მე პირველი შევებმები, დას კი არ მივცემ,— ჰყვიროდა აღშფოთებისაგან მთლად აცახცახე-ბული ლუარსაბი,— ქალის დაცვა რაინდის პატიოსნების საქმეა.

თავადნი განგებ გადაჭარბებული აღფრთოვანებით იწონებდნენ ლუარსაბის რაინდობას. გიორგი მეფეს გული აუშგერდა სიხარული-თა და სიამაყით: ლუარსაბი პირველად გამოსთქვამდა თავის აზრსა, და რა კეთილშობილება გამოსქვივოდა მის მგრძნობიერ სიტყვებში.

ბაგრატმა სქელი უღვაშები გადაიგრიხა და დინჯად წარმოს-თქვა:

— ბედნიერი ვარ, რომ ჩემი გულშარი გათხოვილია... ჰარამხა-ნაში ყოფნას მის სიკვდილს ვაჯობინებდი...

— შენ რაღას იტყვი, შადიმან? — ჰკითხა გიორგი მეფემ. თავა-დებმა ერთმანეთს გადაჰხედეს..

— ჩვენ შორის ვინ არ დაღვრის სისხლს მეფისა, ქართლისა და ქართველი ქალისთვის? მაგრამ გონებას ნუ დავკარგავთ, ბატონებო,

გავითვალისწინოთ რა მოჰკვება ჩვენს უარს. განა შეიძლება ვიმედოვნებდეთ, რომ მრისხანე დამპყრობი ბალდადისა უწყინარად აიტანს შეურაცხყოფას? ურიგო არ იქნება გავიხსენოთ რა დაუჯდა საქართველოს რუსუდან დედოფლის უარი ჯგალალ-ედინის ცოლობაზე. გავიხსენოთ აგრეთვე რა დღე და:ყენა შაჰ აბაზმა ბაბილონსა და როგორ გადაუხადა შეურაცხყოფელს -- ბექირქელი-ბაშს. აბა ვინ ინატრებს გახვეულ იქნას ხარის ტყავში, მსგავსად იმ ბაშისა, რომელიც თეშმარაზე დასდეს და კურატივით ასუქებდნენ? ვის არ სმენია აუტენელი ტანჯვანი განუსჯელი ბექირქელისა, რომელიც მთელი ორი თვე იყო ამ ყოფაში, ვიდრე ბედმა არ არგუნა მსხნელი ქვა, რაზედაც თავი ახალა და დაიჩიქა... ვინ არ იცის, როგორ დასქედა შაჰ აბაზმა დამარცხებული უზბეკეთის ხანი? ვინ არ უწყის იმ ბედკრულთა ამბავი, ვინც ცხვრებივით ჩანგლებზე იქნენ ჩამოკიდებულნი? და განა მთელი ქვეყნის სალაპარაკოდ არ არის ქცეული შაჰ აბაზის მიერ დაპყრობილი ქალაქებისა და სოფლების განადგურება და გადაწვა, ამოჟლეტა და დამონება? განა აშეამად მზადა ვართ ერანის უძლეველ მბრძანებელთან საომრად?.. რასაკვირველია. კავთა კარგი თავშესაფარია, მეფის ოჯახი მუდამ უსაშიშროებაშია... მაგრამ მაჰმადიანთა მიერ გაჩაღებული ხანძრის შემდგომ ქართველ მეფეებს დამშვიდებით როდი უმეფნიათ...

თავადნი არ განძრეულან. გიორგი მეფე წამოიწია/

— რას გვირჩევ, შადიმან?

— განა გავკადნიერდე და ურჩიო მეფეს? შენ არა ერთგვის გამოგვიჩენია მამაცობა და სიბრძნე, მგონია, აშეამადაც მოახერხებ საკადრისი პასუხი გასცე შაჰს...

ამირინდომ და ბაგრატიმა უღვაშებში ჩაიციენეს.

— მინდა მხოლოდ გამოვთქვა მცირე რამ მოსახრება...— განაგრძობდა შადიმანი.— უნდა გვახსოვდეს: თურქეთი არ გვაპატიებს თავის უკანასკნელ სამარცხვინო დამარცხებას. მერმე შეგელა სად არის? კახეთი ჯერ კიდევ ვერ გამართულა წელში, ყაზახთა თარეშისაგან. ოღაშსა და გურიას შინაგანი უთანხმოება სწეწავს და არა მგონია, რომ ისინი ერანს წინააღმდეგენ... აფხაზეთი? მთავარმა შარვაშიძემ უარი გვითხრა მოლაღატე ორბელიანის გაცემაზე და, მგონია, დახმარებაზედაც უარს გვეტყვის. რუსეთი? შორს არის: ექვს თვეს უნდა იქნისო ხმალი, სანამ დაკვრას მოახერხებდეს... შაჰი კი არ დაელოდება. იმერეთილა დარჩა, მაგრამ თუნდაც მასთან ერთად შეგვიძლია განა გაუმკლავდეთ მძლავრ ერანს? ბრწყინვალე ბაგრატი თურქეთის კავშირს გვირჩევს, ამაზე შეიძლება ვითქროთ, ხოლო არა ახლა, როცა ქართლში იმყოფება ერანის მრისხანე მბრძანებლის საელჩო... ეხლა, ვოქვათ, ჩემო ხელმწიფევ, დასთანხმდი შაჰის წინადადებას... ნუთუ იგი მართლაც ასე ძლიერ სავალალოა? მეფის ასული თინა-

თინ სილამაზისა და ჰკუის მეოხებით შაჰის საყვარელი შეუღლე იქნება. იღუმალი ხელით წარმართული თინათინ ქართლის აყვავებას შეუწყობს ხელს... ბედნიერი იქნება თუ არა თვით იგი? მარგალიტსა და აბრეშუმში ჩამჯდარი, მხიარული, წარჩინებული სპარსელი ქალებით გარშემოხვეული, სიმღერასა და ცეკვაში გართული, მოქლორტულე შადრევანთა შორის განა შეიძლება ნაღვლიანი იქნეს?

— შადიმან, შენ გავიწყდება ბოქლომი, სპარსული სამოთხის კარს რომ ჰკიდია, — მკვეთრად გააწყვეტინა ნუგზარმა.

— არა, არ მავიწყდება, მაგრამ... — შადიმანმა თვალი მოკჳტა, — უმჯობესია ბოქლომი იცავდეს ლამაზთა კარს, ვიდრე დილეგი, სადაც წაგებული ომის შემდეგ შეიძლება მოხედეს ზოგიერთი ქართველი თავადი.

თავადთა უმრავლესობას უკვე აღარავითარი ექვი არა ჰქონდა ომის შესახებ თუ ვინ გაუმჟღავნა შაჰს ქართლის გეგმა.

უხერხული სიჩუმე ჩამოვარდა... და მართლაც, რად უნდა ჩავერიოთ ასეთ საქმეში? ერთიც ვნახოთ, შაჰმა გაიგო, ვინ იყო მისი წინააღმდეგი... და თვითელი მათგანი უკვე ხედავდა ერანის ლომის მრისხანების შედეგს: ციხე-კოშკების ნანგრევებსა და კვამლში გახვეულ ბალებსა და ვენახებს. და უკვე აღარავის აწუხებდა თინათინისა და თვით გიორგი X ბედი.

შადიმანი დაეინებით ჩასტკეროდა თვალებში თავადებს. იგი უკვე აღარ ექვობდა, რომ გაიმარჯვა მისმა გონიერულმა წინადადებამ.

გიორგი მეფე მიხვდა შადიმანის საზრიანობასა და თავადთა სულიერ განწყობილებას. მან ნაღვლიანად ჩაჰკიდა თავი.

— მე მგონია, დიდებულო მეფეო, — წყნარად სთქვა შადიმანმა, — დადგა მოხერხებული ჟამი, რომ ბევრს დიდი ხნით დავუკარგოთ ხალხის ჩვენი სტუმრობისა. შაჰი საზღვარზე გამოგზავნის გაძლიერებულ საფარ ჯარს. ჩვენ გვაქვს შესაფერისი ციხე, იგი ამჟამად ცალიერია. გარდა ამისა, კარგა ხანია მოგწონს მდიდარი კუთხე ლორე, — იგი ოდესღაც საქართველოს ეკუთვნოდა... შაჰი იძულებული იქნება დაუბრუნოს ქართლს მისი სამფლობელონი. ამას წინათ შაჰ აბაზმა არაბეთიდან მოიტანა აუარებელი ნადავლი, — ასი ზანდუკი მარტო ოქროს ჰურტელელობით აღსავსე, მეტეხის სასახლეს კი სწორედ საში ზანდუკი ჰურტელი აკლია. ჩვენ გვესაძიროება აგრეთვე ფული უცხოელებთან ვაჭრობის გასაძლიერებლად და შაჰის მტრებთან საომრად, — ხუთი ათასი მოლაშქრის სრული აღკუთრულობა... მე მგონია, ხალიჩებსა და სხვა ძვირფასეულობას სათვალავი არ ექნება, — შაჰ აბაზი არისტოკრატია და იცის რა ძღვენი უნდა გავგზავნოს სასძლოს მეფურ მშობლებს... დარწმუნებული ვარ, ელჩები რომ შენგან პასუხს წაიღებენ, შაჰს გაახარებენ და, როცა ისინი მეორედ გვეწვევიან შაჰის მიერ ხელმოწერილი იერლაციით ლორეს დაბრუ-

ნების შესახებ და აგრეთვე იმ ძღვნით, რაც შენ მიერ იქნება გაპირობებული, მეფის ასული თანათინ უკვე მზად იქნება გასაჩუქებ-რებლად... უფრო ადრე ვერ მოვასწრებთ... საჭიროა მოვაშალოთ მორთულობა, შევარჩიოთ ამაღა მეფის ასულისათვის ერანში ყოფ-ნისას... დიად, ადრე ვერას გზით ვერ მოვასწრებთ... არც გოჯუნო-ვი უნდა დავივიწყოთ, მაგრამ, სანამ რუშეთის ელჩები მეორედ მო-ვიდოდნენ, მეფის ასული გაიზრდება და სახითაც გაჰოციკლება... იურქეთზედაც, როგორც ბრწყინვალე ბაგრატი გვიჩვენებს, შეიძლება ვიფიქროთ, როცა შაჰ აბაზის დაუპატიჟებელი საელჩო წავა.

თავადნი აღფრთოვანებით უსმენდნენ შადიმანს. პირველმა ილა-პარაკა ბაგრატი, მის შემდეგ ყველა თავადი ცდილობდა მოეწონე-ბინა ბრძნული გეგმა. ლუარსაბი განრისხებული უცქერდა თავადებს. იგი ვერ ერკვეოდა რთულ პოლიტიკურ ვითარებაში და აღშფოთე-ბული იყო იმის გამო, თუ რა იოლად შესწირეს თავადებმა მსხვერპ-ლად პატარა თინათინი.

— მე რომ მეფე ვყოფილიყავი, — თვალების ბრიალითა და აღშ-ფოთებით წამოაძახა ლუარსაბმა, — მაშინ ვერაფერს გაბედავდა ასე სწრა-ფად შეეცვალა გადაწყვეტილება! ეთქვათ, თქვენ მართალნი ხართ, მაგრამ თქვენი სიმართლე მედიის სიმართლეა და არა ლომისა... და შენც, შადიმან!.. მე არა მსურს ვაწყენინო მეფეს და ამიტომ სჯობს წავიდე.

სულშეხეთული ლუარსაბი დარბაზიდან გავარდა. მას ძლიეს მიჰყვებოდნენ შეშინებულნი ქეშიკნი.

ნაცადი კარისკაცები უღვაშებში იციოდნენ: ყოველი მეფე პო-ლიტიკის მონაა, და ყრმა მეფის ძის გაცხარებას ანგარიშს არავინ გაუწევს; გაიზრდება — დამშვიდდებაო.

მხოლოდ ნუგზარი არ ამოვრებდა თვალს შადიმანს. ერისთავი მიუხვდა განზრახვას ცბიერ კარისკაცს, რომელიც ქარიშხალმა შემთ-ხვევით აიტაცა პოლიტიკის მწვერვალზე. მაგრამ თანაც გაითიქრა: ჩარხი მობრუნდაო, და რაკი სასაცილო მდგომარეობაში ჩაეაოდნა არა სურდა, დუმილი ირჩია.

გიორგი მეფე მიხვდა, თინათინის ბედი გადაწყვეტილიაო, აუცი-ლებლობამ სიმშვიდე დაუბრუნა და წელში გაიმართა ზვიად თავად-თა ნებისყოფის წინაშე.

— შადიმანი მართალია, მეფის ასული თინათინ ერანს გაემგზავ-რება.

— მეფის ასულის კარისკაცი, — საჩქაროდ დაურთო შადიმანმა, — მოახერხებენ ხშირად იარონ თბილისში ვითომ მარტო იმისათვის, რომ მშვენიერი თინათინის ამბავი შეატყობინონ მეფესა და დედო-ფალს, ნამდვილად კი იმისათვის, რომ საიდუმლო ცნობები მოიტა-ნონ ერანის მდგომარეობის შესახებ. რასაკვირველია, საამისო ხალხი ფრთხილად უნდა შევარჩიოთ...

— თავადნო, სიბრძნე მოითხოვს შემდგომი მოლაპარაკება ელჩებთან შადიმანს მივანდოთ: იგი კარვად იცნობს სპარსულ ზნე-ჩვეულებას.

ყველას როდი მოსწონებია საშიში მოწინააღმდეგის უეცარი ამალღება, მაგრამ, რაკი მეფის გუნების ამბავი იცოდნენ, წინააღმდეგობას ვეღარ ბედავდნენ.

სასახლე თითქოს ღრმა ძილს მოუტყავსო, მხოლოდ დედოფლის სადგომი მოგვაგონებდა გაღიზიანებულ სკას: შიკრიკნი ყოველ წუთს გარბი-გამორბოდნენ შადიმანსა, ბაკასა. ბარტომსა და ციხის უფროსთან. ვიორგი მეფე თავის სადგომში ჩაიკეტა და მთელი დღე არაეის უნახავს. შადიმანის გამარჯვების შემდეგ ბაკამ გადასწყვიტა გაიორკეცებინა სიფრთხილზე და შეძლებისამებრ მეფეს არ მოსჩვენებოდა.

ვიორგი სააკაძე და დათო ქავთარაძე მესაქურველე ამქრებს სწორედ უსტაბაშის არჩევნების დღეს ესტუმრნენ. კალოუზნის ტაძრის ახლოს მდებარე მოედანი გაქედილი იყო მოხუცი და ახალგაზრდა ამქრებით. შუაგულს ფრიალებდა მესაქურველე საამქროს დროშა, აბრაამის გამობატულებითურთ, რომელსაც ძარღვიან ხელში დანა ულაპლაპებდა. აღელვებული სახეები, გაცხარებული კამათი და ცალკეულ ჯგუფთა ჩომი ჩურჩული დიდ მნიშვნელობას ანიჭებდა არჩევნებს.

და თუმცა აღრევე იყო გადაწყვეტილი აერჩიათ ბაადურ გოგილაძე, როგორც ყველასგან პატივცემული, გამოცდილი ოსტატი, და, რაც მთავარია, ისეთი კაცი, რომელიც მოახერხებს მეფის სასახლის მცირე თუ დიდ მსახურებთან — მელიქებთან, ნაცვლებთან და ასახებთან საქმის დაჭერას, მაგრამ, სანამ მას განუსაზღვრელ უფლებას მინიჭებდნენ მთელი ხუთი წლით, ამქრებს სურდათ აურზაური, კამათი, თავიანთი სურვილის გამოთქმა.

ბოლოს, ჯგუფები გაერთიანდნენ.

ვიორგი და დათო, რომელნიც საპატიო ადგილს დასვეს, ინტერესით ადევნებდნენ თვალყურს არჩევნებს.

ხმის უმრავლესობით ზეიმით აირჩიეს ბაადურ გოგილაძე და, თუმცა მისი დამტკიცებმა უსტაბაშის საპატიო თანამდებობაზე წინასწარვე იყო გადაწყვეტილი, მაგრამ რატომღაც უეცრად ყველას გაუკვირდა, გაეხარდა და იწყეს მილოცვა, თავიანთი სურვილის გამოთქმა. შემდეგ შეუდგნენ მისი ორი თანამემწის: ივით ბაშისა (ძლიერი თავის) და ახსახკალის (თეთრი წვერისა) არჩევას.

მოედანზე, ქადრის ქვეშ მწერალმა ამქარმა შეადგინა ოქმი სამი ოსტატის არჩევის შესახებ. ყველა ამქარი რიგრიგობით მიდიოდა მწერალთან და ძალზე წამოწითლებული, ოქმზე აღნიშნავდა ჯვარს, ვარსკვლავს, რალაც რქისებურს, ხოლო ზოგიერთი სიამაყით ბლაჯნიდა თავის გვარს.

შემდეგ ოსტატნი და შეგირდნი ახალარჩეულ უსტაბაშთან მი-
ლიოდნენ, ულოცავენ და, ჩვეულებისამებრ, მორჩილების ნიშნად
სელზე ეამბორებოდნენ. მხოლოდ მოხუცი სამგზის გადაესვეოდნენ
ხოლმე არჩეულ უსტაბაშს, იგიობაშს და ახსახკალს.

გიორგი აკვირდებოდა მოხუც და ახალგაზრდა ამქართა სახეს
და თავისთვის მოულოდნელად რაღაც თბილი და უხილავი კავშირი
იგრძნო არამარტო შესაქურვლე ამქრებთან, არამედ სხვა საამქრო-
ებთანაც. ეს ხალხი ხომ ოსტატია სხვადასხვა ნაკეთობათა, რისი
მასალაც გლებთა შრომით მზადდება. ესენი გვაგრძნობინებენ ცხოვ-
რების სწორ გზას. გიორგის თვალში ისინი უეცრად მთელი ამქრე-
ნიური სიმდიდრის ბატონ-პატრონებად დაისახნენ.

სააკაძე დიდი ყურადღებით და ღრმა პატივისცემით ადევნებდა
თვალყურს ყოველივე იმას, რაც მოედანზე ხდებოდა. ბუნდოვანად
მორიალედ ფიქრები სულ უფრო გარკვეულ სახეს იღებდნენ. იგი მიხვ-
და, რომ წოდებათა ძალა ერთობაშია და სიამით გაიფიქრა:

„აზნაურთა კავშირი!“

და უკვე ნათლად ხედავდა თავისთავს მის მიერ შექმნილი კავ-
შირის პირველ უსტაბაშად, რომელსაც აქვს განუსაზღვრელი უფლე-
ბა, ფართო გეგმები აზნაურთა სამფლობელოების გადიდებისა და
გლებთა გადასახადის შემცირებისა, შესაძლებლობა მოითხოვოს ზუსტი
სახელმწიფო კანონების დადგენა და ქართლის მთლიანი ჯარის შექმნა.

სააკაძემ მტკიცედ გადასწყვიტა მკიდრო კავშირი დაემყარებინა
ნოსტელ აზნაურებსა და ამქრებს შორის, რაც ასე წარმატებით და-
იწყო იმ მომენტიდან, როცა სპარსელმა ვაჰრებმა ტფილისის მაიდანზე
იწყეს აზნაურთა აბრეშუმის, მატყლისა და ნაკეთობათა შესყიდვა.

ფიქრებში გართული მეგობარი დათომ გამაფთხიზლა და ნოა-
გონა, ამქართა ლხინის დაწყებამდე საქიროა ახალ უსტაბაშთან შევ-
თანხედეთ საქმეზე მოსალაპარაკებლადო.

სააკაძე დარბაისლურად მივიდა უსტაბაშთან, თავაზიანად მიე-
სალმა და მაგრად ჩამოართვა ხელი.

მაგრამ შეთანხმება ამჯერად ვერ მოხერხდა: ხმაურით გარს შე-
მოებხვივნენ და წაიყვანეს ახსახკალისას, საიდანაც უკვე მოისპოდა
ზურნის ხმა.

გაჩაღებულ ლხინში დარბაზის კარს მოადგა მთელს ქართლში
განთქმული მესაზანდრე. თამადამ ყანწი ხელადას მიუჯახუნა. წითე-
ლი ღვინით აავსო და მესაზანდრეს მიაწოდა. მესაზანდრემ ყანწი
გამოსცალა, ჭაღარა, სქელი უღვაშები მოიწმინდა, ოდნავ მოკუტუ-
ლი თვალი ამქრებს მოაეღო, იყუჩეთო სთქვა, და დაიწყო:

— მთლად გადასარკულა ზღვა. მწვანე—ქვის მკლავზე ძევს, შა-
ვიც იქვე მოთავსებულა. მწვანეში მზე სატევარს ლესავს, შავში
ვარსკვლავები ფსკერს უამბორებენ...

ზემოდან დაბურული მთები ფერადოვან წყლებსიკენ მოაღტვოდნენ, ძირს მარგალიტი ბანაობდა, ოქროს თევზები ზურგს ითბობდნენ, შუაგულში ფეტვი ხარობდა... ყველა კარგად იყო...

მთის მწვერვალზე მწყემსი მოღუღუნე სალამურით საძოვარს ამხიარულებდა. წყნარი ხალხი იყო... ცისფერი უყვარდა, საქურველს მხოლოდ შნოსთვის ატარებდა, სულ ცოტას მუშაობდა, ყოველივეს მზად იღებდა ღვთისაგან. მთის კალთები ნაყოფით იყო დახუნძლული. ვაწლი დამწიფდებოდა— მას ლეჩაქი მოჰქონდა ძღვნად, ატამი— ხავერდი თვალს ატკობდა, ყურძენი— წკრიალა სიცილი გაეხმოდა, ბროწეული— ცას წითელ წვენს აპკურებდა...

ყველაზე მაღალ მთის მწვერვალზე ღვთის მიერ საყვარელი განდეგილი ეკლესიას დარაჯობდა. ქვემოთ განდეგილს ყველანი დიდი პატივისცემით ეპყრობოდნენ: ხალხი მასთან აღიოდა, რათა მისი წმინდა ბაგით სიმართლე ღვთისა მოესმინა. გარნა ეშმაკი კუდით აღიზიანებდა განდეგილს. ცის ფერი არ უყვარდა, წითელი ჩოხით გამოწყობილი დატანტალებდა, ხოლო ღამით აბრეშუმის სამოსით განდეგილს აცოთუნებდა, კარს მოდგებოდა და ოქროს აფრქვევდა, ქალებსა სთავაზობდა... დიდხანს ითმენდა განდეგილი, მერმე ცდილობდა კეთილით განედევნა, მაგრამ ეშმაკი არ ყაბულობდა... მაშინ წმინდანმა ღმერთს ნებართვა გამოსთხოვა აბეზარი სტუმრის გასამასპინძლებლად... დიდი მარწუხი ცეცხლში გაახურა და მოუთმენლად ელოდებოდა კუდიანს. როგორც ყოველთვის, იგი ღამით მოვიდა. კარში თავი შეჰყო, კუდიც ჭუჭრუტანაში შეაძერიანა... გაეხარდა წმინდანს, მარწუხით კუდი დაუქირა. დამწვარი ბალნის სუნი რომ ადგა, ჰაერი გაჰკრა, ქვეშა რახუნი შორთეს. არ მოელოდა ასეთს რასმე ეშმაკი, მოჰყვა ხტუნაობას, კუდს შაეი წყლიდან მწვანემდე ურტყამდა, ფლოქეებსა სცემდა, ჩოხას ფერი დაეკარგა, მას შემდეგ ნახწირს დაემსგავსა... სადაც ფლოქეი დაჰკრა, იქ ხევეები გაჩნდა. სადაც კუდით მთები გაჰყო, იქ ქალები დაეფინა, სადაც ცრემლი დაღვარა— ტბები შეგუბდა, სადაც ენით დაიწკლატუნა— ხრამებმა მიწა დასერეს... ახლა მთაში ზის, კუდი დაუმალავს, უფრო ენით აღიზიანებს, ადამიანს მოსვენებას არ აძლევს...

მთებმა თეთრი ნაბადი მოისხეს, მწყემსები სიცივემ გარეკა. ხალხი ზევით აღარ აღიოდა, შორი იყო... წმინდანმა კარგად იფიქრა, მხოლოდ ტყუილ-უბრალოდ დასწვა კუდი, ასეთი რამ ეშმაკს არ უყვარს. თუ ღვთის სიმართლე იცოდა, რატომ თავი არ გაუფუქა? ეშმაკისთვის კუდი ყველაფერზე ძვირფასია... კუდიანმა წამალი უშოვნა, ეშმაკმა კუდი მოირჩინა, ხოლო ადამიანები სამუდამოდ გასთიშა: ვინც სად იყო, იქვე დარჩა. შიშით ხალხმა სატევარს იტაცა ხელი, მას შემდეგ ეს საქმე მან კარგად იცის... ცხენებზედაც შესხდნენ... და გააქენეს აშქრებთან, რათა ტიკები დაეცალათ...— მხიარულად

დაასრულა მესაზნდრემ. ტახტის ქვემოდან სათადარიგოდ დაშალე-
ლი ტიკქორა გამოათრია და ჯიბის დახმარებით სუფრაზე დააგ-
დო. ზურნა ხმაბალა მიესალმა ტიკქორას, რომელიც ამქრებმა
აიტაცეს. ერთი თვალის დახამხამებაში ტიკმა ოთხივე ფესი მოჰკეცა...

მესაზნდრემ ერთბაშად დასცალა ყანწი, თავზე გადაივლო, გუდა
გაჰბერა და სააკაძეს მიუბრუნდა:

— ახლა, აზნაურო, შენს პატივისაცემლად გიამბობ ჩვენი ტფი-
ლისის შესახებ ..—და დაწლერა...

ვით შევამყო ეს ქალაქი და თბილისის ვით ვსთქვა ქება,
აქ ხაშთარა ბროლსა მშეტობს, ზაფაული კი ძვირფას ქებებსა.
აქ სარწყავის ბორბალია და იქ ტურფა ბალის ჩრდილი,
ისმის წისკვილთ ხმაურობა, დღეავს მტკვარის ტალღა გრილი.

და სოფლის კენჭებითა აბანოში ელავს თალი,
ნის აუზში ინებიერე თუ გინდა რომ იყო ლალი;
ქართლის მტკიცე აგურითა ჩაუკირავთ მისი ბურჯი,
სარკნელს დილით ოქრო მწვენის, საღამოთი ხეცა ლურჯი.

აბანოში შემოსული, ვით მყინვარის ხდება თოვლი,
პატარძალი განბანილი ვარდია თუ მთების ბრილი,
აქ დუქნებში ზურნა უკრავს და დუდუკი კენესის ზოგჯერ,
ფართო გზებზე ხალხი მიდის, მოდენიან მწყემსნი ჯოგჯეს.

მოედნებზე დუქნებია, ღარდული და ქარვასლები,
იყიდება ტილო, ფარჩა, ხავერდი და ატლასები;
ქვით ნაშენი ტაძრებია, ლალადისი ღამე, დღისით
ხატების წინ შუქი ელავს და გალობა ტკბილი ისმის.

მღვდელი, ბერი, მონაზონი ვით აპრილში წვიმის ცვარი,
მავრამ მეფის საღაროში ოქროს ფული მეტი არი,
მეფე იჯდა მეტეხს შინა ყურს უბედებდა ბულბულთ სტვენას
შორს გამოჩნდა უცებ ხანი მეფე აღარ მოასვენა.

ხანს მოსდევენ სარბახები, წინ მოუძღვით სარდალთ კრება,
მეფე შეერთა, თავადთ უხმობს, ბრძოლის ეინი აღარ ჰქრება,
ქართლის ხალხი ფეხზე დადგა, მას დიდება ქებათ-ქება,
ხანი ბრაზობს. ქალაქს ირგვლივ რკინის საღტეთ შემოდგება

უთანასწორო ბრძოლაში სისხლი ღვარივით დიოდა,
ზოგი განგმირა ისარმა, და ზოგი შეულა სჩიოდა,
თბილისს ხანძარი არბევდა, ურჯულთ შემოდდიოდა,
დარბეულ ცხენ-ქალაქსა დასახავლა თავს მიკოტმა.

დაინგრა თუმცა ქვეყანა; მტერმა წააღო ქონება,
ქართველი მაინც იბრძოდა, არ უფიქრია მონება,
მამულისათვის ბრძოლაში ყველას აუნთო გონება,
ადიდებულა მტკვარია ქართველთა გამოქროლება

გაუფრთხილდი, ხანო, ქართლსა, ხედავ ალსდგა კვლავ თბილისა,
ქონჯურებმა შემორკალა ბალები და გსები მისი,
სად წაუხვალ ქართლის გმირებს, ხანო, გმართებს მათი სისხლი;
უკვე მოგდევს შურის გება, ვერაფერი ექლარ გიხსნის.

მაშ კვლავ გაჩნდეს ნადიმობა, თასის ჟღერა სასიამო,
ოქვას მგოსანმა ტკბილი ლექსი, რომ წყლულები დაგვიამოს,
მხვე, გაგვათბე და გვწყალობდე დედავ-ღვთისა-მარიამო,
რომ სთქვას მტერმა: ვაგაკებნი ქართლში კიდავ არიანო.

გიორგიმ ყურადღებით მოისმინა სიმღერა და ყანწი გაიკისო:

— მეგობრებო, ამქრებო, ეს სიმღერა დიდი საქმეებისათვის მოგ-
ვიწოდებს... სქედეთ ხმალი, რომელსაც ვერცერთი ხანი ვერ გადა-
ურჩება. ამხადეთ უნაგირი, რომელზედაც ვისხდებით გაცხარებულს
ომში, ლესეთ ისარი, რომელიც მისწვდება ისპაჰანსა და სტამბოლს,
აწვრთეთ ნალი, რომლის კვალიც დააჩნდება აღმოსავლეთისა და
დასავლეთის გზებს, ჰკერეთ წალა, რომლითაც მტერს გავსრისავთ...

მეტის წული ლუარსაბი თინათინის ოთახში იყო და დას ეალერ-
სებოდა. ჟსაყვარლესი ძმის ყურადღებით გაკვირვებული და გახარე-
ბული თინათინ ოქროს გალიაში დამწყვედიულ ვარდისფერ შრონებს
უჩვენებდა მას, უამბობდა თავის სიხარულსა თუ მწუხარებაზე და
უეკრად დაიწყო ლაპარაკი საყვარელი ნესტანის ღირსებებზე, რო-
შელსაც რატომდაც ყველა სჩაგრავედა. ეფერებოდა ძმასა და სთხოვ-
და დაეთარა საყვარელი მეგობარი. ლუარსაბი დააკვირდა ორბე-
ლიანის თერთმეტი წლის ასულის მუქ ოქროსფერ დალალებს და
უცნაურად მწვანე თვალებს. ნათლად წარმოუდგა ობოლი თავადის
ასულის მდგომარეობა. ლუარსაბს ყურადღება არ მიუქცევია იმ ხმე-
ბისთვის, რაც ორბელიანის უეკარი სიკვდილის შესახებ ვრცელდებ-
ოდა, მაგრამ პირველმა მწუხარებამ გააღვიძა სხვისი უბედურები-
სადმი თანაგრძნობა და დისადმი მთვლემარე სიყვარული. მოესურვა
თინათინის გახარება, და შექჟიცა: ამიერიდან მე ვიქნები ნესტანის
მფარველი, სანამ იგი არ გათხოვდებაო. თინათინმა აღტაცებით შე-
მოჰკრა ტაში და ლუარსაბი აიძულა ნესტანის კოცნით განემტკიცე-
ბინა ფიცი. დარცხვენილმა გოგონამ ვარდისფერი ტუჩები გაუწოდა
და ლუარსაბიც დიდი ზეიმით შეეხო მათ.

რას წარმოიდგენდა თინათინი, თუ რა უბედურებას გადაარჩინა
ნესტანი...

ზაპ აბაზის ელჩები შეშფოთებულნი არიან. მათ იციან, რომ უბრა-
ლოდ დროს გასატარებლად როდი ზის აქ საათზე მეტ ხანს შადი-
მანი და აფრქვევს მქვერმეტყველებასა და მხიარულებას. ვერცხლის
სურა განუწყვეტლივ ავსებდა თასებს მშვენიერი ღვინით, საუცხოო

ლარნაკები საესე იყო სურნელოვანი ხილით. თავადის ძახილზე შემობრბოდა მარდი მსახური. ელვისებურად გადაჭხედავდა შადიმანს, მაგრამ, რაკი საიდუმლო ნიშანს ვერა ხედავდა, სუფრაზე საესე სურასა სდგამდა და ცალიერი მიჰქონდა. მოტანილ სურას შადიმანი ყოველთვის პირველად თვითონ დაისხამდა და თასს ერთბაშად გამოსცლიდა იმის ნიშნად, რომ ღვინოში საწამლავი არ არისო.

ხანებს მოთმინება ეკარგებოდათ, მაგრამ, სპარსული დიპლომატიის წესისამებრ, პირველად მოწინააღმდეგისათვის უნდა ეთქმევიებინათ, ვინაიდან „ვინც პირველი დაიწყებს ლაპარაკს, მან უკვე წააგო;“ — და მოსაუბრეს სახითათო ხაფანგებს უგებდნენ, ფეხქვეშ მოლიბულ ქვებს უფენდნენ და ადამისეულ უდაბურ ტყეებში შეჰყავდათ. გარნა შადიმანმა ხანებზე ნაკლებ როდი იცოდა სპარსული დიპლომატიის საშიშროებანი, მარჯვედ უპასუხებდა ყალთაბანდურ კითხვებს და თავის მხრივ მოსაუბრეებს მახვილ შუბებს აგებებდა.

— ყურძენი თვალის ნუგეშია, ყურძნის წვენი კი — ცხოვრების დამამებელი. რუსეთის მეფისას თათლის ღვინოს ასჰენ, ხოლო ყუონი საამისო ნებართვას მართლმორწმუნეებსაც აძლევს.

ერებ-ხანმა, რომელსაც დათრობა არა სურდა, იქედნურად სთქვა:

— მოწყალე ყურადღება მიაქციეთ აგრეთვე ყურანის სხვა ადგილს — „ძროხა“ და „ქალები,“ — იქ ღვინო აკრძალულია, ვინაიდან ნათქვამია: „ნადირობისას ბანგით დაუთრობელი წყურვილს ზემზე-მამდე“ მიიტანს.“

შადიმანმა შესთავაზა, ზემზემის ნეტარების მოლოდინში ერანისა და ქართლის აყვავების სადღეგრძელო შეესვათო.

ყორჩი-ხანმა ნაზად შეახო ხელი ლურჯ ნაიარავებს მარცხენა ლოყაზე და ინალელა კეთილმოსურნე თავადის უმეცრება.

— ერანმა, — დაურთო მან, — შაჰ-ინ-შაჰის მეფობით უკვე მიაღწია სრულს აყვავებას, ხოლო თუ ქართლი ჩრდილოეთის ქვეყნებთან მოლაპარაკებას ირჩევს, მაშინ იგიც, უეჭველია, აყვავებას მიაღწევს...

შადიმანმა თასი ვერცხლის ლარნაკს მიაჯახუნა და მხიარულად წარმოსთქვა:

— მხოლოდ ლაპარაკი ქვეყანას არ გაამდიდრებს. იარალის ჩხარუნი, ოქროს ჩხრიალი...

— ჩვენ ვიცით, უბრძნესო შადიმან, რომ თურქეთის ოქრო კელავ ჩხრიალებს თქვენს ქისაში, მაგრამ განუწყვეტელი განხეთქილება გურჯისტანში რუსეთის მეფის სიმდიდრესაც კი გაანიავენს... გარნა დიდებული შაჰ აბაზი არ დაივიწყებს საყვარელ ქართლს...

* ზემზემი — არაბულად სახელია ჰისა მექის ტაძრის მახლობლად.

— ჩვენ ვამაყობთ დიდებულთა შორის დიდებული შაჰ-ინ-შაჰის მფარველობით, მაგრამ ქართველებს გადაწყვეტილი აქვთ თვითონ იზრუნონ საკუთარი თავისთვის.

ელჩები მიხედნენ — ქართლელთა მდგომარეობა მტკიცეაო, და გადასწყვიტეს, ყოველგვარი საშუალებით მიეღწიათ შეთანხმებისათვის. ცბიერებაში დიდიხნის შეჯიბრების შემდგომ, ყორჩი-ხანმა ჰკითხა, მოგწონს თუ არა ძღვევაჰოსილი მპყრობლის წინადადებაო?

შადიმანმა გულუბრყვილოდ მოიწონა უბრძნესი ხანების აზრი რუსთა მეფის შესახებ.

ყორჩი-ხანმა გაიღიმა და სინანული გამოსთქვა იმის განო, რომ რუსთა მეფის ღირსებანი ვერ ამოკლებენ მანძილს მოსკოვისა და ქართლს შორის, მექისე კი, ერთი არაბი პოეტის აზრით, საჭიროა როცა აბანოში ხარ, და არა ფლავის ქამის დროს.

შადიმანმაც გამოსთქვა სინანული ესეოდენ მნიშვნელოვანი ქეშ-მართებების დაეწყების გამო: მართალია, გრძელწვერა ელჩები გვთავაზობდნენ — ისარგებლეთ თერგის ნაპირას დაბანაკებული რუსთ მექისეებითო, მაგრამ ქართლმა თავისი უღარდულობით ხელი აიღო განზრახვაზე აქ დაეტოვებინა შაშხანიანი გამოცდილი მექისენი, ვინაიდან ქართლი ამჟამად სტკებება ფლავით და არა აბანოთი.

ხანებმა, რომელნიც ძლივს იკავებდნენ ცოფს, კარგი მადა უსურვეს ქართლსა და მოიწადინეს გაეგოთ, თუ რამდენად შეესაბამებოდა ეს საზეიმო განწყობილება შაჰის სურვილს ცოლად შეერთო მეფის ასული თინათინ.

შადიმანმა სიამით აღნიშნა ხანების საზრიანობა, ვინაიდან საზეიმო განწყობილების ერთად-ერთი წყარო ის არის, რომ დიდებული შაჰ-აბაზი მეგობრულად ეპყრობა ქართლსო. და ქართლმა მხოლოდ სტუმართმოყვარეობის წესის გამო არ აიღო ხელი ერთმორწმუნე რუსეთის მკობრობაზე, მით უმეტეს, როცა ბევრს გთავაზობდნენ, სიფრთხილე ურიგო რამ როდი არისო.

— იქნებ კეთილშობილმა თავადმა გვითხრას, რით გადაიხდის ქართლი, მეფე გოდუნოვის ესოდენ უხვ დაპირებას?

შადიმანმა ცბიერად გაიღიმა და გულუბრყვილოდ მიუგო:

— რუსეთის მეფესა სურს თავისი ასული ქსენია ქართლის ტახტზე მჯდომარე იხილოს..

— სახელითა ალაჰისათა! ქსენია და არა თინათინ?!

— არა, ქსენია, კეთილშობილნო ხანნო, დაბეჯითებით ვიცი, რომ გოდუნოვის ასულს ქსენია ჰქვია. ჩვენმა ბრძენმა მეფემ წინადადება მისცა, მეფის ასული ტფილისს გამოგზავნეთო. ჩვენცა გვჩვევია აღრევე გავეცნოთ სადედოფლოს.

— ბისმალაჰ! მაშ, გიორგი მეფემ მეორე ცოლის შერთვა ინება! შადიმანმა სინანული გამოთქვა: ქრისტიანთა ღმერთს ალაჰს სიუხვე არ მოეპოვება, ამიტომ ქრისტიანთ არ შეუძლიათ ერთზე მეტი ცოლი იყოლიონ... და არც ძღვეამოსილი რუსთა მეფე მოისურვებდა თორმეტი წლის ქალი მიეთხოვებინა ჩვენი მბრძანებლისთვის, რომელიც მეფის ასულს ქსენიას მამად შეჰყვრისო.

ელჩებმა შეშფოთებით გადაჰხედეს ერთმანეთს. შადიმანი კი, თითქოს მათს შეშფოთებას ვერ ამჩნევსო, დამშვიდებული განაგრძობდა:

— დედოფალი მარიამი რომ კიდევაც გარდაცვლილიყო, — ღმერთმა ინებოს გიორგი X ძვირფასი სიცოცხლის დღეგრძელობა, — ნახევარი სამეფო უნდა გაგვეგზავნა ძღვნად ახალგაზრდა დედოფლის მოსაყვანად.

ხანები დიდი პატივისცემით მიაკჳერდნენ ქართლელ კარისკაცს. ერებ-ხანმა ყალიონის ბოლი გამოუშვა და დინჯად განაცხადა: ასეთ შემთხვევაში ვერცერთი მეფე სხვანაირად ვერ მოიქცევა.. გულუხვმა შაჰაბაზმა, რომელიც დარწმუნებულია, მეფე გიორგი კეთილგანწყობილ პასუხს მომცემსო; ჳეშპარატად დიდებული ძღვენი დააზხადა მეფის ოჯახისა და შაჰის მომხრე თავადებისთვის.

— ბუნებრივი ცნობისმოყვარეობა რომ არ მალაპარაკებდეს, — შენიშნა შადიმანმა, — მე წინადადებას მივცემდი სულგრძელ ხანებს: დეე მეფენი ერთმანეთს ეჯიბრებოდნენ სიუხვეში, ჩვენ კი ცხოვრების სიამეს მივეცნეთ, ვინაიდან ღვინით შეზავებული საუბარი უფრო დამატკობელია.

ხანებმა თავაზიანად მოახსენეს, მზადა ვართ დავაკმაყოფილოთ კეთილშობილი თავადის ცნობისმოყვარეობაო, გარნა შადიმანმა საჩქაროდ დაურთო: ოცნებით უკვე წარმოდგენილი მაქვს ძღვეამოსილი შაჰ აბაზის საუცხოო ურვათიო.

მას შემდეგ, რაც ხანები თავაზიანად მოითხოვდნენ, შადიმანი დასთანხმდა გაეზიარებინა მათთვის თავისი მიხვედრილობის ნაყოფი.

დიდი განცვიფრებით უსმენდნენ ელჩები შადიმანს: ქართველთა მოთხოვნა ყოველგვარ მოლოდინს სჳარბობდა. პირველი ერებ-ხანი მოვიდა გონსა და გულცივად ჰკითხა: იქნებ კარგად ვერ გავიგონეთო? ხუთიათასი ქართლელის საჳურველი! გრძელწვერა თხები-საგან საზღვრების დასაცავად ხომ არ გესაჳიროებათო?

შადიმანმაც გაიკვირვა: რუსეთის ელჩი თავადი ტატიშჩიევი უკვეთს სჳამდა, ვიდრე ხანები, ოთხი ხელადის შემდეგაც კი გონება არა ღალატობდა... მე მხოლოდ საკუთარი აზრი გამოვთჳევი, რაზედაც წინასწარ გაგაფრთხილეთ. გრძელწვერა თხებს გაცილებით უფრო ძლიერი ოცნება გააჩნდათ, მაგრამ ეს გარემოება აჳ არავეისა სწყენიაო.

ყორჩი-ხანმა წყნარად მოისევა ხელი ლილისფერ ნაიარავებზე და ცივი ხმით გააფრთხილა, რომ ერანიც არ არის ნაწყენი რუსთა მე-

ფის მდიდარი ოცნებით, თუმცა ისპაჰანისთვის უკვე ცნობილია გრძელწევრათა ზოგიერთი გეგმაო.

შადიმანი დაალონა ელჩთა არ საქებურმა აზრმა: ნუ თუ გავბედავდი და კეთილშობილ ხანებთან გავაბამდი საუბარს ჩემთვის უცნობ საგნებზეო?

ხანებმა მყის დაარწმუნეს თავადი: აღფრთოვანებული ვართ შენი დიდი კჳყუითო, და შემპარავი ღიმილით ჰკითხეს: ცნობილია თუ არა ქართლისთვის, რომ გოდუნოვი არც თუ კანონიერათ ჰფლობს რუსეთის ტახტსო.

შადიმანმა ელჩებს ურჩია: ამ გარემოებას დიდ მნიშვნელობას ნუ მისცემთ, ვინაიდან ყოველი მეფე ოდნავ უხერხულად აბობლდება ხოლმე მაცთუნებელ ტახტზე, რომელიც ხშირად მამებისა და ძმების სისხლით არის შეღებილიო...

ერებ-ხანმა თვალი გაუსწორა შადიმანსა და სთხოვა: ჩემი ცნობისმოყვარეობაც დააცხრე და გამაგებინე, ვის აძლევს გოდუნოვი თავის ასულსო.

შადიმანმა დიდი გატაცებით დაუხატა ელჩებს გეგმა რუსეთის ძღვევამოსილი მეფისა, რომელსაც სურდა ქართლის ტახტის მემკვიდრესთან შეეუღლებინა თავისი ასული.

— საარწმუნოება ერთია, მზითევი—უთვალავი, თვისი ასულის დასაცავადაც გოდუნოვი სტრელეცთა ჯარს პირდება, მაგრამ როცა ბევრს იძლევიან, სიფრთხილე ურიგო რამ როდია, ბრძენმა გიორგი მეფემ ლუარსაბის უასაკონა მოიმიზეზა და მოლაპარაკება ას ოთხმოცი დღით გადასდო: ამ ხნის განმავლობაში გამოიჩქევეა, რომელ მხარეს უფრო ხელსაყრელია ქართლისთვის თავისი ჰუნის მიბრუნება.

მდგომარეობა მეტად რთული იყო და ელჩებმა აღარ იცოდნენ, რა უფრო მნიშვნელოვანი იყო: თანხმობა თინათინისა, რომელიც შაჰს გოდუნოვის გეგმის საწინააღმდეგოდ სწადდა, თუ სხვა გზით ჩაშლა რუსთა მეფის განზრახვისა, რასაც მიზნად ჰქონდა გურჯისტანში თეხის მოკიდება, რათა შემდეგ ვერაგულად მიჰპარვოდა ერანს.

ყორჩი-ხანს, რასაკვირველია; კრინტიც კი არ დაუძრავს შაჰ აბაზის გეგმაზე, ბორის გოდუნოვთან ერთად სტამბოლის წინააღმდეგ ბრძოლისა და ერან-რუსეთის სავაქრო ურთიერთობის გაფართოების შესახებ. მან ქებით მოიხსენია სიფრთხილე ქართლის მეფისა, რომელსაც ეს საქმე შაჰ აბაზის დაუკითხავად არ გადაუწყვეტია. ერანის დიდი მპყრობელი, რა თქმა უნდა, არ ისურვებს დაუმოყვრდეს არამეფას გვარეულობის შთამომავალ გოდუნოვს. ქართლილებს მოუხდებათ არჩევანი... უბრძენი თავადის შადიმანის ოცნება კი შაჰისაზე ნახევრით ნაკლები აღმოჩნდა, მაგრამ რაკი ქართული მეტს არ მოითხოვს, უზრდელობა იქნებოდა, რომ ელჩებს აბეზრობა გამოეჩინათ. მხოლოდ საჭურველის შესახებ შაჰი რვა ათასზე შეჴერ-

დებოდა: სპარსელებს უყვართ ეს რიცხვი... იგი ხელს შეუწყობს თურ-
ქულ ნახევარმთვარეზე ერანის ლომის შემდგომ გამარჯვებათ. ხო-
ლო დედოფლისათვის შაჰ-ინ-შაჰმა თვით აარჩია ინდური მანი-
აკი, — თითო მარგალიტი ნუშისოდენაა.

— ჩვენამდე მოაღწია, — ჩაუბრუნა ერებ-ხანმა, — დედოფლის დი-
დი ხნის ნატვრამ. გიორგი. მეფემ ხომ სხვა ქალს მიართვა ასეთი
საჩუქარი... ერანის ლომმა განიზრახა დედოფლის დამშვიდება... შენტ-
ვის, თავადო, განსაკუთრებით სასიამოვნო იქნება პირადად აცნო-
ბო დედოფალს ესა...

და ერებ-ხანი ვაჟაკურად გაიმართა.

— არა ნაკლებ სიამეს მაგრძნობინებს, ძვირფასნო ხანნო, პირა-
დად გადმოგცეთ მეფის გადაწყვეტილება: მას შემდეგ, რაც გამოგ-
ზავნით ურვათსა და სიგელს ლორეს შესახებ, განმტკიცებულს დიდი
შაჰ აბაზის ფიცით, ხელწერილითა და ბეკედის დასმით, მეფის ასული
თინათინ მზად იქნება ისპაჰანს გასამგზავრებლად.

ხანებმა ხელები გაასაფსავეს — ჩვენ სიამით ვვარაუდობდით, ისპა-
ჰანს მეფის ასულითურთ დაებრუნდებოდა.

შადიმანმა საქართველოს ჩვეულება დაიმოწმა, რომლის ძალითაც
მაყრებში — საქორწილო ელჩები — ორჯერ მაინც უნდა მოვიდნენ, რა-
თა მეზობელმა სახელმწიფოებმა აჩქარება წარტყვევნად არ ჩასთვა-
ლონო, საქიროა აგრეთვე მზითვისა და აშალის მომზადება. ხოლო
ხვალ, დასამშვიდებლად, ბარტომი კეთილშობილ ელჩებს გადასცემს
იმის სიას, რაც შეპირებულია, ვინაიდან მეხსიერება სანდო არ არ-
არის: იგი ქალზე უფრო ხშირად ვეღალატობსო.

ერებ-ხანმა ჩიბუხი განზე გადასდო და შადიმანს ჰკითხა: შაჰის
გამდიდრებას ხომ არ ფიქრობთ თინათინის ამალითო?

— შაჰის გამდიდრება მხოლოდ ზედმეტი ცოლით შეიძლება, —
ამოხზვრით მიუგო შადიმანმა, — მაგრამ იმედი მაქვს, სულგრძელი
ლოპი ერანისა ხელს არ შეუშლის ქართველ ქალებს. ხანდახან მო-
ვიდნენ ხოლმე ქართლში, რათა პირადად აცნობონ მეტეხს თინათი-
ნის ამბავი.

ერებ-ხანმა რწმენა გამოსთქვა, შაჰი ამ ბუნებრივ სურვილს შეუს-
რულებს დედოფალ მარიამსო.

შადიმანმა ხანებს მიჰმართა, უკანასკნელი თასი შევსვით საქორ-
წილო მოლაპარაკების გათავების გამოო, და ელჩებს ურჩია: კარგად
დაისვენეთ, ვინაიდან თქვენს პატივსაცემად დიდ ნადირობასა და
ახალგაზრდა თავადთა ფარიკაობას ვაწყობთო.

— ტკბილად შეგერგოთ მოსვენება ქართლის მეფის პერს ქვეშ, —
დაუმატა შადიმანმა და გამოეთხოვა.

ხანებმა მადლობა გადაუხადეს შადიმანს, რომელმაც მათ განუცხ-
ადა, სრულიად უშიშრად ბრძანდებოდეთო, მაგრამ გავიდა თუ არა

თავადი, ნაღვლიანად შეუდგნენ საქმის ვითარების განხილვასა და წუწუნს აურაცხელი ურვათის გამო. ხოლო რუსეთის მეფის ვანზარხვამ სულ გააქარწყლა იმედი მისი შემცირებისა, მით უმეტეს, რომ ცბიერმა შადიმანმა ნათლად გააგებინა: უკეთუ დაპირებულ ურვათს არ გაიღებო, თინათინს არ მოგცემენ და არც რუსეთთან კავშირს გასწყვეტენო.

— შაჰ აბაზი კმაყოფილი უნდა იქნეს, — დაამთავრა ყოჩი-ხანმა.

— კმაყოფილიო? — შეეკითხა ერებ-ხანი. — იცოდე, დანდობილო მრჩეველო: ყოველ მართლმორწმუნეს ურჩევნია თავი მუზარადში ეგულვებოდეს, ვიდრე შაჰის სასახლეში.

თავი ოცდამეოთხე

სამზადისი თინათინის გასანგზავრებლად დასასრულს უახლოვდებოდა. თინათინმა, რომელიც პირველ ხანებში მხოლოდ წიშს განიცდიდა ზვიადი შაჰის სახელის გაგონებაზე, შემდეგ, შადიმანის გავლენით, თავი ღვთის რჩეულად ჩასთვალა, რომელიც მსხვერპლად უნდა მიეტანათ სამშობლოსთვის, და მტკიცედ გადასწყვიტა თავი მოეწონებინა შაჰისათვის და ერთგული სამსახური გაეწია მრავალტანჯული საქართველოსათვის.

გიორგი მეფემ რომ თინათინს გუნების შეცვლა შეამჩნია, უფრო მეტი ნდობით განიმსჯეალა შადიმანისადმი, რომელიც უკვე სრულუფლებიან ბატონივით ბრძანებლობდა სასახლეში.

თინათინი ხარბად ეტანებოდა სინაზეს ლუარსაბისა და საყვარელი მეგობრის ნესტანისას, რომელიც გულწრფელ ცრემლსა ღვრიდა. ლუარსაბის ყურადღება ნესტანისადმი აწუხებდა ასტანს: ერთიც ვნახოთ, ილარიონის გრძნეულობათა დაბრუნება მოითხოვაო.

— თითქოს ძირმაგარააო ცხვირზე, — უჩიოდა ასტანი ღედას.

ნინომ გადასწყვიტა დაეთარა თავისი ქალი უსიამოვნებისაგან.

ღედოფალმა ხელი ჩასკიდა ნინოს იდეას, თინათინს ნუ განგაშორებთ თავის საყვარელ მეგობარ ქალსაო, მით უმეტეს, რომ შადიმანსაც არ მოსწონდა ლუარსაბის ყურადღება ნესტანისადმი.

წვეტიან კოშკის გარშემო შავი ხავერდის ნაჭრებივით არიალდნენ მერცხლები.

— კარვი ნიშანია, — ჩაიჩურჩულა ძიძამ და პირჯვარი გამოისახა.

გოგონა სწრაფად მიბრუნდა: ვიწრო კარში ფრთხილად მიძვრებოდა დათო.

ნესტანის ნაზმა მშვენებამ და უმწეობამ ააღელვა დათო. იგი ნესტანს სახელოზე ეამბორა და მგრძნობიერად უთხრა:

— თავადის ასულა, მე ვნახე ნამაწენი... თავადი შორ მგზავ-
რობას შეუდგა, ცისფერი წმინდობის ქვეყნისაკენ, და მე შეფიცე,
ვკყო ერთგული ნესტან ორბელიანის ასულისა.

— კიდევ რა გადმოგცათ თავადმა? — შემოთებით ჰკითხა ძიძამ.

— შენი უმცროსი შვილი იესე... იგი უკვე აღარ ესაქიროება
თავადს...

დედაბერი გაფითრდა, დაბარბაცდა, ხელები უმწეოდ გაასაესავა.
ნესტანი საშველად მივარდა. მაგრა? ძიძა მყის წელში გაიმართა,
დათო განზე გაიყვანა და გაფითრებულმა და უცრემლომ მოისმინა
დათოს ნაამბობი ორბელიანისა და თვისი ორი ვაჟის დაღუპვის შე-
სახებ.

— ახლა განსაკუთრებული ყურადღება გმართებს, კეთილშობი-
ლო ქალო, საჭიროა პარამხანას გადაეარჩინოთ ნესტანი... — დათო
მკაფიოდ ლაპარაკობდა, ძიძა კი გულდასმით უსმენდა.

— ცრემლით დაფუსველებ ლუარსაბს ფეხებს, თინათინს შევეველ-
რები და ნესტანს გადაეარჩენ... გადაეცი იესეს, ჯერჯერობით შენ-
თან იმუშაოს ამშაში... შემდეგ ფარულად შეუძლია მოვიდეს მეტეხში.
არჩილი კარგი გულის პატრონია, ჩვენ მუდამ კარგად ვეპყრობოდა.

მზის მცხუნვარე სუნთქვა ოდნავ ათროლოებდა მეტეხის ბალის
სპეტაკ ლეჩაქს. მწვანით შემოსილი აკაცია ღია ფანჯრისკენ იხრე-
ბოდა. მეფემ ანგარიშშიუცემლად მოსტეხა კენწაღი, ხელში აათამა-
შა და თავადებს მიუბრუნდა.

— მაშასადამე, ოცდაერთი? დიალ, დიალ... ზურაბ ერისთავი
ხომ არ დაგავიწყდათ? ლაზნელი, მუხრან-ბატონი, თურქანიძე...
აბალგაზრდა ციციშვილი ამოშალეთ: სულელმა წასვლის წინ უღვა-
შები შეიკრიჭა... დიალ, დიალ — მაშასადამე, ოცდაერთი?

— ოცდაერთი, დილო ხელმწიფე, არავინ არ დაგვიწყნია, —
მიუგო ბარტომეა.

— გავბედავ და მოგახსენებ, მეფეო, — კრძალვით დაიწყო რევაზ-
მა, როპელიც ასტანის დეალებას ასრულებდა, — გავბედავ და მო-
გახსენებ, რომ არ ჩაგიწერია არცერთი მალალაძე. თამაზმა კი ერა-
ნისათვის უღვაშები მხოლოდ გუშინ შერღება ინით.

— მე მისთვის არ მიფხოვნიან ინა-წაახდინე-მეთქი... ოცდაორი
კარგი რიცხვია, დიახ, დიახ... ჩასწერე, თავადო, გიორგი სააკაძე..
საქიროა ყურადღება მიექცეს გამოჩენილ აზნაურებს...

ნება მიბოძეთ, მეფეო, გაგიბედოთ, თავადები ხომ არ იწყე-
ნენ? სააკაძემ მხოლოდ ამას წინათ გაიხადა უბრალო აზნაურის
სამოსი.

— ეეჰ, შადიმან, ზოგჯერ უბრალო აზნაური წარჩინებულ თა-
ვადზე უკეთ აზროვნობს...

— კამათს ვერ გავებდავ, მეფეო,— გაიღიმა შადიმანმა და გულში გაივლო: „და ზოგჯერ მეფეზე უკეთაც“, გარნა ხმამალა განაგრძო:— მოეწონება განა შაჰს მდაბიო ვინმე თინათინის ამალაში?

— მაშინ მეც უნდა ვიწყინო... განა შაჰი ჩემთან მხოლოდ მწყემსებს არა ჰგზავნის? არ მინდა შეურაცხველი შაჰის მრჩეველი ერებხანი, მან ბევრი გამარჯვება მოიპოვა, დიდი სარგებლობა მოუტანა ერანს, მაგრამ როცა მელაპარაკება ძლივს ვიკავებ სურვილს, რომ არა ვკითხო, რამდენი ცხეარია შენს თარაში-მეთაქი. დიად, დიად... და ემირ გიუნე-ხანი? განა მან არ გააქცია მავრები, განა ის მწყემსის შვილი არ იყო, რომ ერეენის აღების შემდეგ, უბრალო სარბაზი* სახელგანთქმული მხედართმთავარი გახდა? კიდევ ბევრს დავასახელებდი, ძვირფასო შადიმან, საჭირო რომ იყოს, მაგრამ შენ, ალბათ, უკვე მიხვდი დიად, დიად... შაჰს მოსწონს, როცა მას ჰბაძავენ...

— მეფეო, ნება მიბოძე აღვფრთოვანდე შენი სიბრძნითა...

კარი უეცრად გაიღო და სხდომის დარბაზში შემოვარდა აიღელვებული ლუარსაბი.

— მამავ, შენ მკვდრებზედაც შურს იძიებ. ვერ გამიგია მიზეზი ნესტან ორბელიანის ასულის მეტეხიდან განდევნისა და ჰარამბანაში გაგზავნისა.

გიორგი X ორბელიანის სიკვდილის შემდეგ სიბრალულიც კი იგრძნო გაძარცვულ ნესტანისადმი, მაგრამ შვილის სიფიცხით აღშფოთებულმა მტკიცედ მიუგო: უკეაუ მეფის ასულს შეუძლია ცხოვრება ჰარამბანაში; მაშინ ეს სხვებისთვისაც არ არის სამარცხვინო.

შადიმანმა მოიწონა ლუარსაბის კეთილშობილება, მაგრამ მოაგონა თუ რაოდენ რასმე კარგავდა თინათინი, მოაგონა აგრეთვე დედოფლის სურვილი: თინათინი იმით მაინც უნდა ვანუგეშო, რომ თავის საყვარელ მეგობარ ქალს არ გავთიშო.

— თავი დამანებე, შადიმან, შენ სულაც ვერ იცნობ ჩემს დას. თინათინი ცრემლით ემუდარება მეფეს: ნესტანს ნუ დაღუპავო, და... იცოდე, შადიმან, ბევრს რასმე მე მალე არ ვივიწყებ.

გაჯავრებულმა გიორგი მეფემ ბარტომს ხელი ჰკრა, რის გამოც ამ უკანასკნელს ხელში გავარდა საწერ-კალამი. მეფემ ხრინწიანი ხმით ბრძანა, ჩენს გადაწყვეტილებას არ შეეცვლიო. ლუარსაბმა ველარ მოასწრო წინასწარ დამხადებული კადნიერი სიტყვების წარმოთქმა: ქეშიკი შემოვიდა, ჩაახველა და მეფეს მოახსენა: წმინდა მამა ტრიფილიოსი მობრძანდა.

შადიმანმა სწრაფი თვალი შეავლო სახეშეწითლებულ ლუარსაბს:

„დიად, — გაიფიქრა შადიმანმა, — ქართლის მომავალ მეფეს ბევრი რამ უსწავლია ჩემგან“.

* სარბაზი—ჯარისკაცი.

ტრიფილიოსი, ჩვეულებისამებრ, დინჯი ნაბიჯით შენოვიდა, და-
ლოცა მეფე, ლუარსაბი, შემდეგ კი ყველა დამსწრე და ითხოვა: თათ-
ბარს ნუ შესწყვეტთ.

გიორგი მეფემ ფიცხად მიუგო: თათბირი უკვე დამთავრებულია
და შენ, მამაო, სწორედ დროზე მოხველ, ვინაიდან შემკვიდრეს ეშ-
მაკი აცთუნებს და ლუარსაბის მოძღვარი ვალდებულია ებრძოლოს
ეშმაკის მანქანებას.

ტრიფილიოსმა წვერზე ხელი დაისვა და მორჩილებით განაცხა-
და: ნეტავ ყოველთვის დროზე მოვიდე ხოლმეო.

რასაკვირველია, არავის, გარდა შადიმანისა, აზრადაც არ მოუ-
ვიდოდა, რომ ლუარსაბმა წინამძღვარს ბარათი მისწერა და სთხო-
ვა: დაუყოვნებლივ ჩამოდი და მთარველობა გაუწიე პატარა ნეს-
ტანსაო.

ფიქრადაც არავის მოსვლია აგრეთვე, რომ ელიზბარი თავისი მა-
ლი ცხენით კავთიხეის გაექანა, რათა მოძღვრისთვის ბარათი გა-
დაეცა და ეამბნა ორბელიანის ტრაგიკული სიკვდილის შესახებ.
შორსმკვირეტელმა ტრიფილიოსმა, რა თქმა უნდა, უარი არ უთხოა
შემკვიდრეს თხოვნაზე, და საქმეც, სიზარტლე რომ ეთქვას, მაინცა
და მაინც საკეთილო არ იყო. რასაკვირველია, მეფე დასაძრახავი არ
არის იმისათვის, რომ სურდა თავიდან მოეშორებინა მტრის ქალი-
შვილი, მაგრამ ქართლში მეფეები ძალზე ჩქარა იცვლებიან, ლუარ-
საბი კი წყენინებას კარგად იმახსოვრებს... და ტრიფილიოსმაც
დაუყოვნებლივ მოაშურა ტფილისს.

შადიმანმა რომ მდგომარეობას ანგარიში გაუწია, მეფეს ხვეწნა
დაუწყო: დაუთმე ლუარსაბის კეთილშობილურ სურვილსაო, მაგრამ
გიორგი ჯიუტობდა და არავითარი საბუთის გაგონება არა სურდა.

ტრიფილიოსი დავაში არ ჩარეულა, მაგრამ, როცა მეფესთან მარ-
ტო დარჩა, მკვეთრად გაჰკიცხა მისი უსამართლობა. განა ქრისტე
არ გვასწავლიდა მიუტევებ მტრებსაო? პატარა ნესტანი კი ასულია
მხოლოდ დაღუპული მტრისა. ან იქნებ მეფესა სურს ეკლესიის გუ-
ლის მოგება, როცა ქრისტიან ქალს მაჰმადიანებს აძლევს? რილასთ-
ვის უნდა დაევალოთ თუ კი ურწმუნონი არც კი მოითხოვენ.

კიდევ ბევრი რამ უთხრა ტრიფილიოსმა დარცხვინილ მეფეს, და
დილით მთელი სასახლე ლაპარაკობდა ლუარსაბის გამარჯვებაზე და
შურიტ უცქეროდა ნესტანს, რომელმაც მეფისაგან საჩუქრად მიიღო
მცირე მამული. მალე იესე გადავიდა ამ მამულში, რომელსაც „პა-
ტარა ორბეთი“ დაერქვა და ერთგულად შეუდგა მეურვეობას, რად-
გან სურდა შესაფერი შემოსავალი უზრუნველყო ნესტანისათვის.

დათომ ხმალი გასწმინდა, ახალი წალები ჩაიცვა და ორბელიანი-
სას წავიდა.

არავინ იცის, რაზე ელაპარაკა რევახს დათო, გარნა მამულკა
ირწმუნებოდა, რომ მას, მამუკას, თავადთან ასე მღელვარედ დრო

არასოდეს არ გაუტარებია. მეორე დღეს კი, მიუხედავად ნინოს სი-
სინისა, მერაბის მუქარისა და ასტანის გულწასვლისა, ან შესაძლებე-
ლია, სწორედ ამიტომაც, — მაშუკამ ორბეთს გაჰგზავნა რევიაზის მეჩი-
ბუხე და დაავალა: პატარა ორბეთს გაჰგზავნე ილარიონის საყვარელ
მსახურთა სამი ოჯახი, ორასი ცხვარი, ექვსი ცხენი, ორი უღე-
ლი კაშეჩი და სამი ძროხაო. მაშუკამ შემთხვევით ისარგებლა და
პატივცემულ აზნაურს, რომელიც უმჯობესია მუდამ მეგობრად
გყავდეს, მარჯნის ბეჭელი უთავაზა.

ამ გვარად, ნესტანი, თუმც არა მდიდარი, მაგრამ მაინც დამოუ-
კიდებელი ვახდა.

ასე გაუწიეს „ვეფხებმა“ პირველი სამსახური ორბელიანის ასულს,
რომელიც შემდგომ პირველობას ეცილებოდა ყველას მეტეხში.

ასე შეხვდა პირველად ლუარსაბი „ვეფხებს“, რომელთა სავალიც
მომავალში არ ერთგზის გადახლართულა ლუარსაბ მეორის ცხოვ-
რების გზასთან.

— როგორა ხარ, გიორგი? ამბობენ, ნოსტეში მდიდრდებო.

სააკაძემ მადლობა გადაუხადა ყურადღებისათვის და გაკვირვე-
ბულ მეფეს უამბო იმ ღონისძიებათა შესახებ, რაც თავისი მეურნეო-
ბის ასაყვავებლად იხმარა.

მეფემ შეაქო კეუიანი აზნაური და სიცილით ჰკითხა: ძალიან
ნაწყენი ხომ არ არიან ნოსტელნი, რომ მალაღაძეს არ ეკუთვნიანო?

სააკაძემ გულმხურვალედ დაიწყო ლაპარაკი იმაზე, რომ ყველა
აზნაურს სურს დაირაზმოს მეფის გარშემო. ნიაღვარივით მიედძალა
გიორგის დიდი ხნის სანუკვარი ფიქრები. მეფის წინაშე გადაშალა
დიდი შესაძლებლობანი. სააკაძეს ეგონა, თავადთა თვითნებობა მე-
ფის უცოდნელობისაგან წარმოსდგებოდა. რა თქმა უნდა, მეფემ არა
იციის რა აზნაურთა მზარდი ძალის შესახებ: საკმაოა მეფემ მოისურ-
ვოს მხოლოდ ამ ძალის გამოყენება ქართლის გასაერთიანებლად და
თავადები მყის ქედს მოიხრიან მეფის გადაწყვეტილების წინაშე.

და გიორგიმ მეფეს დაუსახა შესაძლებლობა თავადთა ძლიერები-
სათვის დაეპირისპირებინა ძლიერება აზნაურებისა, რომელთაც ხალხი
გაჰყვებოდა. ნოსტელ აზნაურებზე უკეთ ხომ არავინ იციის ხალხის
საქიროებანი. მათზე უკეთ არავინ იციის, თუ რა ზიანს აყენებს
ქართლს გაერთიანებული ლაშქრის უყოლობა. უკეთ არავინ იციის,
თუ რა რკინის მარწუხებივით უჭერს ყელში ქართლს თავადთა მიერ
შეკმნილი მრავალგვარი ზღუდე, რომელიც ჰლობავს გზასა და რო-
მელზე გასაველედაც ხალხი უკანასკნელ ფარას იხდის.

განა თავადებს ძალუძთ ხალხის ერთიანი ნება-სურვილის გამკ-
ლაყვება? განა მეფის მთლიანი ხელისუფლება ქართლის კეთილდღეო-
ბა არ არის? ერთ სამეფოდ ქცეული ქართლი მაჰმადიანებს შეუშინ-
დება? ბრძანე, მეფეო, და... ბევრი რამ სულ სხვანაირად იქნება...

სიცოცხლეს არ დაეზოგავ შენთვის, ქართლისთვის, ლუარსაზისთვის, ერთს კი არა, უთვალავი სიცოცხლე მქონდეს, მაინც არ დაეზოგავ!

ქართლის მეფე ერთხანს თავმომწონედ ისმენდა სააკაძის ვნებიან სიტყვებს და, ბოლოს, ამოიხვერით წარმოსთქვა:

— ჯერ მაგისი დრო არ არის, გიორგი... გეტყვი, როცა დრო დადგება... ერანს განგებისად გგზავნი, ეცადე, მოეწონო შაჰს... ნახე, როგორ მეფობს, რა ჯარი ჰყავს, რა ურთიერთობაშია რუსეთთან, ყველაფერი ნახე... დიად, დიად; შენ გენდობი, გიორგი... თუ ერთგული იქნები, თავადობას გიბოძებ, ჯარის საჩლლობას მოგანდობ... დიად, დიად, დიდ რამეზე ვფიქრობ. დავით აღმაშენებლის დროს დიდებულებს სულ მოკლე ხელები ჰქონდათ, სურვილებიც მცირე, ახლა კი მთელს ქართლზე ხანა დაუღიათ... დიად, დიად, წადი, კარგად დაუკვირდი ერანს, ყარაჯულაის მაგალითს მიჰბაძე... დაბრუნდები და გებაასები...

გიორგი მეფე წამოდგა.

— მეღვე, კვლავ ერთი თხოვნა... ნოსტეში ერთი ქალიშვილია, ერთად ვიზრდებოდით... წინათ მის თხოვას ვაპირებდი, ახლა კი, როგორც ჩემი მეფე მიბრძანებს.

მეფემ გიორგის თვალი მიაპყრო: რომ ჰყვარებოდა სხვანაირად მთხოვდაო. რა გაეწყობა, შემიძლია კიდევ ერთი სამსახური გავუწიო აზნაურს. დიად, დიად. უსიყვარულო ცოლი და უმარილო თევზი ერთნაირი გემოსია...

თავის ოხუნჯობაზე გაელიმა და სერიოზულად სთქვა:

— არა, გიორგი, ჯერ დრო არ არის ცოლის შერთვისა... და ისიც გლეხის ქალზე არა ღირს... აი ნუგზარს უყვარხარ; სულ გეპატიჟება, მუხრან-ბატონიც მოწყალედ გეპყრობა, მოიცადე; თავადი გახდები და თავადის ქალს შეირთავ...

გიორგის თითქოს მძიმე ლოდი მოეშვა გულზედაო. ერთი წუთით აზრმა გაუელვა—უხეირო თხოვნა იყო, მაგრამ ფიცხლად უკუაგლო სინანული: „საპირადოზე ფიქრის ნება არა მაქვს, მძიმე გზა მომელის... და რა მომელის? განა თვალის ჩინი არა მაქვს? მაშ, შეცდომა რისთვისაა ჩავიდინო?“

შეალო თუ არა კარი სააკაძემ, მეგობრები ათასგვარი კითხვებით მისცვიდნენ, მაგრამ გიორგი მტკიცედ სდუმდა. რად გიხმო მეფემ? გამომიტხადა თინათინის ამაღაში ჩარიცხვა... საგანგებოდ დამავალა მეფის ასულის დაცვა... მერე საელჩოს თავი ვინ არის? რასაკვირველია, ნუგზარ ერისთავი ..

— დიად,—უეცრად გაფიცხდა გიორგი, — მეფეს ცოლის შერთვის ნებართვა ვთხოვე... უარი მითხრა... დათო, გთხოვ, გადასცე ნინოს... დრო არ არისო მითხრა, ცოლის შერთვისა, დიდი საქმისთვის შინდისხარო, ხოლო რა საქმეა, ამას დაბრუნების შემდეგ გეტყვიო...

მეგობრებმა ერთმანეთს გადაჰხედეს. დათომ თავისუფლად ამო-
სუნთქა: როგორც იქნა, გიორგის ხელი გაეხსნა, მეფის უარი მოსა-
ლოდნელი იყო. მწყემსის ჭკალისთვის როდი აუყვანია მეფეს სააკაძე
ამ სიმაღლეზე. მეგობრები ერთსულოვნად დაეთანხმნენ დათოს. მხო-
ლოდ დიმიტრი უეცრად ვაუჯავრდა დაუთბევს.

— 'ნენ რითა ხარ კმაყოფილი?' ვინ იცის, იქნებ ნინო ათას თა-
ვადის ასულად ღირდეს, იქნებ მისი ერთი ცრემლი მთელი ქართლის
ქვრივთა ტირილზე უფრო ძვირფასი იყოს, იქნებ... თქვენ ყველანი
ვირები ხართ! დღენახვევის განმავლობაში არ გაბედოთ ჩემთვის
ხმის გაცემა!

ქუდს ხელი დაავლო და ქუჩაში გაეარდა. ძილგატეხილ გიორგის
შუალამისას ესმოდა, როგორ დაეხეტებოდა ეზოში დიმიტრი.

მეფე დიდძალ განძს აგროვებდა თინათინის მდიდრული მზითე-
ვისათვის. ახალი ერთდროული გადასახადი შიძვე ტვირთად დააწვა
კისერზე ქართლს: სოფლებიდან მოერეკებოდნენ ცხენებსა და აქლე-
მებს, ვაჭრებისაგან მოითხოვდნენ აბრეშუმსა და ხავერდს, ამქრები-
საგან კი—ფულს.

იცოდა მეფემ: მხოლოდ მდიდრული მზითევით, დიდებული ამა-
ლითა და ბრწყინვალე თავადთაგან შედგენილი საელჩოთი შესძლებ-
და იგი პატივისცემა გამოეწვია თინათინისადმი და საპატიო ადგილი
უზრუნველყო მისთვის შაჰ აბაზის კარზე...

ნუგზარი ვულმოდგინედ ემზადებოდა ერანს გასამგზავრებლად.
არაგველი ამაღა ბრწყინავდა ძვირფასი საკურველით, ნაზი მაულის
და ხავერდის ჩაცმულობით. რუხ ცხენებზე მჯდომს ორმოცდაათ
ახოვან მოლაშქრეს შეენოდა სიყრმე და ძალოვნება. ნუგზარმა მეტე-
ხის მთავარ ეზოში უჩვენა მეფეს თავისი ამაღა და უთხრა: დიდი
ხანია შინდოდა მემამებინა შენთვის, მეფეო, ვინაიდან დიდად დავა-
ლებული ვარ განსვენებული მამიშენისაგან და აი, გთხოვ, თინათინი-
სათვის საჩუქრად მიიღო აბრეშუმით დასაპალნებული ხუთი აქლე-
მიო.

ხოლო სხვა თავადებსაც გადაეწყვიტნათ მთელი თავადური
ბრწყინვალეობით წარსდგომოდნენ შაჰს და ამიტომ ერთმანეთს ეჯიბ-
რებოდნენ ხელფართობაში. მეტეხი აიესო მდიდრული საჩუქრებით,
დიდებული ამალითა, აღკაზმული მოლაშქრეებით, საკურველის ჩხა-
რუნითა და ოქროსტარიანი აბრეშუმის დროშებით.

მეფე სიამით ათვალეირებდა დიდებულ ამაღას.

მშვენიერი დარი იყო. ცისფერ სივრცეში ზეიმოვანად გაისმოდა
სიონის ზარათა რეკა. დამთავრდა საზეიმო პარაკლისი. საელჩომ და
თავადთა ამაღებმა რკალი შეჰკრეს საუცხოო ტახტრევანის გარშემო,

რომელიც აქლემზე იყო დადგმული. სააკაძემ სასწრაფოდ გადასწია ტახტრევის კალთა, თავად თორმანძის მეუღლემ ატატებული გამოიყვანა გონწასული თინათინ. დედოფლის ქვითინი მთელს მეტეხში ისმოდა. ცხენები რუხ ფილაქანზე აქახუნდნენ.

ბალის მიყრუებულ კუთხეში ლუარსაბი მუხას შემოხვევოდა და მწარედ ქვითინებდა.

ტფილისის გარემო მთები თანდათან უკან რჩებოდნენ. ლურჯ ნისლში გახვეული, დაღვრემილი სთვლემდა თეთრქედიანი მკანავარი.

თავი ოცდამეხუთე

ხავერდის ბალიშზე დაეწყო შაპ აბანს თვისი მძლავრი ხელები; მრგვალ სარკეში იხატებოდნენ ჯერ კიდევ სოველი, დაინული ფრჩხილები.

დალაქი მოწიწებით უსაპნავდა ყბებს. მოოქრულ სავარძელს უკან გაქვავებულყენენ ახოვანი სირიელი მამელუკები, რომელთაც ხელში ეკავათ ძვირფასი თვლებით მორთული სამოსი შაპისა. ოქროს ხონჩზე გველივით მოხვეულიყო ვარდისფერი, ბრილიანტით შემკული დოლბანდი.

შაპ აბაზი ქართლის საელჩოს ელოდებოდა. იგი დიდი ხანა მისწვდა „შავი და თეთრი წიგნის“ საიდუმლოებას, მას უკვე აღარ აღელვებდნენ ის ლამაზმანები, რომლებიც დავლეთის ჰარამშანას აესებდნენ. ერანისათვის ზრუნვა ჯემშიდის ფილაში ერთმანეთს ურევდნენ კრიტელ ბანოვანთა ლურჯ თვალებს, ინდოელთა — წვრილ. სომეხთა, — მოგრძო, ეგვიპტელთა — უცნაურ, ჩერქეზთა — ვნებიან თვალებს, ხოლო თინათინის ნუშისებური თვალები ერანის ლომის გულისყურს ჩრდილოეთის საიდუმლოებისაკენ აპყრობდნენ და არა საშხრეთული ლხენისაკენ.

ოცდათხუთმეტ წელთაგან თვრამეტმა ხმლის ჩახაჩუხში განვლო.

ოსმანთა, არაბთა, უზბეკთა და შავრთა ურდოები ერანის ლომის ურყევ ნებისყოფაზე იმსხვრეოდნენ და დიდებული ინდოეთი უკვე თრთოდა სპარსელ ყულის ჯართა ყიჟინის გაგონებაზე.

დიდმშვენიერება, რომლითაც ქართლის მეფემ თავისი ასული გაჰგზავნა, შაპის თავმოყვარეობას უსალბუნებოდა; ერანის მბრძანებელი იმდენად თინათინისათვის არა ზრუნავდა, რამდენადაც იმისათვის. რომ მალალ წოდებას და მაიდანზე შთაბეჭდილება მოეხდინა. ამიტომ თინათინს სადღესასწაულო შეხვედრა მოუწყო.

ისპაჰანი ხალებით, ფერადი შალებითა და ნაზი ქსოვილებით მოირთო, მეჩეთები ნაირჟერად ბრწყინავდნენ.

ქალაქის კარებიდან მოკიდებული დავლეთ-ხანემდე ჩამწყკრივებული იყო კოხტად გამოწყობილი ფარეში ანუ შაპის პირადი ჯარი-

შკიდრო რიგებს უკან უთვალავი ხალხი იდგა. ბანებზე ნაზი ჩაღრები ფრიალებდნენ. ქუჩებში დაძვრებოდნენ ტკბილეულობისა და ცივი წყლის გამყიდველნი; მათი ყვირილი ხალხის გუგუნს ეზაებოდა.

დილიდანვე, პირველი ნამახის შემდეგ, ქართლის საელჩოს შესახებ ვერად გაემგზავრნენ დიდებული ამალით გარშემორტყმული გამოჩენილი ხანები. მათ ვერცხლის ზარების წკრიალითა და ერთმანეთის მიყოლებით მისდევდა შვიდი თეთრი აქლემი—შუთირ-ბაადი, ძვირფასად აღკაზმული და წითელი ხავერდის სამაგრავებით, ცისფერი მძივებით, ევენებითა და ოქროსფერი ბაფთებით მორთული. მეოთხე აქლემს ედგა ძვირფასი აბრეშუმის ტახტრევიანი. იქ იჯდა სეფეწული ზერამ, რომელსაც ქართლელთაგან უნდა მიეღო თავისი ძმის სასძლო.

დანარჩენ აქლემებზე ისხდნენ გამოჩენილი ხანთა ვაჟები, რომელთაც გარს ეხვივნენ ამაღა და ქეშიკები.

ქალაქიდან ორი ალაჯის* მანძილზე შეხვდნენ ერთმანეთს ქარაენები: შაჰის ქალაქგარე სასახლეში ოდნავი შესვენების შემდეგ სეფეწულმა თეთრი, მოქარგული ჩადრი ჩამოაფარა თინათინს. საზეიმო წუთმა სამუდამოდ დააშორა თინათინი მთელს ქვეყნიერებას. იგი სეფეწულსა და თავად თურმანიძის მეუღლესთან ერთად მოოქრულ ტახტრევიანში გადაჯდა და ქვეითინი აუტყდა, მაგრამ დუღუკის ხმასა, აქლემთა ღრიალსა, ცხენთა ქიხინსა და მისალმების აღტრთოვანებულ ყიჟინაში მისი სასოწარკვეთილი კენესა არავის ესმოდა.

სპარსელი დიდებულნი თეთრ აქლემთა ქარაენის შემოერთებულს გარს. ისინი ქართველებს ეჯიბრებოდნენ ბრწყინვალეობასა და თავახიან ქცევაში.

ყარაჯულაი-ხანი, რომელიც თავის ბერბერულ ულაყს ნუგზარის გვერდით მიაგვლებდა და მასთან ტკბილ მუსაიფში იყო გართული უეცრად დაინტერესა ბუმბერაზმა, უბრალოდ რომ იყო ჩაცმული. ერისთავმა სანაქებოდ დაუხასიათა სააკაძე. ყარაჯულაი-ხანი გულმოდგინედ დააკვირდა გიორგის.

მშენიერმა და სათნოებიანმა თინათინმა ერთბაშად მოჰხიბლა თავისი ტოლი სეფექალები. კანონიერი ცოლები კი ყურდაცქვეტილნი უცქერდნენ ახალ მეტოქეს: მათ ვაჟი არა ჰყავდათ, ქართველ ქალს კი ვაჟის შეძენით შეეძლო დაეპყრო შაჰის გული. კანონიერი ცოლები ხასებს როდი სთვლიდნენ იქნეულობის ღირსად... სხვადასხვა უცხო ქვეყნებში შეკრებილი კეკლუცები მეფის ასულნი როდი იყვნენ. თუძვა მათ ერანის მბრძანებელს ორი ვაჟი შესძინეს, რომელთაგან შაჰ აბაზმა პირველს ხოდაბენდ-მირზა დაარქვა, მეორეს კი—იმამყული-მირზა, მაგრამ რაკი იმედი ჰქონდა, ვაჟი კანონიერი ცოლი-საგან მიეყოლებათ, არც ერთი არ დაუნიშნავს ტახტის მემკვიდრედ.

* ალაჯი—დაახლოებით შვიდი კილომეტრი.

ერანში უკანონოდ შობილი ბავშვები არ იყვნენ. თვით შაჰის სასახლეშიც, როცა კანონიერ ცოლთაგან ნაშობი მემკვიდრე არ არსებობდა, ტახტი ხასებისა და მხეველების ვაჟებსაც კი ერგებოდათ ხოლმე, ხოლო უკეთეს აქაც შაჰს ბედი არ გაუღივებდა, მაშინ ტახტი შაჰის გვარეულობის ახლო ნათესავზე გადადიოდა. ამიტომ შაჰის ჰარამხანაში გამეფებული იყო ვერაგობა, სიძულელი და საშინელი ურთიერთობა ყველასი და ყველას წინააღმდეგ, და გსაკვირველი როდია ჰარამხანის შემფოთება ყოველი ახალი ქალის გამოჩენისას... თინათინი კი, ამასთან ერთად მეფის ასული და ასეთი დიდები: მოსულა, ორმაგად საშიშარი იყო: იგი შაჰის ტოლი იყო.

„მაგრამ, ჰეიქრობდნენ კანონიერი ცოლები, — უკეთეს ალაჰი არ ინებებს ვაჟი შეგვიძინოს, უმჯობესია მომავალი შაჰი მეფის ასულმა შობოს და არა მხეველმა, რომელიც, ვით მემკვიდრის დედა, ყველაზე გაბატონდებაო...“

და სერალმა თინათინი გარეგნულად დიდი სიხარულით მიიღო, ვინაიდან ვისაც სიციცხლე უღირს, იმას ყოველივე ისიც უნდა მოსწონდეს, რაც შაჰსა ნებავს...

ემირ-გიუნე-ხანი, მკჷმანდარისა და შაჰ აბაზის ამალის თანხლებით, ქართლის საელჩოს დავლეთხანეს ათვალისრებინებდა. აღფრთოვანებულნი და გაოცებულნი უტკუროდნენ ქართველნი შაჰის სასახლის ფუფუნებას, ყოველი ნახულნი სიზმარი, „ათას ერთი ღამის“ ზღაპარი ეგონათ.

საკაცე განცვიფრებული უფრო იყო, ვიდრე აღტაცებული. მან ირონიულად გაიფიქრა: „რამდენი ბელი უნდა ჰქონდეს ყოველ სპარსელს, შაჰს რომ ასეთი სიმდიდრე მიუზხვექოსო!“

ემირ-გიუნე-ხანი მეტად კმაყოფილი იყო, რომ გააოცა ქართლის საელჩო, და თავაზიანად მიპატიჟა შემდეგს დარბაზებში, სადაც საპატიო სტუმრებს შეძლოთ გასცნობოდნენ ერანის ბრწყინვალე ისტორიას.

მოოქრული კარი სწრაფად გაიღო და ქართლის საელჩო თამბაქხანეში შევიდა. ღრუა ნიშები მორთული იყო ჩუქურთმებითა და ფრესკოებით. ცისფერ კედლებზე წარწერებით იყო სამარადისოდ აღბეჭდილი საგმირო საქმენი დარიუს ჰისტასპოსისა.*

გვერდის კედლებზე გამოსატული იყვნენ ნაირფერ სამოსიანი დიდებული სატრაპები, რომელნიც კილიკიურ ცხენებსა და ეთიოპურ სპილოს ძვალსა სძლვნიდნენ ეგვიპტის დამპყრობს არტაქსერქს III.

* დარიუსი ჰისტასპოსი (521—485 წვენ ერამდე) — აქაცხელი მეფე ახემენიდების გვარიდან.

მკველმა შავი კარები შეაღო და საელჩომ, რომელიც განგებ ზმამალა გამოსთქვამდა აღფრთოვანებას, დაათვალიერა დიდი და წყირე დარბაზნი, რომელნიც მოხატული იყვნენ ვარსკვლავებით, ფრინველებითა და ყვავილებით, ქერი თითქოს მოლურჯო ნისლით იყო დაბურული. ვარაყიანი რელიეფებით იყო აღბეჭდილი საგმირო საქმენი მბრძანებლისა: აი შაჰს დაუღრჩია ლომი, მოუკლავს ფასკუნჯი, მიუღია მოხარკენი და მოუთოკავს ყალბზე შემდგარი მერანი.

უქანასკნელი დარბაზი, ფერადი სამკუთხიანი სარკეებით შემკული და თაღოვანი, ფერადისავე ფანჯრის შინებით გაშუქებული, „დექეს“ — დახურულ ეზოს ეკვროდა.

ემირ-გიუნე-ხანმა ოდნავ აცალა, სანამ ქართლელი საზღაპრო დარბაზის დიდებული ცქერით დასტკებოდნენ, და მერმე თავაზიანად მიიპატიჟა დივან-ხანაში, სადაც საელჩო შაჰ აბაზს უნდა წარსდგომოდა. დივან-ხანაში რომ შევიდნენ, ქართლებმა ახალი აღფრთოვანებით დაათვალიერეს ინდური რვაკუთხიანი მაგიდები, ვიწრო, მაღალზურგიანი სავარძლები, სპილოს ძვლით მოოქვილი მრგვალი კვარცხლბეკები.

საზეიმო ღუმელში, მეჭმანდარმა ქართლის საელჩო შაჰის ტახტის წინ დააყენა ისე, რომ ყოველ მათგანს მიუჩინა ადრევე გათვალისწინებული თვისი ადგილი.

საარაკო ფუფუნებით გაკვირვებული, ქართლელი თავადნი მოწიწებით ელოდებოდნენ ამ ზღაპრული სიმდიდრეთა პატრონის დახვას.

და როდესაც გამოჩნდა ჯმუხი შაჰი, რომელიც ტანადობით სპარსელ ქვეითს ჯარისკაცს მოგაგონებდა, ქართლელი თავადნი მყის პირქვე დაემხნენ.

შაჰი დინჯად აბრძანდა ტახტზე და ძლივს გაიმეტა მოწყალე სალაში. ნუგზარმა, როგორც საელჩოს თავმა, პირველმა ილაპარაკა. გიორგი X სახელით მან მადლობა გადაუხადა იმ დიდი პატივისათვის, რაც მეფის ასულს თინათინს დასდეს, და იმედი გამოსთქვა, ორივე ქვეყნისთვის ესოდენ სანუკვარი ნათესავური გრძნობა მარად უქნობი ყოფილიყოსო. ამირინდო ირწმუნებოდა: მუდამ შენი ერთგული ქართლელი თავადნი მზად არიან ეპრძოლონ საერთო მტერსაო, და სთხოვდა, შენს მაღალმოწყალე ყურადღებას ნუ მოგვაკლებო.

ილაპარაკა აგრეთვე მოაზუკმა თავადმა დიასამიძემ, ერთგულების გრძნობანი დაჰფინა ზაზა ციციშვილმა, და მირვან მუხრან ბატონმაც, არა ერთი და ორი გონებამახვილური სიტყვა დახარჯა.

შაჰ-აბაზმა თვალთ გახომა დიდებული საელჩო, იმისი მდიდრული ჩაცმულობა, ძვირფასი აღჭურულობა და პატივცემით განიმსქვალა.

* არტაქსერქს III (351 — 338 წვენ ვრამდე) — სპარსეთის მეფე ახემენიდების გაარიდან.

„ასეთი ხალხი, — გაიფიქრა მან, — უმჯობესია, იარაღით კი არა, სხვა საშუალებით დაიპყრო“.

შაჰი რომ ქართველ თავადთა მოხდენილ სპარსულ სიტყვებს უსმენდა, ერთბაშად გამქვეალავი თვალი სააკაძეს მიაპყრო: ალი-ბაინ-დღური მართალია, ეს ყველაზე უფრო გამომადგებაო.

მირვანმა მისალმების დასასრულს მოიხსენია ქართლის სიხარული მეფის გიორგი X სიბრძნის გამო, რომელსაც საყვარელ ერანთან კავშირი ერჩინა ყოველთვის სხვა ქვეყნების მოყვრობას...

შაჰთან სადილობის შემდეგ საელჩო მისთვის განკუთვნილ ბინებში წავიდ-წამოვიდა დასასვენებლად და დასაძინებლად.

დილით ქართლის საელჩო კვლავ სარკოვან დარბაზში შეიკრიბა, სადაც მას ემირ-გიუნე-ხანი ელოდებოდა.

ჩვეულებრივი მისალმების შემდგომ საელჩო გაემართა მოქიქული 'მორენკეცი'თ მოგებულს დახურულ ეზოში, რომელიც განკუთვნილი იყო უცხოელთათვის ძვირფასი უნაგირით შეკაზმულ ჯიშინან ცხენთა საჩვენებლად და აგრეთვე ძღვენთა მისაღებად და მისართმევად. შაჰ აბაზმა მოწყალეთ მოისმინა ქართლის საელჩოს მისალმებანი.

ერანის მბრძანებელი ხანთა დიდებული ამალითურთ გრილს, მოზაიკურ ნიშში მოთაქსდა და თავმომწონედ უჩვენებდა განცვიფრებული ქართველ სტუმრებს სხვადასხვანაირ საუცხოო ნაკეთობათ: სპილოს ძვალს, ოქროულს, მინა-მინანქარს, მოზაიკას. ძვირფასი თვლებით სავსე ბროლის კოლოფნი, ეგვიპტური, არაბული და ინდური ნაკეთობანი შუქერაზადის ლეგენდას აცოცხლებდნენ.

ბოლოს, ქართლის საელჩომაც გაჰბედა გაეკვირვებინა შაჰი თვისი ქვეყნის სიმდიდრით.

ქართლელთა ძვირფასი ძღვენი რომ დაათვალიერა, შაჰ აბაზი უკვე აღარ ეუკობდა, რომ ქართლის სამეფო მტკიცე იყო და საბოლოოდ დარწმუნდა თვისი პოლიტიკის სისწორეს. ხანები რომ შაჰ აბაზისაგან ამა თუ იმ ნიუთს იღებდნენ დასათფანებლად, რაკი თავიანთ მბრძანებელს ნასიამოვნებს ხედავდნენ, გადაქარბებულად ხარობდნენ და ქება-დიდებას ასხამდნენ ქართველთა გამოვნებას. ხანებისა და სასახლის ამალის შემდეგი მლიქვნელ მსახურთა ბრბო რომ საჩუქარს იღებდა, პირფერულად იკავებდა სიხარულსა და ჩურჩულით, ისე კი, რომ შაჰის მახვილ ყურს მისწედომოდა, აღიდებდა ერანის მბრძანებელს, რომელმაც უცხო ქვეყნები ასეთი სამოთხისებური ძღვენის მოსატანად აღძრა.

დიასამიძემ საქართველოს წმიდათა-წმიდა — დავით აღმაშენებლის ფარი მიართვა. ქალარა დიასამიძე აკანკალებული ხმით სთხოვდა ერანის უძლეველ ლომს მიეღო ეს წმინდათა-წმინდა — „ფარი, რომელმაც ნანგრევებიდან ფენიქსებრ აღადგინა საქართველო,“ თავადის დაღარულ სახეზე მსხვილი ცრემლი მოგორავდა. კაცი, რომელსაც

თავის სიციცხლეში მრავალი უბედურება ენახა მაჰმადიანთგან, ფარულ მტერსა სთხოვდა მიეღო ფარი, ვით ნიშანი იმისა, რომ ქართლის ბედი მას ებარებოდა.

შაჰ აბაზი გულში ზეიმობდა და თავს ისე აჩვენებდა, ვითომ დიდად ნაამბები იყო. ქართლი ჩემთვის თითქოს ერად-ერთი ვაჟია, საყვარელი ცოლისაგან ნაშობი, და ვინ გაბედავს ხელი ახლოს ამ მშვენიერს მონათესავე ქვეყანასო.

უკანასკნელი ძღვენი, რომელიც ნუგზარ ერისთავმა მიართვა, ერანის დროშა იყო: წითელს ხავერდზე ოქრომკედითა და მარგალიტით ამოქარგული ლომი, ზურგზე რომ მხე ულაპლაპებდა, ხმაალამართული შესცქეროდა ბრილიანტის ვარსკვლავს.

შაჰი წინასწარ სტებებოდა იმ მითქვა-მოთქმით, რაც სწორედ დროზე ჩამოსულ უცხოელ ვაჭართა შორის ატყდებოდა: საჭიროა მაიდანს ეცნობოს საელჩოს დიდებულობისა და მის მიერ მორთმეული ძვირფასი ძღვნის შესახებ, რათა ვაჭრებმა თავიანთს ქვეყნებში ილაპარაკონ შაჰ აბაზის დიდებასა და ძღვევამოსილებაზე.

მსახურთ ფეხაქრებით შემოიტანეს მდიდრული საჩუქრები და შაჰმა იწყო ქართველ თავადთა უხეად დაჯილდოება. ძვირფასი თვლებით შექმული სამოსი, დამასკური საჭურველი, მოელეარე ბეჭედი ბრწყინავდა ქართველთა ხელში.

ახალგაზრდა ქართლელმა თავადებმა, რომლებიც მთელს გზაში აღმატერად უცქეროდნენ „მდბიოს“, თვითკმაყოფილებით გადაჰხედეს ერთმანეთს განზე მდგომ სააკაძეს არაფერი არ მიუღია.

ემირ-გიუნე-ხანი მოწიწებით დაიხარა შაჰისკენ და, ბრძანებლის ღიმილი რომ დაიჭირა, მეჰმანდარს რაღაც ანიშნა.

თავადთა განსაცვიფრებლად. შაჰმა სააკაძე მიიხშო.

— დიდი ხანია არ დავმტკბარვარ ასეთი ახოვანის ნახვით... მითხარ, გიორგი, ძეო სააკაძისა, რა საჩუქარი უფრო გაგახარებდა?

სააკაძე ცალი მუხლი მოიდრია შაჰის წინაშე და წმინდა სპარსულით, მოკოძალებულათ მოახსენა:

დიდებულო შაჰ-ინ-შაჰ, ერანის მბრძანებლის ხელაგან მიღებული ზბრალო აგურიც კი ფასდაუდებელ ბრილიანტად იქცევა, მაგრამ მე უფრო მეტიც მელირსა: შენი ყურადღება.

შაჰმა ღიმილით მიუგო: „ძალიან კარგად ვიცი, თუ რისთვის არის ქართლის მეფე ასე კეთილგანწყობილი ახალგაზრდა აზნაურისადმი.“ გიორგი წარბმეუბნულად იდგა.

„საიდუმლოების დაცვა სკოდნიაო“, — გაიფიქრა შაჰმა, და მსუბუქი ირონიით მოისურვა გმარის დაჯილდოება წყვეული ოსმალის დამარცხებისთვის.

რამდენიმე მეჯინიზემ ძლივს შემოიყვანა ეზოში არაბული ცხენი. ახოვან მამელუქს მოჰქონდა ძვირფასი უნაგირი, მეორეს ბრწყინვალე სამოსი სპარსელი რაინდისა.

შაჰს, რომელიც თვით ჩინებული მხედარი იყო, თვალი წარსტაცა საუცხოო პირუტყვემა.

— ეს ცხენი ბუხარის ამირამ გამომიგზავნა. ცხენს გადმოუგდია თვისი ბატონი და დასასჯელად განდევნილ იქნა. ამირა მწერს: „აქამოდე ვერც ერთ სულდგმულს ვერ გაუბედავს დიდი შაჰ აბაზის ურჩობა, თავხედი ცხენი, ალბათ, მხოლოდ შენი უნაგრისთვის არის გაჩენილი.“ მიიღე, ქართლულო, ბრძენი მხედრის შესაფერისი ძღვენი. სააკაძე პირქვე დაემხო და მადლობა გადაუხადა.

გიორგიმ ნებართვა ითხოვა, ცხენთან მივიდა და ბრძანებლურად დაუსვა ხელი ფაფარზე. ულაცს თვალები დაუსისხლიანდა, თრთოდა, იტორებოდა, მაგრამ ყალბზე დადგომა ვეღარ მოახერხა: გიორგიმ ხელი ჩააელო ლაგამში. ხანმოკლე ქიდილი — და გაოფლიანებული ცხენი ქედმოდრეკილი გაქვაავდა.

მთელი ეზო გულადგერებული აღევენებდა თვალს ორთა ბრძოლას. შაჰმა კმაყოფილება გამოსთქვა:

— ქეშმარიტად აზნაური სააკაძე საჩუქრის ღირსი აღმოჩნდა.

— დიდთა შორის უდიდესო შაჰ-ინ-შაჰ, უმაღ კისერს მოვიტეხავ, ვიღრე ცხენს იმის ნებას მივცემ, რომ აზნაური სააკაძე გადმოაგდოს. ნება მიბოძე, უძლიერესო, ახლავე შევკაზმო, დეე ერთბაშად დარწმუნდეს, რომ მე ამირა არა ვარ.

შაჰმა გადაინახარა, მახლობლებმაც მლიქვნელურად გაიზიარეს მბრძანებლის მხიარულება.

პაპუნამ დაბლა დაუკრა შაჰს თავი, მშვიდად მოჰკიდა ცხენს ლაგამში ხელი, მერე ქიშმიში ამოიღო და ათრთოლებულ ლაშთან მიუტანა. ცხენმა ჯერ ზიზლით დაიფრთქენა, მაგრამ ოდნაეი ყოყმანის შემდეგ პირი მოჰკიდა, მოწონების ნიშნად თავი დაიქნია და პაპუნას გაშლილ ხელისგულს წაეტანა. სააკაძე უკანასკნელ მოსართავს უქერდა.

შაჰი სიცილით შეეკითხა პაპუნას: როგორ მიხვდი ქიშმიშით ცხენის გულის მოგებასო. პაპუნამაც სიამით გაუზიარა თავისი გამოცდილება: არცერთი მდიდარი არ შემხვედრია, რომ მუქთ ლუქმაზე უარი ეოქვას, ცხენი კი მათზე უქკუო როდია და ახლა ვარაუდობს რამდენი შეიძლება გამოეცინცლო ამ სულელსაო. შაჰმა მხიარულად უბრძანა მეჭმანდარს: აზნაურს მისი საზრიანობის ღირსი სამოსი მიართვი და ჯიბეც ოქროთი აუვსე, რათა ცხენებისა და ვირების გულის მოგება აღარ გაუჭირდესო.

მხოლოდ ნაშუალამევს, როცა შაჰისას ლხინი გათაჯდა და პაპუნასთან მარტო დარჩა, გიორგიმ გასაქანი მისცა თავის მღელვარე სიხარულს. როცა, ოხუნჯ ერებ-ხანსა და მამაც ყორჩი-ხანს შუა მჯდომარემ, შაჰის ხელთაგან ღვინით სავსე ოქროს თასი მიიღო, გიორგი ერთბაშად ამაღლდა ისპაჰანის დიდებულთა თვალში, რომელნიც ერთმანეთს ეცილებოდნენ, რათა პატივი ეცათ მისთვის, და

სტუმრად ეპატივებოდნენ. გარნა მთავარი რამ ის იყო, რომ ნუგზარი ჰხარობდა.

პაპუნამ ყური მიუგდო მღელვარე სიტყვებსა და ამოიოხრა. გაახსენა გიორგის მისი ფიცი, თავადობას არ ეესწრაფო, ვინაიდან ასეთი პატივი მალა ეწევა კაცს. სააკაძე ცდილობდა განემარტა მეგობრისათვის, რა მნიშვნელობა ჰქონდა მისთვის მალა ასვლას, მაგრამ პაპუნა მოლუშული აფრთხილებდა: ბაბო ზარამ ტყუილ-უბრალოდ აგიესო თავი საშიში ფიქრებით. ბურუსში განა რას ეძებ?

— სიმართლეს, პაპუნა. და მივალწე კიდეც! თავადთა გვარეულობის კენობადი რტოები რად უნდა უჩრდილავდნენ მზეს აზნაურთა გვარეულობის ახალგაზრდა ყლორტებს? მხოლოდ აზნაურებს შეუძლიათ ხმლით დაუბრუნონ საქართველოს ძღვევამოსილება დავით აღმშენებლის, თამარ მეფის დროისა.

— ეჰ, გიორგი, ბარე, ორიოდე ხმალი დაბლაგვდება, სანამ აზნაურები თავადებს მზისაგან მოაცილებდნენ.

— არაფერია, პაპუნა, თავადები რით არიან ძლიერნი? მხოლოდ ხალხით. ჩვენ, აზნაურებმა, ხალხი ჩვენსკენ უნდა გადმოვიბიროთ. შერე რათ უნდა გადმოვიბიროთ? პურიოთ! უღელი უნდა მოვხადოთ. უნდა მოვაგონოთ, რომ ისინი ქართველები არიან. სიტყვით კი არა, საქმით უნდა შთანერგოთ ხალხს რწმენა აზნაურთა ძალისადმი. და აზნაურებმაც უნდა შეიგნონ: ხალხის დაცვა აზნაურთა ძალა-უფლების განმტკიცებაა.

— ეჰ, ჩემო კარგო, სადმე შორს გადამალე აგეთი აზრები, მაგით შეგიძლია სიზმარში იბურქალო, ჯანმრთელობისათვის მარგებელია.

— ნუ გეშინია, ჩემო პაპუნა. ისედაც შორსა მაქვს გადამალული: მეფეებსა და თავადებს, სანამ ზედ არ წამოეგებიან, არაფერი ეცოდინებათ. უსაზღვრო ძალასა ვგრძნობ, პაპუნა, ვინ გაბედავს ჩემს შეჩერებას?

— მე გავბედავ!.. დაწეე და მცველებს ნუ აცთუნებ განჯაში ასტუპონ.. ისე ღრიალებ, თითქოს თავადნი უკვე ენას გგლეჯავენ.

— გაიგე, პაპუნა, რომ ჩვენ უთვალავი ჯარი ვართ; ისინი კი— ერთი მუქა და უმციოვს ძალას რად უნდა ვანებებდეთ პირველობას?

— ვინ ჩვენა? ნუ გგონია, რუსუდან ერისთავის ასული ხალხს გაჰყვება ცოლად?

— რუსუდანიო? რა სთქვი, პაპუნა? პაპუნა, რენ სთქვი...

— ვთქვი, ვთქვი, პაპუნა და პაპუნა! სიმართლე ვთქვი: რუსუდანი მხოლოდ თავადს გაჰყვება ცოლად.

— რა შეაშია რუსუდანი? ძვირფასო პაპუნა, არ... არა მესმის რა...

— ძალიან კარგადაც გესმის! გეუბნები, იძინე-მეთქი, ნუ მალა-პარაკებ.

— პაპუნა, გამიგონე... ერთი წუთით, პაპუნა...

— გიორგი, ალბათ, გინდა, რომ ხვალ ბაიასა ჰგავდე. ნადირობა დაგავიწყდა? პირველი ჯეირნისათვის შაჰმა ჯილდო დანიშნა, ან იქნებ გეპრიანება ყიზილბაშებს დაუთმო პირველობა. და განა დილაადრიან მაიდანზე არ უნდა გავიქცე ტანისამოსისთვის? მხოლოდ ეშმაკი თუ დამეხმარება შენი მოსარგი შარჯლის შოვნაში. განა ყუყუჩმა ნოსტელეგმა იზრუნეს თავიანთი ბატონისათვის? გაბლენძილნი დაბრძანდებიან... არა, პაპუნა მუდამ სულელი იყო, ძილსაც კი არ აცლიან, მაგრამ მან იცის უპატივეცემლობის წამალი.

მერმე საბანში გაეხვია და ხვრინვა მორთო. ანაოდ ემუდარებოდა აღელვებული გიორგი ეთქვა, თუ როგორ მიხვდა პაპუნა იმ საიდუმლოებას, რომლის გამხელას თავისთავსაც კი ვერ უზედავდა. ამოდ ანჯღრევდა მოურიდებლად—პაპუნა განაგრძობდა უდარდელად ხვრინვას, და განაწანები გიორგი თავის ლოგინზე მიევლო.

ხოლო გიორგის დიდ ხანს არ მოუხეხრდა თავისი მეგობრის მაგალითისთვის მიებაძნა. მწვენიერად მიხვდა შაჰის ნართაულ სიტყვას. ნუ თუ ვინმე ჩასწვდა თრიალეთის ბრძოლის საიდუმლოებას? „ვეფხვთა რაზმმა“ კი არა იცის რა... მაშ ვინ შეატყობინა შაჰს? ნუ თუ სპარსელი ჯაშუშები გულშიც კი უძვრებიან ხალხს?.. მერმე რა სწადია შაჰს? დამასაჩუქრა ცხენით, რომელიც მთელ ქონებად ჰლირს, ძვირფასი სამოსით, ოქროთი გატენილი ქისებით, სუფრაზე პატივით გამომარჩია. რასაკვირველია, არა თავაზიანობის გამო, საამისოდ გიორგი სააკაძე ერთობ მცირე ვინმეა, შაჰი კი—მეტად დიდი. საჭიროა სიტრთხილე... რუსუდანი მხოლოდ თავადს გაპყვება... მგონი, მირვან მუხრან-ბატონი... მე კიდევაც ვავიგონე... რა ცხელა!.. ეს აბრეშუმის საბანი უთუოდ დამალჩობს, სპარსელები მეტად განაზებულნი არიან... რა სიმდიდრეო?.. ნუგზარი ძალიან კარგად ნეპყრობა, რა უბაროდა, რომ შაჰმა ყურადღება მომპყრო! ვინ არის ბრწყინვალე თავადებზე მალალი? მთავრები? გმირები? სახალხო მხედართ-მთავრები? მეფე?.. არა, ასეთი ბალიში ჩემი თავისთვის არ არის გაჩენილი, ნაბადი უნდა გავიშალო, იმაზე უფრო მოვისვენებ. ნაბადი და სატყეარი კარგად სდარაჯობენ ძილს... იქნებ დიმიტრიმ შეირთოს ნინო, მუდამ მოსწონდა... ჰო, ხვალ პირველი ჯეირანი უნდა მოვპკლა. ვისაც ხალხის მხედართმთავრობა სურს, მუდამ წინ უნდა იყოს... ნუგზარს რომ ვესტუმრო, ყველას საჩუქარი უნდა ვუყილო... ზოგჯერ ერთი აცმა მარჯანი ბრილიანტის მანიაკზე უფრო ძვირფასია...

გრილმა განთიადმა რიკულიან აივანზე წეხედა, რუხ ფანტელე-ბივით დაეკიდა და ამღვრეული თვალი ვიწრო ფანჯრებს მიაშტერა.

საკაცემ ნადირობისათვის შაჰისაგან მსხვილ აღმასიანი ბეჭედი მიიღო, რომელსაც გარშემო სისხლისფერი იაგუნდები ესხდნენ.

ყარაჯულაი-ხანმა შეჯიბრებაში სანაძლეო მოიგო და წესით დღე-სასწაულის მასპინძელი გახდა. შაჰი დიდებულებითა და ქართველი ელჩებითურთ მთელ ღამეს ყარაჯულაი-ხანისას ღებინებდა.

გიორგი რომ ფანრიანი გამყოლითურთ შინ ბრუნდებოდა, გაკვირვებული სულ ემირ-გიუნე-ხანის გადაკრულ სიტყვებზე ფიქრობდა... ნაცნობმა ხმამ ფიქრი გააწყვეტინა. მიიხედა და გოცებით შესძახა:

— ალი-ბაინდური! აქ რა გინდა, ან წვერი რა უყავ?

— ე, რა აჩქარებული ხარ, ჩემო კარგო. ალი-ბაინდური ვითომ რად არ უნდა ელტვოდეს შაჰის წყალობათა შადრევანს? ან როდის იყო, რომ რაინდები და ვაქრები უარს ამბობდნენ ოქროზე?

ფანრის ყვითელი შუქი ალი-ბაინდურის სახეს დაეცა. ერთბაშად ეპვიით მოცულმა სააკაცემ ყური სცქვიტა: იქნებ შაჰმა ამისგან იცოდეს ყოველივე? ნუ თუ „ოქროს აქლემის“ დუქანში წამოვყარანტა-ლე რამ თრიალეთის საქმეზე? არა, ეს არ იქნებოდა. ალი ბაინდური ამქრისას ცხოვრობდა, სანდროს ბიძისას. პაპუნა ამბობს, მოლაშქრეთა შორის ხმა დადიოდა... მაშ; ვინ არის ეს ბაინდური? ნუ თუ...

— შენ კი, ალი-ბაინდურ, ერთსა და იმავე დროს ვაქარიცა ხარ და რაინდიცა?

— და მეგობარი ჩემი მეგობრებისა... რა არის, რომ სულ ხახამებისას დაიარები, წამო ჩემთან, ნამდვილი ერანი გაჩვენო. გნებავეს გოგონები, გნებავეს ბიჭები, სამოთხის ჰურიასაც კი ვიშოვნით... მაიდანზე ბევრს ღაპარაკობენ შაჰის ყურადღებაზე ქართლელი ბუმბერაზისადმი. ამბობენ, აქ რჩებაო, მე კი არა მგონია, რად უნდა დარჩე? შენს მეფესაც უყვარხარ, საიდუმლო დავალებას გაძლევს...

— მართალი ხარ, მეგობარო, მეფეს ვუყვარე, მაგრამ... საიდუმლო დავალების შესახებ საიდან იცი?

— ხომ ხედავ, ალი-ბაინდური ერთბაშად მიხვდა... გინდა, დაგეხმარო?

— მე მგონია, არა თუ ჰქუიანი ალი-ბაინდური, ყველაც მიხვდება, თუ კი ჩემი პაპუნა ყოველ დღე მაიდანზე იწანწალებს... სამწუხაროდ, ჯერ-ჯერობით არათფერი გამოდის, ხოლო თუ დამეხმარები, მითვე გადავიხდი. დიად, გიორგი სააკაცეს არასოდეს არ დაავიწყდება მისთვის გაწეული სამსახური.

— მერნე მაიდანზე რას ეძებს ცბიერი პაპუნა?

— ეძებს? განა მე ვთქვი, ეძებს-მეთქი?.. ა, მგონი, ეს ჩემი სახელია... გამყოლი გაჩერდა, — ფანარმა კარს მიანათა: წაიყვა, მეგობარო, ჩემი გამყოლი, თქვენში ძალიან ბნელა...

— ეჰ, გიორგი, ნუ თუ ძილს აპირებ? ბნელი ღამე—მზიარული ღამე, წავიდეთ შირე-ხანაში, სწორედ დროა.

— ხეალ, ჩემო კარგო. ახლა ფეხზე ძლივს ვდგევარ, გარდა ამისა, პაპუნას, ალბათ, არა სძინავს. ხეალ მაიდანზე მელოდე, კუთხის ყავა-ხანაში, ყავას ყოველთვის იქა ვსვამ, მოხვალ?

— მეგონა, ქართველია-მეთქი, ღვინით გამასპინძლება მინდოდა.

— მე კი ვფიქრობდი, სპარსელია, ყავა უფრო უყვარს-მეთქი.

— კარგი, აგრე იყოს, ჯერ ყავა, მერმე კი ღვინო. ხეალ მოვალ... გამყოლი არ მინდა, ბნელში უკეთ ვხედავ, დეე დაბრუნდეს...

სააკაძემ პატარა ქიშკარი შეაღო, მაგრამ მისწყდა თუ არა ფეხის ხმა, გამოიღალა, მეძებარივით ჰაერი იყნოსა და მარჯვნივ გაემართა. ქუჩა, მოსახვევი, კვლავ ქუჩა, ალი-ბაინდურმა ბნელ კედელზე სპილენძის ჩაქუჩი დაარახუნა, ქიშკარი ქრიალით გაიღო და სწრაფადვე მოიხურა. გიორგიმ სახლს შემოუარა და გულნაკლულად წარმოსთქვა: ყოველი სახლი ერთნაირია... მაგრამ კედელზე რომ ხმლით ნიშანი რამ გაეაკეთო, მაშინ ნაცნობი გახდება...

დილით ალი-ბაინდურმა შაჰს ყოველივე დაწვრილებით მოახსენა საქართველოს საელჩოს შესახებ.

— დიდებულო შაჰ-ინ-შაჰ, ექვი არ არის, რომ ქართლის მეფემ სააკაძეს საიღუმლო საქმე მიანდო, ტყუილ-უბრალოდ როდი მოსულა იმ გამოჩენილ თავადთა შორის, რომელთაც სძულთ მეფის აზნაური. იგიც მზადაა, ყოველ მათგანთ საწამლაღი ჩაუყაროს. ძალიან კჳუიანია და სიავეც მტკიცედ ახსოვს.

— მაშასადამე, თავადნი ვერ ხვდებიან თრიალეთის ოინს?—გაიღიმა შაჰმა.

— ვერა, დიდებულო შაჰო, საამისოდ ძლიერ ამაყნი არიან, ტფილისში კი ამაზე ყველა მოლაშქრე ჭურჩულებს. სააკაძე დიდი კჳუნისა და მტკიცე ხასიათის კაცია,—დაამთავრა ალი-ბაინდურმა.

ალიაკაბუზე, რომელიც მრავალ ვიწრო ქუჩას აერთებს, დიდი მიხლა-მოხლაა. შინაშინის * გარშემო ფარეშები ჩამწკრივებულან, ხელში გრძელი ვაზის წნელი უჭირავთ, მოჯარებულ ბრბოს ხანდაზმით სცემენ თავსა და ზურგზე და ასე აკაეებენ.

ყურმან-ბაირამის ** წინა დღეა. ქალაქი მორთულია ხალიჩებითა და ფერადი ქსოვილებით.

სარბაზთა ასეულები, რომელთაც თეთრი და წითელი სპარსული ქამარი არტყიათ, მალალ ალვათა ხეივნის გასწვრივ გაქიმულან.

* შინაშინი—ოთხ გოგორაზე დადგმული მოძრავი სახლი შაჰისა.

** მუსლიმანთა ახალი წელი.

დღესასწაულის მეთაურმა, ახალგაზრდა ხანმა ხელი აიქნია: ხუთასმა მედლოემ ერთბაშად თორმეტჯერ დააგრგვინა, ახმაურდნენ ფლეიტები, და აგუგუნებული ხალხი შაჰ აბაზის გამოსვლას მიესალმა.

შაჰი შინაშინიდან გამოვიდა და დარბაისლურად ჩაბრძანდა მოკერულ სავარკელში. სპარსელმა დიდებულებმა, საქართველოს საელჩომ და უცხოელმა ვაჭრებმა დაიკავეს ამ შემთხვევისათვის მათთვის სავანგებოდ აშენებული სადგომი შინაშინის გარშემო: შაჰს უკან საუცხოოდ მორთულნი ედგნენ: მთავარი საკურისი, ოდნავ წელშიმობრილი, პირადი მრჩეველი, სახეგაქვევებული მდივან-ბეგი, ქედმაღალი საიდუმლო მრჩეველი, მონათა ჯარის სასტიკი უფროსი და შლიქენელი კარისკაცი.

დატრიალდნენ მოცეკვავენი, ქიანურთა ხმაზე აფრიალდა აბრეშუმის კაბები. ნახევრად შიშველი ძალოსნები მალა ისროდნენ მზეზე აბრკყიალებულ სპილენძის გირებს. მტვერში მოხტუნავე ჯამბაზებს, თვალთმაქცებს, რომელნიც ლურსმნებს ყლაპავდნენ, გველის მოწვინიერებლებსა და დერვიშებს თავს დასჩხარუნებდა ლითონის დროშები, რომლებზედაც არაბულად იყო წარწერილი ყურანიდან ამოღებული ლექსები. მედროშენი თავს იქებდნენ თავიანთი მკვრივი ძარღვებით და მალა აჰყავდათ ლითონის დროშათა რტოებზე მჯდომარე ბიჭები. ავადმყოფობისა და თვალნაცემისაგან განკურნების დროშებზე ეკიდა ნაქრები, კრიალოსნები და უცნაური ფირფიტები.

შუაში შეიქრნენ ჯავშანსა და ჩაფხუტში ჩამჯდარი ცხენოსნები. ცხენები მორთული იყვნენ სირაქლემის ფრთებითა და ზიზილპიპილებიანი ასალებით; ბრწყინავდა მარგალიტი, ფირუზი და მრავალი ძვირფასი თვალი; ფოლადის შუბები, ხმლები და ფარები ლურჯად ლაპლაპებდნენ.

ცხენთა გავაზე ხმალამოლებული იდგნენ მდიდრულად ჩაცმული ლამაზი ბიჭები. ხმლებზე წამოგებული ჰქონდათ ყვითელი კომწი და წითელი ბროწეული.

მხედრებს მოჰყვებოდა სახუმარო ქარავანი, რომელიც გამოხატავდა მექაში თურქეთის სულთნის გამგზავრებას: „სულთანს“ წითელი მანტია ესხა, თავს ეხურა ტაკიმასხრული წითელი ფესი, ქალარაწვერი მკერდს დაჰფენოდა! მას მოსდევდა სასაცილო სამოსით გამოწყობილი, „სულთნის ჰარამხანის“ უბადრუკი ამალა. ძლივს მობობლავდა ლატაკური, სახედრებგაბმული ტახტრევანი, შემდგე—აქლემზე გადაკიდებული ქეჯავე, * დასაპალნებული სახედრები და აქლემები, ცხენოსანი მსახურნი, რომელთაც ხელში ეკავათ ყალიონის

* ქეჯავე—დახურული ჩასაჯდომი, რომელიც ცხენს, ჯორს ან აქლემს ორივე ზხარზე არის გადაკიდებული.

ბუდეები, მეჩიბუხეები და მთელი წყება გაჟოლთა, რომელთაც თეთრი ქეჩები ესხათ.

სასახლის მამელუკებმა შინაშინი მსკლელობის შუაგულს გადაიტანეს.

პროცესია შაჰის წინაშე შესდგა, „სულთანმა“ დაბალი სალამი მისცა და აღფრთოვანებული ლექსით შეამკო დიდებული შაჰ-ინ-შაჰი.

ქარაფანში შემოიჭრნენ მომთვინიერებლები, რომელთაც ჯაკვით მოჰყავდათ წითელშარელიანი მაიმუნები, დათვები, მღრინავი ვეფხები და მოღრიალე ლომები. მხეცებმა შაჰის პატივსაცემად რამდენიმე ძნელი ოინი გააკეთეს.

ქალის სამოსით გამოწყობილი, თმაგაშლილი მოცეკვავენი ძელის ფირფიტებს ატკაცუნებდნენ და ზურნის ჭიქყინში თავბრულამხვევად ტრიალებდნენ, ხუმარები მანქვა-გრეხვით უფარდებოდნენ ხალხს ფენქვეშ, ნახევრადშიშველი დევრიშები სატევარს იცემდნენ, და აალის სახელით სისხლით იღებებოდა მათი კონცები. მომთვინიერებლებს გველები შემოეხვიათ და თავდავიწყებით ცეკვავდნენ დუდუკის ხმაზე.

შაჰი განუწყვეტლად აბნევდა წვრილ ფულს; ატყდებოდა ხოლმე ერთი ორომტრიალი.

წყლის მზიდველნი სწრაფად ავსებდნენ ცივი წყლით სპილენძისა და ვერცხლის ჯამებს და მიღებულ წვრილ ფულს ჯიბეში იყრიდნენ. ხალხში დაძვრებოდნენ ტკბილეულობისა და ხმელი ხილის გამყიდველნი.

ერასტი ალვის ხეს მიყრდნობოდა და სიბრალულთით უცქერდა ამ ხალხს, მტვერში რომ შაჰის მიერ გაბნეულ ფარებს ეძებდა. მას მთელი ხელსახოცი გაევისო რახათ-ლუქუმით, მოხალული ნუშით და თვისი მაგარი კბილებით სწრაფად ტკვერდა. არც წყლის გამყიდველი დაუტოვებია უყურადღებოდ ერასტის. აი ახლაც, ნეტავ სად გაჰქრა ის წითური ეშმაკი? ერასტი აქეთ-იქით იხედებოდა და უეცრად შეეხეჩა ხარბ ქვერას. ახალგაზრდა სპარსელი წამოწითლდა და სწრაფად მიბრუნდა, მაგრამ ერასტიმ შეამჩნია მშიერის ნერწყვი. ახლო წარსულმა მტკივნეულად უჩქმიტა გულში. გაახსენდა, თუ პირველად როგორ გააძლო იგი სააკაქემ ცხელი მწვადით. ვაჰარი მოიხმო და ტკბილი ცომი მეზობელს მიაწოდა. სპარსელი მტკიცედ სდუმდა. ერასტიმ სახელოს ჩამოსწია:

— სკამე!

სპარსელმა ფრთხილად გაითავისუფლა დასაკერვლებული სახელო.

— სკამე, გეუბნები!

ერასტიმ მუშტი დაარტყა ხეს.

სპარსელმა გაუბედავად აიღო ვარდისფერი ცომის გუნდა. ერასტიმ მოწონების ნიშნათ ხელსახოცი გაუწოდა.

— სკამე, სანამ არ გაძლები.

ახლა წყლის მზიდავს დაუძახა და ოთხი ჯამი დაასხმევინა. კმაყოფილი ერასტი თვალს ადევნებდა, თუ რა გამალებით სკამდა სპარსელი.

— რა გქვია? არ გესმის? შენი სახელი-მეთქი! მე ერასტი მქვია... შენ კი? ჩერიმი? ეეჰ, ეეჰ, ქერიმ, ცუდი ბატონი გყოლია, ეს რა ტანისამოსი გაცვია დღესასწაულზე! სახეც გამხდარი გაქვს, მგონია. ფეხზედაც ვერა დგებარ ხეირიანად? ფეხი აი ეს არის, გესმის?.. რაო, ხელები უფრო გტკივა? რატომ გტკივა? მოიცა, წყნარად ილაპარაკე, კარგად არ მესმის... რა ქვა? რაო? არც ჩემი გესმის. რატომაო? კარგად ვლაპარაკობ... შენი ბატონი შორს ცხოვრობს? ხანში? ქვას ვაჭრობს? უხეირო საქონელია. ჩვენში ქვას არა ჰყიდულობენ, კავთიხევეში, რამდენიც გინდა, წაიღე... წყალსაც მუქთად სვამენ... ქვისაგან ხელები გტკივა? მძიმე საქონელია... მაიდანზე ვაჭრობ? არა? მოიცადე... ხანეს აშენებ? ალი-ბაინდურ-ხანი შენი ბატონია?.. ნაცნობია, ჩვენსა იყო გუშინ... არ მიყვარს შენი ბატონი, ცუდი თვალთ იხედება... რას ამბობ? ბატონი არა გყავს? არა მესმის რა... თუ ბატონი არა გყავს, მშიერი რად დაიარები?

ერასტის ოფლი სდიოდა და ცდილობდა ნიშნებით, დამტვრეული სპარსულით განეგრძო ბაასი. არანაკლებ შეშფოთებული სჩანდა ქერიმიც. ისინი სიყვარულით, მაგრამ უმწეოდ უცქეროდნენ ერთმანეთს. უეცრად ერასტი გამხიარულდა.

— ქერიმ, როცა დღესასწაული გათავდება, ჩემთან წამოსვალ. ჩემმა ბატონმა კარგად იცის სპარსული, აზნაურ პაპუნასაგან ისწავლა ბავშვობაში. ჩვენში, თბილისში სპარსული ისე გადის, როგორც ქართული, ძალიან ბევრი სპარსელი გყავს, კარგად ცხოვრობენ... იქაც მაიდანზე ვაჭრობენ, მთელი ნახევარი უკავიათ. ქართველები დიდ გადასახადს იხდიან, სპარსელები კი—სულ ცოტას. რა გაეწყობა, ბევრის გადახდა არა სურთ. მოიცა, კიდევ წავიღოთ რახათ-ლუქუმი, ძალიან მიყვარს, მთელ დღესა ვჭამ.

ქერიმი გაფაცივებით ადევნებდა თვალს, თუ როგორ გადაიხდა ერასტიმ ვერცხლის აბაჯი, რამდენი ხურდა მისცა ვაჭარმა, და წყნარად ამოიოხრა, რადგან მშიერი დედა გაახსენდა. ის იყო გაეტაცნა ნაღვლიან ფიქრებს: ალი-ბაინდურის სასახლის მშენებლობიდან აგერ ერთი კვირაა, რაც ურჩობისათვის დაითხოვეს და...

ერასტიმ სახელოში ჩაჰკიდა ხელი ქერიმს. გააფთრებული ჰაიდერები და ნაიმეთ-ულაჰები * პირისპირ იდგნენ და ხის ხმლებს

* ესენი იყვნენ მებრძოლნი, მსგავსად ქართველი მოკრივეებისა. ძველი ჩვეულებით, ყოველი დიდი სპარსული ქალაქი ორ ბანაკად იყოფოდა. ბრძოლა ზოგჯერ რამდენიმე დღეს გასტანდა. სატვერისა და ხმლის-მაგიერ, მებრძოლნი შეიარაღებული იყვნენ ხის ხმლებით, მაგრამ, მიუხედავად ამისა, ხშირად ბევრი დაჭრილი და მოკლულიც იყო ხოლმე.

არახუნებდნენ. პირველ რიგში მდგომი ბიკები სტეენითა და ყიყინით აქეზებდნენ უფროსებს. მედროშეებს ეკავათ მაღალტარიანი დროშები, რომლებიც თაობიდან თაობაში გადადიოდა. ფერადი ბაფთები, შალის ნაგლეჯები და გახუნებული ნაქრები აღნიშნავდნენ მოგებულ ბრძოლათა რაოდენობას. უეცრად ყველაფერი ერთმანეთში აირია. ხმლების ჩახუნი, კუვილი, გინება, მძაფრი კივილი, დასისხლიანებული ცხვირ-პირი... მაგრამ აი ფერაშ-ფაშის ბრძანებით ჩაფრებმა მათრახით გარეკეს მოძაბებზრებელი სანახაობა, და განთავისუფლებულ მოედანზე გამოვიდნენ მქვერმეტყველები და პოეტები, რომლებიც ჰარმონიული სიტყვებითა და მშვენიერი ლექსებით ამკობდნენ ერანის ლომს.

შაჰი უხვად აფრქვევდა „სწავლულებს“ თუმნიანებს.

მოედანზე შემოიყვანეს დამნაშავეთა ბრბო, ხოლო მათ შორის ხუმარა, რომელიც სულთანს წარმოადგენდა. შაჰმა ყველას მიანიჭა სიცოცხლე და თავისუფლება. აღფრთოვანებულმა ხალხმა შეწყალებულნი ზემით შესვა აქლემებზე და მოედნიდან გაიყვანა.

დღესასწაული გათავდა... აენტენ დისფერი ჩირალდნები. ხალხის თავაწყვეტილს ღრიალში შაჰი დავლეთ-ხანესკენ გაემართა და თან ფიქრობდა: ხალხთან ერთად შევხვდი ყურბან-ბაიჩამსაო.

სააკაძემ შინ შეიარა, რათა შეინდისფერი ქულაჯა ჩაეცვა შაჰისას ლხინზე წასასვლელად, და ხანეში შეხედა ქერისს, რომელიც ფლავს მიირთმევდა, ხოლო კუშქში* — ალი-ბაინდურს, რომელიც ყალიონს ეწეოდა.

ალი-ბაინდურმა სიტყვა ჩამოაგდო მზიარულ დღესასწაულზე, ბევრი იცინა „სულთნის ჰარამხანაზე“ და უეცრად ჰკითხა:

— რა ჰქენ, გიორგი, შეასრულე უკვე ქართლის საიდუმლო დავალება?

— დიალ, დახე.

სააკაძემ ხანს უჩვენა წვრილი სატევარი, რომელიც ღამაზ ჯოხს უფრო ჰგავდა, ალი-ბაინდურმა რომ სპილოს ძვლის ტარის ჩუქურთმა დაათვალიერა, გაოცდა:

— რად უნდა მეფეს საიდუმლო სატევარი?

— იცა, მეგობარო, მეფეები ძალიან ექვიანები არიან, და აი ბაგრატოვანმა მიბრძანა მგზოვნა ისეთი ნივთი, რომელიც გარეგნულად ღამაზი, ხოლო შიგნით შხამიანი იქნებოდა. დეე სულელებმა იფიქრონ, რომ ქართლის მეფეს ხელში მომაკვდინებელი სატევარი კი არ უქირავეს; ფარული მტრებისათვის, არამედ მშვენიერი ჯოხიო. ალი-ბაინდურმა წყენა დამალა და გაკვირვებით შეხედა სააკასეს.

* ყალიონის მოსაწვეი ოთახი-პაევილიონი (აქედან წარმოსდგა სიტყვა „კიოსკი“).

„ქართლში გამოჩენა, უნდა ითქვას, უსაშიშროო როდია,“ — გაიფიქრა ალი-ბაინდურმა.

კიბეზე გიორგი გაოცებული შესდგა.

— სად მინახავს ეს თვალეები? ღიად, თვალეები ავაზისა!

ქერიმი თვალის დაუხამამებლად შიშტერებოდა ალი-ბაინდურის ხავერდოვან ხურგს.

„ბოლოს და ბოლოს გავიგებ, რისთვის ვუნდივარ შაჰს,“ — ჰფიქრობდა სააკაძე, რომელიც ღამით მეჭმანდართან ერთად შაჰის სადგომისკენ მიდიოდა...

მან სიამით გაიხსენა, თუ რა მოხერხებულად მოაწყო ქერიმი ალი-ბაინდურის საქურველთმეტვირთველად. ქერიმმა ერთგულება შეჰფიცა სულგრძელ აზნაურს და აღუთქვა: დაულალავად ვადევნებ თვალს საძაგელ ხანსა და ერთგული ადამიანების მეშვეობით შეგატყობინებ ყოველივე ნახულსა და გაგონილსაო.

მაგრამ გიორგი კიდევ უფრო კმაყოფილი იყო, რომ სასურველად დაგვირგვინდა მისი ცდა შაჰის გულის მოსაგებად.

და ახლა, შაჰთან რომ საიდუმლო მიბატიყებით მიდიოდა, მტკიცედ გადასწყვიტა შაჰის ნდობა მოეპოვებინა და უზრუნველყო მისი დახმარება, რათა დაეკმაყოფილებინა წოდებრივი საჭიროებანი აზნაურებისა, რომლებიც, თავის მხრივ, ერთგული დასაყრდენი იქნებიან შაჰისა ქართლში ერანის ინტერესების დასაცავად მოახლოებული რუსეთის წინააღმდეგ.

მამელუკებმა უხმოდ დაიწიეს უკან.

ყარაჯულაი გაფაციკვებით ადევნებდა თვალყურს სააკაძეს, რომელიც აგერ უკვე ერთი საათია დახრილა შაჰის წინაშე, მაგრამ, გარდა მწვიდი მოკრძალებისა, მისი უცნაური სახე არაფერს გამოხატავდა.

— ძღვეამოსილო მბრძანებელო, ყოველივე ისა, რაც ერანისათვის მავნებელია, ქართლისათვის დამლუპველია. აზნაურები სადარაჯოზე დგანან. ქართველთა და რუსთა თავადების მგობრობა სარგებელს ვერ მოუტანს ქართველ ხალხს. მე ქედს ვიხრი ერანის ღომის მზისა წინაშე, დიდებული შაჰის სამსახური ჩემი ქვეყნის სამსახურს ნიშავს.

— არ დაივიწყო, გიორგი, თვალყური ადევნე თავადებს, ისინი პირადს სარგებლობაზე უფრო ჰფიქრობენ, ვიდრე ქართლის კეთილდღეობაზე; შენ კი, ჩემი დიდებული ძმის წყალობით ამადლებული, მხოლოდ მას ეყუთენი. მეფეს ეშინია მთავრებისა და ხშირად თავის საჭიანოდ უთმობს მას... კინალამ გოდუნოვს დაუმეგობრდა ჩემს საწინააღმდეგოდ. და სულთანიცა ცდილობს თავადთა მოსყიდვას... თვალყური ადევნე, გიორგი, ყველაფერს, ერანის მბრძანებელი არ დაგივიწყებს... სამფლობელოს გასაფართოებლად ოქროს, რამდენიც

გინდა, მოგცემ. ომი არცერთ რაინდს არ უნდა აზინებდეს, შენ კი არა მარტო ხმლის ხმარება გემარჯვება, არამედ მხედართმთავართა სუსტი გონების დამორჩილებაც...

— უძღვევლო შაჰ-ინ-შაჰ, — გულშეურვალედ მიუგოს სააკაძემ, რომელმაც არაერთხელ აუარა გვერდი გადაკრულად ნათქვამს, — შენგან დიდად ნაწყალობევი, მუდამ მსახური ვიქნები ერანის დიდი მბრძანებლისა, და თუ ალაჰმა ინება და კარგი ბრძოლა გვარგუნა ერანის მტრებთან, დაგიმტკიცებ, ღირსი ვარ თუ არა შენი ნღობისა... ხოლო უკეთუ თავადები ღალატს განიზრახავენ, მაშინ... შენ უფრო ახლოს იქნები ჩემთვის, ვიდრე ჩემი მეფე... ქართლისათვის საჭიროა შარავანდედი შენი ქმედობისა, მრავალ საუკუნეთა განმავლობაშიც ნუ ჩასვენებულა მზე ერანისა და კეთილმყოფელი სხივებიმც დაუღუენია საქართველოს აყვავებული ქალებისათვის...

თავი ოცდამეექვსე

ტფილისს მიახლოვებული ქართლის საელჩოს ქარავანი საღან-ლულის სერებს მხიარული სიმღერით შეუდგა.

შაჰის მიერ გამართული მიღება, მდიდრული საჩუქრები და უზრუნველყოფილი მშვიდობიანობა ქართლს აყვავებას უქადოდა... დავლეთ-ხანეს წარმოუდგენელი ფუფუნებითა და დიდებით გაკვირვებული, ხანების უნაზესი თავაზიანობით მოხიბლული, ხანებისა, რომელნიც ასე სასტიკნი არიან ბრძოლაში. მარმარილოს სასახლეთა უცხო კაზმულობით აღტაცებული თავადები ქართული ციხე-დარბაზების უბრალოებაზე ნაღვლობდნენ და გადასწყვიტეს სპარსელთა მსგავსად მოწყობილიყვნენ.

თავადებს საგონებელში აგდებდა შაჰის მიერ სააკაძისადმი განოჩენილი სიუხვე, და ისინი აღმაცერად უცქეროდნენ ხუთს დასაპალნებულ აქლემს. მაგრამ თავადები უფრო გააკვირდებოდნენ, უკეთუ სცოდნოდათ, თუ როგორ მალაღდნენ პაჟუნა და ერასტი ხალიჩებსა და ძვირფას საშოსთა შორის ოქროთი სავსე ტყავის ტომსიკებს.

მხოლოდ ნუგზარი იყო კმაყოფილი შაჰის არაჩვეულებრივი წყალობით, გარნა ცნობისმოყვარე თავადის კითხვამ გული ვერ გააღებინა სააკაძეს. მაინც, როცა ამირინდომ შენიშნა, ნაჩუქარი ცხენი, ალბათ, კარგად გაიგნებს გზას ისპაჰანისაკენო, ნუგზარმა მკვეთრად მოუქრა:

— მხედარი, რომელმაც მოახერხა მოსწონებოდა ორ მეფეს, თვით შესძლებს ღირსეული გზა მოუძებნოს თავის ცხენსა.

გიორგის გულში უჩქმიტა.

— მაშასადამე, ნუგზარი არა მძრახავს? მაგრამ... რად უნდა დამძრახოს. განა ცუდი სურვილია მალალი მიზნისათვის გამოიყენო ფრა-

ნის ძლიერება? განა უბრალო აზნაური არ დასცინის ორ მეუეს, რომლებიც ფიქრობენ საქართველოსთვის უცხო ზრახვების განსახორციელებელი იარაღი გაჰხადონ იგი?.. ხოლო მაინც საით მიისწრაფავის იგი, გიორგი სააკაძე?

სააკაძე თავს იტყობდა, რათა ამ რთულ საკითხებში გარკვეულიყო. პაპუნამ, როცა გიორგის ჩაფიქრება შეამჩნია, მხიარულად ჰკითხა: ვისთვის გინდა ის ვარდისფერი, მშვენიერ სახოვანი ფარჩაო? სააკაძე წამოწითლდა და სწრაფად მიაბრუნა ცხენი თავისი აქლემებისაკენ, რომლებსაც ერასტი სრულყოფილებიან პატრონივით იცავდა და თვალს არ აშორებდა მდიდრულ საპალნეებს.

ვარდისფერი ფარჩაო? მაგრამ განა მიხაკისფერი აბრეშუმი და სპარსული შალი ცუდი საჩუქარია დედისათვის? ხოლო ერთი თოფი ფერადი ქსოვილი, ბაფთები და ფირუზიანი ოქროს სამაჯური ცუდი საჩუქარია პატარა თეკლესთვის? ვერცხლის ძაფით მოქარგული ქისა, ნაზი მაუდი საშარვლედ და რბილი ხავერდის საქულაჯედ ცუდი ძღვენია მამისთვის? ან განა რომელიმე მეგობარი დავიწყნია? აბა როგორ შეუძლია პაპუნას ამგვარი სიტყვების თქმა!

პაპუნა კმაყოფილი უქვერტდა ასე მოულოდნელად გახელებულ გიორგის. მას მუდამ ახარებდა ახალგაზრდული მღელვარება თვისი ერთობ ღინჯი მეგობრისა, ამიტომ სინდისის ქეჯნას არა ჰგრძნობდა და, თავის მხრივ, მოჰყვა საკუთარი საჩუქრების ქებას. რასაკვირველია, მარჯნის მძივები მხოლოდ თეკლეს ექნება, მოქარგული ტარსიკონის წულები კი კავთისხევის ქარივით დაატრიალებს მას, მაგრამ არც სხვა „ხელიკები“ დარჩებიან გულნაკლულნი, თუმცა ისეთი უქკუო დედა, როგორც თვალეუფუნა ფატმანსა ჰყავს, თავადთა ციხე-დარბაზებშიც კი არ მოიძებნება... ნინოსთვის მას მიაქვს ცისფერი შალი... მის თმებს დაშვენდება. დათუნას კარგი რახათ-ლუხუმი უყვარს და მთელ ხელსახოცსაც მიიღებს.

მოსახვევში გამოჩნდა გალანჯულ ურემთა წყება. ქარავანი შესდგა. ძონძებში გახვეული მოხუცი ნაღვლიანად მისდევდნენ ურემებს, თავჩაქინდრული ვაჟკაცი მრისხანედ მიერეკებოდნენ კამეჩებს, გახუხულ ბარგი-ბარბანაში მიუუუელიყვნენ ნამტირალევი ქალები. პაპუნა წინა ურემს მივარდა ამბის გასაგებად. თურმე შუა ქართლს ყაზახები „სტუმრობოდნენ“ და მრავალი სოფელი არა მარტო ულუკმაპუროდ, არამედ უსახლკაროდაც დაეტოვებინათ. ამისი მიზეზი ყოფილიყო ვილაც დამთხვეული, რომელიც კავთისხევის მიდამოებში შებმოდა იმ ავაზაკებს.

შემფოთებული გიორგი, ნუგზარის ნებართვით, დაწინაურდა მთელი ლამის გაათორებული ქენების შემდეგ ცხენი ნოსტეს ნანგრევებში შეიქრა. თავზარდაცემული იდგა გიორგი დიდი სახლის ნანგრევთა წინაშე. ქუჩები სასაფლაოსა ჰგავდა, მხოლოდ გაძვალტყავებული კატა კნაოდა ლოდთა შორის.

გიორგიმ კენესა დაიხშო და ცხენი მიაბრუნა. ძველი სახლს ხელუხლებელი იდგა, საკომურში ნელა სდიოდა მიფუტული კვამლი. გიორგი წირთხლს მიეყრდნო: თითქმის ცარიელ ტახტზე ხელ-ფეხგაშლილს ეძინა თეკლეს. იქვე ჩამხობილიყო ნინო. ღუმელი. ნინო წყნარად გამოვიდა. გიორგი უმწეოდ დაეშვა სკამლოვინზე ღობის ძირას. ცხენი ტორსა სცემდა და დამსახურებულ საკვებს ითხოვდა, გარნა მხედარს პირველად დაავიწყდა თავის ცხენი.

— გულს ნუ გაიტეხ, გიორგი... მეც უნამოდ დაერჩი...— ნინომ მწუხარედ უამბო ყოველივე, ქუჩაში გავიდა და ღობეს მიეფარა. გიორგიმ უაზროდ გააყოლა თვალი. თანდათანობით სიამაყის შეგნებამ მოიცივა იგი: მამა არ გაქცეულა, ყაზახებს შებმია და გმირულად დალუპულა... საბრალო დედას ველარ აუტანია... გარნა შუადღემ სირცხვილი და იმედგაცრუება მოუტანა: მამაკობით როდი დალუპულა მამა და ბევრიც დაუღუპავს, არამედ სიხარბით...

დაობლებული ნოსტელები სააკაძის ძველ სახლში მოგროვდნენ, და აქ ნინოს ფრთხილი ნამბობი, ნოსტელთა სიტყვით, საწინელებად იქცა.

თავად მალალაძეთა მიერ მოსყიდული მამბეთ-ხანი, როგორც ყოველთვის, მოჯლოდნელად დასხმიათ თავს; ვერაფრის დაძლევა ვერ მოუხწრიათ. ყაზახები პირველად დათუნას ფხიზელ თვალს შეუნიშნავეს და ყვირილით გაუფრთხილებია ნოსტე. ახალგაზრდობას ხელი უტაცნია იარაღისთვის და გზა მოუქრია ყაზახებისათვის, რათა ქალთა გაქცევა დაეფარათ. თურქე უნდოდათ საქრ ნელი გადაელაღნათ, მაგრამ შიოს ნება არ მიუცია, ჩემს ქონებასთან რა ხელი გაქვთო, ხალხი გინებით დიდ სახლში შეუყრია; თურქე გიფივით დაბორილებდა ეზოში და სიკვდილს ემუქრებოდა ყველას, ვინც გაბედავდა და ბატონის ქონებას არ დაიცავდა. ამოდ ემუდარებოდა მარო, ხალხს ტყუილ-უბრალოდ ნუ ჰღუპავო, ამოდ სტროოდენ ქალები, გაუშვი ჩეჩნი ქმრებო, შიო გამსეცდა, ვეება ხმალი იძრო და კიშკარი ჩაჰკეტა. და მხოლოდ ნინოს მეოხებით, რომელმაც ძალით წაათრია ტყეში მარო და თეკლე ესენი ცოცხალი გადაარჩინენ. ყაზახები სააკაძის სახლში შეცვიდნენ. მამბეთ-ხანის პირველ ვაჟს შიომ თავი გაუპო. გააფთრებულმა ყაზახებმა არა მარტო აპკუწეს შიო და ყველა, ვინც ეზოში იყო, არამედ მთელი ნოსტეც დასწყვეს და დაანგრის. საბრალო დათუნა შიოს გვერდით დაეცა. კაი კაცი იყო! შეშდევ რამდენიმე დღეს მშიერნი ვეყარეთ ტყეში. გარშემო ავაზაკები დაძრწოდნენ. ახალგაზრდობა მთა-მთა თვალადს გადავიდა მამველის სახმობლად. ბავშვები მშიერნი იყვნენ, ლოდინი აღარ შეიძლებოდა, გადაწყვიტეთ მახლობელი თავადისას მიესულიყავით. მალალაძიანთ კომკის გალაგანთან მხოლოდ ნოსტელნი როდი შეყრილან, ყაზახებმა კიდევ რვა სოფელი დაარბიეს ხანის მოკლული ვა-

ქისათვის შურის საძიებლად. თამაზ მალაღაძე გამოვიდა მსახურები-
თა და მოურავითურთ, ძალიან უხაროდათ. თამაზმა რჩეულები
მოითხოვა მოსალაპარაკებლად და, როცა წარსდგნენ, თითო-თითოდ
მოდიოთ, ბრძანა...

— თქვენ ვისნი ხართ? — ჰკითხა პირველთ.

— თავად ამირეჯიბისა.

— მერმე რატომ თქვენს თავადთან არ მიდიხართ? შორს არის,
მშიკრები ხართ? თქვენა გგონიათ, მალაღაძიანთ მექთი დუქანი აქვთ
ვირებისათვის? დაიკარგენით აქედან, ამირეჯიბისანებს არ მივიღებ.

არც ხეფწანამ გასქრა, არც ტირილმა.

— თქვენ კი? ქვლივიძისანი? ამას წინათ იმ ფიცხ აზნაურთან
ჩხუბი მომივიდა... სულ იმასა ფიქრობს, თავადებზე მალლა ვიფრინოო,
შინ კი, ხალიჩების ნაცვლად, ფარდაგები უფენია. ვისაც სახელოვან
მალაღაძესთან უნდა გადმოსვლა, ქიშკარში შემოვიდეს, ახლავე ხორ-
ბალს მიიღებს, სტუმრად კი არავის მივიღებ.

რამდენიმე კაცმა ნაღვლიანად გადააბიჯა მალაღაძიანთა ზღურბლს.
სხვებიც წარუდგნენ თამაზს: ზოგიერთი საკუთრებად მიიღო, ზოგი
კი, განაწამები, და ვისაც ლამაზი ქალი არა ჰყავდა, არ მიიღო,
ვინც არ წავიდა, მალაღაძის მსახურებმა ჯობით გარეკეს... ბეცია
ენახე, ეშმაკსავეთ მწვანე ჩოხა ეცხევა და თამაზ რალაცას ყურში
ჩასაწურაულებდა... თამაზი სულ იმის სურვილზე იქცეოდა.

— თქვენ ვილასი ხართ?

ჩვენ განგებ უკანასკნელთ გვკითხა.

— ნოსტელნი? ბრწყინვალე თავადის გიორგი სააკაძისა? ჰა, ჰა,
ჰაა... ბატონმა რატომ, თავის საგვარეულო კოშკში არ შეგიშვათ?
კოშკი არა აქვსო? ერთი ამას დამიხედეთ, მე ეგ არა მცოდნია!
ასეთი სახელოვანია და კოშკი კი არ გააჩნია...

აქ ნინომ მუშტი მოკუმშა და თამაზს შეუტია... ძალიან შეშინდნენ...

— მართალია, ჩვენს ბატონს ციხე არა აქვს, — დაუყვირა ნინომ, —
სამაგიეროდ კეთილშობილი გული აქვს, თავად მალაღაძიანთ კი, გულის
ნაცვლად, ფუნა უძევთ! თუ ძალთაპირი არ არის, აბა ადამიანთა-
განი ვინ აიგდებს აბუჩად მშიერ ბავშვებს?

გვეგონა, ესაა ნინოს მოჰკლავსო, მაგრამ ის მამაძალი აენტო,
ნინოს თვალს არ აშორებს, სულ სხვანაირი ხმით იწყობს ლაპარაკი:

— მიყვარს გაბედული ქალიშვილები... რა გაეწყობა, შემოდით,
ნოსტელნო, პურსაც მიიღებთ, თავშესაფარსაც, მესეტედ გაგბ-
დით...

— ხალხო, მოიცა! უმჯობესია შიმშილით დავიხოცნეთ, ვიდრე მა-
ლაღაძიანთ ვეკუთნოდეთ. თვალადს წავიდეთ, იქ დროებით მიგვიღებ-
ნენ! — ჰყვიროდა ნინო.

მაგრამ ბევრმა იუარა:

— სანამ მიგვიღებდნენ, ბავშვები შიმშილით დაწყლებიან. სახლ-
კარი დაგვიწვეს, მაღლობა შიოს, სადღა ვიცხოვრებთ? თავისუფლება
რალად გვინდა, როცა სრულიად თავისუფალი დაერჩით.

— ვინც მემხრობა, წამოვიდეს, ვისაც არა სურს, დეე მაღალაძი-
ანთ უღელი ათრიოს.

ნინომ ხელი მოჰკიდა თეკლესა და წასვლა დააპირა. აქ თამაზმა
დაიძახა:

— ეი, ხალხო, მუქთად პურს გამოვიტან, ოლონდ ეგ ქალიშვილი
დარჩეს, უმაგისოდ არავის არ მივიღებ.

ბევრი ეხვეწებოდა ნინოს დარჩი და შეურიგდიო, შიმშილისაგან
გვისხენიო. ზოგი იმუქრებოდა, კიშქარში ძალად შეგათრევთო, მაგ-
რამ ნინომ პატარა სატევარი ამოიღო:

— ყელს გამოვიჭრი ვინც გაბედავს ხელი ახლოს სააკაძის
საჯუთრებას...

მაშინ თამაზმა ტკბილი საუბარი მორთო: არავის არ მიჰაწერთ
ერთ კვირას მუქთათ გაქმევთ, შემდეგ ვინც დარჩენას არ ისურვებს,
გაუშვებო. ნინომ უხმოდ მოჰკიდა ხელი მართასა და თეკლეს და ნოს-
ტესკენ გაემართა. მაშინ ყველას შერცხვა და უკან გაჰყენენ. მეორე
დღეს თამაზის გამოგზავნილი ქალი მოვიდა, პურ-ღვინო მოიტანა
და სულ ეხვეწებოდა. ნინომ ქალი გააგდო, არც პური და ღვინო
მიიღო...

ნოსტეს რომ დაებრუნდით, ახალგაზრდობა უკვე იქ დაგვხვდა...
მოკლულებს მარხავდნენ— ოცდათი კაცი იყო... ერთი სახლი გადარ-
ჩენილიყო, ცარიელი იყო, ზიოს ძველი სახლი... მარომ რომ და-
ჩეხილები დაინახა, იქვე დაეცა, გული მოსწყდა... დახოცილნი სამ
ქანდართან დამარხეს ერთად, რადგან გამოცნობა არ შეიძლებოდა...
ქვათახევის მონასტერში, თვალადში დახმარებისათვის წავიდნენ. მო-
ნასტერმა, სულ ცოტა მოგვცა, გვითხრეს, ყველა სოფელს დაეხზა-
რეთო, თვალადლებმა ოთხი ურემი პური და ათი ცხვარი გამოგზავ-
ნეს. გოგორიშვილმა ბევრი რამ გამოგზავნა, ივანე ქაეთარაძესაც
მოგვაგონდით— ორი ურემი პური, ხუთი ცხვარი, ყველი და პური
გამოგვიგზავნა. თავის გლებთა შორის შეეგროვებინა. ივანეს ბედი
მუდამ სწყალობდა, ყაზახებს მისთვის არაფერი წაურთმეფიათ, თვა-
ლადლებმა მიუსწრეს. ჩენი ურემები კი აჯაზაკებმა აღრევე გაგზავ-
ნეს. ნოსტეში არც ერთი ურემი, არც ერთი ქათამი არ დაუტო-
ვებიათ. ბევრი ქალი თან გაირეკეს... ივანეს თავისას უნდოდა წაეყ-
ვანა თეკლე. მაგრამ ნინომ არა ჰქნა:

— გიორგი რომ მოვა, ისე აღარ ინალვლებსო.

კიდევ ბევრი რამ ილაპარაკეს თავდახრილმა გლებებმა. გიორგი
მიკრულავით იჯდა კარებთან. ზიზლით გაახსენდა, თუ როგორ სძულ-
დათ იგი ერანში ქართლელ თავადებს. და ამ მოოქრულ ჯგუნ-
რებს აბარიათ ქართლელი ხალხის ბედი!

თეკლე გიორგის ეჯდა მუხლზე და ქვითინებდა:

— ძმაო, ჩემო ღიღო ძმაო, სადღა უნდა ვიცხოვროთ ახლა?

გიორგი შეკრთა, ზეწამოიქრა, თავი უკან გადასწია, თითქოს სიმძიმე რამ მოიშორაო, და მტკიცედ სთქვა:

— კოშქში, ჩემო თეკლე, კოშქში ვიცხოვრებთ. და თქვენც ნუ სწუხართ, ერთი თვის შემდეგ მდიდარი იქნებით, ამას გიორგი სააკაძე გეუბნებათ... მერმე... ვის უნდოდა მალაქაძესთან დარჩენა?

ნოსტელები სდუმდნენ.

— თუ არ მეტყვიო, ახლავე ყველას განვათავისუფლებ, სადაც გინდათ, წადით.

— გიორგი, შეგვიბრალებ, გონება დავკარგეთ, მერმე მოვეგეთ თავს.

— ცალკე დადექით, ვისაც მალაქაძესთან გასურდათ დარჩენა... ვინ ემუქრებოდა ნინოს ძალად იმ ძაღლისათვის მიცემას?

ათი კაცი გამოიყო სხვებსა და დანაშაულივით დაუწყო ქუდს სრესა. გიორგიმ ქისა ამოიღო.

— აქ ოცი თუმანია თვითეულს ორ ორი გერგება წაიღეთ და წადით. ქონება ახლა აღარავის აქვს; თავისუფლებას მიიღებს, მე მხდალები არ მესაქირობა. ვისაც გიორგი სააკაძესთან სურს ცხოვრება, სიკვდილის მუქართაც კი არ უნდა მიატოვოს იგი. ტყუილად ნუ მთხოვთ, ჩემს გადაწყვეტილებას არ შევეცლი. თქვენს შორის არცერთი მესეფე არ არის, ყველაზე მდიდარი იყავით...

— დრო არ არის, ძვირფასო გიორგი, ხალხისათვის ანგარიშის გასწორებისა, შიმშილისგან მოხდით ეგა, — შუამღვომლობდა განდევნილთათვის დიმიტრის პაპა.

გიორგი ის იყო ადგა. ერასტის დედამ საჩქაროდ მოამზადა საკმელი, რასაც, უკვე საპი დღე იყო, უზვად უზვავნიდა დაუთბეგის მამა.

— ვიცი, პაპაჯან, დრო არ არის, მაგრამ სხვანაირად არ შეიძლება, დაქიანებული ხე ერთბაშად უნდა მოსქრა, რათა ბალი დაავადებისაგან იხსნა... შენ, ძვირფასო პაპავ, დიმიტრისა ჰკითხე, როგორ მოიქცეოდა, და მაშინ დაგიჯერებ.

— დიმიტრი პირდაპირ მოჰკლავდა, — ამოიოხრა პაპამ, — შენ მართალი ხარ, დეე წავიდნენ. შესაძლოა ივანე ქავთარაძემ მიიღოს ისინი. მას ყოველთვის ბედი სწყალობდა. ჩვენმა მღვდელმა ოჯახითურთ მისას შეაფარა თავი... რად გაჩუქებულხარ?

— ივანე მიიღებს, დათო კი გააგდებს. ურჩიე, ქვათახევის მონასტერში წავიდნენ, იქ სჯობიან, ვიდრე თავადებისას.

— სჯობიაო? ერთს ხელში ჯვარი უჭირავთ, მეორეთი კი ფულს ითვლიან, ღმერთს ატყუებენ. ქამით დასივდნენ: უბედურებაში მყოფ ხალხს კი დახმარება არ აღმოუჩინეს... უმჯობესია კვლავ მეფესთან წავიდნენ... ვფიქრობ, თვალადში... შენ სიტყვას არ შესცვლი, ჩემი დიმიტრიც არ გადასთქვამს... დეე თვალადს წავიდნენ...

ნოსტლები ჩურჩულებდნენ: გიორგიმ რა მოიფიქრაო? რაკი სთქვა, ერთი თვის შემდეგ გამდიდრებითო, მაშასადამე, ასე იქნება,—მტკიცედ სწამდათ ესა. გამხიარულდნენ და სახლების შეკეთებას შეუდგნენ. მაგრამ გიორგიმ უთხრაათ:

— ერთი ზაპთრისთვის შეაკეთეთ, შემდეგ ახალს ავაშენებთ.

ყოველ სიტყვას ისეთი გულისყურით ისმენდნენ, თითქოს ბავშვები არიანო.

საკაძემ ახალგაზრდობა შეჰკრიბა და გამოუცხადა: ყოველ დღე მოედანხე ივარჯიშეთო.

— მალე ერთ საქმეს შევუდგებით.

მესამე დღეს პაპუნაც მოვიდა. რაკი ყოველივე შეეტყო, თბილისიდან რამდენიმე ურემი პური და სხვა სანოვაგე გამოეგზავნა. პაპუნა დიდხანს უვლიდა აქლემებსა და ცხენებს, თუმცა ერასტი უმისოდაც ჩინებულად ართმევდა თავს ამ საქმეს.

გიორგი სიყვარულით უცქერდა ფანჯარაში მეგობარს, რომელიც ახანგრძლივებდა მასთან შეხვედრის წუთს.

— საბრალო პაპუნა! რასაკვირველია, მისთვის ძნელია ამ სახლში შემოსვლა, სადაც ამდენი ხნის განმავლობაში ალერსიან მაროსა და შიოს ხედებოდა ხოლმე.

მხოლოდ თეკლემ, რომელიც კისერზე ჩამოეკიდა პაპუნას, დაუკარგა მის სახეს მწუხარული იერი და ყოველი კუთხიდან მორბენილმა ბავშვებმაც ცალკეა ღიმილი მოჰკვარეს მის ჩალურჯებულ ტუჩებს.

— რას ჩამომეკიდეთ, თქვე „ხვლიკებო“, არაფერი არ მომბიტანია თქვენთვის, ტომრებში მხოლოდ ბზე არის ცხენებისათვის.

გიორგი შინიდან გამოვიდა და უხმოდ მოეხვია მეგობარს.

— დახე, გიორგი, „ხვლიკები“ დარწმუნებულნი არიან, პაპუნა ცალიერი ხჯრჯინით დაბრუნებას ვერ ეგაბედავდაო. რა გაეწყობა, ხარკი ახლავე უნდა გადავიხადო, სხვანაირად არ მომეშვებიან.

ცოტა ხნის შემდეგ ბავშვები მძივებით, ბათებითა და საყურეებით მორთულნი დარბოდნენ, შაქრის თლთიყუშებს წაწნიდნენ, დუღუქს უკრავდნენ, სამაჯურებს აწკარუნებდნენ.

გიორგი და პაპუნა ნაშუალამევამდე ჩურჩულებდნენ. და როცა ერასტის დედამ წუწუნით მოაგონათ, ნუთუ თავი არ გენალელებათ, სადაცაა, გათენდებაო, მათ კმაყოფილებით გაიღიპეს და მორჩილებით გაიშალეს ნაბდები.

გარეთ ფოთლები შეშფოთებით შრიალებდნენ, თითქოს ვილაც ბნელს ბაღში დაეხეტებო. გიორგიმ ყური მიუგდო ღამის ხმაურს, და უეცრად მისი გული არაჩვეულებრივმა სინახემ და სიბრაღულმა აღაღესო. გაახსენდა თვისი წყნარი დედა, მისი განუწყვეტელი მზრუნველობა და უცვლელი გულკეთილობა ყოველი ადამიანისადმი. თავის

სიკოცხლეში პირველად იგრძნო მძაფრი ტკივილი, თითქოს ისარმა განწონაო. რალაც მძიმე გორგალი ყელს მიებრჯინა. 'გიორგი წუნარად წამოდგა. მძინარე თეკლესთან მივიდა, ფრთხილად დახურა და გაშლილი კულულები დაუკოცნა.

შუადღისას პაპუნა რამდენიმე ნოსტელითურთ ტფილისს წავიდა. გიორგიმ ოთხი მოლაშქრე გამოარჩია, ფული მისცა და გორს გაჰგზავნა პურისა, პირუტყვისა და ფრინველის საყიდლად. კვლავ გაწაღდა ცხოვრება. გამხნეებული გლეხები უკვე აღარ დაიარებოდნენ ხელდაქდობილნი: საჩქაროდ ღამზადებდნენ ხე-ტყეს, სწემნდავდნენ ნანგრევებსა და ალაგებდნენ ქეას. რადგან თბილი შემოდგომა იყო, კარვებში დაბინავდნენ. ბოსტნებში ქალები აგროვებდნენ გადარჩენილ ბოსტნეულს. გიორგიმ ბრძანა: სახელდახელოდ დამზადებულ ფარდულებში დაალაგეთ და თანაბრად გაჰყავითო. ამჯერად არავინ ეწინააღმდეგობოდა, მაგრამ ბევრი ჰფიქრობდა: სამუდამოდ ეს უხერხულიაო.

დილიდან საღამომდე გიორგი ბაზრის მოედანზე წვრთნიდა ახალგაზრდობას სამხედრო საქმეში.

პაპუნა დაბრუნდა და თან მოიტანა მესაკუთრლე ამქრისაგან შეძენილი იარაღი. სააკაძემ მოტანილი იარაღი და მორეკილი ცხენები მოლაშქრეთ დაურეგა და უბრძანა: ჩემს აქ არყოფნაში ყოველდღე იმეცადინეთო.

წასვლის წინა დღეს სააკაძე, პაპუნა და ერასტი ნოსტედან ღამით წავიდნენ და დილაადრიან შეუმჩნევლად დაბრუნდნენ. იმ დღეს ნოსტელები სიხარულით გულაფანცქალებულნი უამბობდნენ გიორგის ღვთის სამართლიანობაზე: წუხელ მაღალაძიანთ დასწვიათ იმ მატყლით გატენილი ბელები, რომელიც ტფილისის მაიდანზე გასაგზავნად ჰქონიათ გამზადებულიო. მოხუცი მწყემსი იფიცებოდა: ორმოცდაათ ბარდანზე მეტი მატყლი ცეცხლმა შთანთქაო. ხალხი სოფლიდან გაქცეულა: ეშინია, თავადები დაგვხოცავენ, კუდად რატომ იცავდითო. მწყემსი ამბობდა: ისპაჰანს გაქცეულან, დიღი ხანია ერთი სპარსელი ვაჟარი აცოუნებდათო.

საკაძემ თავის მაგიერ დიმიტრის პაპა დასტოვა და თვითონ კი პაპუნასა და ერასტისთან ერთად ტფილისს გაემგზავრა.

ერასტის მამა და დაი—ლამაზი ვარდისი, თავდადებული ერთგულებით ახალისებდნენ გიორგის მწუხრულ დღეებს; გულაჩუყებულმა გიორგიმ მთელი ოჯახი თავისას გადმოიყვანა, და მას თეკლეს მოვლა მიანდო.

გიორგი ცდილობდა მადლობა გადაეხადნა ნინოსათვის, მაგრამ რაკი ქალმა იცოდა მეფის აკრძალვის შესახებ, სრულიად არ ეკარებოდა სააკაძეს. გიორგის შიერ გაგზავნილი საჩუქარი უკლებლივ დაუბრუნა.

— როგორც სხვები ცხოვრობენ, მეც ისე ვიქნები, — მიუგო ქალიშვილმა პაპუნას ხეყწნაზე, და მხოლოდ ცისფერი შალი მიიღო მისგან, რადგან მეგობრის ნაყიდი იყო.

„ასე სჯობს; ერთბაშად გათავდა.“ — გაითიქრა გიორგიმ.

ტფილისში შესვლისას ერასტიმ მხიარულად სთქვა:

— ბატონო, მგონია, მალაქაძეები კმაყოფილნი არიან სამაგიერო გამასპინძლებით...

თავი ოცდამეშვიდე

მოოქრული ქარქაში ჩხარუნით დაეცა სადაფის ვარსკვლავებს, მაგინდა შეირხა. თავადმა თურმანიძემ მოწიწებით დაიხია უკან, მეფემ მუშტები მოკუმშა და სწრაფად იწყო ბოლთის ცემა. ყაზახთა გამანადგურებელი თავდასხმა და გორელ მოლაშქრეთა დაგვიანებული შველა, კაი გუნებაზე ვერ დააყენებდა მეფეს.

შადიმანმა გადასწყვიტა ესარგებლნა ხელსაყრელი მ. მენტით. წამოდგა და შეპარვით დაიწყო ლაპარაკი: აზნაურ სააკაძეს ბედი სწყალობს. შაჰის საეკვო გულუხვობის მეოხებით მას საშუალება მიეცა ყაზახთა შემოსევაზე არ ინაღვლოს.

მეფე, რომელმაც საელჩოს დაბრუნებისას იღუმალი საიმოვნებით მოუხმინა ნუგზარს სააკაძის განდიდების შესახებ შაჰის სასახლეში, ახლა ნაღვლიანად ეთანხმებოდა შადიმანს: მეფის ამალის აზნაურისათვის შეუწყნარებელია ისეთი ქცევა, რომ ჩემს უნახავად შაჰის საჩუქრითურთ ნოსტეს წავიდაო.

ბააკამ წყნარად შეალო კარი და ფრთხილად იკითხა, მეფე ხომ არ ინებებს ახლახან მოსული აზნაურის სააკაძის ნახვასაო.

გიორგი მეფე გაფიცბდა: დაწითლებულ თვალთა წინაშე წარმოუდგა არა თრიალეთის გამარჯვება, არამედ შაჰისეული დიდებული ცხენი, რომელიც ნოსტესკენ მიქნებოდა.

ხერხეულიძემ სწრაფად გაიხურა კარი. „ვეფხთა რაზმი,“ რომელიც მუდამ ბააკას ახლდა და რომელსაც იგი არსად არ უშვებდა მათი დაუცხრომელი ხასიათის გამო, ძალზე შეშფოთდა იმის გამო, რომ მათს მეგობარს მეფე გაურისხდა.

რამდენიმე ღამის შემდეგ ბააკამ მოხერხებული დრო იპოვნა და მეფეს მოაგონა შაჰის წყალობა სააკაძისადმი. მან ფრთხილად შენიშნა, რომ შაჰი ვერ ითმენს იმათს უგულვებელყოფას, ვისაც თავისი წყალობა აღირსაო.

გაჯავრებულმა მეფემ ბრძანა, სააკაძე მცირე მიღებაზე გამოცხადდესო.

მეფემ რომ თვალი მოაელო ფირუზისფერ ატლასსა და სამკლავურს, რომელზედაც ვერცხლის ორი ხმალალმართულა ლომი იცო

გამოკვეთილი, ზიზლი ველარ დამალა და ოღნავ გასაგონად ჰკითხა:

— რით დაიმსახურა მოხერხებულმა აზნაურმა შაჰის ასეთი უხვი წყალობა?

სააკაძემ გულცივად შეხედა მეფეს და გაახსენა მის მიერვე ნაჩვენებები მაგალითი, უბრალო აზნაური რომ განადიდა.

შადიმანი სავარძელზე გადაიხარა და მრავალმნიშვნელოვნად გაიღიმა. კარისკაცმა მოიხსენია შაჰ აბაზის მიკერძება თავისთვის, გამოსადეგი მწყემსებისადმი და იკითხა: სხვა საჩუქართა შორის აზნაურისთვის ხომ არ შეუთავაზნია ოქროსმატყლიანი ფარა ისპაჰანშიო.

— მართალია, თავადი მიხვდა: შაჰმა შემოჰთავაზა ფარა, გარნა არა ისპაჰანური ცხერებისა, არამედ ქართლური სახედრებისა.

გიორგიმ ყურადღებაც არ მიაქცია ასეთი თავხედობით გაოცებულ თავადებსა და დაწვრილებით უამბო მეფეს იმ მიზეზის შესახებ, რამაც იგი, სააკაძე, აიძულა მეტეხის წესები დაერღვია.

— შე არა ვიცოდი რა, გიორგი, იმ უბედურების შესახებ, რაც შენ გწვევია. მითხარ, რამდენი საქონელი და ფული გესაქიროება სახლკარის აღსადგენად. დიად, დიად ვერაფერი კარგი ხელობაა მეფეს ყურს უქედდევ ყალბი ცნობებით.

სააკაძემ გაიფიქრა: შაჰი რომ არა მწყალობდეს, განა მეფე ასე მშვიდობიანად დამიწყებდა ლაპარაკსაო? მაგრამ სასწრაფოდ გადაუხადა მადლობა მეფეს, ასეთი გულკეთილობისათვის. შაჰის ნაჩუქარი სწორედ დროზე გამომადგა, ფული და საქონელი არ მესაქიროება, მხოლოდ გთხოვ, ნება დამართო სამაგიერო გადავუხადო ავაზაკებსაო.

მეფეს გაუკვირდა:

— ნუთუ აზნაური ომზე ფიქრობს?

— დიად, მეჟუო, ყაზახურ ომზე... ჩემთან არ უბრძოლნიათ და, მგონია, სამაგიერო გამსპინძლება უარესი არ იქნება... გთხოვ, მეფეო, გაუშვი ასი თვალადელი და „ვეფხთა რაზმი.“

ყველას გაეცინა. მეფემ წყრომით შეიკრა წარბი: ნუთუ აზნაური ვარაუდობდა, აუცილებელი დაღუპვის ნებართვას მივიღებო? გახა მასზე აღრე მეფეები ვერ ხვდებოდნენ, რომ საჭიროა მოთებში ჯარის გაგზავნა? ან იქნებ მან არ იცოდეს, თუ რა მიუვალთა ავაზაკთა კლდოვანი ბუდეები! ცოტა მამაცი ქართლელი როდი დაღუპულა იმ ვიწრო ხეობებში. და მეფე აბალი მსხვერპლის გაღების ნებას არ დართავს. უმჯობესია ვიფიქროთ ჩვენი ქალების დაცვაზე: ციხეებს მტაცებლები თავს არ ესხმიან... და უკვე დროა რუსეთისაგან ვისწავლოთ გოგრებზე შეპდგარი შაშხანების კეთება, თუჯის საზამთროები მტერს მეფის თვალის დასანახავადაც არ გააჰაჰანებენ.

მაგრამ სააკაძემ ამაყად ასწია თავი. მან საბოლოოდ გადასწყვიტა შური ეძია, და თუ მეფე დახპარებაზე უარს იტყოდა, სულერთია მაინც წაჰიდლოდა და მტაცებლებს სამუდამოდ დაუქარგავდა იოლი გამდიდრების შიდას.

გიორგი X ამაყობდა თავისი შორსმჭვრეტელობით: მდაბიო მარტო იმიტომ კი არ აირჩია, რომ შაჰს მიჰბაძოს, არამედ იმიტომაც, რომ სურს საიმედო იარაღი იქონიოს თავადთა წინააღმდეგ.

და, მიუხედავად თავადთა სიცილისა და პროტესტისა, უეცრად დასთანხმდა სააკაძის თხოვნას და, თუ გაიმარჯვებდა, თარხნობის სიგელს დაჰპირდა.

სალამოთი სააკაძემ „ვეფხთა რაზმთან“ ერთად ტფილისი დასტოვა.

სასახლეში დიდ ხანს დასცინოდნენ გიჟ აზნაურს, რომელიც ცდილობდა ერთი მუჟა რაზმელებით გაელაშქრნა ყაზახთა იალაღებზე.

ხოლო ნოსტეში არავინ არ იცინოდა და არც არავინ ჰკითხულობდა, რათ მოვიდნენ თვალადელები და ასე საჩქაროდ ახალგაზრდობა რად იარაღდებოდა. არც ის გაჰკვირებიათ, რომ ერთს მშვენიერ დილას გაიღვიძეს და გაიგეს, რომ სააკაძე თავისი რაზმითურთ საღლაც წასულა. მხოლოდ ერასტის დედას გაუშქლავნა გიორგიმ საიდუმლოება და დაავალა: ვინცობაა დავმარცხდე, თეკლე გოგორიშვილისას გადაიყვანეო.

დაუცხრომელ ნოსტელებს ვერც ბულიანი დღეები აჩერებდნენ და ვერც სულის შემხუთველი ღამეები. გადახრუკული ველები განზე მოიტოვეს და ყოპრალი მთის კალთებს მიადგნენ.

იალაღს ეძინა. გუშაგობდნენ მხოლოდ მხეცთა მსგავსნი, მუდამ შშიერი ქოფაკები. ძაღლის ტყავებში გახვეული ელიზბარი, გივი, მათარსი და ერასტი ღამის წყვდიადში გაჰქრნენ. მათ თან მიჰქონდათ ახალი ცხვრის ხორცის ნაჭრები, რომლებიც სპარსული საწამლაფით იყო გაჟღენთილი.

შორეული ნაწყვეტ-ნაწყვეტი ყეფა—და კვლავ სიჩუმე გიორგიმ წყნარად დაუსტენა—და უხმო არღილნი იალაღს შეესივნენ.

განგაშის თავიდან ასაცილებლად, პირველ კარვებს დიდრონ ჯგუფებად შემოეხვივნენ. ქართლელნი ზოლიან კარვის ტილოებს ფრეწდნენ და მძინარეთ ესხმოდნენ თავს. ნამძინარეანი თავზარდაცემულნი ირიდებდნენ ხმაღს, დაკრუნხული ხელები იარაღს ეკიდებოდა, ისმოდა ხრინწიანი წყევა-კრულვა. მოკლე დარტყმა და სისხლი თქრიალით იღვრებოდა. გათოკილი, პირდაცობილი ქალები ფარდაგებზე ფართხალებდნენ.

იალაღი უკვე სისხლში სცურავდა, როცა გარეთ გამომხტარმა მამბეთ-ხანმა სტვენით ასტეხა განგაში. მაგრამ გაიელვა ელიზბა-

რის ხმალმა და ხანის მოკვეთილი თავი ქვის ფილებზე გაგორდა. მკედარი ძაღლების ახლოს მათარსი და გივი ძლივს აკავებდნენ ხანის ასულს. დაუთბეგი გულგრილად უბორკავდა ხელებს.

მიღეულმა მთვარემ აქრილ ღრუბლებში გამოიხედა. შეძრწუნებულმა ყაზახებმა ხმალი იშიშვლეს. სასტიკი შეტაკება მხოლოდ სიძულვილს ამძაფრებდა, გასისხლიანებული იარაღის ჩახაჩუხი რკალს ავიწროებდა. საბმულებზე მოუსვენრად კიხვინებდნენ ცხენები. იმათ, ვინც იალალებიდან გასხლტომას ლამობდა, ჩასაფრებული ქართლელი ჰხოცავდნენ.

განთიადმა მუქ-ლურჯ სუდარში გაჰხვია ვიწრო შეყები და პატარა ეზოები, რომლებიც სავსე იყო მკედარი ძაღლებითა და თავმოკვეთილი გვამებით.

ქალები ყრუდ ქვითინებდნენ.

მოლაშქრენი საჩქაროდ ჰკაზმავდნენ ცხენებს, მთელი წყება ურმები, ზანღუკებით, ხალიჩებით, საქურველით, ხორბლითა და დერგებით დატვირთულნი, ნელნელა ეშვებოდნენ ძირს. ხალიჩებითა და ბალიშებით დაფენილს ორ ურემზე დაქრილი ქართველები იწვნენ. დაუთბეგის რაზმი ურიცხვ ფარასა და მსხვილი რქიანი საქონლის ჯოგს მიერეკებოდა.

დილით, გაპარტახებულ იალალს თავს დაყრანტალებდა ყვეყორანი.

სააკადემ გაკვირვებულ მოლაშქრეთ უბრძანა: შეკრული ქალები ურემზე დასვით და წინ გაუშვითო. ყაზახთა სისხლით შეღებილნი ქართველნი ცხენებს მოახტნენ. შუბებზე გულგრილად ჰქანაობდნენ გალურჯებული თავები, მეფისთვის რომ საჩუქრად მიჰქონდათ. მამბეთ-ხანის თავი ელიზბარმა თავის შუბზე წამოაგო.

დიმიტრის რაზმი, რომელიც გზას იცავდა, დაბინდებამდე საფარში იჯდა; როცა დაღამდა, თოთხმეტი ცხენი მარქათად წამოიყვანა, ამდენივე თავი შემთხვევით ხელში ჩაგარდნილ ყაზახთა შუბებს წამოაგო და ამხანაგების დასაწვენად გაჰქროლა.

უკანასკნელ გადასავალზე სააკადემ განკარგულება გასცა: ქალები ჩამოსხით, ვისაც რომელი მოგეწონოს, წაიყვანეთ, ბავშვები იმერეთს გასასყიდად გამოჰყავით, მოხუცი კი უკანვე გარეკეთო.

— მაშინ ურმებს რაღად ამძიმებდა ზედმეტი ტვირთით?—გაოცდნენ თვალადელნი.

— მინდოდა კამეჩები დამესინჯა, —საერთო ხარხარში გაიღიმა გიორგიმ, —ახლა კი უკანვე წაბობდნენ და იალალებს უამბონ, როგორი შურისძიება იცის შემოსევისათვის გიორგი სააკადემ.

საერთო სიცილსა და უდიერ ხუმრობაში ყაზახი ქალები წივილ-კივილით იკრავდნენ გულში ატირებულ ბავშვებს.

პაპუნა მოლუშული მივიდა გიორგისთან და წყნარად მოაგონა, პატარა თეკლესთვის მიცემული ფიცი. სააკაძე გაჯავრდა უადგილო გახსენების გამო.

— თეკლეს მომავალი ავაზაკების შებრალება არ უთხოვნია. სისუსტის გამოჩენა როდი ვარგა, მაგრამ... დეე გოგონები წაიყვანონ, ბიჭებს კი არ მივცემ, უნდა გაეყიდო: მტრები რად უნდა ვამრავლო?.. ალღევებული ერასტი გიორგის წამოეწია;

— ბატონო, გადავწყვიტეთ ხანის ასული ზუგზა წილუყრელად შენ მოგცეთ. წაიყვა, ძალიან ლამაზი და ავია. ისპაჰანში მოსწონთ, როცა ავია.

ერასტის თვალიცბიერულმა ღიმილმა გააბრწყინა, სააკაძემ გადაიხარხარა, ცულლუტს ზურგზე ხელი ჰკრა და ბრძანა: ზუგზა ცხენზე შესვითო.

დანარჩენი ქალები კი, მიუხედავად მათი ტირილისა და გინები-სა, მოლაშქრეებმა წილისყრით ჩამოირიგეს. მხოლოდ ღიმიტრი იფურთხებოდა: განა შეიძლება თუნდაც ერთხელ აკოცო მტრის ქალსაო?

დათომ, რომელიც ცხენზე სვამდა თავის ლამაზს, რამდენიმე შემთხვევა დაასახელა ისეთი, როცა მტრის ქალი უფრო გამოადგება კაცს, ვიდრე მეგობრისა... ამ ხუმრობას დიდხანს სულ სხვადასხვანაირი ვარიანტით იმეორებდნენ. გოგორიშვილმაც უარი სთქვა მომხიბვლელ ნადავლზე, თუმცა შესაფერისი ლამაზიც იყო, მაგრამ... არ სურდა ღიმიტრის აზრის წინააღმდეგ წასულიყო.

დიდ ხანს არ დამცხრალა ხალხით გაქედნილი საბაზრო მოედანი.

— გიორგიმ სიმდიდრე აღგვითქვა და თავის სიტყვას მუდამ ასრულებს.

— ყოველ ღამე მესიზმრებოდა!— იძახდა ბრუციანი ყაფლო და საქოჩრეს უკოცნიდა თავის ამლაკ ძროხას.

— ბედნიერო, შენი დაგიბრუნდა, ჩემი ცხვრები კი ჯერ ვერუპოვნიათ.

— კაცი მუდამ უკმაყოფილოა: ორი ცხვარი ჰყავდა, ახლა კი ოცდაორი მიიღო და მაინც ნაღვლობს...

— შენ კი ერთი ფეხმოტეხილი კამეჩი და ერთნახევარი თხა გყავდა, ახლა უეცრად გამდიდრდი და რატომ არ ცეკვავ?

— ქალებსაც არა უშავთ რა: ზოგიერთს სულ არაფერი გააჩნდა, ახლა სამ-სამ კაბას ერთად ჩაიცმენ...

— რის კაბაო? მოხუცმა ქეთევანმა ყაზახის თავი გამოითხოვა სახსოვრად და ბოსელზე მიაქედა... ქალბატონივით დაბრძანდება.

— სინდისი ანა აქვს. ყველას რომ თითო თავი აჩუქონ, ტფილისს რაღა წაიღონ?

— სინდისი ბევრს არ გააჩნია. აი ქეთომ წილს გარდა ერთი დერგი ყველი მიიღო და აბრეშუმის შარვალაც ირგო...

— სხვისი რად გშურს? ის ვინ იყო, რომ გუშინ ხალიჩა ძლივს მიათრია შინ?

— ხალიჩა მიათრიაო? საკუთარი მქონდა, იმ ძაღლებმა წამართვეს, შენ კი პირველად გელირსა შენს სიცოცხლეში ეგ ვერცხლის სამაჯე...

— კარგია, გეყოფათ! ყველამ კარგად მიიღო, აბა ვინ დასჩაგრა გიორგიმ?

— დასჩაგრაო? უბე-ყურეები აავსო, ასეთი სიმდიდრე აბა ვის უნახავს?

— ზოგიერთს ყველაფერი როდი მოსწონს: დარიკოს ვაჟის დაქორწინება უნდოდა, წინათ ბიჭი თანახმა იყო, ახლა ყაზახი ქალი მოიყვანა, გაამაყდა: „ცოტა ხანს მოვიცდიო“

— რა თქმა უნდა, აჩქარება რა საჭიროა? ნოსტეში პირველად არიან ტყვე ქალები... მესეფის მაგივრად იმუშავებენ... და ლამითაც გამოდგებიან...

— სირცხვილი არა გაქვთ... ახალგაზრდები იცინით. ქალიშვილები კი სტირიან. შურთ...

სააკაძის ეზოში მოხუცი რიალობდნენ, ახალგაზრდობა ხმაურობდა. რჩევას იძლეოდნენ, სიბარულით ლაპარაკობდნენ ახალ ბინებზე, ფარდულებზე, სენა-თესვაზე. აღფრთოვანებული იყვნენ სააკაძის გადაწყვეტილებით, ნოსტეს ქვითკირის გალავანი უნდა შემოვავლო საგუშაგო კოშკებითა და სათოფურებით გამაგრებულიო. ქალებმაც კი იკისრეს ალიზის ზელა, და ტფილისიდან მოსული ოსტატების ხელმძღვანელობით მუშაობაც მალე გაჩაღდა.

დასაჩუქრებული თვალადელები ორ კვირაზე მეტ ხანს დარჩნენ ნოსტეში, მაგრამ ყაზახნი არ მოსულან. გიორგიმ ოცი მოლაშქრე განათავისუფლა მუშაობისაგან და სადარაჯო რაზმად გამოჰყო. პირველი ათეული შორეულ სერებზე დაბანაკდა, საიდანაც ფხიზელ თვალს ერთ აღაჯზე შეეძლო დაენახა მოახლოებული ყაზახნი. ყოველი ხუთი დღის შემდეგ ათეულები იცვლებოდნენ, ასეთი წესი შემოღებული იყო გალავნის აგებამდე: ერთი დღით ადრე რომ ყაზახთა მოახლოების ამბავს გაიგებდნენ, თვალადელთათვის შეტყობინება ძნელი აღარ იქნებოდა. ასეთივე წესი მტრების წინააღმდეგ დაამყარა „ვეფხვთა რაზმმაც“, რათა სწრაფტყენოსანთა გაფრთხილებისთანავე ერთმანეთს დახმარებოდნენ.

სააკაძე რომ ტფილისს წასვლას ეპირებოდა, თავის მაგიერ დიმიტრი დასტოვა, და დიმიტრი ირწმუნებოდა: ვინც უნდა მობრძანდეს, გულნაკლული არ წაეაო. ერთი რამ აწუხებდა: დიმიტრის: შეამჩნია, როგორ გაილაღა ნინო. ზუგზა რომ ნოსტეს მოსული ნახა.

ტფილისის გიორგის გაშვავების წინა დღეს დიმიტრი დიდხანს ესაუბრა პაპას, მერმე ქული დაიხურა და ქუჩაში გავიდა.

ნინო ხის ტახტზე იჯდა. გამოგზავნილი ხალიჩები, ტანისამოსი და საქონელი უკანვე გაგზავნა. ვერც არჩეულთა ხევწნამ გასქრა და ვერც გინებამ.

სააკაძემ ნაღვლიანად განაცხადა:

— ნინოსაგან მეტსაც არაფერს მოველოდი.

სააკაძის სახლში ლამაზი ყაზახი ქალის გამოჩენამ საბოლოოდ გასტეხა ნინო. მთელი დღეების განმავლობაში უქააკად იჯდა და სივრცეს გასტყეროდა. მეზობელ ქალს რომ მისთვის არ ეზრუნა, საბრალო შიმშილით მოკვდებოდა.

— კოტივით სიბნელით სტკებები, — განგებ მხიარულად უთხრა დიმიტრიმ, შინ რომ შევიდა.

— ბნელში სჯობს, სინათლისა მეშინია... მამაც ბნელშია, მშურს... როცა კაცი ზედმეტია, უნდა წავიდეს.

— ეჰ, ნინო, ქვეყანაზე ზედმეტი არავენ არის, მტერიც კი საჭიროა. სხვანაირად რომ იყოს, დიმიტრი ვისდა ებრძოლოს? ხოლო შუბზე წამოგებული მტრის თავი განა მხედრის საუკეთესო სამკაული არ არის?

— შესაძლოა, მტერი ჩემზე უფრო საჭირო იყოს... ზოგიერთს მტერი სტუმარივით შინ ჰყავს... თეკლეც აღარ დაიარება ჩემთან, გუშინ შევხვდი, აცრემლებული გაიქცა. რა ატირებს? ახლა ხომ მხიარულია! მე კი, ვის უნდივარ?

— მე, ნინო! ნუ გეშინია, ვიცე, რომ გულში მხოლოდ გიორგი გყავს. ჩვენთვისაც, ყველასათვის გიორგი ძვირფასია, ისე მიყვარს, როგორც ხმალი. დიმიტრი, დათო, დაუთბეგი მხოლოდ მოლაშქრენი არიან, გიორგი კი მხედართმთავარია, მას გაფრთხილება უნდა, კნინი ცხოვრებისთვის როდი ცოცხლობს... შეხედე, ნოსტე განა წინანდულია? მონები იყენენ, თავდახრის გამო კისერი სტკიოდათ, ახლა კი ვინ იხრის აქ თავსა? დიდი გზა აირჩია გიორგიმ... შეიძლება შენ გაგიმხილო... მეფესთან მიდის, ყაზახთა თავებში აზნაურთა კავშირის ნებართვა უნდა გამოითხოვოს. გესმის, ნინო, რა საქმეა მუქარა თავადებისათვის.. ხალხზე ჰფიქრობს, ასეთ კაცს მოვლა უნდა. რად უნდა შევალონოთ მწუხარებით, ისედაც უმძიმს, ხოლო... ხანდახან კირვეულობს, უნდა მოვითმინოთ: ისიც ახალგაზრდაა.

ნინომ წყნარად გაიცინა: მეც მულამ ასე ვფიქრობდი, ბავშვობიდანვე არა მწამდა ბედნიერება, ტყუილად კი არა ვთქვი უარი. დიცზე, ხოლო გიორგის დიდ გზაზე ჩემი აჩრდილიც კი არ დაეცემა.

— ნინო, გულის მობრუნება რომ შეიძლებოდეს, მაშინ შეგებევწებოდი. შენ ბევრი რამ არ იცი, შეიძლება, სიცოცხლეზე უფრო მესაჭიროებოდე. გეფიცები პაპას, ხმალს, თვალის ჩინს, როგორც

დას, ისე გეპატიყები. მეყვარები, მოგივლი... არასოდეს... მხოლოდ ძმურ სიტყვებს გაიგონებ. წამოდი, ნინო, პაპა ისე გელოდება, როგორც მზესა! ერთად ვიყოთ... შენ ძლიერი ხარ, მწუხარება განქარდება, შეიძლება გამხიარულდე კიდევ.

— დიმიტრი, სუსტი ვარ ახლა... ფეხზე ვერა ვდგები, თავი მამძიმებს, მაგრამ უკვე მახარებს შენი მეგობრობა, მხოლოდ, საბრალო ძმად ჩემო, ისეთმა, როგორიც შენა ხარ, მკვდარი გული რად უნდა მიიღოს?.. ნურც შენ ინალვლებ, ერთად მოუაროთ პაპას.

— ნინო, მარგალიტო ნინო, სიხარულით ფეხზე აღარა ვდგევარ, საკუთარი ხელით ბედნიერებას მივუტან პაპას.

ბედნიერებით აღსავსე დიმიტრიმ ხელში აიყვანა ნინო.

გიორგის, დათოს და როსტომის გამგზავრების წინა დღეს „ვეფხთა რაზმი“ გიორგისას შეიკრიბა. უკვე პირველი მამლის ყვილი იყო, როცა აზნაურთა კავშირის შესახებ ცხარე კამათით გართულმა „ვეფხებმა“ შეამჩნიეს, რომ დიმიტრი იქ არ იყო. უკანასკნელად მოსულმა გვიმ ხმამალა გადაიხარხარა.

— მე აქეთ მოვიჩქაროდი, დიმიტრი კი შინ მიიჩქაროდა. გიყვივით ჩამიქროლა, კინალამ მდინარეში გადამაგდო, ცეცხლს აფრქვევდა პირიდან, ნინო ახუტებული მიჰყავდა. მხოლოდ სახე კი არ დამინახავს მისი—დიმიტრის მკერდში ჰქონდა ჩარგული.

და გვიმ, რომელიც არ იყო დაკვირვებული კაცი, კვლავ გადინახარა. გიორგი გაფითრდა. დაუთბეგი გამალეებული სრესდა თავის ქუდს. როსტომი, უეცრად თავისი სატყერის ტარით დაინტერესდა. დათომ ქიქა აიღო და ერთბაშად გადაჰკრა. გაჯავრებულმა ელიზბარმა ხელი ჰკრა ფერდში გვიის. მათარსმა ფეხზე ფეხი დააქირა ამ „ვირს“. გვიმ მხოლოდ ახლა მიაქცია ყურადღება იმას, რაც იქ ხდებოდა და დარცხვენილმა შინ წასვლა იჩქარა: გიორგი ხვალ ადრე უნდა ადგეს, ძნელი გზაა, დიდი ხანია წვიმა არა ყოფილა და მტვერია ამდგარიო...

მას მხარი დაუჭირეს და, გარეთ რომ გაცვივდნენ, გულუბრყვილო გვიი კინალამ მობეგვეს.

სააკაძე გულმოსული სცემდა ბოლთას, მერმე ხელი დააელო ხმალსა და დიმიტრისას გაიქცა. დაღმართზე დაუთბეგის ძლიერმა მარჯვენამ გიორგის მკლავი ჩაბლუჯა. და კვლავ შეკრთა გიორგი. კვლავ მოეჩვენა, თითქოს თავის ორეულს ხედავსო: თითქოს სრულიადაც არა ჰკავსო, მაგრამ რალაცნაირად სრულებით მისებურია.

— გელოდებოდი, ვიცოდი, გონებას დაჰკარგავდი. დაუფიქრდი, რა გინდა ჰქნა? დღეს რომ დიმიტრის ზღურბლს გადააბიჯო, ხვალ ნინო ეკლესიაში უნდა წაიყვანო... აგრე არ იქნება, ქალიშვილი ქუდი როდია; როცა საქიროა, დაიხურო, როცა გიშლის, მოიხადო... რა შენი საქმეა? უცხოა ახლა...

— მეც აგრე ვფიქრობდი— უცხოა-მეთქი, გარნა გული თავს არ უჯერის. მეფიცებოდა, მხოლოდ შენი ვიქნებო, და უეცრად სხვას გაჰყვა...

— შენ პირველმა უღალატე. დიმიტრის დიდი ხანია უყვარს, რად უშლი?

— შენ კი, დაუთბეგ, ასეთ ქალს დასთმობდი?

— მე? მე სხვა ვარ. მოლაშქრეებს შეუძლიათ, როგორც სურთ, მხედართმთავარი კი ისე უნდა მოიქცეს, როგორც საჭიროა.

საკაცე დაბარბაცდა. უეცრად გაიელვეს რუსუდანის მკაცრმა თვალებმა. „ნუ თუ ისიც საჭიროა?“ შეაცვივნა. „მამასადამე, ორივე მიყვარს?“ გიორგი უკან ვაბრუნდა.

დაუთბეგმა უნდოდ გააყოლა თვალი უზარმაზარ აჩრდილს, გადაჭრით გაჰყვა უკან და ღამე მეგობრის სახლის შორი-აბლოს გაათია.

— შენ უკვე აქა ხარ?— გაიკვირვა დათომ, რომელიც მოადროდ მივიდა, რათა გიორგისა და დიმიტრის შორის ჩამოვარდნილი შულისათვის ბოლო მოეღო.

— ესაა მოვედი... მალე მიდიხართ? საჭიროა აჩქარება, როცა თვალი დაშორებულა, გულს ყინული ეკიდება... ცხვირა აღქაჯი, განა არ შეეძლო ერთი დღე კვლავ მოეცადნა!

— მგონია, განგებ ჰქნა, გიორგის აქ ყოფნისას, დიმიტრის არ უყვარს ჩუმობა... გამარჯობა, გიორგი.— კარის ქრიალზე სწრაფად მიბრუნდა დათო.— მალე წავალთ? ჰო და, ასე, შენ რაო, როსტომ, მაწონში იბანავე?

— შემოდით, მეგობრებო, წასვლამდე კიდევ მოვასწრებთ ღვინის გადაკვრას. ერასტი, თავი გაანებე მაგ ხურჯინს, მოიტა, რაც კი თბილისიდან საუკეთესო მოგვიტანია.

იგი მიხვდა, ღამე უღარაჯნიათო, და ღიმილით ჩამოათვალიერა მეგობართა შემოთვალისწინებით.

პაპუნა საუზმისათვის ფუსფუსებდა, მეგობრები ამოდნოდ ცდილობდნენ ხუმრობას. კარი უეცრად გაიღო და ოთახში შემოვარდა გახარებული დიმიტრი. გივიმ შიშით ხმალს იტაცა ხელი.

— ა, დიმიტრი, გუშინ რატომ არ იყავი? დაჯექ, ღვინო დალიე.

გიორგიმ პირამდე აუესო თასი და მიაწოდა. დიმიტრიმ სულმოუთქმელად გადაჰკრა.

— გუშინ არ შემეძლო, საქმე მქონდა... ე ღვინო სადაურია? დამისხი კიდევ... მოიტა, დოქი მომეცი, თორემ თასი წყურვილს ვერ მომიკლავს.

დიმიტრიმ დოქს დააელო ხელი.

— ვიცე, მეგობარო, რა საქმეც არის... ქორწილი როდისა გაქვს?

დიმიტრიმ დოქი მაგიდაზე დაარახუნა. ტუჩზე უცნაურად აცი-
ალდა შერჩენილი წვეთი.

— რა ქორწილია!? ხომ არ გაგიყედი, გიორგი? ქორწილია! გა-
ნა ნინოს არ იცნობ? დასავით შევიყვანე შინ. არ ვარგა, როცა ქა-
ლიშვილი მარტოდ-მარტოა, რად უნდა დარჩეს უპატრონოდ? სულ
ჩამოხმა... გუშინ დიდხანს ველაპარაკე, სანამ დავითანხმებდი... პა-
პამ დაძმური ფიცი სამაჯურებით განამტკიცა. დახე...

დიმიტრიმ სახელო გადაიწია და ამაყად უჩვენა ფართო ვერცხ-
ლის სამაჯური.

— პაპა ჩემი ცოლისთვის ინახავდა, მაგრამ... ახლა იცის, რომ
კოლს აღარასოდეს შევირთავ. დაუთბევს არა სურს.—დაუმატა მან
და ცალკებად გაიღიმა.

აზნაურები ღრმა თანაგრძნობით უცქერდნენ მეგობარს. გიორგი
დიმიტრისთან მივიდა, მოეხვია და მაგრად ჩაჰკოცნა. დიმიტრიმ
გაკვირვებით ასწია თავი და ირონიულად იკითხა: ყველას ურიგებს
მეგობარი ზუგზას სინაზის ნარჩენებს, თუ მხოლოდ მე დამდო ასე-
თი განსაკუთრებული პატივიო.

გიორგიმ გაიღიმა: რაში შესაქიროება ყაზახი ქალი, თვალითაც
კი არ შემიხედნია ზუგზასთვის. დედოფლისთვის წამოვიყვანე საჩუქ-
რად, დღეს ტფილისში მიმყავს. სავსებით ისპაჰანურია, ხანის ასუ-
ლი—მხევალი! დედოფალს ძალიან მოსწონს ესა, „ვეფხთა რაზმმა“
კი კუდიანის გული უნდა მოიგოს.

დიმიტრი სიხარულით შეიმშუშნა ტახტზე. ნათლად წარმოიდგი-
ნა, რა სიამოვნებას მიანიჭებდა ნინოს ეს ამბავი. რასაკვირველია,
გიორგი ყოჩაღია, ყაზახი ქალი აქ ზედმეტია, რად უნდა „ვეფხთა“
მეთაურს უცხო ქალი? ხოლო დათო არ დაეთანხმა მეგობარსა და
მართლა გაბრაზდა: ასეთი კეკლუცი ტყუილად დაიღუპება მეტეხ-
შიო, ირწმუნებოდა იგი. ჩვენნიანებიც ბევრია, ასე მცოდნოდა, ამშას
წავიყვანდი. მართალია, ფატმანიც არ არის ურიგო, მზიარულობს,
ცეკვაეს, იმღერის და ზოგჯერ ექვიანობით თავში წლასაცა მცემს...
ცალკე უნდა ვიყოლიო, მამის სახლში უხერხულია. იქ დები არიან...
მაგრამ ზუგზა? რა სისხლი უნდა ჰქონდეს გიორგის, ასე გულგრი-
ლად რომ კეკლუცს იმეტებს?

გიორგის ზუგზას ვნებიანი კოცნა და მუდარა გაახსენდა და წყნა-
რად ამოიოხრა. მაგრამ საქიროა გვახსოვდეს: ზუგზა ხანების ჩამო-
მავალია და შეიძლებოდა ყაზახთა თვალსატყუარი გამხდარიყო. შე-
საძლოა ზუგზას სადმე საქმრო დარჩა, შესაძლოა მონათესავე იალა-
ლები მოისურვებენ მამმეთ-ხანის ასულის დაბრუნებას... ნოსტეს
მყუდროებისათვის უმჯობესია წავიყვანო, სისხლი კი მე უარესი რო-
დი მაქვს, ვიდრე დათოს სჩქევს, ხოლო თავმა უფრო მეტი უნდა
იფიქროს...

თავი ოცდამერვე

ხალხით გაქედნილ ტფილისის მოედანზე ერთი ვაი-უშველვებელი იყო. მაგრამ ეს ხალხი ფერად აბრეშუმეულს როდი ეტანებოდა, არც კრაველის ტყავეულს სინჯავდა, არც კალათებს ავსებდა სურნელოვანი ვაშლით, არც კამეჩის ტყავებს ახვევდა, არც სპილენძის ქვაბებს ატრიალებდა, არც ბანჯგვლიან ფაფახებს ათვალიერებდა და არც თუ დუშას სინჯავდა. ბნელი დუქნების კარები პირლიად გასცქეროდნენ მოყვივლხივილე მოედანს.

მოედანზე კი ერთი ორომტრიალი იყო.

ციხის მხრიდან ვიწრო ქუჩებით, ბანებით ჩამორბოდნენ მოქალაქენი და ამქარნი. ვერც ინდოეთის ქარავნები, ვერც რომის მისიონერები და ვერც თვით სპარსელი ჯამბაზები მიიზიდავდნენ ამდნენ ხალხს. საღაჯოდან მაიდნისაკენ იძვროდა არაჩვეულებრივი მსვლელობა. მეზურნეთა წინ გრძელს ქოკზე ირხეოდა მამლის ფრთებით მორთული თავი მამბეთ-ხანისა, რომელსაც ამაღად ჯარს ესვია შავ ქოკებზე წამოგებული ორასი ყაზახის თავი. მეზურნეები და მედოლეები გულდასმით უკრავდნენ. შულტები იქაქებოდნენ და რიგრიგობით ხრინწიანი ხმით გაიძახოდნენ:

აი ასე უსწორდება ჩვენი დიდებული მეფე საზიზლარ ძალღებს, რომელნიც ქართლის მიწა-წყალს სძარცვავენ.

ეუენიან აქლემზე, წითელ უნაჯირზე იჯდა მწეანე და ვარდისფერ აბრეშუმში ჩამჯდარი და ოქროს მძივებით მორთული ზუგზა. მტკიცედ მოკუმული ტუჩები და დახრილი თვალები სილამაზეს სტატებდა მის სახეს. აქლემს მოჰყვებოდა წითელწვერა შულტა.

— შეხეთ, ქართლელნო, როგორ სტკებდა ჩვენი დედოფალთა დედოფლის მხევალი თვისი მამის ქმამბეთ-ხანისა და მისი ამაღის საამაყო მდგომარეობით?

მსვლელობას სასიხარულო შეძახილებითა და მოწონების სიცილით ეგებებოდნენ.

სააკაძის გაბედულმა ლაშქრობამ მეტეხი საგონებელში ჩაადგო. მეფე გაკვირებული იყო.

მაშასადამე, მოუხელებელ ყაზახებთანაც შეიძლება ბრძოლა. და იგი ცნობისმოყვარეობით ჰკითხულობდა: რა შთაბეჭდილება მოახდინა. მაიდანზე ნადავლითურთ სვლამ და კმაყოფილია თუ არა ხალხი ჩემი მამაცური მოქმედებითაო.

მარიამი აშკარად მოხარული იყო საჩუქრისა. ხანის ასულის მოახლედ ყოლას, სტამბოლის სულთნის ცოლთა მსგავსად, ვერც თუ აგრე ხშირად ელირსები. იგი დიდი ხნიდან ოცნებობდა ამაზე და აბრეშუმეულით გამოწყობილი და ოქროს მანიაკით მორთულ ზუგ-

ზას კვებნით უჩვენებდა ყველას, აიძულებდა ეცეკვნა და ნაღვლიანი სიმღერები გმღერნა უქნარა კარისკაცთა გასართობად.

ამიტომ მეფემ და დედოფალმა ყურიც კი არ ათხოვეს მალაქიანთ საჩივარს ცეცხლის წაქიდების შესახებ: საბუთი არა გვაქვს, — ჯიუტად იმეორებდა გიორგი მეფე. სააკაძემ თვალი გაუსწორა მეფეს და მტკიცედ განაცხადა: ღვარძლიან თავადთა სურვილი, — გამაშაონ მეფის წინაშე, სრულიადაც არ მაკვირვებს. მე ხომ მეფის ბრძანებას ვასრულებდი და ისპაჰანში მხოლოდ და მხოლოდ გიორგი X სასარგებლოდ, მაშასადამე, თავადთა ინტერესების წინააღმდეგ ვმოქმედებდი. ახლა ქართლის მეფეს მოვახსენებ იმ ცნობებს, რაც ისპაჰანში ყოველგვარი საშუალებით შევკრიბე, და მეფეთ-მეფე დარწმუნდება, როგორ იცის გიორგი სააკაძემ თვისი მბრძანებლის სამსახურიო.

— მხოლოდ ქართლელთა საელჩოს მისვლისას გაისტუმრა რუსთა ელჩები ცბიერმა შაჰ აბაზმა. შაჰი სწორედ ვარაუდობდა, რომ ჩვენი თავადები მხოლოდ პირადი სარგებლობის მიზნით ეცდებიან მისი გულის მოგებას, და, მართლაც, ჩემო ხელმწიფევე, არცერთ მათგანს ქართლი არ გახსენებია, არცერთი არ ჩაფიქრებულა, თუ რად მოსულან ერანს რუსთა ელჩები, არ უკითხავთ, თუ რად არ გაამეღავნა ტატიშჩევმა აქ, რომ გოდუნოვი ერთსა და იმავე ღროს საელჩოს გზავნიდა შაჰ აბაზთანაც. ან კი როგორ უნდა გაემეღავნებინა ეს ცბიერ რუს თავადს? შენ გაჯერებდა, შაჰთან კავშირი გასწყვიტე და ერთმორწმუნე რუსეთთან კავშირი დასდეო, ხოლო ისპაჰანში რუსეთის ელჩებმა მტკიცე კავშირი შეჭკრეს შაჰ აბაზთან: ერთად ვივაქროთ, ერთადვე ვიოძოთ ერთმორწმუნე და არაერთმორწმუნე მტრების წინააღმდეგო. გამოდის, რომ კარგია, როცა ჩვენი ბრძენი მეფე არ დაყვა რუსეთის ცთუნებას. ან ეს როგორ უნდა გავიგოთ? გოდუნოვს ჯერ არ დაუპყრივართ, ჯერ გახვრეტილი ფარაც კი არ მოუცია, და ივერიის მეფედ კი იწოდება...

გიორგი მეფე ძალზე წამოწითლდა და ერთბაშად წინ წამოიწია, თითქოს კეფაში დაჰკრესო: გაიხსენა, რომ უკანასკნელ სიგელში, სრულიად უსაბუთოდ გოდუნოვს თვითონვე იხსენიებდა ივერიის მეფედ...

— და კიდევ შევიტყე. ჩემო ხელმწიფევე, რომ ეს რუსეთის საყვარელი ხერხია, ჯერ მოშაქრული სიტყვები: კავშირი დაედოთო, შემდეგ კი იარაღით ძალად შეერთება... უკვე მრავალი მეფე უტახტოდ დარჩა, უკვე ციმბირისა და ყირიმის მრავალ ხალხს დაედგა რუსეთის მძიმე უღელი. ან საჩუქრების საქმე როგორ იყო? ამის მიხედვით შეიძლება ვიფიქროთ, რომ შაჰ აბაზის კავშირი გოდუნოვთან უფრო თანასწორთა კავშირად ითვლება. ჩვენ, რა თქმა უნდა, ღვინო არ გვაკლია, მაგრამ რად უნდა არაერთმორწმუნე შაჰს

ორასი ტიკი რუსული ღვინო, რათ უნდა ყველა შვიდი ძელი თევზის კბილისა? ჩვენთვის არავითარი საათი არ მოუტანიათ, შაჰს კი გოდუნოვმა ძვირფასი სარგოიანი საათი გაუგზავნა.

გაჯაერებულმა გიორგი მეფემ მუშტი დასთხოვია სამეფხა მაგიდას, ზეწამოიჭრა, ანგარიშიუცემლად მზარში ხელი ჩაავლო სააკაძეს, გვერდით მოისვა და უბრძანა: მითხარ, კიდეც რა საჩუქარი გაუგზავნა გოდუნოვმა შაჰსაო.

საკაძემ არა დააკლო რა და დაწვრილებით აუწერა ყველაფერი თანდათან გაფიცებულ მეფეს და, თავის მხრივ, დაუმატა რალაც ვერცხლის ფრინველი, რომელიც დღეში სამჯერ გამოხტება მოოქრული გალიიდან და წკრიალა სიმღერით აღიდებს შაჰს.

— კიდეც რა გაქვს სათქმელი?

— მთავარი რამ, ჩემო ხელმწიფე, აზნაურთა ერთგულება ზენდამი, ისინი თავიანთ ხმალსა და სიცოცხლეს ზენ გთავაზობენ.

და სააკაძემ დაწვრილებით გადაუშალა მეფეს თავისი. გეჟმა აზნაურთა კავშირის შექმნის შესახებ. აზნაურები სპარსული წესისამებრ მოაწყობენ თავიანთ რაზმებს და გაერთიანდებიან დროშით: „ერთგულება ქართლის მეფისადმი.“ ყოველ თვე აზნაურები შეიყრებიან საასპარეზოდ ნოსტეში. წელიწადში ერთხელ აზნაურთა ჯარი თბილისში შეიკრება მეფის მიერ დასათვალთვრებლად. ომის, შინაურ განხეთქილებათა თუ ლალატის დროს კარგად გაწვრთნილი ჯარი, რომელსაც საერთო ინტერესი აკავშირებს, ქართლის მეფის დროშის ქვეშ დადგება. მტკიცედ დარაზმული აზნაურები უფრო მეტ შიშს მოჰგვრიან მტერს, ვიდრე დაქსაქსული მცირე რაზმები.

— აზნაურთა კავშირი, — გულმხურვალედ დაასრულა სააკაძემ, — ტახტის დასაყრდენი იქნება და ასეთი ძალის შემწეობით მეფე თანდათან შეჰკვეცავს თავადთა ძალაუფლებას და სავგარყოლო სამფლობელოს შეუმცირებს ჯერ სუსტებს, რაშიც ძლიერი დაეხმარებიან, შემდეგ კი ძლიერთ, რაშიც დასუსტებულნი შეუწყობენ ხელს.

გიორგი მეფე იღუპალი აღფრთოვანებით უსმენდა თავის აზნაურს, მაგრამ ეშინოდა, აჩქარებით საქმე არ წაეახდინო, და აზნაურთა კავშირის დაარსების სრული თანხმობა რომ მისცა, უბრძანა: ჯარის პირველ დათვალთვრებამდე ყველაფერი საიდუმლოდ შეინახეო. ერთი წელი საშინჯი იქნება და თუ განზრახული მოგიხერხდება, მაშინ... მომავლის გათვალისწინება საძნელო არ იქნებაო.

და მყისვე გაიფიქრა: „სრულიადაც საძნელო არ იქნება. დეე აზნაურნი დამებმარონ თავადების მოღრეკაში, შემდეგ ჯერ ძლიერ აზნაურებს მოვსპობ, სუსტები კი თავიანთ თავს ამოიქამენ. შეცდომის განმეორება არ შეიძლება, ტახტი ყველასაგან შორს უნდა იყოს.“

რამდენიმე დღის შემდეგ სასახლეში ყველგან ჩურჩულდნენ მეფის გულუხვობაზე, რომელმაც სააკაძეს თარხნობის სიგელი უბოძა

მეტეხის შიდა სადგომებში თავისუფლად შესვლისა, უბოძა აგრეთვე მამული ნოსტეს ახლოს და ერთი ქარავანი იარაღი მოთარეშეთა დასაშინებლად.

მეთის ბრძანებით საუკეთესო ოსტატნი გაემგზავრნენ ნოსტეს სააკაძის ციხე-დარბაზის ასაგებად.

შადიმანი თავს იმტვრევდა, მაგრამ მაინც ვერ მიმხვდარიყო: სააკაძე ორჯერ დიდხანს ესაუბრა მეფეს. მიუხედავად ყოველგვარი ცდისა, მათი საუბრის საიდუმლოება მაინც ვერ გაიგო. ნოსტელი ეშმაკები არათუ მეფის სადგომის კარს, არამედ ახლო-მახლო კუნ-ქულებსაც იცავდნენ. შადიმანი განსაკუთრებით შეაშფოთა იმ გარემოებამ, რომ მეფეს სურდა თავადობა ებოძებინა სააკაძისთვის. საჭიროა თავიდან ავიცილინოთ გამოუსწორებელი შეცდომაო.

და შადიმანიც ესაუბრება: მეფეე, შენი სურვილი, რომ სააკაძეს თავადობის ღირსება უბოძო, სრულიად სამართლიანია, აზნაური ღირსია ამისა, მაგრამ... თავადებიც შენს წყალობას ელიან... იქნებ იწყინონ, აზნაური დიდი ნადირობის გამართვამდე უხვად დააჯილდოვაო. ეგების, მოვიცადოთ? წყალობა სწორედ დროის შესაფერი-სი იქნება. სააკაძეს ბევრნი უქერენ მხარს, აი, მაგალითად, ნუგზარი... მართლა, არაგვის ერისთავთა ქალები დიდი ხანია არ გესტუმრებიან... შეიძლება ცალკე მოპატიჟება გაუუგზავნოთ დედოფლის სახელით... გიორგი მეფე აპირებდა სიტყვა შეეწყვეტინებინა შადიმანისთვის — მეფეს თავადთა დასტური არ ესაჭიროებო, მაგრამ რუსუდანზე ფიქრმა გული აუძგერა: კარგი იქნება მისი დასწრებით მეტი წყალობა გავცეო. ორი წელი იყო, რაც რუსუდანი ტვილისს არ სწევოდა; ნუგზარი არაერთხელ ესტუმრა სასახლეს თავისი ოჯახითურთ, რუსუდანი კი სხვადასხვა საბაბით აზნაურს რჩებოდა... დიად, დიად შადიმანი მართალია, დიდი ნადირობის გამართვამდე აჩქარება არა ღირს... რუსუდანი არ თხოვდება, რამდენი მაქანკლობდა, მაგრამ ყველას უარს ეუბნება. დიად, დიად, აი, ოდიშის ბრწყინვალე თავადიც — ალექსანდრე, მასაც კი უარი უთხრა... მაშასადამე, მართალია, რომ ჩემდამი გულგრილი არ არის. დიდ ნადირობამდე სამი თვე დარჩა, შადიმანი მას ცალკე დაპატიჟების ბარათს გაუგზავნის. ნაწყენი რომ იყოს, გათხოვდებიოდა, მაშასადამე, იცდის...

აზნაურთა კავშირის მოწყობაში გამართულ სააკაძეს კიდევ გაეხარდა: შესაძლოა თავიდან ამცდეს საძულველი თავადის წოდების მიღებო.

მაგრამ მარტო სააკაძე როდი აწუხებდა შადიმანს. ლუარსაბი უეცრად გაიზარდა, გაიმართა, თავაწეული დადიოდა და მისი ვნებიანი თვალი კეკლუცებს ეძებდა. განსაკუთრებით აწუხებდა შადიმანს

ლუარსაბის აშკარა განწყობილება გაფურჩქნულ ნესტანისადმი. მემკვიდრემ რომ კეთილშობილური გრძნობით ობლის ცოლად შერთვა განიზრახოს? ახალგაზრდობას სისულელე არ აკლია, და განა ნესტანი მოვალეობად არ ჩასთვლის მადლობა გადაუხადოს თვისი მამის მკვლელს? მართალია, სანამ გიორგი მეფე ცოცხალია, ასეთი შეუღლება წარმოდგენელია. სანამ ცოცხალია! გამოდის, რომ შადიჰანმა უნდა დაიკვას სიცოცხლე „მეფეთ-მეფისა.“ მაშასადამე, თავად შადიჰანის დიდ გეგმას არღვევს წითური კნუტი, რომელსაც ნოსტელ მღაბითა ამაღა ახლავს? ტყუილად ხომ არ დასტრიალებენ იგინი თავს ნესტანს, ტყუილად ხომ არ მოუტანა სააკაძემ ერანიდან საჩუქრები. სააკაძემ კარგად იცის აფხაზეთში მომხდარი ამბავი, მაგრამ ჯერ სდუმს, ელოდება... რა გაეწყობა, შესაძლოა ველარც კი მოესწროს... აუცილებელია მეტეხში გულშარის დაბრუნება, მხოლოდ მას შეუძლია მეტოქეობა გაუწიოს მშვენიერ ნესტანს. ამირინდო მოვალეა გაიგოს, თუ რა მნიშვნელობა აქვს სამი საგვარეულოს კავშირისათვის იმას, რომ ლუარსაბი ხელში გვეყვადეს... ასტანი ორბეთს წაიყვანს ნესტანს, იგი ხომ ერთად-ერთი ნათესავია მისი. ლუარსაბი წინააღმდეგი არ იქნება, გულშარი რომ ახლოს იქნეს. მარიამის დაშინებაც ძნელი არ არის, იგი ლუარსაბისათვის იმერეთის მეფის ასულ ელენეზე ოცნებობს, იქ უკვე თანახმანი არიან. დიად, დიად, როგორც უტბიერესი გიორგი ამბობს, დიდი ნადირობა ბევრს რასმე გადასწყვეტს. სანამ ნესტანი აქ არის, მეფეს შეუძლია მშვიდად იძინოს.

ოქროს პეპლები დაფართქალბდნენ პალმების ფოთლებზე, რომლებიც „ცამეტი სირიელი მამის უდაბნოს“ ოაზისში ჰხარობდა. საწიგნეთა შავს ჩარჩობზე დახვეულიყვენ მზით დასიცხული სადაფის ფოთლები.

— პირნათელო ბატონიშვილო, შენს ვერცხლისებრ წკრიალა სიცოცხლს ვერ გაუძლებს ვერც სპილენძისა, და ვერც თვით ყინულის ზღუდე, მაგრამ როცა საბრძოლო საყვირის ხმა აღარ ისმის, საქურველი ჟანგდება, და მხედარი ჟანგის გასაწმენდ საშუალებათა საძიებლად საუკუნეთა საიდუმლოებაში შესტოპავს ხოლმე.

— ბუნდოვანად ლაპარაკობ, გიორგი.

— რაკი იმის გაგება მწყუროდა, თუ წიგნის მცოდნე მხედარი რამდენად ძლიერია უცოდნელზე, მე ჯერ კიდევ ქვათახევის ნონასტერში დავეწაფე ბაგრატოვანთა გვარეულობის გუჯართა წყაროს.

— მაშ, უკეთუ მებრძოლ აზნაურს ღმერთმა სახელოვანი შთამომავლობა არ აღირსა, მაშინ იგი პერგამენტის წყაროს შემეწობით ცდილობს თავადთა სია ახალი გვარეულობით განაახლოს, რათა მათთან ერთად იმოგზაუროს!

— არა, ბატონიშვილო, ჩემი მეფის გულუხვობის წყალობით მე აზნაურის წოდებითაც დაუბრკოლებლად ვმოგზაურობ მალაშობილთა გაპარტახებულ ფიქრებში, ხოლო უადგილო წარჩინება ზოგჯერ ნუგეშთა ქარავანს ამძიმებს...

— როგორ! შენი აზრით, წარჩინება ღირებულებას არ წარმოადგენს?

— მე, ბატონიშვილო, ღირებულებად ის მიმაჩნია, რაც მხოლოდ ხმლითა და კეკუით არის მოპოებული, ხოლო რაც კაცს არ მოუქმედნია, იქ დამსახურებაც არ არის. განა ვეფხი დამნაშავეა, რომ ძალად არ შობილა?

ლუარსაბს სიცილი აუტყდა.

— ჩემო ბატონიშვილო, მე დიდი ხანია ვიცი, რაც საჭიროა, განსაკუთრებით ისა, რომ ქვეშევრდომნი მოვალენი არიან სიცოცხლე შესწირონ მეფეს...

— მოვალენი არიან აგრეთვე, რომ დედოფლებს ლამაზი ტყვე ქალები მოუყვანონ? იცი, გიორგი, შადიმანმა ლამით ჩემს საწოლ ოთახში შემოიყვანა ზუგზა... მაგრამ მე იგი გაეუშვი, არ მიყვარს მტირალა ქალები... ცრემლებში რა სიყვარულია? განა მე მახინჯი ვარ, რომ სიყვარულს ვეძებდე?.. მითხარ, გიორგი, რად სტიროდა იგი?

სააკაძემ ყურადღებით ჩაათვალიერა ლუარსაბი. მოქნილი ტანი ჯერ კიდევ ოდნავ იხრებოდა, ამყად აწეულ თავს ჯერ კიდევ ბავშვური ბრწყინვალე კულულები ამშვენებდა, დიდრონ თვალებში ბავშვური სიანცე ელავდა და მოლიმარე ბაგენი მიჯრილ თეთრ კბილებს ეშმაკურად აჩენდნენ, მაგრამ მკათიოდ ნათქვამ სიტყვებში, მბრძანებლურ მიმოხვრაში უკვე მტკიცე ნებისყოფა გამოსჭვივოდა. სააკაძე ყველაზე უფრო რატომღაც მისმა ნატიფმა თითებმა გააოცეს. უეცრად შინაგანი ცახცახი აუტყდა, რაკი ალლოთი იგრძნო, რომ ქართლის ტახტის მემკვიდრეს საშინელი საფრთხე ემუქრებოდა. მისგან, გიორგი სააკაძისგან, და, სიბრალულთ მოცულმა, სასწრაფოდ მუხლი მოიყარა და ნახად ეამბორა ლუარსაბის მშვენიერ ხელს.

— ნუ იწყენ, მშვენიერო ბატონიშვილო, ბევრი კეკლუცი მოხარული იქნება შენის ვნებისა, მაგრამ თუ სხვა რამ გასართობს მოისურვებ, ერთგული სააკაძე მოახერხებს მათა წიალშიც კი გიშოვნოს იგი.

— იცოდე, გიორგი, — ლუარსაბმა უკვე შეიკავა თავი და ცდილობდა გაექარწყლებინა 'აშკარა წყენა, — მე ვიღებ შენს გულუხვ დაპირებას...

წიგნთსაცავის კარი უეცრად გაიღო და შადიმანმა დამკინავი თვალი დაარქო სააკაძეს.

— ჩემო ბატონიშვილო, აზნაურს ახალი შარვალი ხომ არ უთხოვია შენთვის? ძალიან ბევრი უცვდება. შაჰს თაყვანი ეც, მეფეს

თავყვანი ეც, ტახტის მემკვიდრეს თავყვანი ეც... დიად, ძნელია მაღალშობილებსაკენ მისწრაფება.

— სცდები, თავადო, ძნელია სააკაძის ტანის შესაფერისი შარვლის შოვნა, ხოლო ტახტის მემკვიდრეს კი ზოგიერთ წარჩინებულთა მსგავსად, მე ვთხოვდი ნება დაერთო, რათა ლამით მისთვის კეკლუცი მიმეყვანა... ეს არცთუ იმდენად საპატიო საქმეა მხედრისათვის, მაგრამ სამაგიეროდ წარჩინებულთ მიმახლოებს.

თავხედობით განცვიფრებული ლუარსაბი და შადიმანი გაშტერებით უცქერდნენ აზნაურს. პირველი ლუარსაბი გამოერკვა და მრისხანედ დააბრიალა თვალები.

— ნება დამირთავს, მაგრამ იცოდე, უკეთესი ის ლამაზი მაღალშობილების მიერ მოყვანილზე ცუდი აღმოჩნდა, მაშინ თავხედ მატყუარად ჩავთვლი...

— ბატონიშვილის ნათქვამს აღარაფერს დაუჟმატებ, მაგრამ გახსოვდეს, რომ ის, რაც წარჩინებულთ მშვენიერად გამოუდით, მღაბითა მხრივ საზიზღარია. წავიდეთ, ჩემო ბატონიშვილო, დედოფლის სამყოფელში ახალგაზრდობა შეკრებილა და გელოდება, თავხედმა აზნაურმა კი თავისუფლად იფიქროს იმაზე, რაც მოხდა.

ოქროს პეპელები საწიგნეთა შავი ხის ჩუქურთმებს დაფარებდნენ. ნელა იძროდნენ ღრმა აჩრდილები, ყრუდ მოისმოდა ეკლესიის ზართა შორეული რეკა. სააკაძე გამოფხიზლდა. დიად, ლუარსაბთან ხუმრობა საშიშია, შადიმანი კი ყველაზე უფრო უნდა გაშლდეს. მაგრამ... დაუფიქრებლად წამოსროლილი სიტყვა აუცილებლად უნდა ავასრულო.

გიორგი საჩქაროდ გაემართა ბაკასთან და საღამოს, რაკი მეფის ნებართვა მიიღო დიდი ნადირობის მოწყობამდე თვითონ ედევნებინა. თვალყური ციხე-დარბაზის აგებენათვის, ნოსტეს მიაწურა.

თავადთა კოშკებში კედლებზე იხსნებოდა საგვარეულო ხმალი, იწმინდებოდა საჭურველი, იკერებოდა და იქარგებოდა სადღესასწაულო ტანისამოსი. დიდი ნადირობა მოასწავებდა არა მარტო მხეცებზე გამარჯვებას, არამედ ახალგაზრდობის შემფოთებული გულზე გამარჯვებასაც.

თავადთა ოჯახები ყოველწლივ იკრიბებოდნენ ტფილისში. თოთხმეტ დღეს გაისმოდა სანადირო საყვირის ხმა. თამაშობანი და ასპარეზობანი თავდებოდა ყველიერის ლხინითა და მეფის წყალობათა გაცემით: ეძლეოდათ მამული, აზნაურობა, თავადობა და თავისუფლებოდნენ დამნაშავენი, რათა მეფის ოჯახი წმინდა გულით შესდგომოდა მარხულობას.

და ამჟამადაც დიდმა ნადირობამ ქართლის ყოველგვარი სახელმწიფო ინტერესი დაჩრდილა. ფეოდალები მხოლოდ ერთს რამეზე ჰფიქრობდნენ, როგორ გამოეჩინათ თავი მეფისა და ერთმანეთის

წინაშე და დაეშინებინათ მოწინააღმდეგენი; ხელსაყრელად გაეთხოვებინათ თავიანთი ლამაზი თუ ულამაზო ქალიშვილები და თავი ექოთ ვაჟთა სიმამაცით. მაგრამ მთავარი ის იყო, რომ მოესინჯათ ნიადაგი, ვინ გამოდგებოდა ამა თუ იმ კავშირისათვის, ვისთან განემტკიცებინათ ან ვისთან გაეწყვიტათ შეგობრობა, ვინ წაექეზებინათ პირადს მტერზე გადასაკიდებლად, ვინ მოესყიდათ და ვინ დაეცვათ შუღლისაგან.

გრავინავდნენ საყვირნი. ქიხეინებდნენ ტაიჭნი. ბაზიერთა მკლავზე მოუთმენლად ფართქუნებდნენ ქორ-შაგარდენნი.

გარნა ამ დიდს ნადირობაში მხოლოდ ორი ვინმე არ იზიარებდა მეტეხის ციხის სადღესასწაულო განწყობილებას: აზნაური გიორგი სააკაძე და თავადი შადიმან ბარათაშვილი უკვე გაფაციცებით უთვალთვალებდნენ ერთმანეთს.

აზნაურები ემზადებოდნენ.

დათო და როსტომი, სააკაძის ბრძანებით საჩქაროდ გაემგზავრნენ ნოსტეს. „ვეფხთა რაზმი“ თავიანთ სახლებში წავიდ-წამოვიდა. გიორგი და დიმიტრი კი უეცრად შეიპყრო აზნაურთა მამულებში მოგზაურობის სურვილმა.

უწინარეს ყოვლისა გიორგი და დიმიტრი ქელივიძისას, ასლამაზისას და როსაბისს წავიდნენ. გაოცებით უსმენდნენ სააკაძეს გახარებულნი აზნაურები, ერთბაშადვე შეიგნეს სააკაძის გამარჯვების მნიშვნელობა, აზნაურთა კავშირს ერაგულება შეჭფიცეს და, თავის მხრივ, შუა ქართლში გაემგზავრენ აზნაურთა მოსამხრობლად.

მეფის სურვილმა აზნაურთა ჯარის შექმნის შესახებ იმედი გააღვიძა იმ აზნაურთ, რომელთაც მიწა-წყლისა და საქონლის ნაკლებობა აწუხებდათ. მეფის მიერ დაპირებულნი შეღავათი და დახმარება დიდი რამ სატყუარი იყო.

და უეცრად, დიდ ნადირობამდე ერთი თვით ადრე ნოსტეს ეწვია ათასი მოლაშქრე, რომელთაც ოცი აზნაური მეთაურობდა. საბაზრო მოედანზე იმართებოდა არაჩვეულებრივი ჯირითი, ფარიკაობა, საომარი წყობა.

საკაძისას გაცხარებული კამათი იმართებოდა ხოლმე. ირჩევდნენ აზნაურთა ჯარის მხედართმთავარს. სააკაძემ, რა თქმა უნდა, საიდუმლო მიზნის გაუმხელად, მკათიოდ დაახასიათა კავშირის მნიშვნელობა და ხელსაყრელობა. თავადები უკვე დიდ ხანს ველარ იყოლიებენ ხალხს უღელქვეშ. საშინლად მოწხუის მტკვარი გაზაფხულის წყალდიდობისას, მაგრამ გაცილებით უფრო საშინლად აზავდება აზნაურობა და ერთიანად წალეკავს ყველაფერს, რაც კი თავისუფლების გზას უღობავს მას. მხოლოდ აზნაურებს ძალუძთ საქართველოს გამოგლეჯა თავადთა უძლებ ხელიდან. და მაშინ აპრიადლებიან ხის ჩარხები, ოქროს ტალღასავით წამოვა აბრეშუმი და ფერად ქსოვილებად იქცევა მატყ-

ლი. უდიდეს სიმაღლეზე აიყვანენ აზნაურნი ქართლსა და ახალი ხმლითა და ახალი ფარით გამოვა, რათა ორთა ბრძოლა გაუმართოს სამთავიან გველაშაპს, რომელიც სამი გზით უახლოვდება საქართველოს.

სულგანაბული აზნაურები აღფრთოვანებით უსშენდნენ ახალგაზრდა სააკაძეს. მათს წინაშე გადაიშალა ვრცელი ასპარეზი. მათ პირველად შეიცივნეს თავისი გაერთიანების ძალა.

და როდესაც აზნაურთა მსედართმთავრის არჩევანს შეუდგნენ, ყველამ ერთსულოვნად დაიძახა: გიორგი სააკაძე! აზნაურებმა იქვე შეჰფიცეს, საიდუმლოდ დაეიცვათ კავშირიო, და სააკაძეს გადასცეს შოოქრული შუბი და ავაზის ტყავგადაკრული ფარი.

საკაძემ არწივისებური თვალი მოაველო შეკრებილთ. მერმე სახე გაბრწყინებულ ქელივიძეს, ასლამაზსა და როსაბს გადაჰხედა, და გაახსენდა თუ როგორ ასწავლიდნენ ისინი აზნაურის წესებს ამ ცოტახნის წინათ, რომ ახლა არა თუ წინანდელ სიძულვილს, არამედ ერთგვარ მადლიერებასა გრძნობს მათდამი. და რატომღაც თვალწინ წარმოუდგა საეკლესიო მოედანი და აღელვებული მესაქურველ ამქრები, რომლებიც უსტაბაზს იჩრჩეოდნენ. მთელი წარსული, აწმყოს და მომავალთან შედარებით, სრულიად უმნიშვნელო რამედ ეჩვენა.

და საკუთარი ძალის შეგნებამ პატივმოყვარეობის სიამაყით აღავსო სააკაძის გული. წარბები შეეფრთებოდა ჩამოეხურა, განიერი მხრები გაიშალა, სახეს ზეიმოვანი სიმკაცრე მიეცა.

თავი ოცდამეცხრე

მეტეხის აღმართი კვლავ გაიქედა მოფარდაგებული ურმებით, მოხმაურე მხედრებით, მოფუსფუსე მსახურებითა და ქეშკეებით. სასახლეში ჩვეულებისამებრ, პირველნი მოვიდნენ მაღალაძის გეულლეწინო და რევაზი ასტანიტურთ. თავად მაღალაძეთ არ ეცალათ ფაენელთან ჩამოვარდნილი განხეთქილების გამო. მოვიდნენ: ჯავახიშვილი, ბრწყინვალე ბაგრატი, სვიმონი, ამილახვარი.

შადიმანმა კარკად ივარაუდა: ლუარსაბი გაცელებული იყო გულშარის სილამაზით, რომელიც გულგრილი არ დარჩენილა მშვენიერი მემკვიდრის ყურადღებისადმი. გარნა კეკელუცმა მარტო ლუარსაბი კი არა, ყველა თავადი ააღელვა. თვით ოდიშის მთავარი ალექსანდრეც კი, რომელიც ცოტა ხნის წინად რუსულად ერისთავის ასულმა დაიწუნა, მოხიბლული იყო მისი მშვენიებით. აღფრთოვანებული ახალგაზრდობა ერთსულოვნად ასხამდა ქება-დიდებას. ამირინდო დამცინავად ილიმებოდა: ამაყი გულშარი ფარულ სიყვარულს არავის აღიარებს, სხვა შემთხვევისათვის კი ხმალი კარგად მაქვს გაღესილიო.

უკანასკნელი მოვიდნენ ქსნისა და არაგვის ერისთავნი, ხოლო რუსუდანი კვლავ არ იყო. მეფემ მოიწყინა და უკვე ზიზღით ფიქრობდა მომავალს ნადირობაზე. მეფე ძლივს მალავდა წყენასა და განგებისი გულგრილობით შეეკითხა ქსნის ერისთავს: რა მიზეზია, რომ რუსუდან ასე დაეინებით არა სურს მოსვლაო. შალვამ გულცივად ურჩია: ამის შესახებს დედოფალს ჰკითხეო. მეფეს თავზარი დაეცა: ნუ თუ მარაჰმმა რუსუდანს აგრძნობინა თვისი ექვიანობაო? დიად, დიად, რატომ ადრე ვერ მივხვდი? ამ საზიზღარმა მალალაძეებმა მხოლოდ უსიამოვნობა უნდა მოგაყენონ... დიად, დიად, მარიამის საყვარელ შადიმანის გამო, ბააკასაც უსამართლოდ ვეპყრობი. რა საოცარი რამაა, არასოდეს შადიმანს არ ვენდობოდი და ახლა იგი მეტეხში პირველი კაცი შეიქნა.

შადიმანმა მყის შეატყო გიორგი მეფეს მარიამისა და მისდამი გულგრილობა. ვისი ოინია? სწორედ ახლა კი, განსაკუთრებით საქიროა მეფის გულის მოგება...

გიორგი მეფემ ნადირობის წინ თავადთა ბჭობა მოაწყო და დაეინებით მოითხოვდა, რათა თავად მალალაძეთა და ფავნელს ძალით თუ ნებით შეეწყვიტათ შუღლი. მერმე რისთვის გადაეკიდნენ ერთმანეთს? ლორისთვის, რომელმაც გაჰბედა და უბაჟოდ შევიდა ვენახში. თავადებმა გაიღიმეს და ზრდილობიანად მოახსენეს:

— ძალით შეწყვეტა არ შეიძლება, ნებით კი—საქმეს არ უშველის.

მხოლოდ ამირინდომ, ბაგრატიმა და შადიმანმა, რომელთაც სურდათ პირადი გამორჩენით ეამებინათ მეფისთვის, აღუთქვეს, ნადირობის დასასრულისას ბოლოს მოვეუღებთ მათს განხეთქილებასო.

მიუხედავად მეფის ცუდი გუნებისა, ნადირობა დიდი ზარითა და ზეიმით გაიმართა. ლუარსაბი, რომელსაც გარს ეხვია მშვენიერთა დასწრებით აღელვებული ბრწყინვალე ამალა, დიდ სიმარჯვესა და უშიშრობას იჩენდა. იოლად სცნობდა მეღიების და ტახების კვალს არანაკლებ აღტყინებული, ხანში შესული თავადები ტოლს არ უღებდნენ ახალგაზრდებს და ამიტომ მხეცებსაც არასოდეს არ განუცდიათ უმეტესი საფრთხე. ბუკთა ყვირილით, ბადროთა ცემის ზრიალითა და ისართა ზუზუნით გაოგნებული ნადირი ჩირგვებს, ხეებებსა და გორაკებს ევლებოდა, მაგრამ ყველგან ამხედრებულსა და აყიჟინებულ მონადირეთ აწყდებოდა.

ნადირობამ ვერ გაანელა მეფის უგუნებობა. მხოლოდ იმ გარემოებამ მოჰგვარა ფარული სიხარული, რომ სამი თავადის მუქარის გამო მალალაძემ და ფავნელმა ხმალი ჩააგეს და დამნაშავე ლორიც ზეიმით შუა გაიყვეს.

ერთი განხეთქილება, — ფიქრობდა მეფე, — მეორეს წარმოშობს. სულელი რევაზი ასტანის დაეინებით უკვე შეუდგა ლაშქრის მზადე-

ბას სიმაპრის დასახმარებლად. ფავენელსაც ხომ მრავალი ნათესავი ჰყავს, აი ციხის უფროსიც გადაკრულად ლაპარაკობდა ძმისწულისათვის დახმარების გამოჩენაზე, მას სხვა თავადებიც აჰყევიან, ხოლო ყიზილბაშნი მხოლოდ მარჯვე შემთხვევას ელოდებიან, რომ თავს დაესხნენ დაუძლურებულ მეფეს...

მეფე ოდნავ გამხიარულდა და თავაზიანად იკითხა: თავადებს სათხოვარი ხომ არა აქვთ რაო.

— მეფევე ბატონო, — დინჯად დაიწყო ბაგრატმა, — სამი თავადი: ბრწყინვალე ბაგრატ ქართლელი, ამირინდო ამილახვარი და შადიმან ბარათაშვილი — მოგმართავს საერთო თხოვნით, რამაც დიდი სარგებლობა უნდა მოუტანოს ქართლს: ჩვენ გთხოვთ აღაჩ-ყალის უდაბურ ადგილას, რომელიც მეფის აქლემთა საძოვარს წარმოადგენს... იქ ჩვენ ძლიერ სიმაგრეთ ავაგებთ ქართლის საზღვრების დასაცავად...

გიორგი მეფე გაოცდა. აღაჩ-ყალა ერანის საზღვარია, რომელსაც გარს აკრავს ნოციერი საძოვრები და ვრცელი მინდვრები. მაშასადამე, სამს. ცბიერ თავადსა სურს საზღვრის ბატონ-პატრონი გახდეს?

— ვაი თუ ასეთი რამ სხვა თავადთ არ მოეწონოთ.

— ვისა, მეფეო? ერისთავებს? მათი სამფლობელონი ქართლის სულ სხვა კუთხეში მდებარეობენ. მუხრან-ბატონს? ციციშვილს? ისინი უფრო დაშორებულნიც არიან, ხოლო უკეთუ მოშურნენი გამოჩნდებიან, სამი მძლავრი საგვარეულო შესძლებს საკადრისი პასუხის გაცემას... — ამირინდომ გაიღიმა.

— უერთგულეს თავადთათვის საზღვართა დაცვის მინდობა ხელსაყრელი საქმეა, — რბილად ჩაურთო შადიმანმა. — ჩვენ მცერ აგებული ქვეითკირის კოშკები დააშინებს თავებელ მეზობლებს. და შენი ჯოგებისთვისაც ურიგო არ იქნება საიმედო დაცვა, მომთაბარენი მუდმივ უსიამოვნებას გვაყენებენ...

— დიდი ლაშქარი მუდამ მზადა გვეყავს, სინჯონ და მოშურნენი ჩაერიონ ერთი ჩვენს საქმეებში... უაღრესად არ ვივარგებთ, ჩვენი მამული ნეტად ახლოსაა. ასეთს უბრალო რამეზე უარი არ უნდა გვითხრა, — პირქუშად დაამთავრა ამირინდომ.

გიორგი მეფე მიხვდა მუქარის ძალას, მაგრამ როგორ მოიქცეს? ინტრიგების, განხეთქილებათა ქსელში გაპხვიოს ქართლი? საიდან იცის მეფემ; ვინ არის მისი მომხრე და ვინ მისი მოწინააღმდეგე? ბებერი მელა ბაგრატ დიდი ხანია ტახტს უთვალთვალებს, იქნებ განგებ ეძებდეს დავის ატებას? მაშასადამე, ხალხს წაერთვას საძოვრები? მაგრამ განა ასეთ შემთხვევაში ხალხზე ფიქრობენ? იგი, რაც უნდა შეავიწროო, სდუმს, თავადები კი მყის ხმალს გაივლებენ ხელსა! ბაგრატი კვლავ აპირებდა... დიალ, დიალ, ოსმალნი... დამცველი

ვინღა იქნება. უკეთუ სამი მქალვარი თავადი კოშკში შეიკეტება და მათ სხვებიც მიჰბაძავენ. დიად, დიად, იძულებული ვარ დაუთმო, იძულებული ვარ დროებით ამ ავაზაკებზე ვიყო დამოკიდებული. იქნებ აზნაურებმა მართლაც მოახერხონ მეფის დაცვა თავადთა მონობისაგან? ასე მარწმუნებდა სააკაძე... მაგრამ სად გაჰქრა იგი? ნადირობას არ დასწრებია...

სამი თავადი მხიარული გამოვიდა მეფის სავანიდან. ბოლოს და ბოლოს ქართლის ბედი მათს ხელშია, ხოლო უკეთუ საზღვარს დაეუფლებიან, მაშინ არც ის იქნება საძნელო, რომ მეფე თურქეთთან კავშირზე დაიყოლიონ...

მალიმალ შემოჰქონდათ ტკბილეულობით სავსე ოქროს სინები. გუგუნებდა დაირა, ჩხაკუნებდა კამათელი და წყნარ სიცილს აყრუებდა ზუგზას ნაზი ხმა.

ეს ერთი ხანია ლუარსაბს მოსწონს ქალთა საზოგადოებაში ყოფნა და მარიამი მცირე სავანეში აწყობს ხოლმე მშვენიერ თავადის სულთა კრებას. თავადთა მეუღლენი ნარდითა და კორებით გაერთანენ, ახალგაზრდობა კი, ჩვეულებისამებრ, კუთხის ტახტზე მოეწყო. შუაში იჯდა ცისფერი ატლასის ქულაჯით, ყვითელი შარვლითა და ლურჯი წაღებით გამოწყობილი ლუარსაბ. მის გვერდით მუთაქას დაჰყრდნობოდნენ გულშარი და თამარ მუხრან-ბატონის ასული, გარემო კი—სხვა თავადის ასულნი და ახალგაზრდა თავადნი.

ლუარსაბი არც თუ ჭარბი მოკრძალებით გამოჰხატავდა თავის ყურადღებას მშვენიერთაღმი. „ყმაწვილის“ სიანცეზე კეკლუცნი თავდაბლად იცინოდნენ. ასეთი ნირი შეითვისა ყველამ და... ახალგაზრდობაც გულახდილად იხარებდა.

ღრო და ღრო მარიამი ნარდის თამაშს შესწყვეტდა და ნაზად მიაკტერდებოდა თავის ვაჟს. იგი ღიმილით აქეზებდა ხოლმე უფროსთა მეთვალყურეობით საანცოდ. ხოლო თავადთა მეუღლენი არ იწონებდნენ მემკვიდრის სიანცეს და მხოლოდ შიში, ჩამორჩენილობა არ დაგეწამონო, იწვევდა მლიქვნელურ სიტყვებს:

— როდისღა უნდა იმხიარულო, თუ არ სიყმაწვილეში?

შადიმანის დატინებული რჩევით, მარიამი ყოველის გზით ცდილობდა განერინებინა ლუარსაბი სახელმწიფო საქმეთაგან, რომლებიც წელთა შემოკლებელიაო. სამეფოსთვის ზრუნვა კი საქირო არ არის, ვინაიდან უკეთუ მეფეს, ვინიცობა, რაიმე შეემთხვევა, მემკვიდრის ასაკოვნობამდე თვით იმეფებს... მარიამმა ხელი დააქნია: მოცეკვავეთ დაირა ააგუგუნეს და... აფრიალდნენ აბრეშუმის კაბანი.

კარებში შესდგა შადიმანი. მას, ვით მემკვიდრის აღმზრდელს, უფლება ჰქონდა დაუპატიებლად შესულიყო დედოფლის სამყოფელში.

შადიმანმა ცეკვა მოიწონა და ჯავახიშვილის მკუდლის ფერხთით დაჯდა. ნაანებმა ქალბატონმა წუთით დაივიწყა სიმკაცრე და საყურადღებო თავადს ღიწილით მიართვა მოხალულწმიანი ლარნაკი.

ზუგზა ნიავისებური მსუბუქი რხევით უფლიდა რბილს ხალიჩაზე.

ქეშიკმა კარი შეაღო, ჩაახველა, დაბალი სალამი გადაიხადა და ლუარსაბისკენ მიბრუნდა. მემკვიდრის თვალი რომ იგრძნო, საჩქაროდ მოახსენა: აზნაური სააკაძე ძალიან გთხოვს, მიმიღეო. წარბშეკრულმა ლუარსაბმა შადიმანს გადაჰხედა. ზუგზამ ოდნავ შეჰკიეღა და ხალიჩაზე დაეშვა.

მემკვიდრემ ფიცხად უბრძანა, ხეალ მნახოსო.

ქეშიკი, რომელსაც სასახლეში საზრიანობის კარი სკოლა გაეგლო, წელში მოიხარა:

— დიდო ბატონიშვილო, მე ვარწმუნებდი ჯიუტ აზნაურს, ხეალ მოდი-მეთქი, მაგრამ არ ნებავს... მოითხოვს, მაინცა და მაინც ახლავე მიიღოს დანაპირვეიო.

— დანაპირვეი?!— ლუარსაბმა ჟეცრად გადაიხარხარა, — შადიმან, გახსოვს?

შადიმანმა შეთქმულივით ჩაუკრა თვალი და ურჩია: უბრძანე თავხედ აზნაურს აქ შემოგვევაროს დანაპირვეიო. ლუარსაბი ძლიერ იკავებდა სიცილს, ბრძანა, სააკაძე შემოიყვანეთო.

ცნობისმოყვარეობით შეპყრობილნი თავადთა ასულნი ევედრებოდნენ, გვაცნობეთ თქვენი საიდუმლოო. ლუარსაბი უფროც გამხიარულდა: თავხედი ხომ აქ ქალის შემოყვანას ვერ გაბედავსო. მდგომარეობის სიმწვავე უფრო და უფრო ახელებდა ლუარსაბსა და გულშარს ევაქრებოდა: ერთს კოცნაში მოგყიდი საიდუმლოებასო. გულშარმაც სათანადო პასუხი გასცა: მე, რა თქმა უნდა, შემთხვევით ვისარგებლებდი და მემკვიდრის ხავერდოვან ბაგეთ შეევხებოდი, მაგრამ შეშინია ნესტანის ბასრი კბილისა, რომელსაც შეუძლია უსაქიროეს სამკაულს—ცხვირს გამომათხოვოსო.

საერთო სიცილში, სააკაძემ მშვიდად გაისწორა მარცხენა ხელში ნაქერი ფუთა, დედოფლის წინაშე თავი დაჰხარა, შემდეგ სხვებსაც მიესალმა და მემკვიდრის წინაშე გაქვავდა. ლუარსაბი ოდნავ აიბნა და ჰკითხა: რით არის გამოწვეული შენი დაჟინებული თხოვნაო.

— ბატონიშვილო, ზოგიერთი მიზეზით, უფრო ადრე ვერ მოვახერხე შენი ბრძანების შესრულება.

— და ახლა მოხვედი, რომ დედოფლისა და თავადთა ქალების თანდასწრებით მაცნობო შესრულება?— ცივად გააწყვეტინა ლუარსაბმა.

— დიად, ბატონიშვილო. შოთა რუსთაველმა თამარ მეფის ფერხთა წინაშე დაასვენა „ვეფხისტყაოსანი“. მე მგოსანი არა ვარ, მე მონადირე გახლავარ მხოლოდ, გარნა ყოველი ადამიანი თვისი

უნარის მიხედვით იქცევა და ამიტომ მიიღე ჩემგან მშვენიერი დარეჯან.

შადიმანმა მრისხანე თვალი მიაპყრო სააკაძეს, მაგრამ გიორგიმ, თითქოს აქ არაფერიყო, ცალ მუხლზე დაიჩოქა და გაოცებულ ლუარსაბს გაუწოდა ბალიში, რომელზედაც ნაზად იზმორებოდა პატარა ავაზა. თავადის ასულნი წივილით გაიფანტნენ.

— მიიღე, ბატონიშვილო, ეს კეკლუცი შენი ერთგული მზედრისაგან:

„ქირად არ მიჩნდის ლომისა მოკლვა, მართ ვითა სირისა.“

ლუარსაბი წამოწითლდა და ალერსი დაუწყო განაზებულ მხეცს.

— ძვირფასო გიორგი, შენი საჩუქარი გაკვეთილი იქნება ტახტის მემკვიდრისათვის, რათა ყოველ კაცს მისი უნარისამებრ მოსთხოვოს ხოლმე...

შადიმანი ძლივს იკაეებდა თავს, მისი ხელი უნებურად ქამრისაკენ იწეოდა, სადაც ჩვეულებრივად ხმალი ეკიდა ხოლმე. თავადის მტუღლენი აბნეულნი უცქერდნენ ერთმანეთს.

სააკაძე ყურადღებით მიაცქერდა ლუარსაბს:

— ახლა კი ნება მიბოძე, ბატონიშვილო, წავიდე.

— არა, დარჩი ჩემთან ამ ერთ კვირას სალხინოდ. იმედი მაქვს, თავადის ასულნი, რომელნიც ასე კეთილგანწყობილნი არიან რაინდისადმი, ყურადღებას არ მოგაკლებენ...

ლუარსაბმა უეცრად გადაიხარხარა: ავაზა ტახტიდან ჩამოხტა, ნებიერად მიმოდიოდა და კაბებს უყნოსავდა აწივლებულ თავადის ასულთ.

ზუგზა მუხლმოდრეკილი სთხოვდა ლუარსაბს; მე მომანდე ავაზის მოვლაო, მხეცი აიხუტა და ვნებიანად დაუწყო კრცნა. მემკვიდრე ზუგზას დააშტერდა, მერმე თვალი უეცრად დარცხვენილ სააკაძეს გადაავლო.

— ახლა, მგონი, ვიცი თუ რათ სტიროდა ერთხელ ზუგზა, — სთქვა ლუარსაბმა, — ავაზა აიყვანა და აწივლებულ თავადის ასულთ გამოუდგა. ამაოდ ცდილობდა დედოფალი შეეყენებინა გაანცებული ლუარსაბი, და ხუმრობა, ალბათ, გულისწასვლით დამთავრდებოდა, შემოსულ თავად ჩიჯავაძეს რომ მეფის ბრძანება არ შეეტყობინებინა: სუფრაზე მობრძანდითო.

— შეილო, ავაზა ზუგზას გადაეცი, შენ კი, გიორგი, იმისათვის, რომ მემკვიდრეს ასეთი სიამე განაცდევინე, ამ სადღესასწაულო კვირის განმავლობაში ჩემი სასახლის რაინდობას გწყალობ.

ორი დღის ლხინის შემდეგ რაინდთა ასპარეზობა დაიწყო. ასპარეზობაში გამარჯვებულს ერთი წლით ენიჭებოდა სახელწოდება „უძლეველისა“ და ჯილდოდ ეძლეოდა მოოქრული ყანწი.

წინა დღით ბააკამ სააკაძესა და დათოს უამბო, თუ როგორ ეცადა სამი თავადი და როგორ გამოისძალა მეუფეს თანხმობა, რომ აღჩა-ყალა მათთვის ებოდებინა. სააკაძე უძცდარად მიხვდა ვერაგულ გეგმას. ნუთუ ამ სამს მტაცებელს უნდა ჩაჰბარდეს ქართლის ბედი? მაგრამ როგორ ვერ ამჩნევს მეფე საფრთხეს, რასაც მას უმზადებენ? ბრწყინვალე აფთარს, ბაგრატს ხომ უფლებდა აქვს ტახტზე ასვლისა! იქნებ ახალი დალატი მზადდებდა! მაშინ პირველს ლახვარს აზნაურთა კავშირსა და ხალხს ჩასცემენ.

საკაძე საჯინაბოს ეხოში გავიდა და ხმამალა, რათა შინაყმათ გაეგონათ, ერასტის უბრძანა, ცხენი შექაზებო, პაპუნა დღესვე წუნდა გაემგზავროს ნოსტეს ახალი იასაულის მოქმედებათა შესამოწმებლად.

და გიორგი არჩილისას გაეშურა. დაჯდა და შაჰ აბაზისათვის გასაგზავნ საიდუმლო ეპისტოლეს მოფიქრებით დაუწყო წერა:

„დიდებულო შაჰ-ინ-შაჰ, ერანის ძლევამოსილო მბრძანებელო, ძეო მზისა და მთვარისავე, შაჰ აბაზ. ნება მიბოძე თქვენს მეფურს ყურს ვასმინო ამბავი ბრწყინვალე ბაგრატ ქართლელისა და თავადთა ამირინდო. ამილახურისა და შადიმან ბარათაშვილისა, რომელნიც შენს საწინააღმდეგოს ზრახავენ.

ქოფაკთ ჩვენს კეთილ მეფეს გამოსძალეს სახასო აღჩა-ყალა და ეს უკეთური საქმე მათ, მგონი, სტამბოლის ცბიერ კარისკაც აზიზ-ფაშასთან საიდუმლო შეთანხმებით გააკეთეს. მან უკვე რამდენჯერმე ფარულად გადმოლახა საზღვარი ქართლისა. დიდებულო შაჰ-ინ-შაჰ, მგონია, თავადნი ცდილობენ ქართლი ერანს ჩამოაშორონ. ჩვენი მტრის სასარგებლოდ და არა სამეფო საძოვრების დასაცავად გამაგრებული აღჩა-ყალა იმის მომასწავებელი იქნება, რომ ქართლს მოაკლდეს ძლევამოსილი შაჰ-ინ-შაჰის მფარველობა... მუხლს ვიდრე უდიდებულესთა შორის უდიდებულესი, უძლეველი შაჰ აბაზის წინაშე და ერთგულებასა ვფიცავ ყმა გიორგი სააკაძე.

ქორონიკონსა 296

ეს ეპისტოლე რომ გადასცა, სააკაძემ პაპუნა გააფრთხილა:

— დღე და ღამ იფრინე ისპაჰანისაკენ, ერთი ცხენი რომ დაგივარდეს, მეორეს შეეკე. ეპისტოლე გადაეცი მხოლოდ შაჰ აბაზს, იმ ცბიერ სპარსელს, შამფურზედაც წამოუგია იგი შაითანს... ვინიცობაა, გზაში დაგიჰირონ, ეპისტოლე ჩაჰყლაპე და ასე სთქვი: ნოსტეს მშენებლობის დასაჩქარებლად თავისუფალ გლეხთა საძებრად წამოვედითქო.

პაპუნამ ეპისტოლე ჩამოართვა, ხელსახოცში გაჰხვია და ჩოხის უბეში ჩაიდო:

— კარგი, ძვირფასო, ვეტყვი—ეს ლავანია მეთქი, და ვთხოვ ზემოდან ყველი დამიდონ, ლვინო კი პაპუნას მულამ თან დააქვს და ათს დაუპატივებელ მეგობარსაც კი წააქცევს...

ტფილისის ასპარეზს ხელახლა მოაყარეს წითელი ქვიშა. სამეფო ტახტრეენის გარშემო, რომელიც ღია ცისფრად იყო შეღებილი, აწვითვატრი მაყურებლებით გაიქედა. მეფის ახლოს, ხალხით დაფენილ სკამლოგინზე მოთავსდნენ თავადნი თავიანთი ოჯახებითურთ და უმაღლესი სამღვდლოება. მათს უკან, პირველს რიგებში—საპატიო ტფილისელნი: მელიქები, ქეთხუდები, უსტაბაშები ყველა საამქროსი, ხოლო მათს შემდეგ მკიდროდ ისხდნენ ვაჰარნი დიდნი და მცირენი, უცხო ქვეყნების სოვდაგარნი და ნაცვალნი. და ბოლოს, უკანასკნელ რიგებში, თითქმის ერთმანეთს ასხდნენ ამქარნი და მოქალაქენი. დანარჩენი მოქალაქენი — „უბრალო ხალხი“, — ყურძნის მტვენებივით დაჰკიდებოდნენ ასპარეზის გალავანს. სამეფო ტახტრეევანს იცავდნენ მეტეხის გუშავნი, მეფის სავარძლის უკან ბააკამ მკიდროდ ჩამწკრივია ქეშიკთა რანში.

ოთხი გზით ასპარეზზე შემოსულა იწყეს ჯავშან-ჩაჩქანში ჩამსხდარმა რაინდებმა.

სამეფო ბაქანზე მყოფ ლუარსაბს მუხლზე ეჯდა ავაზის ლეკვი, რომელიც ცნობისმოყვარეობით ათვალთვრებდა იქაურობას და ნახათს უბეში უყოფდა ლუარსაბს, ტკბილეულის საძებრად. მეფის ახლოს იდგა კვერთხალმართული ციხის უფროსი, მის გვერდით კი შუბიანი ქეშიკებით გარშემორტყმული ბააკა.

დაიწყო ასპარეზობა. სარბიელზე გამოვიდნენ თავადნი და მათნი საქურველთმტვირთველნი. ყოველი გასვლილას ციხის უფროსი აცხადებდა რაინდთა სახელსა და მეფის სურვილს ასპარეზობის წესის შესახებ.

ამირინდოს ჯირითობის შემდეგ, რომელმაც საერთო დაუცხრომელი აღფრთოვანება გამოიწვია, ბააკამ მეფეს მოახსენა ოცი აზნაურისა და მათი მოლაშქრეების თხოვნა: ნება გვიბოძე, აზნაურ სააკაძის მეთაურობით სამხედრო თამაშობა გიჩვენოთ.

მეფემ სწრაფად შეავლო თვალი ხერხეულიძეს და ანიშნა, კარგო.

დაწყებულმა სანახაობამ ასპარეზისადმი მიაპყრო ათასთა თვალი. აღმოსავლეთის კარით პირველი შემოვიდა რაინდის საქურველით აღკაწმული ცხენოსანი სააკაძე; ხელში ეჭირა ფარი, რომელზედაც ვერცხლის ვეფხვი ბრჭყვიალებდა. შაჰისეული მისი ცხენი მწყურალად აბრიალებდა თვალსა და მოუთმენლად ფრთქვენდა. მრისხანე ცხენოსანს მოსდევდა ორასი მოლაშქრე, რომლებიც მსუბუქი ჯავშნით, შვინდისფერი ქულაჯით და შავი წალით იყვნენ გამოწყობილნი.

სააკადემ მეფის წინაშე შეაყენა ცხენი და დაჰხარა ხმალი და ფარი. ორასმა მოლაშქრემაც მყის ერთბაშად დაუშვა შუბი და რკალად დაეწყო.

სამხრეთის კარით შემოვიდნენ დანარჩენებიც. ჩაქვან ჯაფნანში ჩამჯდარმა ცხრამეტმა აზნაურმა, მსგავსად სააკადისა, მეფის წინაშე დაჰახარა ფარი და ხმალი...

ღათო და მისი ორმოცდაათი მოლაშქრე, რომლებიც ოქრომკედლით მოქარგული ქულაჯებითა და ლურჯფუნჯიანი წალღებით იყვნენ გამოწყობილნი, სარბიელის აღმოსავლეთის მხარეზე დადგა. ქვლივიძის მეთაურობით მოსულმა ორასმა მოლაშქრემ, რომლებიც ლურჯად იყვნენ ჩაცმულნი, სააკადის პირდაპირ დაიკავა ადგილი. როსტომის რაზმი, რომელიც ნარინჯისფრად იყო გამოწყობილი, დიმიტრისა — ღია მწვანეთა და ყვითელი წალღებით (ძისი პაპის დავითებით) გივისა — ღია მტრედისფრად და მიხაკისფერი წალღებით, ფანტუშისა — ღია რქებით, მათარისა — იისფრად, ელიზბარისა — ყვითლად, დაუთბეგისა — ლურჯად და მწვანე წალღებით, ყველა წინასწარ ზეტად განსაზღვრულ ადგილას დადგა. „ვეფხვთა რაზმს“ ღია-წითელი დროშა აფერიალებინა, რომლებზედაც გამოხატული იყო ვერცხლის ვეფხი. დანარჩენი თერთმეტი აზნაური თავიანთი რაზმებითურთ დასავლეთის მხარეს დაეწყო.

ნოსტელთა მხედართმთავარი სააკადე იყო, სხვათა კი — ქვლივიძე. მათ ზეიმით გამოაცხადეს თავიანთი ჯარის რაოდენობა: ქვლივიძემ — შვიდას ოცი მოლაშქრე, სააკადემ — ოთხას ოთხმოცი. გადატეხილი შუბი მოლაშქრეებისა ნიშნავდა დაქრას, გაგდებინებულნი — სიკვდილს. წართმეული — ტყვედ წაყვანას. აზნაურებისათვის: გადატეხილი ხმალი — მოკვეთილ თავს, გაგდებინებულნი — დაქრასა და ტყვედ წაყვანას.

გაოცებული მაყურებლები სულგანაბული უცქერდნენ გაჩაღებულ ბრძოლას. ათეულეზად დაყოფილი რაზმები ათისთავის მეთაურობით ცალ-ცალკე გამოდიოდნენ. ნოსტელნი ცდილობდნენ შემოეწლოთ მტრისათვის, მაგრამ ქვლივიძეს ყველგან დაეყენებინა გუშაგნი და სამეციკი წამდაუწუმ უქრავდა.

მხედართმთავარნი ფხიზლად ადევნებდნენ თვალყურს ბრძოლის მსვლელობას და ასპარეზზე წამდაუწუმ მოჰქროდნენ მათ მიერ გაგზავნილნი შიკრიკნი. „დახოცილნი და დაქრილნი“ გამარჯვებულის ბანაკში გაჰყავდათ. განუწყვეტლად ისმოდა ხმლის ჩახაჩუბი, შუბის ჯახუნი, ასპარეზს აყრუებდა საბრძოლო ყიჟინა, რომელიც მაყურებელთა ხმამაღალ შეძახილს უერადებოდა.

და უკეთუ თავადთა სკამებზე აქა-იქ ძუნწად გაისმოდა შურიანი შენიშვნები, ვინაიდან თავადნი აღუშფოთებულნი იყვნენ, რომ აზნაურებმა გაბედეს და თავიანთი საინტერესო ასპარეზობით თავადებს გადაჰკარბეს, სამაგიეროდ, რამდენადაც ხალხი მეფის ბაქნის მოშო-

რებით იჯდა, მით უფრო ხმამალა გამოხატავდა თავის შთაბეჭდილებას. ჰაერში ისროდნენ ქუდებს, ფაფახებს, ფრიალებდა მრავალი ნაირფერი ხელსახოცი, ყურის წამლები ყიჟინა აღფრთოვანებულ შეძახილებს ეზავებოდა.

სადლაც ნაძლეობდნენ, სადლაც იფიცებოდნენ, სადლაც იგინებოდნენ. გალავანზე კიდევაც სკემდნენ ერთმანეთს. ვილაც აღფრთოვანებული ყვირილით ჩამოვარდა ჭიშკარზე და თან დაიყოლია მისი მაწყვეარი მეზობლები. ქარიშხლისაგან აფორიაქებულ მძლავრ მუხასავით ირხეოდა ხალხით დახუნძლული გალავანი. და ასასთა მქიდრო რაზმი რომ არ ყოფილიყო, ასპარეზს აავსებდა ახალი ჯარი, რომელიც თავგამოდებით იბრძოდა თავისი შეხედულებისათვის; არა, ეს აზნაური გაიმარჯვებს, და არა, ესაო.

ერთი საათის შემდეგ, რაც თამაშობის ვადად იყო დათქმული, სააკაძემ განაცხადა:

— ტყვედ ჩაგვივარდა ორმოცდაათი, დაქრილი და მოკლულია ასი.

ქვლივიძემ, რომელიც გულს არ იტეხდა, განაცხადა:

— ტყვედ წამოყვანილია ხუთი, დაქრილი და მოკლულია ორმოცდაათი.

ხმაჩახლეჩილ მაყურებელთა მძაფრმა ყიჟინამ და ტაშმა დაჰფარა მხედართმთავართა სიტყვები. სააკაძის წინადადებაზე დამნებდიო, ქვლივიძემ მიუგო: თავს დამარცხებულად არა ვთვლი, ვიდრე ხმალი ხელთ მიჭირავსო.

მაშინ სააკაძემ ხმალი აღმართა და ორთა ბრძოლის წინადადება მისცა. ქვლივიძემ სიხარულით დაეთანხმა.

შესაჭურვლეთა საამქროს უსტაბაშმა, პატივცემულმა ბაადურ გოგილაძემ ველარ მოითმინა და მთელი ასპარეზის გასაგონად დაიძახა:

— აზნაურნო! ხმალი მარჯვედ გეჭიროთ, არ შეარცხვინოთ ჩვენი საამქროს ნაკეთები იარაღი.

და გალავნის ყოველი მხრიდან დასტური მისცეს სხვა საამქროთა უსტაბაშებმა:

— ჰეი, გეყოფათ თამაშობა! მართლა სჩეხეთ.

— თქვენთვის ჩვენ საუკეთესო ფოლადი ვჭედეთ!

— თუ ერთმანეთი გენალვლებათ, მტერს მიეტიეთ!

ამქართა წამაქვზებელმა ყიჟინამ თავადებს შიშით აცეცებინა თვალები.

როცა რვა ნოსტელის მიერ დამარცხებული რვა ქვლივიძისანი ასპარეზიდან გავიდნენ, სააკაძემ წინადადება მისცა ქვლივიძეს, როსაბსა და ასლამაზს, მარტო მე შემეებითო. ქვლივიძეს გაეცინა:

— მეტად ხომ არ გათაფხილებულა „ვეფხთა რაზმის“ წინამძღოლი?

— ასპარეზობა გვიჩვენებს,— მიუგო სააკაძემ,— უნაგირზე აღიშართა და ფიცხლად მიეტია კვლივიძეს.

რამდენიმე წუთი და, სამსავე აზნაურს ხმალი გავარდა ხელში. კვლივიძემ უფრო მეტ ხანს გაუძლო, მაგრამ მისი ხმალიც მალე ქვიშაზე დაეცა.

გამარჯვებულთა პატივსაცემად ასტყდა დაუცხრომელი ყივინა, ტაში, აფრიალდნენ ქულები და ხელსახოცები.

სააკაძემ სამხრულები გაისწორა და მეფის ბაქანთან ჩამოხდა.

— ნება მიბოძეთ, დიდებულო მეფევე, მოგახსენოთ: აზნაურთა ყველა მოლაშქრე თანაბრად გულადი და მარჯვეა, მაგრამ ნოსტელები ბავშვობიდანვე დაეუფლნენ უძლეველობის საიდუმლოებას, გარნა სხვა აზნაურთ, რომელნიც ცუდად ნაწრთობი ხმლის გამო დაშარცხდნენ, შემდეგისათვის უფრო კარგად შეიარაღება დასჭირდებათ.

მეფემ შეაქო არაჩვეულებრივი სიმაძავე აზნაურთა, რომელნიც ღირსნი არიან საპატიო წოდებისა, და დაუმატა: სიამაყით ვფიქრობ ქართლის მტრებთან მომავალს ომზე. დარწმუნებული ვარ თავადები არ იწყენენ თუ პირველობის ყანწი სააკაძეს ხედება იმისათვის... რომ... დღევანდელი დღესასწაულის გამო ოცი აზნაური შეაერთა. დიად, დიად, მე ძალზე კმაყოფილი ვარ და აზნაურთა ერთგულებასაც განსაკუთრებით აღვნიშნავ..

— დიდებულო მეფევე, ჩვენი ერთად-ერთი სურვილი ის არის, რომ შენ გემსახუროთ,— წარმოსთქვა კვლივიძემ.

შადიმანი უეცრად გაიმართა წელში:

— ნება მიბოძეთ, ბრძენო მეფევე, მოგახსენო, რომ ყანწი დანიშნულია თავადთა ასპარეზობისათვის. რასაკვირველია, სააკაძე კარგი მხედარია, და აზნაურნი რომ წინასწარ არ შეთანხმებულნიყვენენ, შეიძლებოდა სააკაძე დიდ მხედართმთავრად მიგვეჩინა, რომელსაც წარსულს ომებში მრავალი გამარჯვება მოუპოვებია... დიად, დიდებულო მეფევე, დღევანდელი თამაშობა საგულისხმოა, თავადნი დარწმუნდნენ, თუ რა ფარულად ირაზმებიან ვილაყის წინააღმდეგ აზნაურნი.

სააკაძე ფიცხლავ მიბრუნდა შადიმანისკენ:

— დეე მართალი თავადი შადიმანი გამოვიდეს ხმლით ცბიერი აზნაურის სააკაძის წინააღმდეგ, დეე ყველამ, ვინც ასე ჰფიქრობს, იშიშვლოს ხმალი! მე ერთს აღმიმართავს მახვილი ყველას წინააღმდეგ!— შადიმანს ზიზლით გაეცინა.

— თავად შადიმანს შეუქლია მხოლოდ თანასწორს ებრძოლოს. ერთი გოდორი ლობიო პატარა აღმასზე მუღამ იათი ყოფილა.

თავადებმა ხმამალალი სიცილით დაადასტურეს შადიმანის ოხუნჯობა.

სააკაძემ მეფეს მიმართა:

— ნება მიბოძე, დიდებულო მეფეე, მოგახსენო: მე მესმის თავად შადიმანის გაკვირვება, არცერთი მისი მეგობარი ხომ ხელსაყრელ შემთხვევას არ გაუშვებდა და სამხედრო მამაცობისთვის მეფის მოწყალებას გამოითხოვდა. დეე მან და მისმა მეგობრებმა შეურაცხყოფად მიიღონ ჩემი სიტყვები და ხმალამოღებულნი გამობრძანდნენ აქა.

თავადთა მრისხანე ყოიენა დაჰფარა ტფილისელთა სტეენამ, რითაც აზნაურებს აქეზებდნენ.

— შენი სურვილი კანონიერია... დიად, დიად, დეე ორთა ბრძოლამ გადასწყვიტოს თვითულის უფლება.

— როგორ!? მეფესა ჰკონია, თავადნი ისე დამდაბლდებიან, რომ ჩხუბს აუტეხენ მდაბიოს? იცოდე...

სტეენამ და გამაყრუებელმა ყოიენამ დაჰფარა შადიმანის სიტყვები. ასპარეზის გაღავანი ძლიეს იკავებდა მოზღვავებულ ხალხს: ეს-ეს არის ჩაწინგრევა და გაფიცხებული ბრბო თავადებს მიესვენაო. შეშანებულმა გზირებმა ხმლებს გაიელეს ხელი.

აზნაურები საბრძოლო წესით დაეწყნენ: ქეშიკებმა წუბი აღმართეს, მოლაშქრენი შარად ჩამწყრივდნენ. სააკაძე შადიმანს მივარდა და მიიძახა: ლაჩარო! „შადიმანის მომხრე თავადებმა იარაღს გაივლეს ხელი. მეფე ფარული სიამოვნებით უტკერდა ამ „ურთიერთ თავაზიანობას.“ შადიმანმა მყის ხმალი იწიშვლა.

გარნა ტყუილად როდი შეშფოთებულა დედოფალი შადიმანისთვის. იგი ფიცხლად წამოდგა და შადიმანსა და სააკაძეს შუა მანდილი ჩააგდო. ყველამ იარაღი დაჰყარა, ყოიენაც შესწყდა.

— უგუნურნო! დაგავიწყდათ განა, ვის წინაშე ბედავთ ჩხუბსა? მეფემ მტკიცედ შენიწნა, რომ აზნაურები სრულუფლებიან რაინდებად მიაჩნია და არასოდეს ხელს არ შეუშლის თავიანთი ღირსების დაცვაში...

— დიად, დიად, დეე ეს იყოს გაფრთხილება, ხოლო ყანწი პირველობისა დაელოდება მომავალს დიდ ნადირობაში გამარჯვებულს... დიად, დიად, იარაღი ჩააგეთ და საერთო ლხინით განვამტკიცოთ მშვიდობიანობა.

მეფემ შეუმჩნევლად ზიზლით გადაჰხედა მარიამს და გულნაკლული წაჰდგა. გაფითრებულმა ლუარსაბმა მკლავი გაუყარა დედას.

ხალხი იშლებოდა და მომხდარ ამბებზე მსჯელობდა: გაღავანს გადაღმა — ამაყი შეგნებია, „ჩვენმა გაიმარჯვაო,“ თავადთან რიგებში კი — გაბოროტებული შეშფოთებით. თავადებმა ბევრს რასმე გაუწიეს ანგარიში აზნაურთა სამხედრო თამაშობაში. მეფე ფაქრობდა: „პირველი დათვალეობა უკვე მოხდა, საჭიროა აზნაურთა ჯარი რამდენიმე ათას კაცამდე იქნას გადიდებული, მაშინ...“

შადიმანი მიხვდა, რომ მისი შიში უფრო ადრე გამართლდა, ვიდრე ვარაუდობდა. მან მტკიცედ გადასწყვიტა მოესპო სააკაძე, მაგრამ საამისოდ უფრო მარჯვე იარაღი უნდა ამოერჩია, ვიდრე ისა, რასაც იგი თავადებთან ბრძოლაში ხმარობდა.

დარბაზში შემოვიდნენ აზნაურნი. საუცხოოდ გამოწყობილნი, მეტად თავაზიანნი, ისინი ცდილობდნენ მეგობრის გვერდით დამსხდარიყვნენ.

— გიორგი, ჩემს ახლოს დაჯექ.

თავადებმა ნუგზარს გადახედეს: კიდევ რომელი თავადი ითხრის თავის სამარესაო? აა, ხორეშანი აზნაურს უღიმის... მგონი, დათო ჰქვია! დახე! მუხრან-ბატონიც თავის გვერდით ისვამს გმირს. საიდანაა ეს ამოდენა ცხვირი?! ერთბაშად მთელი ნახევარი სუფრა დაიკავა... ერთი შეხედვით, ლუარსაბმა სააკაძეს სამეფო ყანწი გაუგზავნა! ეს უნდა დავიმახსოვროთ... რალას უყურებს შადიმანი? განა იგი მეტეხში თავადთა ინტერესების დასაცავად არა ბრძანდება?.. დღეს მაღალაძეებიც კი არ გამოსულან. უსიამოვნება აქვთ. ხანძრის შემდეგ ეშინიათ სააკაძისა, დარწმუნებულნი არიან თარეშისათვის გადაგვიხადარო... ყველამ იცის — თამაზმა განაზრახა ყაზახნი...

— გიორგი, შენი აქ დარჩენა არ შეიძლება, დროებით უნდა წახვიდე. ნუ წითლდები, ვიცი, არ გეშინია, მხოლოდ ბევრი რამ ზედმეტი კი ჩაიღინე... დეე თავადნი ოდნავ დასცხრნენ. დიდი ხანია მპირდები, გეწვევიო, ახლა უკვე დრო არის, და არც შენს სიამაყეს დააკლდება რამ: ნუგზარს ლაჩრები ვერ ესტუმრებიან...

— თავადო, ჩემთვის სასიხარულოა შენი პატივი! მაგრამ რა დენიმე დღეს მოვიცდი... ახალ სამოსს შევიკერავ...

— ეჰ, გიორგი, ლოდინი რა საჭიროა? ჩემი ოჯახისათვის დახეული ქულაჯითაც კი სანატრელი ხარ. ხვალ ჩემთან ერთად წამოხვალ, მეჩქარება, ანანურში საქმე მამებს.

ნუგზარი ხედავდა, რომ მეტეხში სააკაძის დარჩენა საშიში იყო და ამიტომ გადასწყვიტა, ძალით წაეყვანა თვისი მოწონებული აზნაური.

მეორე დღეს, საღამოს, ნუგზარი და სააკაძე ანანურისკენ მიაქენებდნენ. წასვლის წინ გიორგი მეფემ სააკაძე ისმო და დიდხანს ესაუბრა. დაპირდა, ფარულად დავეხმარები აზნაურებსო, და მოიწონა ის ღონისძიებანი, რაც სააკაძემ აზნაურთა კავშირის გასაფართოებლად იხმარა; აგრეთვე აღუთქვა: ფულითა და იარაღით დავეხმარები კავშირსაო, და ოდნავ დარცხვენილად უთხრა — თავადობის წოდებას ანანურიდან დაბრუნების შემდეგ გიბოძებო.

— ამჟამად თავადები გაჯავრებული არიან, დაცინვად მიიღებენ, შესაძლოა იარაღსაც მოჰკიდონ ხელი... საშიშია.

მეფეს, რასაკვირველია, არ გაუხებელია, რომ აზრი საფრთხის შესახებ შადიმანმა შთაუწერა.

მთის ორწოხებში, სადაც ჰქუხს დაუცხრომელი არაგვი, პიტალო კლდეზე აღმართულა ანანურის ციხე, რომელიც „მტერთა დასაშინებლად და მოყვარეთა გასახარებლად“ აუგია ზვიად ფეოდალს, გიორგი ერისთავს.

თვისი საგვარეულოს განსადიდებლად არაგვის ერისთავმა ანანურს შემოარტყა ქვითკირის მალაღი გალავანი, კოშკებითა და სათოფურებითურთ, გამართა ჩინებული ასპარეზი, გააშენა ბალები და ააგო მშვენიერი ტაძარი, სადაც თურმე დალუპვა ეწერა ამაყ ფეოდალს...

ანანურის კარს ორი მხრით უახლოვდებოდნენ მხედრები.

რუსუდანი ნადირობიდან ბრუნდებოდა, და გახარებულმა ნუგზარმა ცხენი გააჩქარა.

სააკაძე შეკრთა, გულს რაღაც ცხელი ტალღა მიექრა.

რუხი ჩოხა და ბანჯგვლიანი ფაფახი ზურაბს ამსგავსებდა რუსუდანს.

კარგი ნადირობით გახარებულმა რუსუდანმა თვისი ყაბარდული ნუგზარისკენ გამოაქანა, გადმოიხარა და მძლავრი მკლავები მამას მოჰხვია.

აბნეულმა სააკაძემ ძლივს წაილულულა სალამი.

— როგორც იქნა, გიორგიმ ჩვენც მოგვაქცია ყურადღება. მესმა წენი მწუხარების ამბავი, მაგრამ დიდ-დიდმა გამარჯვებამ უნდა მოგანიჭოს ნუგეში... უკვე თავადი ხარ?

— ეჰ, რუსუდან, განა მეფე გაბედოვს წინააღმდეგს ამილახვარს, ბაგრატსა და შადიმანს? თუმცა გიორგი თვით არის დამნაშავე... ნუ იწყენ, თავადობა რომ მიგელო, ანანურის ციხისკენ არ გამოეშურებოდი. ძალად მოვიყვანე. იცი, მთელი თავადობა ხმაღში გამოიწვია.

ნუგზარმა გადაიხარხარა. რუსუდანმა ირიბულად გადაჰხედა სააკაძეს და შინ მისვლამდე ხმა არ ამოუღია.

რუსუდანი მუდამ თავაზიანი და ალერსიანი იყო, მაგრამ, იჯრობის ვარდა, იშვიათად ჩნდებოდა. ნუგზარის დაწვრილებითმა ნაამბობმაც კი მეტეხის უკანასკნელი აფორიაქების შესახებ ვერ გამოიწვია რუსუდანის ცნობისმოყვარეობა სტუმრისადმი.

ტფილისიდან დაბრუნებული ქალბატონი ნატო გულმხურვალედ უამბობდა:

— თავადები ცოფსა ჰყრიან და აზნაურთა რაზმების დაშლას მოითხოვენ. თავადებზე ძლიერი არავინ შეიძლება იყოს, სახელმწიფოსათვის საზარალოა... დედოფალიც შეშფოთებულია: „ასეთი რამის ნება რომ მივცეთ, მდაბიოს თავს გაუვია“. გარნა მეფე გაჯიუტდა: „დეე მოაწყონ რაზმები, დიდი ჯარი დიდ გამარჯვებას ნიშნავსო.“ აყალმაყალის შემდეგ ბააკამ სააკაძის დაკავება ითხოვა...

აზნაურმა დიმიტრიმ ცხვირ-პირი დაუშევა თამაზ მალალაძეს, რატომ ხმალში არ გამომყევიო. დედოფლისას ამბობდნენ: ნოსტელი ქალიშვილის გულისთვის გაცხარდა აზნაურიო. მეფე აქაც გულგრილი დარჩა: რაკი თამაზს ორაბა ბრძოლა არ სურდა, ქალიშვილი კი შეურაცჰყო, მაშასადამე, აზნაური მართალიაო. მალალაძენი დაემუქრნენ, დიმიტრის სახლ-კარს ნაცრად ვაქცევთო. ალბათ, კიდევაც ასრულებენ... ამ მუქარის შემდეგ აზნაურს კვლავ ჩხუბი სწადდა, ბააკამ ძლივს გაისტუმრა ნოსტეს. თავადი ამბობს, არასოდეს იმდენი საზრუნავი არა მქონია, რამდენიც ამ ნოსტელებმა გამიჩინესო. მართო ერთი სააკაძე თვალებს კეფაში გამომასხამსო...

ნუგზარი ხარხარებდა, რუსუდანი კი სდუმდა.

აღფროთოვანებული ზურაბი ძლიერ დაუმეგობრდა სააკაძეს და ყველაფერში თავის მოუსვენარ მეგობარს ჰბაძავდა.

საკაძე შულამემდე დაეხეტებოდა ანაურის ბნელ ქუჩებში. ცდილობდა და ვერ გარკვეულიყო ათასგვარ ფიქრებსა და გრძნობაში. კვლავ და კვლავ არაჩვეულებრივი ძალით იზიდავდა ნინო. ჰგრძნობდა მისი სხეულის სურნელებას—ნოსტეს ბაღების სურნელებას, მისი ნორჩი ტუჩების სინაზეს, ოქროსფერი თმის მიშვიდველობას. სისხლი საფეთქლებს ეძალებოდა, გული მტკივნეულად უძგერდა. ძლივს იკავებდა თავსა. ერთად-ერთი სურვილი დაუფლებოდა: ცხენს მოჰხტომოდა და ნინოსკენ გაქანებულყო, უკუეგდო აწმყო და დაევიწყებინა წარსული. მიფრინავს ცხენი მიხვეულ-მოხვეულ ბილიკებზე, მტრედისფერ ნისლში იძირებიან ქართლის მთები. მოსახვევი და... წერწეტი ქადრის ძირას დგას ნინო.

სიხარულით გაუწვდია ორივე ხელი და თვალი—ორი ლურჯი ტბა ცხენოსნისთვის მიუპყრია. გიორგიც მოეხვევა! და ტუჩი ტუჩს ეძებს ათროლებული... მაგრამ რად მოუკუშავს ბაგენი ასე მტკიცედ, ხელები რად გასცივებია?.. რუსუდანი! მოუდრეკელი, ვით სალი კლდე, რუსუდანი! იქნებ მთის მთელმა სიამაყემ, გაუტეხლობამ მასში იჩინა თავი? ძლიერებით, ძალა-უფლებით მოსილი რუსუდან... ნინო, მარგალიტი ნინო!.. „ოქრო და მარგალიტი ხშირად ძირს მიათრეეს ადამიანს“... მალლა კი რაღა ეწევა? ძლიერება! რუსუდანი მალლა მიმიწევს... „მოლაშქრეთ შეუძლიათ ისე მოიქცნენ, როგორც სურთ, მხედართმთავარი კი ისე უნდა მოიქცეს, როგორც საჭიროა“... რუსუდან! ზეატრენილი არწივის ფრთათა შხუილი გამომხმობასავით ჩასწვდა სააკაძის გულს. წყნარად შემოუარა კოშკს. ფერადს ვიწრო ფანჯარაში ოდნავ ბეუტავდა ლამის კანდელი. რუსუდანს ეძინა იქა...

მზემ ტყეთა ტყეობას თავი დააღწია და კოშკზე გუშაგვივით აღიმართა.

იღვრა გაღესილმა დანამ, ცხვარმა ოდნავ გაიბლალვა და თბილი სისხლი სოხანეს შეერთო. აფუსფუსდნენ მზარეულთა ხელქვეითნი,

გაჩაღდა ცეცხლი და აშიშინდნენ, სპილენძის ვეება ქვაბები. დიდრო-
ნი კალათები მწვანელითა და სხვადასხვანაირი საკაზმით აივსო. უფ-
როსი მზარეული თავის მოვალეობას შეუღდა.

თაღოვან დარბაზში ვიწრო სუფრები ჩაამწკრივეს. ბუშტგადაკ-
რულ საარკმელებში მზემ შემოიქვრიტა და მტერის ზოლები აათა-
მაშა. ჩქარი თითები აბრეშუმის ცისარტყელას ხლართავენ. ნაირფე-
რი ძაფები ქარგაზე ჰქმნიან ცისფერ ნაზ ყვავილებს, მწვანე ჩიტებს,
მარგალიტის პეპლებს, ვერცხლის ნაკადულებს, დაკლანილ გველთა
ოქროვან ჯაგშანს.

ქორივით დასცქერის თავს მსახურ ქალებს ქალბატონის გამდე-
ლი.

თავლებში მეჯინიბენი გულდასმით იურვებენ ცხენებს. ქუჩაში
მწყემსები მიერეკებიან უთვალავს ჯოგსა და ფარას. მძიმე დოლაბნი
სისინით ლექავს ხორბალს. აქაფებული არაგვი მატყლის გორებ-
სა რეცხავს, ბნელს ფარდულებში გამალებით სწეწვენ სხვადა-
სხვა ფერის მატყლს, მიყურებულ სადგომებში კი ძველის-ძველი იარა-
ღი და მძიმე ხალიჩები სდარაჯობენ მფლობელთა ზვიად ძილს.

მაგრამ, აჰა, უეცრად აფორიაქდა მთელი ციხე-დარბაზი. კიბე-
ებზე არბიან და ჩამორბიან მხეველები, მსახურები, მუქთამქამელები.
ახრიალდა ჯამ-ქურქელი. ფართოდ გაიღო კარი და შემობრძან-
დნენ მფლობელნი.

ნუგზარმა კმაყოფილებით გადაჰხედა „თავის ოჯახს“.

— სუფრას ადამიანები ამშვენებენ.

სულ ბოლოს, მარჯვნივ, ჩამწკრივებულიყვნენ შავი თავსაკრავიანი
დედაბრები; მათი გამოხუნებული თვალი მოწინწებით მიშტერებო-
და ვერცხლის ქურქელულობას. მათს აქეთ კი, ქალბატონისკენ,
მწვანე და შვინდისფერი თავსაკრავებით, ფირუზის ქინძისთავებით
მორთულნი, აზნაურთა და თავადთა მეუღლენი.

სუფრის მარცხენა მხარეს იღვწენ უბრალო ჩოხით გამოწყობილი
მამაკაცები, შუა სუფრასთან—უკვე ვერცხლის მასრიანები, ნუგზარის
ახლოს კი, — ბუზმენტებით მოქარგული, ფერადი ჩოხები ბრწყინავდნენ.

ესენი იყვნენ ნატოს უთვალავი ნათესაეები, გალარიბებული თა-
ვადები, ფათერაკის მაძიებელი რაინდები, ერისთავის აზნაურები
ოჯახებითურთ, მესუფრიები, მწირნი, უფროსი მსახურნი და ყველა
იხინი, ვისაც უდარდელი ცხოვრება სურდა, და ამის გამო არაგვის
მფლობელის ამალას ამრავლებდა.

მარჯვე მსახურნი ნუგზარს მოართმევდნენ საღსე ხონჩებს. მერი-
ქიფენი სწრაფად ასხამდნენ ღვინოს, ზურგს უკან მდგომნი მსახურნი
მყის ასრულებდნენ ბატონთა თვით უმცირეს სურვილს...

ქალბატონი ზოგჯერ „ღვთის საამებელ საქმეს“ აკეთებდა: ინა-
ხულებდა ხოლმე სნეულთ, ესწრებოდა პანაშვილებს; თუ „მოცილი-

და“, ჯალაბსაც დაჰხედავდა, „როგორ მუშაობსო“ და მისი ამაღაც მლიქვნელურათ აქებდა ქალბატონის გულკეთილობას.

ხუგზარიც ხახდახან, ნადირობათა და ასპარეზობათა შორის, პირველ ვაქებს უნათლავდა გლეხებს, ლოცავდა ახალჯვარდაწერილთ და მუქთა მკამელები გულაჩვილებით ჰღვრიდნენ ცრემლს. უფრო ხშირად კი მოურავის, ნაცვლისა და იასულის თანხლებით შემოივლიდა ხოლმე მახლობელსა და შორეულ სოფლებს და მტკიცე ხელით ჰმართავდა თავის ვრცელ საძფლობელს.

დიდრონ ბელლებში გროვდებოდა აუარებელი მატყლი და ტყავეულობა. ასეულთა ხელი ამხადებდა ქართულს სახიან ქსოვილებს, ნახ მაჟდსა და ძვირფას ხალიჩას.

სარდაფები ველარ იტევდნენ ერბო-კარაქით, ყველითა და თაფლით სავსე დერგებს.

გარნა ნუგზარს ეზიზღებოდა ვაქრობა. ზვიადს თავადს, რომელიც თავს მეფის დარად სთვლიდა, ვერც კი წარმოედგინა, როგორ შეიძლებოდა ისე დამცირობა, რომ მაიდნის ვაჭრის მსგავსად, საქონელი ბაზარში გაეტანა.

მხოლოდ მთავარი მოურავი, რომელსაც ფარულად ხელმძღვანელობდა ქალბატონი ნატო, ანანურის ბაზრობაზე ქარავენებს უცვლიდა ხოლმე ტფილისელსა და უცხოელ ვაჭრებს. ცხენებს, აქლემებს, საქურველს, ლეინოს, ხავერდსა, ტკბილეულობას, იშვიათ ქურქლეულობასა და ძვირფას ნაკეთობას მატყლსა, ტყავსა და სანოვაგეში უცვლიდა.

სააკაძეს აოცებდა ანანურის უზარმაზარი დოვლათი. იგი ყურადღებით აკვირდებოდა ფეოდალური სამთავროს ცხოვრებას. გადასწავიტა შეესწავლა ის საფუძვლები, რომელთა წინააღმდეგ უკვე ოდნავ აღმართა თავისი მახვილი. „უკეთუ მტრის დამარცხება გწადია, უნდა შეისწავლო მისი ძალა და უძლურება“.

გიორგი განცვიფრებული იყო იმ მკვეთრი განსხვავებით, რაც ციხე-დარბაზსა და ჩვეულებრივ სახლთა შორის არსებობდა: მერმე ვინ იტყვის, რომ ნუგზარი ყველაზე კეთილშობილი არ არის თავადთა შორის? მაშინ შადიმანისას, მალაღისას და ამილახურისას როგორღა ცხოვრობენ? ნუთუ თავიანთი წარჩინებულობითა და სიმდიდრით დაბრმავებული ამაყი თავადები ვერა ჰხედავენ იმ უფსკრულს; საითაც მათ დამშეული ხალხი მიაქანებს? ხალხს კი რომ მართებულად მოკპურო, მაშინ იგი ერთი-ორად მეტს იმუშავენს და ერთი-ბუთად უფრო საამურად იცხოვრებს.

სააკაძე ერთი დაბალი ქოხის წინ შესდგა. ლობეზე კონკები შრებოდა. წაბლის ქვეშ უგემურად ლეკავდა გამხმარ ფოთოლს ფერდებჩავარდნილი, ოქროსფერი კვიცი. გიორგიმ ალერსით გადაუსვა ხელი გამხმარ ზურგზე. კვიცმა დიდრონი შავი თვალები მიაპყრო, გაე-

ხახუნა და ხელები დაუყნოსა. გაახსენდა თავისი შორეული ბავშვობა და ასეთივე ოქროსფერი კვიცი—თვისი ადრიაინი ყმაწვილობის მეგობარი.

„ცხენს გაუფრთხილდი, ცხენს გაუფრთხილდი!“—ესმის გიორგის ბებო ზარას ხმა.

გიორგი შეკრთა: მის წინ ვიღაც სახეგამხდარი ქალი იდგა. ქილაში წვრილი ფული ამოიღო და საჩქაროდ გაუწოდა.

— ცხენს მოუარე! რად არის აგრე გამხდარი?

— თვით გამხდარი ვართ, არათუ ცხენი,—გაუბედავად მიუგო ქალმა და ფული აკანკალებული ხელით ჩვარში გაჰხვია.—გმადლობ, ბატონო, კარგად აბა როგორ ვიქნებით, ხედრი ჩენი ძალზე მცირეა. დაბინდებამდე ციხე-დარბაზისათვის ვმუშაობთ. ზაფხული გავა და ზამთარი ჯარას აამუშავებს, თავადის მთელ ჯალაბს ვაცმევთ და ვახურავთ, თავადსა სურს, რომ ყველა მისიანი მდიდრულად იყოს ჩაცმული, ხოლო რამდენადაც ყველას უფრო მდიდრულად აცვია, იმდენადვე გლები უფრო ჩამოგლეჯილი დაიარება...

— ბატონო, ეკლესია ჯერ არ გაუღიათ, მეც ველოდები.—სააკაძემ ნაბიჯს უკლო. ტაძრის ზღურბლთან მოხუცი მოკუნტულიყო. გაცვეთილ ქუდში ქალარა თმა სჩანდა, მომწვანო ხავსში ბუნდად კიაფობდა თვალის გუგა, გამხმარი ხელები უმწეოდ დაჰკიდებოდა.

— თავადმა ნუგზარმა ახალი ტაძარი ააგო, მაგრამ მე აქა ვარ ნაჩვევი. ყოველ აღდგომას ერთ კენჭს ვავდებ ხოლმე დოქში. ამას წინათ დავთვალე—ას ორი აღდგომაა, რაც ტაძარი აშენდა. ჯერ კიდევ ბავშვი ვიყავ, თმა შავი მქონდა, ცხენზე მარჯვედ ვიჯექ...ამაყი იყო თავადი გიორგი, სიამაყემ დალუბა... ღმერთს როდი უყვარს მეტად ამაყი. ამ ტაძარში კვამლით გაიგუდნენ, აქვე არიან დამარხულნი.

მოხუცმა გამხმარი ხელი მოუსვა ეამთა ვითარებისაგან დაღრღნილ ფილაქანს.

— თავადი მისი, მეუღლე, ბავშვებიც, ნათესავეებიც, მსახურნიც... ყველანი აქ მარხიან. მხოლოდ მე ვზივარ ზემოთ, თუმცა მესეფე ვიყავ...

მოხუცმა რალაც ხრინწიანად ჩაიციხა და სიამოვნებით განაგრძო:

— ხანჯალ-ხანი გორის მიწა-წყლის ბატონი იყო. ისიც ამაყი იყო... მუსულმანი იყო და შეეძლო ამაყი ყოფილიყო, სულერთია ღმერთი ყურადღებას არ აქცევდა... უნდოდა ყველა თავადი მოედრიკა. მაგრამ როგორ მოდრეკ? ომში რომ მიდიან, კაცზე მეტად წალას უფრთხილდებიან... ხანჯალ-ხანს, ღვინის მაგიერ, ყავა უყვარდა, ყავას რომ

შექცეოდა, ცბიერება მოიგონა. ყველა თავადს შიკრიკი გაუგზავნა: დვალეთზე გავილაშქროთ. გაეხარდათ თავადებს.

დვალეები მდიდარი ხალხია, საქონელიც ბევრი ჰყავთ, იარაღიც მრავალი აქვთ. ყველაზე ძლიერნი თანჯანთი რაზმები იყვნენ. მხოლოდ ყველამ კარგად იცოდა: ქსნის ერისთავი შანშე გამპკრიახი თვალის პატრონი იყო; ერისთავის დროშა ზუსტად გამოხატავდა მის ხასიათს: ვეფხის კლანჭებში აფთარი ფართხალებდა. გორს რომ მოვიდა, ხანჯალ-ხანს მიუხვდა ცბიერებას და გიორგი არაგველს წინადადება მისცა, ერთად გაეიქეთო, მაშინ ხანი სხვა თავადების ხელისხლებასაც ვერ გაბედავსო. მაგრამ ამაყი იყო ჩემი ბატონი. სხვამ ჰკუთნო როგორ მაჯობაო? თვისტომის უსაფუძვლო შიშზე სიცილი აუტყდა, გაქცევაც არ ინდომა... მაშინ შანშემ ხანს უთხრა: „მინდა, ვაჟი სალაშქროდ წამოვიყვანო, აქვე ქსნის კოშკი არის... ჩემი ლაშქარი აქ დარჩეს, მე კი ხვალვე დავბრუნდებიო“.

გაეხარდა ხანჯალ-ხანს: ერთი თავადიც სიცოცხლეს გამოესალმებო, და სიამოვნებით გაუშვა.

გარნა, ერთის მაგიერ, ათასი ვაჟი მოიყვანა, მეხივით დაატყდა თავს ხანის ჯარს. ხანჯალ-ხანი გაქცევამ გადაარჩინა, თავადები კი — შანშეს ხმაღმა.

არაგველმა გიორგიმ გულში ბოროტება ჩაიღო: შანშე დიდებით შეიმოსა, მე კი ზიზლით მიცქერისო. ჩხუბის მიზეზს ეძებდა. ვინც ეძებს, ყოველთვის იპოვნის.

შანშეს ძმა ისე დიდი კაცი იყო, ყველა იცნობდა. კახეთის მეფის თეიმურაზ I ძმისწული ჰყავდა ცოლად. კახეთში სტუმრად იყო და იქიდან შინ ბრუნდებოდა. გიორგი არაგველი ქორივით დანავარდობდა, რაზმით თავს დაესხა. იესე გაიქცა, ცოლ-შვილი კი ტყვედ მოიყვანეს ანანურს... დიდი ამბავი იყო.

ოცი წლის განმავლობაში ბრაზი აღრჩობდა შანშეს, და გადასწყვიტა, სისხლით წარეხოცა ნათესავის მეორე ღალატი. რომელმაც ქართველმა არ იცის, რომ, როცა თავადები ჩხუბობენ, გლეხს სახელი ეწვის...

ხანი იმ არემარეში დაეხეტებოდა თავისი ურდოთურთ, შანშემ წინადადება მისცა: ერთად დავესხათ ანანურს თავსაო.

დიდხანს ვუმკლავდებოდით, მამაცი იყო თავადი გიორგი. იქნებ შანშე და ხანი ხელცალკეირნიც წარსულიყვნენ ანანურიდან, გიორგის რომ სათოფურიდან შანშესთვის დაცივნა არ დაეწყო. გაბრაზდა შანშე: ვეფხი და აფთარი ციხეს მიუსია და ანანური გასტეხა.

ცოცხალი აღარავინ დაუტოვებიათ, ურდოს ასეთი რამ არ ეხერხება, ეკლესიაში ერთი ძველი კუბო ვიპოვნე, მკვდარი თავადი ამოვაგდე, შიგ ჩაეწიქ და თავადის ხმალიც გვერდი მოვიღე. გიორგი არაგველი ოჯახითურთ ამ ტაძარში შეიკეტა. გარეთ სულ ცეცხლი

გიზგიზებდა, იწვოდა სახლები, ბალები... ყველა კვამლმა გაგუდა. მეზობელმა თავადებმა დამარხეს ყველანი, წვანან აი... თავადი, მისი მეუღლე, შვილები, ნათესაეები, მსახურნიც,—ყველანი აქ არიან, მხოლოდ მე დავრჩი ზევით, თუმცა მესეთე ვიყავ...

შემდეგ ანანურს თავადი ქარმეული და თექთურმანიძე დაეპატრონენ, ბაზალეთსაც დაეუფლნენ, სანამ ნუგზარის პაპამ, ვანათელმა აზნაურმა არ ამოხოცა ისინი და სამფლობელო არ წაართვა... ფიცხი კაცი იყო... კვლავ ბევრი სისხლი დაიღვარა, ვიდრე მამაცი ნუგზარი მფლობელი გახდებოდა...

გიორგი კოშკისკენ გაემართა და გზაში სულ მთიელთა უღმობელ დამპყრობზე ფიქრობდა. ყურში ნაღვლიანად გაისმოდა მთიელთა სიმღერა:

სისხლის წვიმების დროსაო,
ნუგზარ ერისთვის დროსაო...

სააკაძე უეცრად შესდგა. უცნაურმა აზრმა განაცვიფრა: სრულიად უცნობ ქვეყანაში ხომ არ მოვხვდით? მიმოიხედა: თითქოს უღრანი ტყე კი არა, ზურმუხტოვანი ხავერდი დაჰფენოდა იქაურობას. და ამ ფუფუნებას ჩაუხშავს ცხოვრების ხმაური. აქ გამეფებული იყო კარჩაეტილი, დრომოქმული წესი და ვერავენ ვერ ბედავდა ბატონის გამგებლობაში ჩარევას. აქ იმართებოდა საკუთარი ომები, აქ მისდევდნენ საკუთარ პოლიტიკასა და ხელ-ფეხს უბოროტად დასაქართველოს.

— ქართლია ესა თუ არა?—უეცრად ხმამალა ჰკითხა თავის თავს შეძრწუნებულმა სააკაძემ.

დიდი სააღდგომო ბაზრობა. სალტიანი ზანდუქები მალე აივსება ახალ-ახალი სიმდიდრით, რაც უფრო განამტკიცებს გვარეულობის ძლიერებას.

როგორ იქნება არ მხიარულობდე? და გლეხები, რომელთა თვალწინაც იძრება მათი მძიმე შრომის ნაყოფი, უფრო მაგრად უკრავენ თავს ცალიერ ქისას და ჯირითობენ, ცეკვავენ.

როგორ შეიძლება არ მხიარულობდე? და დარბაზს, ერი რომელმაც თავისი დასწრებით მოწყალედ გააბედნიერა კეთილი ხალხი, რბილი ხალებით დაფენილ მაღლობზე წამოჯდა.

სააკაძე სკამზე დაჯდა, რუსუდანმა სწრაფად მიიხედა.

უფროდაუფრო აკვირებდა ეს უცნაური აზნაური. ამაყი, გულჩახვეული, მძლავრად იზიდავდა თავისკენ. ტყუილად როდი უყვარს მამას და ტყუილად როდი ეშინიათ იმათ, ვინც გარს ახვევია.

ნატო თავისი ქალის გულჩახვეულობას უჩიოდა: უსიხარულო ახალგაზრდობა რა ახალგაზრდობა არისო? დიად, რუსუდანს ცხენის კენება, ირმებზე ნადირობა უფრო უყვარს, ვიდრე რბილ ხალიჩებზე ცეკვა. იგი გადაქრილ უარს ეუბნებოდა მისი შერთვის მსურველთა და მტკიცედ ახსოვდა მამისათვის ნათქვამი: მხოლოდ გათხოვების შემდგომ გადავაბიჯებ მეტეხის ზღურბლსა, სადაც სუსტი ხასიათის შეფემ და

უქკუო დედოფალმა შეურაცხყოფა მომაყენესო. და აი გულცივი რუსუ-
დანი მღელვარებას განიკდის აზნაურის სიახლოვის გამო და კიდე-
ვაც ჰგონია: როცა წავა, დარბაზი უფრო ჩამობნელდებაო.

— თავადის ასულო, ხალხი გიყვარს?

— არასოდეს მაგახე არ დაეფიქრებულვარ... ვნახულობ ხოლმე,
როცა ავად ხდებიან ან კვდებიან.

— მაშასადამე, მხოლოდ მკვდრებს აქცევ ყურადღებას? უმჯობე-
სია ცოცხლები ინახულო.

რუსუდანმა ირიბულად შეავლო თვალი უცნაურ აზნაურს. „ცოცხ-
ლები ინახულეო? მერმე სად ცხოვრობენ ეგ ცოცხლები? რა საინ-
ტერესოა ეგა? უცნაურია, რად დამცხა ასე უეცრად? გიორგისაც
სცხელა, თვალეზი მილულვია. გიორგისი მეფესაც გიორგი ჰქვია,
მხოლოდ მისი თვალეზისაგან არაოდეს არ დამცხოშია. როგორ ჰბე-
დავს ასე შემოხედვას? ვინ არის? მეფე? მეფე... რაზე შინდოდა მე-
ფიქრნა? მეფე... და რითიმე ჰგავს ამ აზნაურს? ახლა კარგია ზემოთ
ყოფნა... როცა მთაში ქარია, ცა ირხევა... ცოცხლები ინახულეო...
იქნებ, გულში იმიტომ ვერაგან იკიდებს ფეხს, რომ გარშემო სულ
მკვდრები არიან?.. მამა მოჯირითეს მიშტერებია... თუ მოჯირითემ
კბილით ფაფახი აიღო, მთაზე ავალ, თუ ვერა... აიღო...“

ნუგზარმა გაკვირვებით გადახედა რუსუდანს. დაილალა? რა მოხ-
დენილად ჯირითობს ვილაცაა, კოშკში უნდა წავიყვანო...
— თავადის ასულო, ნება მიბოძე გაგაცილო...
ორი გაქაფული ცხენი დაცალიერებულ აზნაურში მიჰქრის. რუხი
ნისლი ჰფარავს ქუჩებს, რუხი ნისლი მისდევს ცხენებს. აღმართი
ასდევს მწვერვალებს. რუსუდანი აქ სქედდა თავის სურვილებს. ქვის
კბე... „თუ მოჯირითემ კბილით ფაფახი აიღო... ზევით ქვის ფა-
ფახია... გიორგიც მარჯვე მოჯირითეა, შეუძლია კბილით აიღოს.
რატომ ბნელა-მეთქი, ფფიქრობ? ყოველთვის ნათელია, ახლა კი
ბნელა...“

— რა ცხელი ხელები აქვს თავადის ასულს... მწვერვალიდან
უფრო შორს ჰხედავ, მწვერვალზე თვალი ბედნიერებას ეძებს... ქარი
აქ უფრო ძლიერია.. მარტო ქარი? იქნებ სურვილიც უფრო ძლი-
ერია? რუსუდან, რუსუდან! პირველი ნახვისთანავე რულში ჩამიყვარ-
და... სხვა მიყვარდა, დიდ ხანს ასე მეგონა, ბავშვობიდანვე აბრე-
შუმის ძაფში ვიყავი გახლართული, მაგრამ აღიგზნო ცეცხლი და—
აბრეშუმისაგან ფერფლილა დარჩა... რუსუდანი გიორგისთვის არის
გაჩენილი. მე, რასაკვირველია, მეფე არა ვარ!.. შეკრთი? მხარზე
დამენდე, რუსუდან, უკეთ გაიგონებ...
— შენ გამოგიტყდები, დიდი აზრები მაქვს... შაჰ აბაზს სურდა
მოვესყიდე, გულიანად მეცინებოდა. ქართლი მიყვარს, ყოველი ქვა
ბავშვივით ძვირფასია, ქვად იქცა ქართლელი ხალხი. რუსუდან,

ჩემო რუსუდან! ახლა მე აზნაურთა მხედართმთავარი ვარ. მაგრამ ხალხი მაღლა მიმიწევს, თვებთქვეშ დიდ გზას მიშლის... შეჩერებას ვერ ვბედავ, ქვა მინდა გავაცოცხო. მეფესა ჰკონია, ბაგრატიდებისათვის ცდილობსო. ორმა მეფემ ხმლით გამომარჩია, ორ მეფეს დაეცინი, მეც ხმლით გამოვარჩიე ისინი... საქმე გვიჩვენებს, ვის უფრო ძლიერი ხელი აქვს. მალე გავხდები თავადი, მეტესს დაუახლოვდები. ჩემი თავისთვის როდი მიხარია, ჩემთვის სულერთია, ძლიერი რუსუდანისთვისაც, ალბათ, სულერთია. მინდა, ქართლის საქმეების, თავადთა გადაწყვეტილების შესახებ ვიცოდე რამე. დაიხსომე: ხალხი ციხე-დარბაზთა წინააღმდეგ ამხედრდება. ერთმა ხარბმა ხელმა რად უნდა მოლუნოს წელში ათასნი, მღვდლებმა კი ეკლესიებში მორჩილება იქადაგონ?

— გიორგი, გიორგი, გამიშვი... რას ლაპარაკობ? გაგონებისაც კი მეშინია. როგორ ჰბედავ ეკლესიის ხელისხლებას? რა განგიზრახავს? თავადები შეიტყობენ—ხმლით დაილუპები, მეფე შეიტყობს—ჯურღმულში ჩაგალპობს. გამიშვი, სული მეხუთება, გული მიმდის...

— სააკაძეს ვერსად გაექცევა, მტკიცედ იცის დაქერა, რაც კი დაუპყრია. ტყუილუბრალოდ როდი გამიმჟღავნებია ჩემი აზრი, უნდა იცოდე, რა კაცს უყვარხარ... ვინ გიყვარს? რამ შეგაშინა? ნუ მიძალიანდები. ახლა მთებმა შეგვაერთეს—მტკიცე გვირგვინია, ბედს ერთად შევეგებებით. ვინ იცის, იქნებ მომავალში იამაყო, რომ დედოფალი კი არა, სააკაძის ცოლი გახდი. ნუ გეშინია... გესმის, მთები რას ამბობენ? ოო, რა მხრები აქვს ჩემს რუსუდანს, რა ძლიერია ჩემი რუსუდანი! გკოცნი მანამ, სანამ წყურვილს არ მოვიკლავ...

— გიორგი, ჩემო გიორგი... ა, ა... გამიშვი, გული მეწვის, გამიშვი, სული მეხუთება... მეხუ...თე...ბა...

ციხე-დარბაზი შემფოთებულია: რუსუდანი ავადაა, ორი დღეა, თავის სადგომიდან არ გამოდის, ხან იცინის, ხან სტირის. რუსუდანი სტირის?

ვის უნახავს რუსუდანის ცრემლი?

გაღია ირწმუნება, ბაზარში გასთვალესო. გაღია ორ დღე და ღამეს რუსუდანის თერხთით იჯდა, ავი თვალისაგან ულოცავდა. მხარზე მარილი გადააყარა, ნაწნავი თბილი ცვილით დაუწება, მარჯვენა თვის ცერზე წითელი ძაფი შეაბა, სწყველიდა მოშურნე თვალსა, წარბებზე ალათი დაადო.

რუსუდანმა გადაიხარხარა:

— არა, თვალი ძალიან კარგი აქვს, ცრემლი კი სიხარულის გამო არის. რუსუდანი ყინულისა იყო, ახლა მზე იგრძნო... რაო? აზნაური პირქუშად დადის? ეს სიყვარულის გამოა...

ნუგზარი გაოცებული უსმენდა: რუსუდანს უყვარს, უვიოჯკოდ ცხოვრება არ შეუძლია.

შფოთავდა წინათ ნუგზარი: რუსუდანი უკვე თვრამეტი წლისაა და გულის მაგიერ ყინული უძევს... არ შეჭფერის ნუგზარ ერისთავის ქალს გაუთხოვარი დარჩენა. რა საჭიროა ასეთი სირცხვილი? თავადებს არად აგდებდა, ბრწყინვალე ალექსანდრეს უარი უთხრა... ვინ შეიყვარა? სტუმრად მოვიდა და ქალიშვილის გულში ქურდივით შეიპარა. ან იქნებ დიდი ხანია უყვარს? იქნებ ზურაბისთვის უყვარს? ალბათ, ზურაბისათვის, თორემ აბა ყველას უარს რად ეტყოდა? ცუდი ვიფიქრე გიორგიზე, ვაჟი გადამირჩინა... მერე რა ვაჟი გადამირჩინა!.. განა ზარმაცი ბაადურ ერისთავი დროშას დაიკავდა? ზურაბი! კიდევ ვისა. ჰყავს ასეთი ზურაბი?.. აზნაური... არაუწავს რა, პაპაჩემიც ჯერ აზნაური იყო, მაგრამ მეფე ტყვეობიდან იხსნა. ვანათის ციხე აიღო... გიორგიმ თავადობა უნდა მიიღოს, თავისი ხასიათით კი ბევრს მოკრძალებულს გახდის... თუ კი რუსუდანს უყვარს, რა ნება მაქვს ბედნიერება წავართვა? სხვა აზნაურს თავხედობისათვის მოგვკლავდი, გიორგი კი... დეე მთელმა საქართველომ დაინახოს, როგორი მადლობის გადახდაც იცის მძღავრმა ნუგზარ ერისთავმა: ვაჟისათვის ქალიშვილს აძლევს...

აზნაურდა, აგუგუნდა ციხე-დარბაზი:

— ვაიმე, ვაიმე, ეს რა მოხდა, რატომ ვერ ვხედავდით?

— მე შევამჩნიე.

— შენა? ჰა,—ჰა, ჰა!.. მერე რად სდუმდი?

— მეც აგრე მეგონა, აბა მთელ თვეს სტუმრად რად იყო?

— სტუმრობა ერთ წელიწადსაც შეიძლება, მაგისთანებებს კარგად ვიცნობ.

— ძალიან ლამაზი არ არის. დიღია მხოლოდ, საშიშარია, როცა შეეხვდები, მეშინია ხოლმე.

— ნუ გეშინია, შენ არ წაგიყვანს.

— ჰა, ჰა, ჰა!..

— გესმით ქალებო, თავადმა ორი მამული მისცა მზითვად.

— ვაიმე, ვაიმე!

— ათასი ოჯახი!

— ამბობენ, მეფე ქორწილში ეწვევაო.

— უჰ, უჰ, რა ქორწილი იქნება, ყველა საჩუქარს მივიღებთ.

თავადის მეუღლე აბნეულია, თავადის ბეუღლე გაჯავრებულია. როგორ მოხდა, რატომ რუსუდანი არ შემეკითხა? ბრწყინვალე თავადს უარი უთხრა, აზნაურს კი თვალს არ აშორებს... იქნებ მან თილისმა იცის? ფალავანდიანთა გვარი ათასი წელია არსებობს, ერისთავები ქრისტეს შობამდე ცხოვრობდნენ, მთავრის ქალიშვილი

კი უცნობ აზნაურს მიჰყვება... ნუგზარი ამბობს, ვაჟი გადამირჩინაო... ვაჟი გადაარჩინა?—სხვანაირად შეიძლება გადაიფხადოთ... დაგეცინებენ... ნუგზარი ამბობს, ვერ გაბედავენო... პირში ვერ გაბედავენ... რუჟუდანი ბრმასავითაა, მისთვის გიორგი ყველაზე ქკუიანია. ნუგზარი ამბობს, გიორგი თავადობას მოელისო, მეფეს უყვარსო... დეე ჯერ თავადობა მიიღოს, მერე დაქორწინდეს, თორემ ისე არა მსურს... თავს მოვიკლავ და ნებას არ მიეცემ...

— ქალბატონო, ქალბატონო, ბაღდადელი ვაჟრები მოვიდნენ. დიდი ქარაყანი მოსულა ტფილისს. გზაში ქორწილის აძბავი შეუტყვიათ და ხუთი აქლემი აქეთ გამოუგზავნიათ.

ფართო აივანზე ქალები შეყრილიყვნენ და ხარბად ათვალიერებდნენ ოქრომკედლით, ვერცხლით ნაქარგს, ძეირფასი თვლებით შემკულ აბრეშუმეულს, ნაქედ სამაჯურებს, საყურეებს, ბეჭდებს, ქინძისთავეებს, ინდურ და არაბულ სამკლაურებს, ნელსაცხებლითა და ვარდისწყლით სავსე ვერცხლის, ბროლისა და მინანქრის ქინკილებს. აღმოსავლური ფუფუნების ნივთები ათრობდა ქალებს. აღმოსავლეთის შიდადნთა სავაქრო საიდუმლოების სკოლაგავილი ვაჟრები დიდ ხანს არ მოსდომიან აღფრთოვანებული ქალბატონის შეცდენას; და ფასიც პირიანი აღმოჩნდა. ქალბატონის მიერ არჩეულ ფუფუნების საგნებში ოცი ლამაზი ბიკი უნდა მიეცათ არაუხნესი თორმეტის წლისა.

— ფაშის სასახლეში მოსამსახურებად. მდიდრული საცმელი, გემრიელი სასმელ-საჭმელი ექნებათ.

ნატოს თითქოს არ ესმოდა, თუ რა საზიზღარი იყო ასეთი გაცვლა-გამოცვლა.

ნუგზარმა წარბი შეიკრა. ნატომ მოურავს უბრძანა, მესეფეთა შორის ამოარჩიე ეგ ბიკებიო. ნუგზარმა ხელი ჩაიქნია და დაუმატა მხოლოდ:

— თითოეულ ოჯახიდან მხოლოდ მესამე წაიყვანე.

მეორე დღეს, დაბანილი, ახალი ტანისამოსით პირველად გამოწყობილი ბიკები შეშინებული იდგნენ რიკულთან. ვაქრობა განახლდა. ნატო ძლივს მალავდა აღფრთოვანებას, როცა მშვენიერ ქსოვილებს ირჩევდა. უეცრად აივანზე კვილითა და ტანისამოსის ფრეწით შემოვარდა მწუხარებისაგან გათამამებული ქალი და ფერხთ ჩაუვარდა ნუგზარს.

— როგორ გაბედე, დამთხვეულო კატავ, განა მე ბატონ-პატრონი არა ვარ ჩემი ქონებისა? ან იქნებ კეთილი არა ვარ, იქნებ უკანასკნელი მიმყავს? დანარჩენები ცოტანი არიან, ან იქნებ სასჯელი გენატრება?

— ჩემი ერთადერთი არჩილი წაიყვანეს, ღვთის გულისათვის, ჰევედრები, თავადო!—თავგამეტებით ჰკიოდა ქალი და თავს ახლიდა ნუგზარის წალას.

— როგორ თუ ერთადერთი? ვინ გაბედა ჩემი ბრძანების გადასვლა?

— ბატონო, — დაურცხვენლად განაცხადა მოურავმა, — ვაჟი იმიტომ წავართვით, რომ დამესაჯა: ეგ ქალი ზარმაცია, ძალიან ცუდად მუშაობს. არა ერთხელ გამიფრთხილებია. ბიჭი კი მეტად ლამაზია, მასში ბევრი რამის აღება შეიძლება... უბადრუკ მხევალს უნდა უხაროდეს, რომ ღირსი ვახდა თავისი სულელი ნაშიერი ქალბატონის სასიამოვნოდ გასცეს.

— ტყუილს ამბობს, როგორც სხვა, მეც ბევრს ვმუშაობ... ავად ვარ, პირიდან სისხლი მდის... მთელ ღამეებს ვათევ და ისე ვიშუშავებ, ოღონდ ვაჟი დამიბრუნეთ!

— სიტყვას არ გადავალ, წაიყვანე, რაკი ერთი გყავს.

გაფითრებულმა მოურავმა სიძულვილით აღსავეს თვალი გააყოლა გაქცეულ მესეფეთ და შემდეგ ვაქრებს გადაჰხდა: წუხელ დიდი ფეჭეში მიიღო და ვაქრები სახლებში ჩამოატარა, რათა საუკეთესო საქონელი აერჩიათ.

ხანში შესულმა თურქმა წყნარად ამოიღო თეთრ ტილოში გახვეული ქსოვილი და მოხიბლულ ნატოს წინაშე სტამბოლის ზღვა გადაიშალა. ო, ო, იგი დიდი ხანია ოცნებობდა ზურმუხტის კაბაზე, რომელიც ვერცხლის ძაფით არის ნაქარგი.

ვაქრებმა დამსწრეებს აღფრთოვანებული შეძახილი შეაწყვეტინეს. განა ქართლს ასეთი რამ უნახავს როდისმე? ვერცხლის ტალღები სულთნის თვალსაც კი ხიბლავდნენ. არაბეთის ხალიფის ზურმუხტს ჩრდილი აღგება ზურმუხტოვანი ქსოვილისაგან. მისი ფასი კი აი ის ბიჭი არის, რომელიც წელან წაიყვანეს.

ნუგზარს ძალიან სურდა ეჩვენებინა მთიელებისათვის წართმეული ზურმუხტი, რომელიც უმწიფარი კაკლისოდენა იყო, მაგრამ გონს მოვიდა და ვაქრებს უბრძანა, ანანურიდან გაეცალეთო.

ვაქრებმა დამშვიდებით დაიწყეს ფართლის შეკვრა: მათ აქ ვისიმე შეკდენა კი არა სურდათ, ტფილისს მიჰქონდათ დედოფლისათვის.

ქალბატონი ძალზე წაპოწითლდა. თვალწინ წარმოუდგა მეფე, თავადები, თავადის მეუღლენი. აი მას აცვია ეს საოცნებო ქსოვილი, სასახლე აღფრთოვანებულია, დედოფალი შურით იღრჩვება... მოურავის ცოლმა წამოისლოკინა:

— უბეჯობესია დაიწვას, ვიდრე სხვის ტანზე დავინახოთ.

ყველა მუქთამჰამლები და მოსამსახურენი კეთინებდნენ, იმანქებოდნენ, მწუხარებით მოსტკვამდნენ, ისე კი, რომ ქალბატონმა დაგვინახოსო: განა ერისთავთა გვირგვინი უკვე აღარა ბრწყინავს? რად უნდა დაუთმოს ქალბატონმა?

— ცხოვრებაც კი არა ღირს, თუ კი ვილაკ უბადრუკი მესეფისათვის ქალბატონს მოაკლდება მთელს ქართლში საუკეთესო სამოსი.

ქალბატონმა ორი ბიკი შესთავაზა, ვაქრებმა ათხედაც კი თავაზიანი უარი უთხრეს. ის ბიკი სულთნისათვის უნდოდათ ძღვნად მიერთმიათ. ბედნიერი ცხოვრება მოელის ლამაზ საჭურველთმტვირთველს... დედამისს კეჟა როდი აქვს: იგი მტერია თავისი ვაჟისა.

ქალბატონი წელში გაიმართა და რისხვა დაატეხა თავს ნუგზარს. რაო, თავადი უარს ამბობს? მაშასადამე, მონა ყველაზე ძვირფასია? ნატო ვერ გადაიტანს ანანურის დაცივნას: მესეფუებმა გაიმარჯვეს, მესეფეები ერისთავის მეუღლეზე უფრო ძლიერი არიანო! არა, ამის თქმას ვერავინ გაბედავს! დეე უჩემოდ დააქორწინონ რუსუდანი, ნატო ტყუილუბრალოდ კი არ ინახავს საწამლავს.

დარცხენილი ნუგზარი აივანს მოშორდა.

ნატომ ამყად გადაიძრო ლეჩაქი. მოურავმა სასწრაფო განკარგულება გასცა და აღებშიცემაც გათავდა. ნატომ მხარზე გადაიგდო ქსოვილი და სტკებოდა მისი ვერცხლისფერ-მწვანე ლივლივით...

გონებადაკარგული ქალი კი კვლავ ქალბატონის ფერხთა წინაშე დახოხავდა.

— თავადს არ შეუძლია სიტყვის გარდათქმა, თავადმა აჩუქა მას ბავშვი... ქალბატონი სასტიკი ვერ გახდებოდა. დედას შეიბრალებს და არ წაართმევს ერთადერთ ვაჟს.

ვაქრებმა ნასყიდ ბიჭებს, ნიშნად საკუთრებისა, გულგრილად შეაბეს ხელზე ყვითელი ხელსახოცები. წივილ-კივილზე საჩქაროდ მოირბინეს ნუგზარმა და სააკაძემ და გაკვირვებულნი შესდგნენ. იატაკზე რალაც შავი ნაკრი ეგდო. გაფითრებული გიორგი დაიხარა. მკვდარ ქალს დაჰხედა და გაშტერებული თვალი წასულ ვაქრებს გააყოლა.

— გაათრიეთ ეს გიჟი!—ნატო ქსოვილს დასცქეროდა და მისი მწვენებით სტკებოდა

— მკვდრები გიჟები აღარ არიან. იათად დაგიჯდათ, ქალბატონო, ეგ ქსოვილი...

საკაძემ მუის დადუმდა: ნატომ სიძულვილით სავსე თვალი მიაბყროა მას.

ქუჩის მოსახვევში მოქვეითინე ქალებით გარშემოხვეული რალაცას ხელით ანიშნებდა ერასტი. სააკაძეს რომ თვალი მოჰკრა, ერასტი შეუკაში დაიმალა. ცხრამეტი ქალი ფერხთ ჩაუვარდა გიორგის, მეოცეს უკვე აღარ ესაქიროებოდა სიბრალული.

— ბატონო, ბატონო, შეგვიბრალე, დაგვიბრუნე ჩვენი ბავშვები. შენი სულის საცხოვნებლად დაგვიბრუნე.

— მღვდელთან წადით, ქალებო... ვაქრები დღეს მიდიან. მღვდელი დაგიფარავთ, ბავშვების გაყიდვა ქრისტიანული საქციელი არ არის.

— ვიყავით, ბატონო,—ცრემლები აღტობდა გიორგის წალას,— მღვდელი გაგვიჯავრდა, გვითხრა თავადი კეთილშობილურად მოიქ-

ცა, მესამე წაიყვანა, ნება კი აქვს, როგორც უნდა, ისე გააყიდის მესედესაო... ბატონო, განა დედას ზესამე ჰყავს?.. ყველა ერთნაირად საჭიროა, როგორც ხელის თითები.

— აბა რა უნდა გიყოთ?

— შენა? შენ დიდი ბატონი ბრძანდები, თუ მოისურვებ, შესძლებ. მოისურვე—და ღარიბი მესეფე ნოსტეში მდიდარი გლეხი გახდა, ქალბატონი რუსუდანიც გათვალული იყო, შენ გადაარჩინე. პირს ვარდი აუყვავდა, თხოვდება... ბატონო, შენ ყველაფერი შეგიძლია. მღვდელი ამბობს, თავადი გულკეთილიაო... სხვა თავადისთვის რომ მიეყიდნა, შეიძლებოდა როდისმე გვენახა, მაგრამ მაჰმადიანებს მიჰყიდეს... გულკეთილი საიდგანლაა?

— კარგი, შინ წადით და ელოდეთ, მხოლოდ ენას კბილი დააპირეთ.

კმაყოფილი სააკაძე სასწრაფოდ მოშორდა. მიზანი მიღწეულია, მას ენდობიან... ტყუილუბრალოდ რაღი ურიგებია ფული და თანაგრძნობა.

კუთხეში ერასტი გამოხტა:

— ბატონო, ცხენები ახლავ შევკაზმო?

გიორგიმ მაკდურად მოხუტულ თვალეში შეხედა და გაეცინა: დაბინდებისას შეჰკაზმე, ჩანჩურავ.

და უეცრად ასეთმა აზრმა გაუელვა: მარტო თანაგრძნობა კი არ მამოკმედებს, არამედ იმის სურვილიც, რომ არაგვის სამთავროს თვით შორეულ სოფლებშიც კი გულუხვისა და სულგრძელის სახელი გაეითქვა. ეს აზნაურთა კავშირს გამოადგება.

ციხე-დარბაზში ჭექა-ქუხილი იყო: რუსუდანის სამყოფელში ნატო მებსა სტყორცნიდა,—ნებას არ მოგცემ აბეზარი ნოსტელის ცოლი გახდე, მე მოვახერხებ ამ ქორწილის ჩაშლას, მეტეხში წავალო...

— მაშინ მეც საშუალებას მოეძებნი,—ამბობდა რუსუდანი,—ერთი გაბედონ და ხელი ახლონ ჩემს ამორჩეულს, მტრებად გადაქციდებიან. რუსუდანს არ აღეღებებს ძვირფასი თვლებით მორთული კაბები და სამკაულები, გლეხის უბრალო კაბით იელის და გულს კი არ უღალატებს...

მამაცმა და უშიშარმა ნუგზარმა ბრძოლის ველი მიატოვა და გაიქცა.

საკუთარ სახლში შეთქმულობაა: ქალიშვილი მდაბიოში სცელის დედას. ზურაბი თურმე სირცხვილით თვალს ვერ უსწორებს სააკაძეს. სულელი ბადურცი კი დედის წინააღმდეგია. ამას წინათ ომი გვექონდა თურქთა წინააღმდეგ. ომი! მაშასადამე, ვაქრობა არ შეიძლება? განა სულ ერთი არ არის, მატყლს მისცემ თუ მესედეს? ციხე-დარბაზის ბატონი კი დამწუხრებული დაიარება...

— საით, გიორგი?

— ცხენი მინდა გავატარო, ხვალ დილაადრიან ტფილისს მივდივარ. უკვე დროა.

— თუ წასვლა მართლაც გადაგიწყვეტნია, ერთად წავიდეთ. მეფესთან საქმე მაქვს. ჩემი მეუღლისაგან ნურა გეწყინება რა, ძალიან ამაყია... მე სიტყვა გავტეხე. მეშინოდა, თავს მოიწამლავს მეთქი. მოურავი უკვე დავსაჯე, შორეულ სოფელში გავაგდე ოჯახითურთ, სანწუხაროა, რომ მსახურობას ვერ წავეართმევე, რადგან მე არ მიმიანიჭებია... მგონია, ნატო მოითხოვს მის პატივებს. ერთხელ რომ ვაპატიო, ახალი მოურავისთვის ცუდი მაგალითი იქნება, მაგრამ ქალმა თუ გაიწია, ცხრა უღელი კამეჩიც ვერ დააკავებს... სჯობს ხვალ დილით უეცრად წავიდე, სანამ დაებრუნდებოდე, გადაავიწყდება.

— შენ მართალი ხარ, კეთილშობილო ნუგზარ. მითხარ, ძალიან ხომ არ ინანებდი, რომ მგლებს თანაგრძნობა გამოეჩინათ გასახრწნელად წაყვანილ ქართველ ბავშვებისადმი?

— რაინდული განზრახვა ჰქონიათ იმ მგლებსა, მაგრამ ხმალი კი კარგად უნდა გასწმინდო: სახიფათო დროა, არ ვარგა ხმალზე ჟანგის შენარჩუნება... თუ ეგ მოხდება, დაბრუნებულთ თავისუფლებას მივცემ სასწაულებრივი გადარჩენის აღსანიშნავად.

ნუგზარმა ჩაიხითხითა.

— სასწაული მრწამს, თავადო, თორემ აბა როგორ ავხსნა არაჩვეულებრივი რუსუდანის სიყვარული უსახელო აზნაურისადმი?... თუ გვიან დაებრუნდე, უბრძანე ჭიშკარი გაძილონ...

— აივანდაკიდებული სუროს მწვანე ფაფარი დარბეულ წყვილადში ლიღივებს. ჰქრებიან გაფითრებული ვარსკვლავები. პირქუში თბრილები ჯერ კიდევ მძინარე კედლებს მისწოლიან. მხოლოდ შორეულ ნისლიდან მოისმის მზიარული გუგუნი...

— გიორგი, მაშ მგლებმა მაინც დაგლიჯეს ვაქრები?

ნუგზარმა მოქუტუღი თვალი მიაპყრო მოურავს.

— იქნებ მგლებმა კი არა, თავადო, ვეფხმა დაჰკლიჯა, მაგრამ ეს საქმეს როდი სცვლის.

— სანდრო, გახსოვდეს, რომ ვაქრები ვეფხმა დაგლიჯა, თორემ უამისოდ ჩემი პატივცემული სტუმარი მარტო ბავშვებს ვერ იპოვნიდა ტყეში.

სააკაძემ კუთხის კოშკს თვალი მოაველო და ცხენს მოახტა.

მასთან არჩილმა მიიბრძინა:

— დიდო ბატონო, წამიყვანე თან. ახლა თავისუფალი ვარ როგორც ერასტი, მოლაშქრე ვიქნები. ჩემი დედის სახსოვრად წამიყვანე.

გიორგიმ კითხვის თვალი მიაპყრო წარბშეკრულ ნუგზარს, რომელმაც პირი იბრუნა.

„ვისაც ერთხელ სიტყვა გაუტეხნია, ნდობაზე ფიქრის ნება არა აქვს,“—გაახსენდა ნუგზარს.

მან განგებინა და გაიკვირვა კითხვა: განა ბავშვი თავისუფალი არ არის? გიორგის შეუძლია სხვებიც წაიყვანოს...

ერასტიმ სასწრაფოდ უკან შემოისვა არჩილი.

სააკაძე მათრახით დაემუქრა ერასტის.

მალე დანარჩენი ცხრამეტი ახალგაზრდა მესეფეც ნოსტეში გაჩნდა და ერასტის მეთაურობით სწავლობდა ძნელ მეცნიერებას—ვიწრო ბილიკებით მტრის ზურგში გაცოცებას.

ანანურს რომ გასცდნენ, ერასტიმ სააკაძეს გადაჰხედა და ნუგზარის შეუმჩნეველად ცხენი ტყისკენ შეაბრუნა.

და რამდენიმე ხნის შემდეგ ნოსტეს მივიდნენ ერასტი და არჩილი, რომელთაც თან მიიყვანეს თურქ ვაქრებისათვის წართმეული მდიდარი ქარაიანი.

თავი ოცდამეთერთმეტე

მცირე დარბაზს დიდი გამოცოცხლება ეტყობოდა. ჩვეულ კარისკაცთა გარდა, ესწრებოდნენ: ამირინდო, სვიმონი, ნუგზარი და სააკაძე. შეფემ მალე გამოისყიდა დანაშაული აზნაურის წინაშე და ხელი მოაწერა თარხნობის სიგელს, რომლის ძალითაც სააკაძეს უფლება ენიჭებოდა მცირე თათბირზე დასწრებისა.

ჩვეულებრივი მისალმებისა, შაჰის ბეჭდის ამპორისა და ერანის მბრძანებლის ჯანმრთელობის ამბის გამოკითხვის შემდეგ შაჰის ელჩმა ყაბლი-ხანმა კრებას დაბალი სალამი მისცა და საელჩო სკამზე დაჯდა, ბარტომეა კი გრაგნილი გაშალა:

„დიდებულო ძმაო ჩემო, მეფეც ქართლისა, სვიმონის ძე გიორგი, არ იჩრდილებს თვალისმომკრელი მზე ერანის ლომისა და უხვად აფრქვევს ოქროვან სინათლეს მის გარშემო მოციალე ვარსკვლავთ. მწამს მოწყალება ალაჰისა: იერლაცი ერანის ბრძანებლისა ქართლის ბრძენთა ბრძენ მეფეს კარგად მყოფს მიუსწრებს.

ესმა ყურსა ჩემსა, თითქოს აღჩა-ყალა მთავართათვის გადაგეცეს. იქნებ კარგად ვერ მოვკარ ყური? მე როდი მსურს უთანხმოება რამ ჩამოვაგდო ჩემს გულუხვ ძმასთან, გარნა მეფეს შორსმკერეტელობა ჰმართებს... სანამ იმ ციხეს ქართლის მეფე ჰფლობდა, ერანის ლომი საიმედო მოკავშირეს ენდობოდა და არ დაეობდა. მაგრამ რაკი ციხე შენ აღარ გინდა, მაშინ უნდა მოგაგონო: აღჩა-ყალა დაფუძნებულია თურქმენ ეკუფ-ხანის მიერ და უფლების ძალით ერანს ეკუთვნის და არა შენს მთავართ.

და ქართლისათვის ზედმეტ ციხეს ნამდვილი პატრონი დაისაკუთრებს. არ შეიძლება ქვემევრდომთ უფლება მიეცეთ სახელმწიფოს

კეთილდღეობის განსაკარგულელად... ეგების ჩემს წინააღმდეგ ზრახვიდნენ რასმე დიდებულნი. უსუსურნი მულამ უშიშრად ეტანებიან ცეცხლსა...

აღჩა-ყალაში მომთაბარე ბორჩალუს ვასახლებ, ხოლო ციხეში შედის ალი-ბაინდურ-ხანი ჯარითურთ. ქართლის ლაშქარმა მშვიდობიანად დასტოვოს აღჩა-ყალა და აქლემთა საძოვარიც განათავისუფლოს. ბორჩალუ ველური ტომია, კარგად ვერ არჩევს, რა არის თვისი და რა სხვისი. ნურც შეგხვედრია უსიამოვნება.

მრწამს წყალობა ააღისა: პასუხი არას აენებს ჩემი დიდებული ძმის კარგად ყოფნას.

ალაჰი ჰუარვიდეს შაჰ აბაზს.
მონა რვისა და ოთხისა.“

გაოცებული გიორგი X ნაღვლიანად სდუმდა. მესტუმრეთუხუცესმა თავაზიანად მიიწვია ყაბლი-ხანი: დიდი ნამგზავრი ბრძანდები და მოისვენეო.

— ვინ გაგვცა?—გაისმა დარბაზში.

ამირინდოს ზრდილობაც კი დაავიწყდა და ხმალი ააჩხარუნა. ბაგრატმა აკანკალებული ხელი საკინძეს იტაცა.

— მეფის სურვილისამებრ საზღვრის გამაგრებისა, მთავართა ლაშქრის გაერთიანებისა და იქ მიყვანის შემდეგ სპარსელი ასეთი თავხედური წერილის გამოგზავნას ველარ გაბეღედა.

ქველი წერეთელი მწუხარებით აქსევედა თავსა:

— ასეთი ხელსაყრელი საზღვრისა და ამოდენა მიწა-წყლის დაკარგვა!..

შადიმანმა გესლიანად იკითხა: ვისთვის არის ღალატი სასარგებლო. რომელ ქოფაკს მოესურვა, რომ უმჯობესია აღჩა-ყალა სპარსული ციხე იყოს და არა ქართულიო?

ბაგრატი და სიმონი ერთმანეთს არ აცლიდნენ და მოითხოვდნენ დაუყოვნებლივ მოსძებნონ მოღალატე და გახურებული შანთით გამოსტეხონო. დიდებულებმა სიამით დაუჭირეს მხარი. დაბეზლება არავისთვის საექვო არ იყო. ტრიუმფირატი, რომელიც სამეფოს სახელს ეფარებოდა, ის იყო შეუღდა თავის სიმამრეთა აგებას და გადასწყვიტა დამთავრებამდე არ გაემელავნებია მეფის ნაბოძერის ამბავი.

მეფემ გესლიანად მოიხსენია ეს ნაგვიანევი აღშფოთება. საქიროა უფრო ფხიზლად ადევნონ თვალი საზღვარს-გადმომსვლელთ. ახლა საზრუნავი ეს არის: როგორ დავიცვათ ველურ ბორჩალუსგან მოსაზღვრე სოფლები. მაგრამ... რად სდუმს დღეს მამაცი ნუგზარი? ნუგზარი შექრთა. აღმოცენებულმა ეპვიანობამ მისი თვალი სააკაძის გაქვავებულ სახეს მიაპყრო. „არასოდეს პაპუნას არ იშორებდა, ანა-ნურს კი არ წაიყვანა“.

ნუგზარმა დიდი პატივისცემით გადახედა სააკაძესა და ამაყად სთქვა:

— ლალატია თუ შურისძიება, შორსმკვრეტელი სპარსელი კი ორიოდ დიდებულს არ ჩააბარებს ორი სახელმწიფოს ბედს... არ უნდა ეცადო ისეთი საჩუქრის მიღებას, რომელიც მრისხანე მეზობლებს საჩხუბრად გამოიწვევს.

— მეფეს რომ აღჩა-ყალა მამაცი ნუგზარისთვის ებოდებინა, მაშინ თავადი სულ სხვანაირად დაიწყებდა ლაპარაკს,— კბილთა ღრქიალით სთქვა ამირინდომ.

— არაგვის სამთავრო საკმაოდ ვრცელია, ხოლო უკეთუ მისი განვრცობის სურვილი წარმოიშვა, ნუგზარი ამჯობინებდა კელაე მთიელთათვის მიემართნა და არა მეფისათვის.

გაბრაზებულმა ამირინდომ ხმალი იშიშვლა. მისმა მომხრე თავადებმაც მყის იარაღს გაივლეს ხელი. სააკაძე მხარში ამოვლდა ნუგზარს, რომელიც დინჯად იურებდა მძიმე ხმლის ვადას.

შადიმანმა ნალვლიანად გაიფიქრა ჩაფუშულ გეგმაზე.

ლუარსაბის მრისხანე შეძახილმა გონს მოიყვანა თავადნი:

— მამავ, ვინ ბედავს ასე თავის დავიწყებას? განა მეფის აქ ყოფნა თავშეკაფებას არ მოითხოვს? ან იქნებ თავხედები ფიქრობენ, მეფის მახვილი თავადისაზე უფრო ბლაგვიან?

გიორგი მეფემ სიყვარულით შეჰხედა შვილის აღზნებულ სახეს. დიდებულნი დაიბნენ. რა პასუხი უნდა გასცენ მეპყვიდრის თავხედობას?

— დიდებულნი, თქვენი აღშფოთება გასაგებია, მაჰ აბაზი ასე უტიფრად ჯერ არასოდეს არ მოქცეულა, მაგრამ... ერთთან ომი შეუძლებელია. საქიროა თავი დავიცვათ ბორჩალოსაგან.

— ნება მიბოძე, დიდებულო მეფევ, მოგახსენო.

საკაძემ თავი დაჰხარა.

— თუმცა აზრის გამოსათქმელად ჯერ კიდევ ახალგაზრდა ხარ, მაგრამ შენი მამაცობა თავმდაბლობას იწვევს. სთქვი.

— ბერდუჯს ყურყუტის ფონი აქვს. ფონი რომ გავალრმავოთ და ჩვენს მხარეზე სიმაჯრეები ავაგოთ თხრილებიანი, განა მაშინ ბორჩალუ გაჰბედავს საზღვრის გადმოლაზვას და ხალხის ძარცვას? და უკეთუ გადმოლაზავს, მაშინ მეფეთ-მეფესა ვთხოვდი ნება დაერთო უბრალო აზნაურის სააკაძისთვის ელაპარაკნა მათთან.

— რა გაეწყობა, შენ ერთხელ უკვე ყაზახთა მაგალითით დაამტკიცე, რომ შეგიძლია ლაპარაკი, დიალ, დიალ... შაჰის პასუხს დანწერს შადიმანი. შენ კი, გიორგი, დაუყოვნებლივ გაემგზავრე ბერდუჯისაკენ აზნაურთა რაზმებითურთ. კალატონიც მალე წამოვლენ... დიალ... შაჰი არ დააყოვნებს, ურდო უკვე ისწრაფვის საძოვრებისაკენ, ვისწრაფოთ ჩვენც.

— ნება მიბოძე, მეფევე, მოგახსენოთ: ლაშქარს მეთაურად აუცილებლად გამოცდილი მხედართმთავარი უნდა ჰყავდეს. რასაკვირველია, სააკაძე კარგად გაართმევს საქმეს თავს, მაგრამ უფროსად უთუოდ თავადი უნდა იყოს... შაჰი გვაფრთხილებს: აღჩა-ყალაში ხანი მოდისო.

— დიდო მეფევე, თავადი შადიმანი მართალია, უფროსად თავადი უნდა იქნეს...—საკაძე თვალში უცქერდა მეფეს.

— დიად, დიად, გიორგი, შენ დიდი ხანია დაიმსახურე...— შადიმანი წელში მოიხარა:

— ნება მიბოძე, დიდებულო მეფევე, ერთი კიდევე მოგახსენო: სააკაძე, ალბათ, მოისურვებს ცოტა ხანს დარჩეს მამაც ნუგზართან... შესაძლოა, თბილისში მათ საერთო საქმეები ჰქონდეს, რაკი მშვენიერმა რუსუდანმა თვისი სიყვარულის ღირსი გახადა სააკაძე.

შადიმანი, თითქოს მეფის წამოკირხლებული სახე არც კი შეუნიშნავსო, თავაზიანად დაიხარა ნუგზარისაკენ:

— ნება მიბოძე, დიდადპატივცემულო თავადო, მოგილოცო. ბოლოსდაბოლოს მშვენიერმა რუსუდანმა ღირსეული ქმარი იშოვნა, შენ კი—სიძე...

— გმადლობ, უბრძნესო შადიმან, მართლაც, ჩემმა ქალმა საუკეთესო ვაჟაკი აირჩია, და თუმცა ზრდილობა მოითხოვს, რათა ზეფემ პირველმა გაიგოს და მომილოცოს... მაგრამ თავად შადიმან ბარათაშვილის შიკრიკი, ალბათ, ჩვენზე უფრო სწრაფია. მე და გიორგი იმისთვის მოვედით, რომ მეფეს მოვახსენოთ, მაგრამ შაჰის ელჩმა ხელი შეგვიშალა, შენ კი, თავადო, როგორც ყოველთვის, ღროზე გვილოცავ... იქნებ ახლა მაინც დაგვართო ნება მოვახსენოთ მეფეს?

— გემუდარები, მამაცო ნუგზარ, მპატიო, დარწმუნებული ვიყავ, რომ შენ უკვე გაახარე ამ ამბით მეფე...

გიორგი მეფე ტახტზე გასწორდა. გაცოფებული ექვიანობა მის ხელს ბაგრატიონთანა ხმლისაკენ ეზიდებოდა, მაგრამ ღროზე მოაგონდა მრისხანე არაგვის ერისთავი.

— ძვირფასო ნუგზარ, მომილოცნია, და შენთვისაც, გიორგი... ეწუხვარ, რომ ბერდუჯის საქმე ნებას არ მძლევეს ახლავე მოვაწყოლხინი, მაგრამ გიორგის დაბრუნების შემდეგ, ძვირფასო ნუგზარ, სამი დღის ლხინს გავმართავ მშვენიერი რუსუდანის პატივსაცემად... დიად, დიად, იმედი მაქვს, შენი ოჯახობა მაშინ მაინც გვეწვევა..

— გმადლობ, სულგრძელო მეფევე, გარნა პირველი ლხინი ერისთავის ასულისა და ოსმალეთის უკანასკნელი ომის გმირის პატივსაცემად ანანურის ციხე-დარბაზში გაიმართება. იმედია, მეფე უარს არ ეტყვის არაგვის ერისთავს.

— ნუ ვკამათებთ, ძვირფასო ნუგზარ... დიად, დიად. მე მუდამ მოხარული ვარ ვეწვიო ტახტის ერთგულ დიდებულთ... დიად,

დიალ, მაგრამ ახლა გიორგიმ შემომთავაზა მისი მონაწილეობა საზღვრის გამაგრებაში. დამიკმაყოფილებია მისი თხოვნა, ხოლო უფროსად თავადი ცუციშვილი დამინიშნავს... დიალ, დიალ, გიორგი კი დაბრუნების შემდეგ დაჯილდოებული იქნება, დიალ, დიალ, დაჯილდოებული იქნება... ყველაფრისათვის...

მეფე დინჯად წამოდგა და აჩქარებით გაიარა დარბაზი და მხოლოდ თავის სამყოფელში მისცა სადინარი მრისხანებას. „როგორ, საზიზღარმა მოტყუებით მოიპოვა ნდობა და, მეფის ყურადღების წყალობით, მოიტაცა ჩემი სამეფოს უძვირფასესი განძი! რა თქმა უნდა, შადიმანი მართალია. აზნაურთა კავშირი მდაბიოს მიერ შექმნილია პირადი განდიდებისათვის.. დიალ, დიალ, ალბათ, უამბო. უთუოდ ყველას უამბო. დიალ, დიალ, ისეთმა ამაყმა მდაბიო შეიყვარა... შეიყვარა? იქნებ გამოსაჯავრებლად გასცვალა მეფე აზნაურში? ნუგზარი კმაყოფილი ვერ იქნება, სხოლო ქალბატონი ნატო?... მე საქმეს გავუჩინ თავხედ აზნაურს. მალე ველარ იხილავს დანიშნულს. ერანს გაეგზავნი... თინათინს ძღვენს წაუღებს... მერმე იქ დარჩება, სანამ შადიმანი არ გამოიწვევს... აზნაურები, ძალღებვივით უნდა გავრეკო... ნუგზარს შეუძლია გადაიბიროს ისინი. საშიშარი კავშირია... ამბობენ, თავადნი შეშფოთებულნი არიან აზნაურთა გაერთიანებითო. მეც უნდა ვშიშობდე. ალბათ, ლალატს მიმზანდებენ. იქნებ საჭიროა ჯურღმულში ჩავყარო?... არა, საშიშია. ნუგზარი შეურაცხყოფას არ მოითმენს... საჯაროდ განაცხადა, ძვირფასი რამ განძი ვიპოვნეო... ბააკა... ბააკაც აზნაურთა მომხრეა, თუმცა სიფრთხილისა გამო ჩემთვის არაფერი უთქვამს... დიალ, დიალ, ბააკა მეტად ფრთხილია. დღეს კინალამ მდაბიოს თავადობა არ ვუბოძე... რა თქმა უნდა, სანამ თავადის წოდებას არ მიიღებს, ნატო ქორწინებას არ დასთანხმდება...“

ნუგზარი და გიორგი მყისვე მიხვდნენ მეფის უკმაყოფილებას. ტყუილად როდი შეუწყვეტია სიტყვა თავადის წოდების მიცემაზე. ნუგზარიც ცდებოდა: მეფე არჩევანით იყო უკმაყოფილო, ხოლო გიორგი, რომელიც ერთბაშად მიუხვდა მეფეს უკმაყოფილების მიზეზს, აღშფოთებული იყო: დასთანხმდება თუ არა ქალბატონი ნატო ჩვენს ქორწილს, მე რომ თავადის წოდება ვერ მივიღო? უნდა დასთანხმდეს. ქალიშვილის ღირსება პატივმოყვარეობაზე უფრო ძვირფასია...

ცისფერ ბურუსში გახვეულან თბილისის ტაძართა გუმბათები. ღია ფანჯარაში ნორჩი ფოთლები მოსჩანან. სამი ირმის ნუკრი ნოყიერ ბალახსა ჰკორტნის. თეთრადგაპენტელ ვაშლის ხეს მინანქრის პეპელები დაფრთქილებენ.

სააკაძემ ხმაურით შეალო კარი. დათომ, როსტომმა და დაუთ-
ბეგმა აღშფოთებით მოისმინეს შადიმანის ცბიერებებს ამბავი. მაგრამ
პაპუნამ უღარდელად სთქვა :

— ყოჩაღ, შადიმან, თავი ტყუილ-შებრალოდ როდი აბია. რად
ესაჭიროება ვეფხს მგლების მეგობრობა?

მეფე ცუალეპადია, ვით პონტოს ზღვა, მაგრამ გიორგი სააკაძე
ქარიშხალში გამოატარებს ერისთავის ასულს.

აზნაურთა გაცვირვებამ პაპუნას გულმანი სიცილი მოჰგვარა. თა-
სები აავსო და „ვეფხვებს“ შესთავაზა, სულ დასცალეთო. გიორგიმ
აზნაურებს უამბო ანანურის შესახებ, სინაზით მოიგონა უკანასკნელი
საღამო, რუსუდანის ფიცი და თეთრი ჩრდილი განთიადისას, ვიწრო
ფანჯარაში რომ მოსჩანდა...

მერმე უეცრად წარბი შეიკრა.

— მეგობრებო, ყველაფრისათვის მზად უნდა ვიყოთ. მეფეს კარ-
გად ვიცნობ, შურისძიება იცის. მოიგონეთ ცისფერ ვარსკვლავთა
მანიაკი. აზნაურთა კავშირი საფრთხეშია. დაუთბეგ, და შენც როს-
ტომ გააფრთხილე ყველანი. ამიერიდან საიდუმლო ყოფაში გადავ-
დივართ. თქალის ასახვევად ორი თვის განმავლობაში არ შევიკრი-
ბებით საიდუმლოდ დაიცავით აგრეთვე ჩვენი რაზმებისა და იარა-
ღის რაოდენობა. ნუ გაამჟღავნებთ იმათ სახელს, ვინც კავშირშია.
ელიზბარ, აცნობე ქვლივიძეს, როსაბსა და ასლამაზს, მათ იციან,
თუ როგორ მოიქცენ. მთავარი კი სისწრაფეა, მუდამ გახსოვდეთ
ესა. ისწრაფეთ მტერზე გამარჯვება. დათო მე გამომყვება, ყველაფე-
რია მოსალოდნელი. თუ მეფე ჯურღმულს მიმზადებს, შენ ანანუ-
რისკენ გაეშურე, პაპუნა კი ერანისაკენ. დაუთბეგ, წადი და ნახე,
რა მდგომარეობაშია ნოსტეს ციხე-დარბაზი. დააჩქარონ. პაპუნა ამ-
ბობს, გალავანი თითქმის დამთავრებულიაო. საჭიროა, კუთხის
კოშკებში გუშავი ჩააყენო. პატარა არჩილი თეკლესას გადაიყვა-
ნონ.

მხოლოდ ერთმა შადიმანმა დაათვასა სათანადოდ. სააკაძე ასეთი ვინმე
შუა გზაზე არ შესდგებოა. სააკაძე ნუგზარზე უფრო საშიშარია,
არწმუნებდა შადიმანი ამირინდოს, მდამბო თავადებს ვერასოდეს ვერ
მოურიგდებდა. მისი სული მიწაზეა.

სააკაძემ, დათუნამ და პაპუნამ მხოლოდ მაშინ ამოისუნთქეს თა-
ვისუფლად, როცა ზაზა ციციშვილი ხუთასი მოლაშქრით, კალატოზ-
თა ამქრითა და ახლო-მახლო სოფლის გლეხებითურთ ციხის ასაგე-
ბად გაემართა. გზაში პაპუნამ და გიორგიმ მდინარის უდაბურ ნაპი-
რას შეისვენეს. პაპუნამ უკმაყოფილოდ სთქვა:

— შაჰს გაეხარდა. თურმე დიდი ხანია სურდა ამ ხელსაყრელი
ადგილის დაუშლება, მხოლოდ შემთხვევას ეძებდა... სპარსელმა უზ-
ვი ჯილდო აღვითქვა ერთგულებისათვის... ოქროთი სავსე ტომსიკებო

ნოსტეს მივიტანე. გარდა ამისა, შაჰმა თეკლეს ძღვნად გამოუგზავნა ფირუხისა და ალმასის სამაჯური, მარგალიტის მანიაკი, ოქროს ფინჯნები და აბრეშუმის მოსასხამი. ყველაფერი ნოსტეს ციხის საიდუმლო სარდაფში დაემაღა. ნოსტეში ორ დღეს დავრჩი. ყველას ასე ვეუბნებოდი, ანანურში ავადმყოფობის გამო არ წავყვევი მეთქი... ეს კარგი ვერ არის, გიორგი, შაჰი რომ თავის სამსახურში გთვლის...

— ეჰ, ძვირფასო პაპუნა, როგორც უნდოდეს, ისე ჩამთვალოს. იცი, რას მოხმარდება ეს სპარსული ოქრო?

— რა თქმა უნდა, არა ღვინოს... აღჩა-ყალა სულერთია დაკარგულია.

— მართალია, პაპუნა, აღჩა-ყალის დაკარგვა სამწუხაროა, მაგრამ... მოვა დრო და უკანვე დავიბრუნებთ. დიდებულნი კი ეკლესიისა და ტახტის სახელით სამუდამოდ შეიშტკიცებდნენ.

— უმჯობესია საკუთარ თავზე უფრო იფიქრო, გიორგი, ვიდრე დიდებულებზე... საშიშ ბრძოლას ეწევი... ახლა კიდევ ნუგზარი პაპუნას კისერზე შეასვი. ომი იქნება! ბავშვი ხომ არა ხარ? ეშმაკთან ფერხულში ჩაები. ხოლო თუ სიტყვა ამაზე მიდგა, პირდაპირ გეტყვი, რასაც ვფიქრობ... ხალხისათვის ბრძოლა გსურს, თავადებთან კი ავანჩავენობ. რატომ აშკარად არ იწვევ ბრძოლაში? მთელი ხალხი შენ გამოგყვება! ჯერ კიდევ დრო არის გზა აირჩიო, ანანურის ქორწილის შემდეგ კი გვან იქნება.

სააკაძე ნაღვლიანად დააცქერდა აჩქოროლებულ მდინარეს.

— პაპუნა, შენ ყველაზე უფრო ახლო მეგობარი ხარ ჩემი და ამიტომ უნდა გაიგო. აშკარად რომ ვიარო, ვერასოდეს მიზანს ვერ მივაღწევ. ვინ მომცემს ამის ნებას? შაჰი, რუსთა მეფე, სულთანიც კი საქმეში ჩვენს მეფესა და დიდებულებს დაუქერს მხარს.

ანანურები მხოლოდ თავადებისთვის არიან საშიშარნი. ასეთ ბრძოლას შაჰი სიამოვნებით დაეხმარება. შემდეგ კი ვნახოთ...

პაპუნამ ხელი ჩაიქნია და ტიკორა მიითრია.

თავი ოცდამეთორმეტე

მწველი კულულები, სურნელოვანი ხელები, თვალთა მოციმციმე ვარსკვლავები... და გაბრუებულმა დათომ თვითონაც არ იცის, ცოლად სურს ხორეშანი თუ არა, გარნა ნაკრძალი თავადის ასულის კოცნა რომ სურს, ეს კი მტკიცედ იცის, თორემ აზნაურულ კისერს საფრთხეში არ ჩაადგებდა და კოშკის ვიწრო ფანჯარაში არ შეძვრებოდა. მაგრამ... ხორეშანის განსაცვიფრებლად, შეყვარებულმა დააყურა და უეცრად ისევ გარეთ გავარდა.

კოტა ხნის შემდეგ დათო ღიმილით გამოტყდა: შევცდი, თავის ჩუჩნი მეტოქის ფრთხილი ფეხის ხმად მივიღეო.

აზნაურის იქნეულობით ნასიამოვნებმა ხორეშანმა მოგონება გაუზიარა: გასაღები ამ მითოვებული კოშკისა, რომელიც ასე მოხერხებულია საიდუმლო პაეწნისათვის, ერთი წლის წინათ გარე გაღაენის ძირას მაყელის ბუჩქშია ნაპოენი და, ძიძის რჩევით, საიდუმლოდ ინახება, როგორც ბედნიერების მომტანი. ახლა აშკარაა, თუ რა ბედნიერებაა ესა: დახუთულ კოშკში ელოდებოდე საყვარლის მოსვლას, რომელიც თავებზე უშიშრად ნადირობსო...

სალამოს კი დათო ირწმუნებოდა:

— ძვირფასო ბააკა, შემთხვევით მოხდა, ნაცნობი ფეხის ხმა შემომესმა... შადიმანი ცბიერებას წალაში მალავს. დიდი ხანია ვაკვირდები—კოშკის კედელში გაძვრა, მაშასადამე, იქ ფარული ხერელია, რომელიც დედოფლის სადგომისაკენ მიდის...

— დათო, გიბრძანებ კოშკს ახლოს არ გაეკარო... რად მიძვრებოდი? გეცინება? სულერთია, დღეს კოშკის ფანჯარა ამოიქოლება გასაღები კი ყოველგვარ მნიშვნელობას დაჰკარგავს.

— გეფიცები, შენი ნებართვის გარეშე კოშკში აღარ შევალ, ოღონდ ფანჯარას ხელს ხუ ახლებ, ვილაცას სწამს, გასაღები ბედნიერების მომასწავებელიაო... დიად, ორბელიანს იმ გასაღებმა ბედნიერება მოუტანა... მაგრამ გესლიანი თავადი ვერ მოახერხებს აქედან ნესტანის გაგდებას, ურჩევნია ნუ მაიძულებს გულახდილი ვიყო...

ბააკამ გაიფიქრა: „თარხნობის სიგელი, მეტეხში თავისუფლად შესვლის უფლება, შეყვარებულის კოცნის უფლება...“ ხელი ჩაიქნია და საყვარელი მოლაშქრე თავისას დააბინავა. ასე უფრო უშიშარიო. დათო ხორეშანის მხურვალე ბაგეს დაეწაფა.

ლამაზი აზნაურით დიდი ხნიდან მოხიბლული ხორეშანი წაბლის ხეს მიყრდნობოდა, იცინოდა და ოღნავ იგერიებდა გახელებულ შეყვარებულს, თანაც ახალ ამბებს უამბობდა.

და დათომ გაიგო ამბავი ორ ჰურიას—გულშარსა და ნესტანს შორის ლუარსაბის გულისათვის გაჩაღებულ ომის შესახებ, გაიგო, თუ რა ყურადღებას აქცევს მემკვიდრე არაჩვეულებრივ ნესტანს, რომელიც თვისი ოქროსფერი თმითა და ზურმუხტოვანი თვალებით ავაზას მოგვაგონებს... ისიც გაიგო, რომ თავადი ღაზნელი აღშფოთებულია რუსუდანის არჩევანით:

— მირჩევნია ხორეშანი მკვდარი ენახო, ვიდრე აზნაურს გაჰყვესო...

დათომ გულში ჩაიკრა ხორეშანი, ფიცი მისცა და გამალებით უკოცნიდა ცბიერად მოლიმარე ბაგეს.

შადიმანი ძალზე შესფოთებულია. რუსუდანის დაკარგვის საშიშროება მეფეს ენერგიულსა ხდიდა. მარიამი შეიძლება მონასტერში მოხვდეს, რუსუდანი კი... სიყვარული? რომელი ქალი გასცელის

ტახტს აზნაურის ლოგინში? მაშასადამე, დავაჩქარო სააკაძის ქორწინება? მაგრამ, სანამ თავადლობა არ უბოძებიათ, ნ:ტო არ დასთ:ანხმდება, დათმობა კი შეუძლებელია...

შადიმანმა გულდასმით მიუგდო ყური თავადთა კამათს.

— მდაბიოებს რომ ნება მიცვეთ, მთელ ქართლს აამტუტებენ... მიიდანზე აზნაურთა საქონელი თავადებისას ეჯიბრება, ხალხს აჯანყებენ, სამუშაოდ აღარავისა სცალია. ნოსტე სავსეა გაქცეულებით, სტოვებენ კარმიდამოს, ოჯახს და აზნაურთა მხედართმთავრისას ეძიებენ თავადთაგან ხსნას.

— საკიროა მოქმედება, დაყოვნება საშიშია... ქაჩიბაძეს სავიოჯახი გაექცა—დაკაეება ვერ შესძლო.

— მეფესთან უნდა ვიჩივლოთ, მან უნდა აუკრძალოს სააკაძეს გაქცეულთა მიღება...

— ეგეთი კანონი არ არსებობს. თვითონ უნდა ვიმოქმედოთ, ხალხი დავაშინოთ: დაქერილებს უღელი შევადგათ, მერმე აღარასოდეს არ გაიკტევიან.

— სააკაძის დაოკება აღვილია, მაგრამ ნუგზარის გადაკიდება ვის ენატრება?

— იქნებ შალაღძენი წავაქეზოთ, დიდი ხანია მტრობა აქვს... მერაბი ჰფიცავდა...

— მერაბი ჰფიცავდა, მისი შესეფე კი სააკაძისას მირბრდა.

— ორმოცი აზნაური შეერთდა... მეფეს ახალი კანონი უნდა გამოვთხოვოთ: ზედმეტი მიწა ჩამოართვას აზნაურებს და მაშინ ხალხი ველარსად გაიქცევა.

— მთავარი რამ მიწაა. ჯერჯერობით საშიში არა არის რა: რამდენი შეუძლია მიიღონ? ასი, ორასი ოჯახი, სამწუხარო ეს როდია... ხალხი ჰფიქრობს; უკვე შესაძლოა თავადებს ცუდი დღე დაადგეთო. ნულარ დავაყოვნებთ, მეფე ერთს თავადზეა გაჯავრებული, სხვებს კი გულკეთილობას არ მოაკლებს. უნდა ვისარგებლოთ...

მეფის დღეობაზე მოსულთა შორის მხოლოდ რუსუდანი არ იყო. ბრაზი მატულობდა:

— დიალ, დიალ, სანამ მაქანკლებს არ გავგზავნი, არ მოვა, ამპარტაენობით უბრალო აზნაურს მიჰყეება... უბრალოსა? დიალ, დიალ, მარიამი მე არ მესაქიროება, არასოდეს საკირო არა ყოფილა...

თვალწინ წარმოუდგა რუსუდანის თეთრი კაბა, არაგვი, ზართა რეკა. გიორგი მეფემ ხმალი მოიხსნა და მიაგდო, ერთბაშად დასცალია ყანწი და მჯილით გაალო თანჯარა... ქეშიკმა მესამეჯერ გაახსენა გაუბედღავად დიდებულთა თხოვნა. გიორგი მეფეს გაეხარდა, ვინმეზე გულის ბუხარს ამოვიყრიო და, შემოვიდნენ თუ არა თავადნი, მრისხანედ შეუტია:

— აზნაურები ხალხს აჯანყებენ? ვინ ჰბედავს ხალხის განმკარგულელობას? თავადებს ვანდობ აზნაურების. მოთოკვას. შეგიძლიათ ყველანი მოსპოთ... დიალ, დიალ, მხედართმთავარი პირველი მიუგდეთ მგლებს, ის არის მეთაური, დანარჩენნი... დიალ, დიალ, მოჰკალით მხედართმთავარი და ხალხი საშუდამოდ დაწყნარდება... ნოსტე თქვენთვის მომიცია...

დიდებულნი განცვიფრდნენ, რადგან არ მოელოდნენ ასეთ გამარჯვებას... მხედართმთავარი მოვკლათ და ნუგზარი ხმას არ ამოიღებს?

— ახლა არ შეიძლება სააკაძის ხელის ხლება, ნუგზარი გვერდითა ჰყავს, მხედართმთავრის დრო უფრო გვიან დადგება... ამჟამად კი საპიროა მიწა-წყალი წაერთვას აზნაურთ, მაშინ ხალხი ველარსად გაიქცევა.

— მიწა წაერთვას და დიდებულთ გადაეცეს? ყველაფერი დიდებულთ მიეცეს! დიდებულნი რომ კედელზე დაკიდებული იარაღის ჩამოღებას ვერა ჰბედავენ? არათერსაც არ წავართმევ, თვით აუტეხეთ ომი. მე უკვე გითხარით მამული თქვენი იქნება-მეთქი. ვიცი, გეშინიათ სააკაძისა, სანამ ცოცხალია, თქვენი საქმე ცუდად არის ნუგზარი ხელთ იგდო, ქსნის ერისთავი, მუხრან-ბატონი, ყველა მუქში ჰყავს გამომწვეული, შადიმანის მეგობრები კი ელოდებიან? დიალ, დიალ, თქვენ მიჩვეული ბრძანდებით მხოლოდ მეფისგან მიიღოთ ხოლმე...

თავადნი ცდილობდნენ დაემტკიცებინათ ასეთი ომის არახელსაყრელობა. ხალხი რომ აზნაურებს მიემხროს, ქართლი სისხლში ჩაიღრჩობა. მსახურთ შეიძლება ვენდოთ, მაგრამ მამაცობა აქ საშიშია: ხალხს დაგვიყლეტენ და მერმე ვინლა იმუშავენს? თავადებს ისედაც ცოტა გლები ჰყავთ, მონებს ჰყიდულობენ, მესეფეთ ფასი მოემბატათ... გამოსავალი ერთადერთია — კანონით მამული ჩამოვართვათ.

ხოლო გიორგი მეფე მრისხანებდა. შადიმანი მიუხედა მეფეს გუნებას: სისხლის ღვრით სურს რუსუდანი უდროო ქვრივი გახადოსო. არა, დრო არ არის აზნაურებთან ბრძოლისა: სააკაძის სიცოცხლე ტახტია მარიამისა, მარიამის ტახტი კი ძალაუფლებაა შადიმანისა... გველმა თავადმა მარჯვედ მოაწყო უკანდახევა და მეფისა და დიდებულთა თათბირი უნაყოფოდ დასრულდა.

ბაკა მოტრიალდა:

— საიდან გავიგე? მეტეხის მცველთა უფროსმა ყველაფერი იცის. უხილავი ყურები ასხია. მან იცის არა მარტო დღევანდელი თათბირის შესახებ შადიმანისას, არამარტო სპარსელ ელჩთა განზრახვა თბილისიდან გაიტანონ თინათინის წერილი. დიალ, შადიმანი ძლიერია სჯობს აზნაურმა დასტოვოს მეტეხი. რაო? ფრთხილი გავხდითო?

იმიტომ მიძვრები ხერელში? აზნაურისათვის სიფრთხილეა საპირო, გაიგებს ლახნელი და, ხომ იცი, ამაყი თავადია... ხოლო უკეთეს და-
თოსა სურს, რომ რუსუდანი მისი მეგობრის ცოლი გახდეს, მტკიცედ
დაიცვას მრგვალი კოწიის საიდუმლოება...

დათო დილიდანვე ცუდ გუნებაზეა. ხორეზანის ბროწეულისთერ
ბავთა გარდა აზნაურს მეტეხში მოვალეობა აკავებდა.

შადიმანმა გადასწყვიტა თინათინთან გაგზავნოს ნესტანი, რადრამ
აზნაურმა გააუქმა გველი თავადის გადაწყვეტილება და ახლა მის-
ხანედ ჰფიქრობს, თუ როგორ ჩასცეს უკანასკნელი ლახვარი.

ბაკაც მოლუშული იყო: კვლავ ეს მცირე თათბირი... მშვილდი
მეტად დაკიმულია, საით გაფრინდება ისარი... ცუდად გათავდება
საქმე, რაო? მეფის თათბირს თვალი გადავავლოო? უულება მაქვ-
სო? ეჰ, მეგობარო... კარგი, წაგიყვან და კარზე მცველად დაგა-
ყენებ.

შადიმანმა ფრთხილად გაასწორა ლიმონის მოკეცილი ფოთოლი.
ხვერდის ნაჭერი იშოვნა და ფოთლებს მტვერი მოსწმინდა. ლიმო-
ნიანი კასრი მარჯვენა მისწია, მერმე ოდნავ მარცხნით მოსწია, მე-
ჩიზუხეს დოქი გამოართვა და უხვად მორწყა. საყვარელი მცენარის
მოვლას ანდომებდა ხოლმე იგი მცირე მოცალეობას. უეკრად წარ-
ბი შეიკრა, ფართო ნაბიჯით მიუახლოვდა ქადრაკის მაგიდას და
მეფის მცველი შავი მხედრები გადასწია.

მერმე თეთრი ეტლი დასძრა, გამზამარი თითები რვაკუთხოვან
მოკრიალებულ მაგიდაზე აათამაშა და ტახტზე დაეშვა.

უკანასკნელმა ამბებმა სულ აურიეს დავთარი. „გახსნა შეუძლე-
ბელია, უნდა გაიკვეთოს... აზნაურთათვის მიწის ჩამორთმევის ამბა-
ვი ღროებით მარცხად უნდა მივიჩნიოთ და უფრო ნიშნენლოვან
საქმეს მოვკიდოთ ხელი. გახელებული შეყვარებული დავაჯერე, რომ
მეტეხში ნესტანის დარჩენა უშიშარი არ არის-მეთქი ლუარსაბისთ-
ვის. ნესტანის გადგება ასტანისას, გურიში ან ოდიშში გაგზავნა...
ადვილი სათქმელია—გაგზავნა! ლუარსაბმა ერთხელ ამის ნება არ
მოგვცა და შემდეგ, შეუძლებელია იმერეთში, განსაკუთრებით კი
გურიაში გაგზავნა. გასცდება თუ არა საზღვარს, დიდებულნი მყისვე
გამოამყლავნებენ ორბელიანის მკვლელობას. უეკველად გამოექომა-
გებიან, მოითხოვენ ქონების დაბრუნებას. დიად, უშჯობესია ისპაპ-
ანს გაიგზავნოს, როგორც წინათ იყო გადაწყვეტილი. ვაჰარნი ნეს-
ტანში კაი ურვათს გაიღებენ, ყარაჯულაი-ხანის ვაჟისთვის წაიყვა-
ნენ. შეიძლება...“

შადიმანი წამოდგა, ხმალი შემოირტყა, თეთრი ეტლით შავი მხე-
დარი მოჰკლა, და ქეშიკი იხმო.

მცირე თათბირზე მხოლოდ მახლობელნი შეიყარნენ. ზოგიერთი მოსაზრებით მოწვეულ იქმნა მარიამიც.

ციხის უფროსმა თათბირს მოახსენა გიორგი X დღეობის წესრიგი: დილით წირვა, შემდეგ გლახაკთა განკითხვა, მთხოვნელთა მიღება, შემდეგ დიდებულთა ცოლებისათვის ეგვიპტურ ნელსაცხებელთა მიქლენა, მერმე ძღვენთა მიღება, მცირე სუფრა, რაინდთა ასპარეზობა და სამ დღეს ლხინი შადრევანთან.

მალე გადასწყდა არ გაეყიდნათ სადედოფლო მამულში მოყვანილი აბრეშუმი, სანამ დიდი ქვეყნების ვაქარნი არ ჩამოვიდოდნენ.

ნაკლები ხალისით დააკმაყოფილეს მამა ესტატეს შუამდგომლობა „მალალ კართან“ აიგოს ტაძარი.

შადიმანმა მოახსენა ციციშვილის თხოვნა, რომ ყურყურტის ფონზე გაეგზავნათ გორელთა მეორე რაზმეული, გიორგი მეფე უეცრად გაფიცხდა:

— გლეხებსა და ამქრებს თავადთა საქმის კეთების ნება მისცა, მდივან-ბეგები გახადა, ახლა კიდევ მოლაშქრებთაგან სამხედრო საბჭო სურს შექმნას?

შადიმანის ჯაშუშთ განუწყვეტლივად მოჰქონდათ მეფესთან ამბავი სააკაძის თვითნებური მოქმედებისა ყურყურტის ფონზე.

საკაძემ მართლაც ისარგებლა იმ გარემოებით, რომ იქ მრავალმა სათავადო გლეხმა და ამქარმა მოიყარა თავი და, ბორჩალოელთა ალაგმვის საბაბით, სახალხო სასამართლო შექმნა.

გიორგიმ იცოდა, რომ ეს გაბედული საქციელი იყო, მაგრამ როდისმე ხომ უნდა დაეწყო. მან დაარწმუნა ციციშვილი, რომ ბორჩალოელთათვის მხოლოდ ამრიგად ანგარიშის გასწორება არ გაამწვავებს ურთიერთობას ალი-ბაინდურთან, რომელიც შაჰ აბაზის მიერ აღჩა-ყალის მმართველად იყო დანიშნული. მაგრამ ფარულად კი სააკაძეს სულ სხვა რამ განზრახვა ჰქონდა: გლეხები შინ დაბრუნდებიან და ხალხთან აზნაურების დამოკიდებულებაზე ლაპარაკით გამოაფხიზლებენ მიძინებულ აზრს, ამქრები ამ ამბავს მთელ მაიდანს მოჰტენენ, აზნაურები კი ძალაუფლების გემოს გაიგებენო. ფეოდალებისათვის პირველი დაკვრა სააკაძემ სწორედ ივარაუდა.

გარნა არანაკლებ მნიშვნელოვანი იყო, რათა ბოლო მოეღებოდა ერანის აგრესიულ მოქმედებას, საქართველოს აღმოსავლეთ კუთხეებს რომ ემუქრებოდა და სააკაძემაც ბრძნულ პოლიტიკას მიჰმართა. უხვი ძღვნის მირთმევით დაარწმუნა ალი-ბაინდურ-ხანი გულდამშვიდებით მოპყრობოდა ქართლელთა მიერ ბორჩალუს წინააღმდეგ ნახმარ ღონისძიებათ.

ამგვარი მოქმედებით სააკაძემ სულ მალე ააგო ახალ აღჩა-ყალის სიმაგრენი და განამტკიცა ქართლის საზღვარი, მაგრამ წვრილმან ვნებათაგან შეპყრობილი გიორგი X ყოველივე ამაში მხოლოდ სააკაძის თვითხელმწიფებას ხედავდა.

და ბარტომს უბრძანა, თინათინის წერილი წაიკითხო.

დედოფალმა ცხვირსახოცი ამოიღო...

„...ჩემი დიდი მეუღლე შაჰ აბაზი ძალიან კარგად შეპყრობა, მაგრამ მაინც მოწყენილი ვარ, რადგან ვერ ვხედავ ჩემს საყვარელ მეგობარს ნესტანს. ძალიანაა გთხოვთ, გამოუშვათ ჩემთან სტუმრად...“
გაკვირვებულმა ლუარსაბმა დამსწრეთ გადაჰხედა.

— უცნაურია, წერილი მეც მივიღე და... ნესტანის შესახებ... „ჩემო ნაზო ძმაო, ნესტანს მოუარე, როცა ობოლი ქალის ხედვებზე ვფიქრობ, გული მტკივა. დეე შენთან აღიზარდოს და საყვარელ კაცს მისთხოვდეს“.

— შეილო, ყველას ერთნაირად ხომ ვერ მისწერს. მეფემ უკვე გადასწყვიტა, უარით არ აწყენინოს თინათინს. მარტოდ მარტო, უნათესაოდ ცხოვრობს.

— ბარტომ, მიჩვენე წერილი. ვიცი თინათინი ასე ვერ მოსწერდა... სტუმრადაო? მერმე ვის უნახავს სპარსული ჰარამხანიდან დაბრუნებული ლამაზი ქალი?

— გამოდის, ძვირფასო ლუარსაბ, შენ გატყუებენ. განა ნესტანი შენი საკუთრებაა? — დაცინვით ჰკითხა გიორგი მეფემ.

— მამავ, ნესტანი დაჩაგრულია შენ მიერ, არაგამეგება რა უსამართლო სიმკაცრისა. განა თავადის ასული უპატიურად ვეპყრობა ან ავს გინატრის? მე თინათინს აღვუთქვი ნესტანს დასაავით შოფუვლი-მეთქი.

— ნება მიბოძე მოგახსენო, ბატონიშვილო, რომ შენი ასაკი არ შეეფერება მფარველის მდგომარეობას. სასახლეში ამბობენ მტრის ქალმა მემკვიდრე მოხიბლაო. ვთქვათ, სიცრულეა, მაგრამ ნესტანი დროებით უნდა მოშორდეს სამშობლოს.

— შადიმან, ამ საქმეში შენ მუღამ ჩემი წინააღმდეგი ხარ. ბროლს ვერავე მოხიბლავს, მე მხოლოდ ვეხუმრები ყველას... თუ ეს ცუდია, დედოფალი რად მაძლევს ნებას?

— დედოფალი? დიალ, დიალ, თვისი სისუსტით ბევრი რამის ნებას იძლევა, ნესტანი კი...

— ერანს არ წავა...

— გონს მოდი, ჩემო დიდებულო მოწაფევე, მეფეს ელაპარაკები შეხე, ნესტანი ჯერ არ გაზრდილა და მეტეხში უკვე შფოთსა სთესს. დიალ, გადათქმა ახლა უკვე გვიანლაა, მეფემ ასე ინება და ვაჰარნი ისპაჰანს მიიყვანენ ნესტანს.

სსს... შშშ... უჰ, ფუ... სსს...

ყველამ გაკვირვებით მიიხედა.

კართან მდგომ დათოს სახელო გადაეწია და მარცხენა ხელზე გულმოდგინედ იწმენდა სამაჯურს. ახნაური გაკვირვებულთა ცქერას ვერ ამჩნევდა, ხელს ატრიალებდა, იკმუხნებოდა, ცხვირსახოცს ჰფერთხავდა, გამალებული უბერავდა სულსა და ძვირფასი თვლების მოკვდილობას აკვირდებოდა.

დედოფალს გული წაუვიდა, კრიალოსანი ხელთ გაუვარდა.

გაოცებულმა გიორგი მეფემ თვალი დათოს მიასო... სად უნახავს ეს სამაჯური? დიად, დიად, ჩემი ნაჩუქარია... მარიამისთვის... მარიამ... ასე რად ჩაშავდა ერთბაშად? როგორ ჩაუვარდა სამაჯური ხელში ნოსტელ აზნაურს? ნუთუ მარიამისაგან მიიღო?

ციხის უფროსი პირველი მოვიდა გონს.

— აზნაურო, ალბათ, შეშლილხარ, რომ მეფესთან ცხენივით იურ-ვები.

— ვინ მოგცა ეს სამაჯური?—თავდავიწყებით შეპყვირა გიორგი მეფემ.

ციხის უფროსმა სასწრაფოდ გაიხსენა, რომ სამაჯური დედოფალმა აჩუქა თრიალეთის გამარჯვების მახარობელ აზნაურს.

— დიად, დიდებულო მეფევე, პირველად იგი დედოფლისაგან მივიღე, მეორედ კი... სამაჯური თილისმა აღმოჩნდა...

— თავხედო აზნაურო, პირდაპირ სთქვი: თორემ ჯურღმულში დალპები.

— დიდებულო მეფევე, მე უკვე ვთქვი: სამაჯური თილისმაა და... შეუძლია უვნებლად გაიყვანოს კაცი ჯურღმულიდან. მეტეხის ჯურღმულიდანაც კი.

გიორგი მეფე აკანკალდა, ნიშნის მოგებით გადაჰხედა ცოცხალ-მკვდარ მარიამს, გაფითრებულ ბააკას. ჩამოათვალიერა გაკვირვებული დარბაზი და თვალი ლუარსაბზე შეაჩერა.

— აზნაურო, სთქვი, ყველაფერი სთქვი, თავადი ვახდები, არ იტყვი და შანთი გათქმევინებს!

შადიმანმა რალაც წასჩურჩულა ქეშიქსა და ესევე გველივით გას-რიალდა. შემდეგ ჩურჩულითვე მოაგონა მეფეს ლუარსაბის იქ ყოფნა...

— აზნაურმა, ალბათ, ცუდი რაჰ იცის დედოფალზე, სულ მთლად მიმკვდარებულია...

ლუარსაბმა რომ მბრძანება მოისმინა, მხრები აიჩეჩა და სწრაფად გავიდა. გაოგნებულმა მარიამმა დამსწრენი ჩამოათვალიერა... შადიმანმა გამცაო... და ყრუდ დაიკენესა:

— ბააკა, ბააკა...

ხერხეულიძემ მძიმედ დაადო მხარზე ხელი დათოს:

— აზნაურო, შენ უპატიურად მოიქეც მეფის წინაშე... გუშაგო, კოშკში ჩაჰკეტეთ უგუნური და არაეინ მიაკაროთ...

— ჩემს გარდა, ვინ ჰხედავს ბრძანების გაცემას?—დაიქუხა გიორგი მეფემ.

გახსნილი კედლებიდან, გაცოცხლებული ფრესკოებიდან, ნიშებიდან ელვისებური სისწრაფით გამოცვივდნენ ხმალამოლებული, ახოვანი ქეშიქები და დარბაზში რკალად ჩამწყრივდნენ.

— დიდებულიო მეფევე, სპარსეთის ელჩები ორ საათზე მეტია გელოდებიან, ძალიან ეჩქარებათ, გთხოვენ, მიგვიღოსო, — ქეშიღთა რკალში, შეიჭრა შადიმანის ქეშიკი.

— თუნდ ორ წელიწადს იცადონ... სთქვი, აზნაურო...

— მეფევე, ელჩები უნდა გაეუშვათ, შაჰ აბაზს შეუძლია შეურაცყოფად მიიღოს, აზნაურს ჯერჯერობით კოშკში დავამწყვდევე...

— მეფეთ-მეფევე, უკეთუ თავადი ხერხეულიძე მეთვალყურეობს, აზნაური ვერსად გაიქცევა... სპარსეთის ელჩთა დაყოვნება საშიშარია...

შადიმანი მთლად მეფისკენ დაიხარა:

— ხვალ წარჩინებულ მოწმებთან დავკითხნავთ... დედოფალი მონასტერში უნდა წავიდეს... ცნობები მაქვს: რუსუდანს მან აუკრძალა მეტეხში მოსვლა, საჯაროდ დაამცირა შენდამი ყურაღლებისათვის... თავადის ასული დიდხანს ავადმყოფობდა, ახლა გადასწყვიტა, შენს გამოსაჯანჯარებლად სააკაძეს გაჰყვეს, თუმცა ყოველთვის ამბობდა: გიორგი მეფისთვის სიცოცხლესაც კი არ დავიშურებო. ხვალ დიდებულითა თანდასწრებით გამოვარკვევთ დედოფლის საქციელს, დეენუგზარმა თავის ასულს უამბოს.

— შადიმან, პირველ დიდებულს გაგხდი... დაალ, დიალ, ადრევე უნდა მოგთათბირებოდნი. ბააკა, კარგად ჩაჰკეტე აზნაური, ხვალ დავკითხნავთ... დედოფალი სამლოცველოში გაიჟვანე... მცველი მიუყენე...

დათო შემოსულ ბააკას შეეგება, მაგრამ მან გულცივად იბრუნა პირი:

— შენ დაპატიმრებული ხარ, აზნაურო, და... ცუდადაც ხარ დაპატიმრებული... რატომ არ მომეთათბირე?..

დათო გონს მოვიდა, ნაცნობი სადგომი ჩამოათვალიერა.

— შენ დაპატიმრებული ხარ, აზნაურო, და... ცუდადაც ხარ დაპატიმრებული, — ნაღვლიანად გაიმეორა ბააკამ.

დათომ მხრები აიჩეჩა და მეტეხის მცველთა უფროსს გადასცა თავისი იარაღი. ნერმე შეეკითხა: იცი, თუ არა, რომ მეფემ ნება დართო აზნაურებს ჩამოართვან მამული, მოჰკლან აზნაურთა მხედართმთავარი და რომ აზნაურმა დათომ გადასწყვიტა დაასწროს შადიმანის განზრახვას და მოსპოს გველი თავადი, აგრეთვე „მხედართმთავარიო“. საიდან გავიგე? მეტეხის მცველთა უფროსი თათბირს ესწრებოდაო...

ბააკამ უნებური ღიმილი დამალა, პირი იბრუნა და ნაღვლიანად დაჰკიდა თავი: მე ყოველთვის პატიოსნად ვასრულებდი მოვალეობას, მაგრამ ამის უმძიმეს მდგომარეობაში არასოდეს არ ვყოფილვარ. ძალიან დაგიახლოვდი, საკუთარი ვაჟიც კი შენზე უფრო არ მეყვარებოდა, მაგრამ მარიაში სიკვდილამდე დედოფალად დარჩებოა.

დათოს გაუკვირდა: მე არ მსურდა დედოფლის გაცემა, ჯურღმულს შადიმანისათვის ვამზადებდი, თავისუფლება და ორბელიანის სიკვდილი მხოლოდ ამ უკანასკნელს ესაქიროებოდა. სამაჯური სიხარულით დედოფალმა მაჩუქა, შადიმანმა კი ცბიერებით მომტაცა... ასეთი ძლიერი მცველი რად დაგიყენებია? განა მე შემძლია სადმე გავიქეყო?

— ბევრი რამ არ გესმის, ჩემო კარგო... ცუდი სამსახური გინდა გაუწიო სააკაძეს...

— ვიცი, ხორეშანმა მიამბო. გგონია, რუსუდანი უღალატებს? სააკაძეს ვერ იცნობ: ვის სულსაც დაეუფლება, მთელ სიცოცხლეში მისი იქნება... გთხოვ, გაუშვი მცველები, უხერხულია ხალხის შეწუხება...

— დათო, ჩემ სიცოცხლეში პირველად არის, რომ საქირო სიტყვა ვერ მითქვამს. იცოდე, დღეს ბედისწერამ მახვილი იშიშვლა. აქ შენს სიცოცხლეს საფრთხე არ მოელის. მეფის სადგომსაც ფარული მცველები მიეუჩინე. ვნახოთ, ვისი ბედისწერაა... ხოლო თუ მშვიდობიანი დილა გაგიტენდა, მეფეს უკვე ველარაფერს უამბობ. მოვალეობას ყოველთვის ვასრულებ, რაგინდ მძიმე მდგომარეობაშიც უნდა ვიყო... დილით ჯალათი ენას ამოგაცლის.

დათოს სიკვდილის ფერი დაედო. გაახსენდა ახოვანი კიაზო, დამანქულ ბაგეთა გაუგებარი ბლუკუნი და მის ხუჭუჭ თმაში გაჩრილი ხიწვი. მძიმედ მდუმარებდნენ. დათო კედლისკენ მიბრუნდა, ხორასნული სატევარი შეიხსნა, სახელოში დამალა და მოლუშული ბააკას წინ გაჩერდა.

— კეთილო მეგობარო, გმადლობ გაფრთხილებისათვის, მაგრამ იქნებ ღამემ მშვიდობიანად არ ჩაიაროს... ხოლო თუ... მძიმე მოვალეობას აგაცდენ... დათო თვითონ განიგმირავს გულს, შერცხვენის ნებას არავის მისცემს... ამისრულე უკანასკნელი სათხოვარი, შადიმანთან შეიშვი, სალაპარაკო მაქვს...

— რაო?! ძვირფასო დათო, ასე კიდევ იმედი მაქვს. შადიმანიდან კი მკვდარს გამოგიტანენ, ასეთ შემთხვევას თავადი არ გაუშვებს.

— ცდები, ბააკა, შადიმანი მეტად ჭკუიანია. მეგობრის გადარჩენა თუ გინდა, თავადის სადგომში დამაძინე.

— შადიმანი რად გინდა?

— უკეთუ დილით ხორეშანი დაგკარგე, მინდა აზნაურთა კავშირს სამსახური გავუწიო. მხოლოდ მარტო, უმცველოდ წავალ.

ასე დამშვიდებული მარტო დარჩენილიც კი არ ყოფილა შადიმანი. შუბლი დანაოკებოდა, წარბთა გასაყარზე ღრმა ღარი გავლებოდა, ჩქარა სიარულის გამო მოვლილი წვერი უცანცარებდა.

შადიმანმა თვალი დახუჭა და კვლავ გაახილა—სიზმარში ხომ არა ვარო? ან იქნებ მწვავე ფიქრებმა ოცნება გამიხელესო? მაგრამ არა, მის წინაშე ცოცხალი უგუნური იღვა.

დათომ დინჯად ჰკითხა, ხომ არავენ გვისმენსო.

შადიმანმა გადაიხარხარა.

— ილაპარაკე, აზნაურო, დღეს რალაც კარგად გამოგიდის, ხოლო უკეთუ ვინმე გვისმენს, გველმა თავადმა იცის პირის ახვევა...

— ეს შენც კარგად გამოგიდის, აფხაზეთში მინახავს...

— და გგონია, რომ მეტის არაფრის დანახვა არ მოგიხდება?

— თუ გგონია, ეს გველი თავადის დაუხმარებლად იქნება,— გულუბრყვილოდ მიუგო დათომ,— ბააკა არ მიშვებდა, მე დავაჯერე: შენთან უფრო უვნებელი ვიქნები, ვიდრე ბააკას მიერ დაყენებულ მცველებთან.

შადიმანი თვალს არ აშორებდა დათოს: საიდან აქვს ამდენი ჭკუა? დიად, საქმე ცუდათაა, უკეთუ აზნაურები ბევრ ფიქრს დაიწყებნო.

— უწინარეს, მინდა გაგაფრთხილო, აზნაურთა მამულებზე ნუ სწუხარ, სულერთია, თავადებს არ დავანებებთ, ხოლო თუ ეცდები, საქმე ცუდად წაგივათ, თავადებზე ჟარესად როდი ვიციტ ჩვენი მამულის დაცვა.

— უკეთუ ასეთი ძლიერნი ხართ, სალაპარაკოდ რალად მოსულხარ?

— ლაპარაკი აუცილებელია... მელებივით რად უნდა ვიორკვლოთ, უმჯობესია ერთბაშად გამოვაჩინოთ ვეფხის კბილი. მაშ, ასე, თავადო, დიდებულთ აუკრძალავ ამ წლის დამლევამდე აზნაურებისათვის მეფის წინაშე თავს ნუ შეიწუხებენ. ვადა დიდი არ არის, შეიძლება მოითმინოთ, ეს წელიწადი კი ჩვენთვის საკიროა: გავმაგრდებით და მაშინ ვილაპარაკოთ.

— ერთ რამეს ვფიქრობ: სულელი ხარ, თუ მე გგონივარ სულელი?—გაოცდა შადიმანი.

— მაგას რომ ვფიქრობდი, აშკარად არ ვიტყოდი; ხოლო თვით რომ სულელი ვიყო, ასეთ რამეს ვერ მოვიგონებდი... ამიტომაც უნდა მოვრიგდეთ... ვიცი შენი ზრახვანი! ჩემიც გაიგე... უკეთუ დღეს მომკლავენ, ხვალ მეფეს ყველაფერი ეცოდინება. ორბელიანმა დასტოვა გზის დაწერილებითი აღწერილობა დედოფლის სამლოცველოდან აფხაზეთამდე... როგორ გგონია, ორბელიანმა უმწეოდ დასტოვა თვისი საყვარელი ქალი? ეს ამბავი კიდევ თერმეტმა აზნაურმა იცის. მე მომკლავ და მეფე შეიტყობს, სხეებსაც მოკლავ და საიმედო კაცთან წერილი გვაქვს შენახული. რასაკვირველია, შეიძლება მეფეც მოკვდეს, მაგრამ... ლუარსაბისათვისაც ბევრი რამ სასიამოვნო არ იქნება... ასე, შადიმან, ერთ წელიწადს აზნაურებისათვის ნუ შესწუხ

დები: ნესტანი, გახსოვდეს, გათხოვებამდე მეტეხში ცოცხალი დარჩება და არა მკვდარი... დანარჩენი კი შენი საქმეა, არცერთი მეფისათვის და არცერთი თავადისთვის ხალხს მაინც და მაინც დიდად არ უმწუხრნია.

— აზნაურო, გესმის, რასაც ამბობ?

— თავადო, შენ ჰფიქრობ, მე კი ვლაპარაკობ, მაგრამ...

დათომ ჰადრაკის დაფაზე შავი მხედარი გადასვა.

— ჩემს ცხენსაც კი არაფერი ეცოდინება ჩვენი საუბრისა.

— თავადი რომ გაგხადო, დიდი მამულიც მიიღო, მოგვემხრობი?

— არა, არ მინდა ასმეერთე საზრუნავი გაგიჩინო.

— მაშასადამე, ჩვენ შორის ომია?

— ერთი წლის შემდეგ, თავადო... წავალ, ბააკა მელოდება... ამალამ ერთი-სამად გაძლიერებული მცველი უნდა მიუჩინოს მეფეს... გისურვებ წარმატებით დაამთავრო „ასი საზრუნავის“ თამაში.

შადიმანი დიდ ხანს გაშტერებულივით იდგა, ვერ დაეძლია გოცება და უნებური აღფრთოვანება.

მალე ციხის მცველთა უფროსთან გაეშურა, სადაც დიდებულნი მეფის დღეობის გამო გასამართავ რაინდთა ასპარეზობაზე თათბირობდნენ, მაგრამ ფიქრი მისი წიგნთსაცავისკენ ილტვოდა, სადაც შადიმანი ოდესმე გამალებით სწავლობდა სპარსულ ხელთნაწერებს.

შუალამისას „ცამეტ სირიელ მამათა უდაბნოს“ მეთოთხმეტე აჩრდილი შვემატა.

დილით გიორგი X მკვდარი ნახეს თავის საწოლზე. ჩალურჯებულ ბაგეზე სისხლიანი დუქი შესდებდებოდა...

თავი ოცდამეცამეტე

ჰგუგუნებდნენ ზარები. მეფის ლაშქარი მტკიცედ ჩამწკრივებულიყო ერანის და თურქეთის საზღვრიდან მეტეხის ციხის გალაგნამდე.

ბაგრატიისა და ამირიხლოს კოშკებს სააკაძემ აზნაურთა რაზმები შემოარტყა.

შადიმანმა არა თუ აასრულა დაპირება—ერთ წელიწადს არ ვდევნო აზნაურნი, არამედ გიორგი X დაკრძალვისა და ლუარსაბ II გვირგვინის კურთხევის განმავლობაში სააკაძეს მიანდო საშიში გზების დაცვა, რაკი დარწმუნებული იყო, რომ ეს საუკეთესო საშუალება იქნებოდა იმ შემთხვევისათვის, თუ დიდებულნი გადატრიალების მოხდენას განიზრახავდნენ.

ჰგუგუნებდნენ ზარები. განუწყვეტელი რეკა სხვადასხვანაირი ხმით ქვითინს ეზავებოდა. შავ კუბოს თავს დასტიროდა შავად ჩაბმული, თმაგაშლილი ასორმოცი მოტირალი ქალი.

შავი ხავერდით გამოწყობილი, თმაგაშლილი, სასთუმალთან ამაყად იდგა მარიამი. დარბაისლურად ჩამწყკრივებულ იყვნენ დიდებულნი. ჩურჩულებდნენ დიუფალები.

— ცხირეთული უსვამს ქარბად. გული მოუწყვეტია.

— (უდი ამბავი გაუგია...)

ჩურჩულებდნენ ლურჯს ლაქებზე, რაც ინდური საწამლავის ნიშანი იყო; ჩურჩულებდნენ ბევრ რამეზე და იქით-აქეთ იხედებოდნენ.

კენესა მთელ ქართლს მოსდებოდა. გიორგი X ბევრ შეფეს ვერა სჯობდა, მაგრამ ხალხი მიჩვეული იყო და ეშინოდა უცნობი ცვლილებისა.

ჰგუჯუნებდნენ ზარები და გიორგი X საუკეთესო ქვეყანაში ისტუმრებდნენ. ჰგუჯუნებდნენ ზარები და მხიარულად ეგებებოდნენ ლუარსაბ II, რომელიც ჯარის მფარველობით მშვიდობით ავიდა ბაგრატიონთა ტახტზე.

მარიამმა ერთბაშად დაივიწყა ბააკას თასდაუდებელი ამაგი და გიორგი მეფის დაკრძალვის მეორე დღესვე უსაყვედურა გაუფრთხილებლობა, და აღშფოთებით განდევნა მეტეხიდან თავხედი მდაბიო დათო. არანაკლები სიმკაცრით სურდა მოაპყრობოდა სააკაძესაც, მაგრამ შადიმანისთვის სრულიად მოულოდნელად, ლუარსაბის ჯიუტობას შეხვდა. დიდებულთა საჩივარმაც ვერა უშველა რა. რაკი ბააკას ფრთხილი რჩევა ახსოვდა, ახალგაზრდა მეფემ ის იკმარა, რომ სააკაძეს მოსთხოვა, შესწყვიტე გაქცეულ გლეხთა შევრობება და თავადებთან უთანასწორო ბრძოლაში ნუ ებმებო.

— მაგრამ, დიდებულო მეფევე, — თავს იმართლებდა სააკაძე, — განა მე ვიწვივ? დეე დიდებულთ გამონახონ საშუალება მათი შეკავებისა... რატომ სახასონი არ გარბიან?

საკაძეს არ გაუხსელია, რომ აზნაურთა კავშირმა დაადგინა — არას გზით არ მიელოთ სახასონი.

— გიორგი, განსვენებული მამა ჩემი მეტად აფასებდა უკანასკნელი ომის გმირს. მეც მსურს კარგი განწყობილება მქონდეს შენთან, მაგრამ ბაგრატიონთა ტახტის ერთგულ თავადისადმი განუწყვეტელ მტრობას შეუძლია დიდებულთაც კი აენოს. ეცადე, როგორმე შეუროგდე შადიმანს... ქალს როდის ირთავ?

— მალე მინდოდა, რუსუდანიც უარს არ არის, გარნა ქალბატონი ნატო ელოდება, სანამ თავადი გავხდებოდე... განსვენებული მეფე გიორგი დიდი ხანია მპირდებოდა..

ლუარსაბმა დაირცხვინა: უკვე ვაბობდი, მაგრამ შადიმანი და დედოფალი მაჯერებდნენ, ახლა დრო არ არის სააკაძისადმი მტრულად განწყობილ დიდებულთა უსიამოვნება გამოვიწვიოთო. დედოფალმა ღვარძლიანად დაურთო: „რუსუდანი სულ თვრამეტის წლისაა, ცოტა კიდევ მოიცადოს“.

ლუარსაბი ბუნდოვანად ხვდებოდა რუსუდანიისადმი სიძულვილის მიზეზსა და ერიდებოდა ამ საჩოთირო საკითხზე ლაპარაკს.

— არის მიზეზი, გიორგი, თუ რატომ არ შემიძლია ამჟამად შევასრულო მამის დანაპირები, მაგრამ გაძლევ სიტყვას პირველი შემთხვევისთანავე...

სააკაძე მიხვდა, სჯობს დროებით მოვშორდე ტფილისსაო. შადიმანის გულცივობა, დედოფლის აშკარა უგულვებელყოფა, ლუარსაბის გულგრილობა კაის არას მოასწავებდა. მეფესა სთხოვა, ნოსტეს გამიშვი, მაშულს მივხედოო, ნებართვა მიიღო და ტფილისიდან წავიდა.

მწვანეში ჩაფლულ სოფელს ამაყად დაჰყურებდა ქვითკირის მაღალი გალავნით შემოზღუდული ციხე-დარბაზი აზნაურ სააკაძისა. ბაზრის მოედანზე გამართული იყო ახალი ასპარეზი. ციხის გარშემო აღმართულიყვნენ, მშვენიერ აიენიანი, ორსართულიანი სახლები. საზოგადო ფარდულეებში, შალსართავე, საფეიქრო სახელოსნოებში მხიარული ხმები გაისმოდა. აქ ყველას ეძლეოდა საშუალება გაეფართოებინა თავისი შემოსავალი, აქ უკვე აღარავის ეშინოდა თავდასხმა-თარეშისა.

თვით ნოსტესაც გარს ერტყა მაღალი ქვითკირის კედელი საგუშაგო კოშკებითურთ. მაშულის გაფართოება რაზმთა რიცხვის გადიდებას მოითხოვდა, მაგრამ მეტეხის მდგომარეობა ისეთი იყო, რომ გამოქცეულ გლეხებს ფარულად იღებდნენ და ისიც თავადთა შორეულ სამფლობელოებიდან, ხოლო სახასიოებს არავითარ შემთხვევაში კარს არ უღებდნენ.

ხალხის მოზღვავებამ აიძულა სააკაძე ნოსტეს გალავნის გარეთ გაეშენებინა ახალ-დაბა. სამფლობელოს გაფართოება არ გამოჰპარვია დიდებულთა ჯაშუშების ფხიზელ თვალს და მეტეხში კვლავ გახშირდა საჩივარი. გარნა შადიმანს ახსოვდა ორბელიანის წერილი და არ ჩქარობდა აზნაურებისთვის ანგარიშის გასწორებას. სააკაძეც ისწრაფეოდა გამოეყენებია ეს ერთი წელიწადი. ყოველნაირად იყენებდა შაპ აბაზისეულ ოქროს, აჯერებდა, აღუთქვამდა და ამგვარად იმხრობდა მცირემამულიან აზნაურობას. აზნაურები რომ ერთმანეთს ეცნობოდნენ და უახლოვდებოდნენ, სულ უფრო განიცდიდნენ მძლავრი წინამძღოლის გავლენას.

მყუდრო ნაშუადღევი იყო. ნოსტე ოდნაე შეყვითლებულ მცენარეულობაში ჩაფლულიყო. შორეულ ყანებში მთავრდებოდა საშეოდეგომო სამუშეარი. შუკებში ერთხმოვანად ქრიალებდნენ სურნელოვანი თივით დატვირთული ურმები.

ლობეებზე გადმოხრილიყვნენ მწიფე ხილით დახუნძლული ტოტები. წითელ, ღია-ყვითელი ვაშლს, მსხალსა და კომპს მცხუნარე მზისთვის

საკოცნელად მიეშვირათ დრეკადი ლოყები. ჩრდილში იდგა უნაბით, ატმითა და ქლიავით საესე კალათები. მათს გარშემო დაფუსფუსებდნენ ცბიერულად თვალმოკრულული გოქები, თავიანთს ბლაგვ დრუნჩს კალათებში სჩრიდნენ და დავარდნილ ხილისთვის ერთმანეთს ეკიდებოდნენ. ვენახებში ყვითლად და შავად ჰლუოდა მწიფე ყურძენი. ჰაერი გაჟღენთილი იყო ქართული მიწაწყლის ტკბილი სურნელებით.

მიწყნარებულ ქუჩაში ნელა მიდიოდა გიორგი. საკინძე გაეხსნა და მთელი მკერდით ისუნთქავდა ბალთა არომატს.

ტფილისში, პოლიტიკური ორომტრიალით გატაცებულს, თითქოს სრულიად დავიწყნოდა ნოსტე და მისი ყოველდღიური ფუსფუსი, მაგრამ საკმაო იყო ფეხი შეედგა მშობლიურ სოფელში, რომ ახალი ძალით ეგრძნო განუყოფელი კავშირი ამ მარად ახალგაზრდა, მარად უქკნობ სანუკვარ კუთხესთან.

გზაჯვარედინზე შესდგა და ღიმილით აჰხედა ნაცნობ კაკლის ხეს, დაიხარა, ქვა აიღო და ბავშვური სიანციით ესროლა; კენწეროდან ზრიალით წამოვიდა ნაქიანი კაკალი. ყველაზე დიდი აირჩია, გასტეხა და სიამით შესკამა, ჯერ კიდევ თეთრი ნიგოზი. ნაქით გასვრილი ხელი ხუჭუჭ თმაზე შეიწმინდა, და შალსართავ სახელოსნოსაკენ გაუხვია.

ერთბაშად შესწყდა მყუდროება. ზუზუნებდნენ ხის ჩარხები. ისმოდა ქალთა ხმამალალი ლაპარაკი და მხიარული სიცილი. გიორგიმაც რაღაცას გაუცინა და ნათელ ბელელში შევიდა.

გიორგის ერასტის მამა შეეგება:

— აი, ბატონო, წელს ხუთ ჯარას ერთი ბორბლით ვაბრუნებთ, გაისად მგონი, ათიკ ავაბრუნოთ. არცერთი ქალი ჯარას ფეხით აღარ აბრუნებს. ნახე, როგორ მოეაწყე.

გიორგიმ დაათვალიერა ხის ჩარხები; მოხუცთან ერთად შეიარა მეროვ სადგომში, სადაც ბრმა ცხენები ატრიალებდნენ დიდ ბორბალს, რომელსაც მოძრაობაში მოჰყავდა ხის ხუთი შალსართავი ჩარხი.

მოხუცმა ღრმავაროვანი თვალი მიაპყრო გიორგის:

— შენი წყალობით, ბატონო, ტფილისის მაიდანზე ვიყავი, ვნახე სპარსული ქარეასლა, კარგად ისვენებენ სპარსელები აივანზე, სულ მუდამ სუფთა ჰაერს სუნთქავენ. ყველაფერი კარგად დავათვალიერე, ახლა ვფიქრობ; ძალიან დახუთული ჰაერია იმ ფარდულში, სადაც მატყლსა სჩეჩავენ. ცუდი ჰაერით დიდძალი ხალხი ხდება ავად. შენი ნებართვით, ბატონო, მეც მინდა იმისთანა საქმე გავაკეთო. დეი ხალხი სუფთა ჰაერსა სუნთქავდეს.

გიორგი მოხუცის შთაგონებულ სახეს დააკვირდა და გაიფიქრა: „რა ნიქია ხალხში დამალული და რამდენი მესეფე დაილუპა, აღ-

ბათ, მონობის უღელში“. მოხუცს ალერსით დაუცაცუნა მხარზე ხელი:

— გააკეთე ყოველივე, რასაც კი მოითქვამს. ამ ბორბლისთვის კი შენა და მთელი შენი ოჯახი მსახურებში გადამიყვანია.

ესა სთქვა და საჩქაროდ გარეთ გავიდა, რადგან სურდა მორიდებოდა განცვიფრებული მოხუცის მადლობას.

კვირა დილას ნოსტელეები საეკლესიო მოედანზე შეიკრიბნენ, რომლის შუაგულს გამართული იყო დიდი ფარდული. მაღალ სკამზე ამაყად წამომჯდარიყო დიმიტრის პაპა. მის წინ მწყობრად ელაგა: ატლასის, ხავერდის, აბრეშუმის, და ფარჩის თოფები, ბალდადური ტარსიკონი. არანაკლებ სიამაყეს ჰგრძნობდა ერასტიც, რომელიც პაპას ხელს უწყობდა მეტად რთულ საქმეში: ნოსტელე ქალიშვილთა შორის სამართლიანად უნდა გაენაწილებინათ სამზითვოდ ანანურის ახლოს ამოხოცილ ბალდადელ ვაჭართა დიდძალი ძვირფასი საქონელი.

პაპუნა, რომელიც ყველა ნოსტელე ქალიშვილს „ხელიკთა“ ასაკიდანვე იცნობდა, ამ საინტერესო სანახაობაზე შეკრებილ ყველა „ვეფხთა“ საერთო მოწონებით, ხმამაღლა დაუძახებდა ხოლმე პაპას, თუ რომელ ქალიშვილს რა ფერის ქსოვილი დაშვენიდება, ან რამდენი დასჭირდება, მოსართავადო.

პაპა თვალსა ქუთავდა, ვაჭრობდა, მერმე სასძლოს დედას მიიხმობდა და გახარებულ ქალს აბარებდა ძვირფას ქსოვილთა ფარდებს.

პაპუნა თვალს უშვრებოდა ახარხარებულ „ვეფხებსა“ და დინჯად არწმუნებდა გაჯავრებულ პაპას, რომ ზოგიერთ ქალიშვილს ორი ალაბი მთლად შემოსაქვს, ზოგს კი ათი ალაბიც მარტო ზურგს. ვერ დაუფარავსო.

დაუთბების დედამ, რომელიც გიორგის სტუმრად ეწვია და ყველა ნოსტელი მეგობარი მირანდასა და როსტომის ქორწილზე მიიპატიჟა, გიორგის სახელო მოსწია და გარეთ გაიხმო.

— მინდა მოგელაპარაკო, — უთხრა მან და ეკლესიის გალავანთან მიდგმულ სკამლოგინზე ჩამოჯდა. — უბედურ კიაზოს ოჯახზე მინდა გელაპარაკო. მოხუცი მერაბი დარდით მოკვდა, კიაზო სრულიად გადაიკარგა. მაშინ რომ მოხელე მოჰქლა, მას უკან აღარსად გამოჩენილა. საყანე მიწები სარეველამ გადავლო, ბოქაული კი არ იხარებდა, სანამ მერაბი არ გარდაიცვალა... ყველანი ერიდებოდნენ, ხოლო როცა მერაბს მარხავდნენ, უეცრად მოაქენა ჯავშანში ჩამჯდარმა ვიღაც ხევსურმა. დიდ ხანს იდგა და უცქერდა, როგორ სცივოოდა მიწა სამარეში. როცა მიიხედეს, იქ უკვე აღარავინ იყო, მხოლოდ იმ ადგილას ერთი ვერცხლის ფული ეგდო. ყველა შიშმა შეიპყრო, როგორ შეიძლებოდა ხევსური ცხენიანად ფულად ქცეული-

ყო. ხელიც არავის უხლია... მხოლოდ კიაზოს დედამ აიღო, ძალიან ლარბიბია... მას შემდეგ უფრო გაუჭირდა; ორი ცხვარი ჰყავდა, ორივე ერთ ლამეს დაეკარგა... საბრალო დედაბერი ისე მოსთქვამდა, რომ მთელმა ეზოთმა ყური ბამბით დაიცო. უფროსი ქალიშვილი გაიზარდა, არავენ არ თხოულობდა, ერთმა მესეფემ შეირთო, მაგრამ ქალი ძეობას გადაჰყვა.

მას შემდეგ კიაზოს დედას შინ არავენ უშვებს, ზოგიერთი ჯოხზე წამოგებულ პურს გარედან აძლევს. უმცროსი ქალიშვილი კი, ჩემო გიორგი, უკვე დიდი გაიზარდა, ძალიან ლამაზია, დარეჯანი ჰქვია, გარეთ სულ არ გამოდის, ეშინია. აი, გიორგი, ერთმა თავადმა გააფურთხა და მთელი ოჯახი კი დაიღუპა, მერმე რა მდიდარნი, რა ამაყნი იყვნენ!..—ქალმა ოდნავ იყუჩა, გიორგის თვალი აღმაცურად შეავლო და კიდევ უფრო წყნარად დაურთო: — იქნებ მოუხერხო რამ, გიორგი?

სააკაძემ დიდი პატივისცემით შეხედა წარბშეკრულს, დარბაისელ გოგორიშვილის მეუღლეს. მიხედა, რომ თვით არც ისე მდიდარი გოგორიშვილები დახმარებას უწყევნ უბედურ ოჯახსო, და ხმაშეშვით მიუგო:

— ორივეს ნოსტეში წამოვიყვან!..—და ერასტის გასძახა:—პაპას უთხარ, კიდევ ერთი ქალიშვილისათვის გადასდოს ორმაგი სამზითვო...

ნოსტეში დიდი ხმაურობაა. მოდიან ყველა „ვეფხნი“ თავიანთი ოჯახებითურთ. ურმები მწვანითა და ყვავილებით არის მორთული. ურმების გვერდით მოდიან მეზურნეები და, რაც ძალა და ღონე აქვთ, უკრავენ. ურმებზე მსხდომარე გამოწყობილი ქალები დაირას აგუგუნებენ. ნოხებით მორთულს ურემზე ამაყად ზის მირანდა, ორივე მხარეს „ვეფხები“ ცეკვავენ. ერასტის თაბახი დაუდგამს თავზე და ყველას ბაღდადურ ტკბილეულობას ურიგებს. პაპუნას ილიაში ტიკტორა ამოუჩრია და ყველას ძალით ასმევს ღვინოს...

სააკაძის დაჯინებით, როსტომისა და დაუთბეგის დის მირანდას ქორწილი ნოსტეს ციხე-დარბაზში გადაიხადეს. ერთ კვირას ხმაურობდნენ „ვეფხები.“ მთელი ნოსტე ერთი კვირის განმავლობაში სეამდა, ცეკვავდა და იმღეროდა.

მხოლოდ ერთმა წუთმა ჩააშავბნელა დღესასწაული: იმ დროს, როცა დათომ და დიმიტრიმ ეკლესიის კარებში ხმლები გადააჯვარედინეს და მირანდა და როსტომი გაატარეს, უეცრად მირანდას ფეხებში დაეცა ალისფერი ბაფთით შეკრული მთის ყვავილები. მირანდამ მყის აიხედა. ეკლესიის კარების პირდაპირ იდგა ცხენზე მჯდომარე, მთლად ჯავშანში ჩამჯდარი ხვესური.

მირანდამ შეჰკივლა და, გაფითრებული, როსტომის მხარს დაეყრდნო.

პაპუნა თავის ტიკტორიანად ხევესურისკენ გაემართა, მაგრამ მხედარმა ცხენი ფიცხლად მიაბრუნა და გააქენა.

შირანდას დედა, შეშინებული, პირჯვარს იწერდა. დათო კი ქალების შიშს დასცინოდა და ჰკითხულობდა: რატომ არ შეიძლება, რომ რაინდმა ასეთ შემთხვევაში მშვენიერ ქართველ ქალს ყვავილები ესროლოსო...

მეგობრის ქორწილის აღსანიშნავად სააკაძემ ყველა ახალგაზრდა ნოსტელი მესეფე გლეხად აქცია, ხოლო დიმიტრის პაპის მიერ ეზოთის ნაცელისაგან ათ არშინ ხავერდად და ერთ ტიკტორა ლეინოდ გამოსყიდული კიაზოს დედა და დაჟ დარეჯანი ვრცელ სადგომში დააბინა, კარმიდამო მისცა და შემწედ ერთი გამოქცეული მესეფე მიუჩინა.

ქელივიძე, რომელმაც ქორწილში ყველა დაათრო, კმაყოფილებით იგრეხდა უღვაშს, აქებდა აზნაურ სააკაძის კეთილშობილებასა და გულუხვობას და ერთი მუჟა წვრილი ფული თვითონაც კი გადაუყარა ღვინით დასიებულ მეზურნეებს...

როდესაც ქორწილი გათავდა და ნოსტე ჩვეულებრივს კალაპორტში ჩადგა, სააკაძემ, დიდი ხნის ყოყმანის შემდეგ, დათოს გადასცა წერილი ნუგზარისადმი და ცალკეც რუსუდანისადმი.

...„რუსუდან, მხოლოდ შენი ნების წინაშე მოვიდრეკ თავსა, ხოლო თავადი, სანამ შადიმანი ცოცხალია, ალბათ, ვერ გავხდები...“

საელჩოსათვის დიდებულობის მისანიჭებლად, დათოს თან ახლდა ათი მოლაშქრე და ორი მსახური. ზედაზნის მონასტერს რომ გასცდა, იგი დუშეთს ჩავიდა და, რადგან ცხენებს უფრთხილდებოდა, ღამე არაგვის ერისთავთა კოშკში გაათია.

განთიადისას დათომ არაგვის ხეობას მიაღწია, რომელიც მთლად აღისფერი ყაყაჩოებით იყო მოფენილი. თუმცა დათომ კარგად იცოდა ნუგზარის სიმდიდრის ამბავი, მაგრამ ანანურს რომ მიუახლოვდა, გაოცებული იყო არაგვის ერისთავის სამკვიდროს დიდებულობით. მხოლოდ ახლა მიხვდა იგი, რა გამოარჯეება მოიპოვა გიორგიმ ამ მფლობელის გულის მოგებით.

— ერთიც ვნახოთ, რუსუდანმა გადაიფიქრა! ახლა ნუგზარი ჩვენთვის საკიროა, ხოლო თუ რუსუდანი ნოსტეს არ წამოვიდა, თავადები აზნაურების კავშირს აღარ მოერიდებიან. კარგია, თუ მხოლოდ მიწა-წყლისა და სახლკარის წართმევას დასჯერდნენ, მაგრამ, ვაი, თუ თავიც წაუვავოთ.

შემფოთებულმა დათომ უფრო ენერგიულად დააბრახუნა კიშკარს; ვიდრე სტუმარს შეეფერებოდა.

ისარივით გაიმართა რუსუდანი, როცა სტუმრის სახელი გაიგონა. ნუგზარმა ღიმილით უჩიო, ცოტა ხანს მოიცადე, სანამ აზნაური ნაგზურ ტანისამოსს გამოიცვლიდესო. მაგრამ მარტო რუსუდანი

როდი აუღელვებია ელჩის მისვლას. ნატო ლეჩაქის სათუთ ქსოვილს ჰგლეჯდა.

— თვითონ არ მოვიდა, ნუთუ ჯერ კიდევ თავადი არ არის? მაშინ... ნატო კარებს მივარდა.

სასახლის მომცრო ეზოში დათომ თავადის ასულს ძღვენი გადასცა: რუსუდანი სიამაყით ათვალეირებდა თოვლივით თეთრ ცხენს, რომელსაც შავი ტარსიკონის უნაგირი ედგა: მაოლოდ გიორგის შეედლო ასეთი ძღვნის გამოგზავნა თავისი სასძლოსათვის.

ქალბატონი ნატო აღშფოთებას აპირებდა მაგრამ შეეცრად მორბილდა. დათომ მას თავდახრით გადასცა ნახი ვერცხლისფერი ქსოვილი, რომელიც მოქარგული იყო ღია ვარდისფერი პეპლებით, და რასაკვირველია, არ გაუხმელია, რომ პაპუნა ერანს იყო წასული საგანგებოდ ამ ძვირფასი ქსოვილისა და სხვა საჩუქრებისათვის.

ნუგზარს ძლიერ მოეწონა ფირუზით მორთული თეთრი წაღები, ზურაბს—დამასკური ხმალი, ბაადურს—დათვზე სანადირო სატევაარი. მაგრამ შორსმკვერტელ გიორგის არც რუსუდანის ძიძა დავიწყებოდა და დათომ აღფრთოვანებულ მოხუცს მოხდენილად მოასხა მხრებზე თავრიზული აბრეშუმის შალი.

ნუგზარმა შეაქო გიორგის გემოვნება, და მთელი დარბაზიც აღფრთოვანებული იყო. ღამით თავადი და ელჩი ოთახში ჩაიკეტნენ. წერილმა თავადი გააფიცა. როგორ, არაგვის ერისთავს შეურაცხველენ? თავადის ასულის არჩეულს არ აღირსეს დამსახურებული თავადობა? მაშინ დეე გაიხსენონ ნუგზარის მამაცობა! იგი უჩვენებს მეტებს, თუ რამდენი მეგობარი ჰყავს ერისთავს, იგი გაახსენებს, თუ როგორ ომობს ნუგზარი. იგი ნაცარტუტად აქცევს მეტეხის გალაფანს, რომელიც არაერთხელ დაუცავს არაგვის ერისთავთა ხმალს.

დიდხანს შფოთავდა განაწყენებული თავადი. ტყუილუბრალოდ ცდილობდა დათო დაეჯერებინა თავადი, რომ შადიშანის შურისძიება მხოლოდ სააკაძისადმი არის მიმართული. ნუგზარი ყურს არ უგდებდა და საკუთარი ბრაზით ფიცხდებოდა.

მამისა და დათოს საიდუმლო საუბრით შეშფოთებულმა რუსუდანმა დილაადრიან სტუმრის სადგომში ძიძა გაჰგზავნა.

— მე თქვენს მიპატიჟებას ველოდებოდი, მშვენიერო რუსუდან, თქვენთვის გამოტანებული მაქვს გიორგის საიდუმლო ბარათი და სათქმელიცა მაქვს.

წერილი რომ წაიკითხა, რუსუდანი მრისხანების გამო გაფითრდა. მტკიცედ შეეკრა მოშვილდული წარბები. აი თურმე როგორი ყოფილა დედოფლის შურისძიება! ნუთუ იგი პფიქრობს, რომ რუსუდანი ნებას მისცემს: ვისმე, დასცინონ?

რუსუდანი მტკიცედ მიმოდიოდა ხალიჩაზე.

დათომ ამოიოხრა და გაიფიქრა: „არვარგა, როცა ქალი ფეხს მტკიცედ აღდამს. ნინო აჩრდილივით დასცურავს... მაგრამ ნინოს უარ შეუძლია დედოფლებთან ბრძოლა,“ და ხმამაღლა წარმოსთქვა:

— თავადის ასულო, დედოფალი მანიაკისათვის დაგცინის: დეე რუსუდანმა იცადოს, სანამ სააკაძე თავადი გახდებოდესო. ჰგონია, რომ შენ აზნაურს არ დაუკავშირებ შენს ბედს.

დათო პირდაპირ უცქეროდა რუსუდანს და შეეცრად შეშინებულმა კარისკენ დაიხია. ასე ეგონა, ქვითკირის კედლები შეირყა, მეხი გავარდა და თანჯარამ ზრიალი დაიწყო.

მაგრამ არა, ეს რუსუდანი ხარხარებდა.

„ვეფიცავ, შევიერთო მხოლოდ ის ქალი, რომელსაც ჩიტის ხმა ექნება,“ — გულში გაივლო გაოცებულმა დათომ.

— წყეული კუდიანი, — თავლის ბრიალით აძბობდა რუსუდანი, — როგორ ჰბედავს იფიქროს, თითქოს ჩემი ბედი მის ხელთ არის? სანამ მეფე ცოცხალი იყო, ჩემს წინაშე თრთოდა, ქმარი მოსწამლა და ახლა ჩემზე სურს გაბატონება?.. ერთი ნახოს, რა მორჩილება ვიცი, ერთი ნახოს...

— თავადის ასულო, ცუდი რამ არ იფიქრო, თავს დავდებ, უკეთუ ომს განიზრახავ, მაგრამ... მომისმინე, თავადის ასულო... დედოფალს ბევრი მომხრე ჰყავს. ყველა თავისთვის ცდილობს, გამტყუნება არ შეიძლება... მამაც ნუგზარს ექვადაც კი არ მოსდის, უმჯობესია ფრთხილად იყო... გიორგიმ ყოველივე იცის, მაგრამ არასოდეს არ გაიხსენებს. ძალიან უყვარხარ, მთელი გულით უყვარხარ... მეფემაც გაჯავრების გამო არ უბოძა თავადობა... ნუ გამიჯავრდები, თავადის ასულო. მე ასე უნდა ვილაპარაკო. გიორგი ქართლს ესაჭიროება, აზნაურებს ესაჭიროებათ. დიდი, საშინელი ზრახვები აქვს გიორგის... იგი ჩვენია და, თუ შენც ჩვენი გახდები, წვრილმანი შფოთი დაგავიწყდება. გიორგი თავადი გახდება, მაგრამ... ეფიქრობ, თავადობას დედოფლისგან კი არ მიიღებს... თვით დაიპყრობს. ამით უნდა ამაყოფდე.

— გმადლობ, ძვირფასო დათო.

და რუსუდანმა ხელი გაუწოდა. დათომ დაიჩოქა, დიდი მოწიწებით ეამბორა აცახცახებულ, გაცივებულ თითებს, მაგრამ უნებურად გაიფიქრა: „სჯობს, როცა ქალს პატარა ხელი აქვს.“

— გმადლობ, მეგობარო, კარგად ჰქენი, რომ შემაჩერე... მე გიორგი მესაჭიროება და არა მისი თავადობა, დედისათვის ველოდებოდი... ვადაეცი გიორგის, რომ ქორწილი ერთი თვის შემდეგ იქნება, გამოეშუროს აქ და თან წამოიყვანოს თეკლე და მეგობრები. უთხარ, რუსუდანმა მხოლოდ ერთხელ იცის სიყვარული და ყოველივეს მასთან გაიზიარებს, რაც ბედისწერას ურგუნებია. მამას დავეყთლიებ, დავა არ აუტეხოს მეტეხს, შურს შემდეგ ვიძიებთ.

რუსულდანი ნაღელიანად გაიღიმა.

— რუსუდან არაგვის ერისთავის ასულისა და აზნაურ გიორგი სააკაძის ქორწილი დიდ ხანს არ დაავიწყდებათ მეფისა და დიდებულთა ციხე-დარბაზებს. თქვენთან გადმოვდივარ, დათო...

დაჯდა და შეუპოვარ შუბლზე წყნარად გადაისვა ხელი. დათო მორიდებული ათვალეიერებდა რუსუდანის გაქვევებულ სახეს... „ასეთი ქალი მხოლოდ დედოფალი, ან გიორგი სააკაძის ცოლი უნდა იყოს,“ — გაიფიქრა მან და იქვე გამოუტყდა თავისთავს: რუსუდანი ერთადერთი ქალია, რომლის შეყვარებასაც მე ვერ შევძლებდით.

თავი ოცდამეთოთხმეტე

დარბაზობის სისადავე, შედარებითი ხელმისაწვდომობა, თათბირთა გულლიაობა და თავისებური პატრიარქალობა გიორგი X-სთან ერთად ჩაბარდა წარსულს.

შადიმანი სპარსელ შაჰთა სასახლის ფუფუნებას ჰბაძავდა და მკვეთრად შესცვალა სასახლის ცხოვრება. რაკი ლუარსაბს ბავშვობიდანვე შთაუნერგა ბრწყინვალეების, აღმოსავლური ფუფუნებისა და ცერემონიებისადმი სიყვარული, მან ადვილად მოახერხა, რომ კარისკაცთა თანამდებობანი უფრო ბრწყინვალე გვარეულობათათვის ჩაეზარებინა. მხოლოდ მეტეხის მცველთა უფროსობა, თანამდებობა, რომელიც მემკვიდრეობით გადადიოდა, ძველებურადვე თავადს ბააკა ხერხეულიძეს შერჩა, შადიმანმა გულდასმით შეარჩია ახალს ამალა.

ლუარსაბმა ახალგაზრდა დიდებულთათვის განსაკუთრებული მორთულობა შემოიღო: ვარდებს აღმასის ქინძისთავეებით იპცნევდნენ. ფაფახებზე ძვირფასი თვლები ბრწყინავდა, მკერდზე კი — მონისტო. მისი მიბაძულობით, ახალგაზრდა დიდებულები მარჯვენა ხელის ნეკზე ბრილიანტის ბეჭედს ატარებდნენ, რამაც ახალგაზრდა არისტოკრატთა შორის ერთგვარი შეჯიბრება გამოიწვია.

სასასლე ხელახლა შეღებეს ფირუზნარევე თეთრად, და ლუარსაბის მსახურებმაც სასახლის ფერს შეუხამეს თავიანთი ტანსაცმლის ფერი. ლუარსაბის სამყოფელი ქერმანშაჰის აბრეშუმის ხალებით იყო მორთული. კედლებზე გაცოცხლდა ერანის, ინდოეთისა და არაბეთის ფერწერა. ქვათახვის მხატვრები განუწყვეტლად ამშვენებდნენ კედლებს ფრესკოებით.

ლუარსაბის სადილობის დროს საზანდრით იუწყებოდნენ, სამყოფელიდან მის გამობრძანებას — სპილენძის დაფის ცემით. ძილის დროს კი — სალამურით, რის შემდეგაც დარბაზში ხმამალა ლაპარაკს ვერავინ ბედავდა. შადიმანის მტკიცე ხელით აღფრთოვანებულმა ლუარსაბმა სიამით მიიხლო შადიმანს სამეფო საქმეთა მოსაწყენი ტვირთი.

მხოლოდ ხელისმომწერა, ბააკას ფრთხილი ჩჩევით, თავისთვის დაინარჩუნა: რა საპირთა ქვეშევრდომთ ეკვი აღვუძრათ მეფის ნამდვილ სურვილთა შესახებო.

ამ ღონისძიებით ბააკას იმედი ჰქონდა, რომ ოდნავ მაინც შეამცირებდა შადიმანის უსაზღვრო ხელისუფლებას.

გამწვენიერებულმა მარიამმა, რომელიც საესებით შადიმანს ემორჩილებოდა. ბევრი რამ შესცვალა მეტეხის ჩვეულებაში. ყოველ კვირას, მგლოვიაროპის გამო, მხოლოდ მცირე ლხინი იმართებოდა და მეტწილად ახალგაზრდობას იწვევდნენ. დედოფლის ქირვეულობით თავადის ასულნი ოქროს თავსაკრავს იკეთებდნენ, რომელიც ძვირფასი თვლებით იყო მორთული: თვლები უკეთ მოსჩანანო. აბრკყვიანდნენ კრელი კაბები და ბალდადური მარგალიტით მოქარგული ხავერდის ქოშები. მოცეკვავენი აღმოსავლურ მანიაკებს აწკარუნებდნენ. ნადირობა, ასპარეზობა, შეჯიბრება—ყოველივე ეს იმისთვის იმართებოდა, რომ ლუარსაბი ქართლის დახლართული საქმეებისთვის მოერიდებინათ.

კარისკაცები მიხვდნენ შადიმანის განზრახვას, ახალგაზრდა მეფეს კი ფიქრისათვის დრო არა ჰქონდა. დიდებულთა მეუღლენი, ერთი მხრით, იმისგამო, რომ დედოფლისთვის ეამებინათ, უმთავრესად კი პატივმოყვარეობის გამო, მაინცადამაინც მკაცრად არ ეპყრობოდნენ ლამაზ მეფეს. ქუთიანი, ხუშარა, თავაზიანი და მარჯვე მეფე იოლად იპყრობდა. ამაყ არისტოკრატ ქალთა გულს, მაგრამ არა ნაკლებ ჩქარა უგრილდებოდა გული იოლი გამარჯვებისადმი. მხოლოდ ორი ლამაზი განუყრელად იტაცებდა ლუარსაბის ოცნებას. ერთი იყო პოეტების მიერ ხოტბაშესხული, მომზიბვლელი გულშარი... ბატონობის მოყვარულმა გულშარმა გადასწყვიტა, რადაც უნდა დაჯდომოდა, პირველობა მოეპოვებინა მეტეხში. გულშარის მუღმივი ცქერის ნატერამ ლუარსაბს უსამართლობა ჩაადენინა და მეტეხის ციხისათვად ამირინდო ამილახვარი დაანიშნინა. ნაწყენმა ლაზნელმა არ ისურვა მხოლოდ მრჩევლად დარჩენა და ხოჩეშანიანად თავის მამულში გადასახლდა.

მეორე იყო ნესტანი: ის მარტო არაჩვეულებრივი სილამაზით როდი იზიდავდა მეფეს, მის დიდ ქეუასა და თინათინის ანდერძს დიდი მნიშვნელობა ჰქონდა მისდამი ლუარსაბის უცვლელი სინაზისათვის.

ეს ორი ამაყი მშვენიერი იოლ გამარჯვებას არ სჯერდებოდა და ცდილობდა საესებით დაეპყრო მეფის ცვალებადი გული.

ლუარსაბს ამოდ აღელვებდა მოქიშპეთა ურთიერთ სიძულვილი. და, რაკი დარწმუნებული არ იყო, რომ ორივე უყვარდა, იგი ერთობოდა და თავისი ცვალებადობით განგებ ამწვაებდა მათს მტრობას.

ბრძოლის შედეგით დაინტერესებული სასახლე მოუთმენლად ელოდებოდა დასასრულს. მაგრამ ლუარსაბი მხიარულობდა, მხოლოდ სადღაც, მისი სულის მალულ კუნჭულში, სთვლემდა წმინდა ხატება სასახლის ინტრიგებით შეურყვნელი. — გარნაო, ფიქრობდა ლუარსაბი, — მეფეებს არ უწერიათ, რომ ისინი უანგაროდ უყვარდეთ*.

ქართლის სრულუფლებიანი ბატონ-პატრონი შადიმანი სულ მთლად ჩაეფლო სახელმწიფო საქმეებში. მისი მტკიცე მარჯვებით საქართველოს ყველა სამეფომ და სამთავრომ სამხედრო კავშირი შექცა. ქართველ მეფეთა და მთავართა ბრწყინვალე კრება ძველ სატახტო მცხეთაში მოხდა. და სვეტიცხოველი კვლავ გაჩირალდნდა უთვალავი სანთლით. ბაგრატიონთა ოთხსვეტიანი თეთრი ტახტი, რომელსაც წერწეტი კოშკი ამშვენებდა ზეალმართული მაღალი ჯვრით, იისფერი ხაყერდითა და მუქი ოქრომკედით იყო მორთული. მის გვერდით იდგა კათალიკოსის პირქუში ქვის ტახტი, ღრმა ნიში ქვისავე დასაჯდომებით, ბლაგვი კონუსისებრი თალითა და მუქი ფერის ფრესკოებით. კათალიკოსის ოქრომკედლის შესამოსელი ალმასის ჯვრებით იყო გაბრწყინებული.

ოღიშის მებრძოლმა მთავარმა მანუჩარ დადიანმა, კახთ ბატონმა თეიმურაზმა, რომელსაც არ სწამდა მეგობრობა, მამია აურჩელმა და აფხაზეთის მთავარმა შარვაშიძემ ქედი მოიხარეს შადიმანის საბუთებისა და ლუარსაბის მომხიბვლელობის წინაშე.

და, აჰა, აკენესდა. ორმაგად დახარკული დვალეთი. ალტანელი გადასახადით სული ხდებოდა შუა ქართლს, მძიმე უღელ ქვეშ ჰკმინავდნენ გაოგნებული სოფლები. იმის გამო, რომ უცხოელ ვაჭრებს ათასგვარი შეღავათი მიენიქათ, მთელი ვაჭრობა ტფილისის მაიდნებზე იყო თავმოყრილი. დარბაისელი მელიქნი ძლიეს ახერხებდნენ ყველა სავაჭრო წესის დაკვას და არცერთი სამეფო ფარა არ გამოეპარებოდა ნაცვალთა მომხვექ ხელს.

და ათასთა წახრილი კისერი, ათი ათასთა გამრჯელი ხელი, ვაქართა მარდი ალაბი და ზარაფხანის გამალებული ქედა სიმდიდრით ავსებდა მეფის ხაზინას. არასოდეს ასე მომგებიანად არ აკაცუნებულან ამქართა რიგების ჩაქუჩნი, არასოდეს ეკლესიას არ მიუღია ამდენი უხვი შესაწირავი და ამიტომაც ამბიონიდან ისმოდა მბურვალე ქადაგება და მოწოდება: დაემორჩილეთ ბრძენ მმართველს, ბრწყინვალე შადიმან ბარათაშვილსო.

საიღუმლო თაობირებზე არასოდეს ასე ყურადღებით არ უსმენია შადიმანს არქიეპისკოპოზ თეოდოსისოვის და აზნაურ ედიშერისთვის რომლებიც ბატონიშვილ ქაიხოსროსთან ერთად ორი წლის შემდეგ დაბრუნდნენ მოსკოვიდან.

შადიმანი ჩაუტიქრდა: უფერული სიკვდილი ბორის გოდუნოვისა, დამშეული ქალაქები, გლეხთა გაქცევა უდაბურ ადგილებში, უცნობი

მეფის დიმიტრის მოკვლა, ტრამალის მცხოვრებთა აჯანყება, არა სანდო ვასილ შუისკის მეფობა, სავაქრო გზებზე ძარცვა, მდაბიოთა ომი ბოლოტნიკოვის მეთაურობით—და მან მტკიცედ გადასწყვიტა ზურგი ებრუნებინა ერთმორწმუნე მოსკოვისათვის.

შაჰ აბაზს არასოდეს არ მიუღია ქართლიდან ფარსულ ენაზე ასე ოსტატურად დაწერილი დიპლომატიური ეპისტოლე, და მისთვის ძღვნად გაგზავნილი მშვენიერი ფარი, რომელიც მოქედილი იყო თამარ მეფის ოქროს ღერბით, პოლიტიკურ ხიდად გაიღო ისპაჰანსა და ტფილისს შუა.

სამეფო სასწორზე შადიმანის მძიმე საწონთა გადაძლევა იმედი გაუცრუა ლუარსაბისადმი მტრულად განწყობილ დიდებულთ და გააცუდა ბატონიშვილ ბაგრატის მრავალი წლის სამზადისი ქართლის ტახტის მისატაკებლად.

იმედგაცრუებულმა ბაგრატმა და ამირინდომ გადასწყვიტეს, დროებით შერიგებოდნენ მდგომარეობას. ბაგრატი ფარულად ცდილობდა დამეგობრებოდა მუხრან-ბატონს, ხოლო ამირინდო სულ იმის ფიქრში იყო, სასახლეში როგორ განვდიდდყო.

გუგუნებდა დაფი, წკრიალებდა ცხენთა აღკაზმულობა, ლაპლაპებდა საკურველი, ციალებდნენ ძვირფასნი თვალნი, ფრიალებდა ნაირნაირი აბრეშუმი, ბრწყინავდა იშვიათი ბეწვეული, ელავდა ლითონის ფარი, გველივით დახვეულიყო დოღმანი, და ფართოდ გაღებულ ანანურის კიშკარში ნაკადულივით მიედინებოდა წარმტაცად მორთული ხალხი.

პირველნი მობრძანდნენ ბატონიშვილნი ბაგრატ და სვიმონ. ქართლის ტახტის ზვიად მაძიებელთ თან ახლდათ ძვირფასი ძღვენი და დიდებული ამაღა.

დიდებულთა ციხე-დარბაზნი მეტად გაკვირვებულნი იყვნენ რუსუდანის ქორწინებით. მხოლოდ სამი თვე გასულიყო მეფის გარდაცვალებიდან, თავაზიანობა კი მოითხოვდა სულ მცირე ექვს თვეს მაინც მოეცადნათ გარნა ნუგზარის შეურაცხყოფა ვერავის ვერ გაეხედნა, მით უმეტეს, რომ დიდებულნი გააოცა ანანურს კახთბატონის, იმერეთის მეფისა და გურიის მთავრის სტუმრობამ. როგორღა უნდა მოიქცეს ახლა ლუარსაბი, უკეთ, როგორ უნდა მოიქცნენ მარიამი და შადიმანი? ყველა სხვა საზრუნავს მნიშვნელობა დაეკარგა. ყოველს ციხე-დარბაზში მხოლოდ იმაზე ლაპარაკობდნენ, თუ რა გაბედულად გამოიწვია ნუგზარმა მეტეხი... მაშასადამე, ნუგზარს სურს მეფის გადაკიდება? მაგრამ რატომ? ქალს უბრალო აზნაურს აძლევს. მზითვად აძლევს უზარმაზარ მამულს, ცხენთა რემას, უთვალავ ჯოგს, მთელ ქარავან სამოსსა და ძვირფასეულობას, სუთას კომლ ყმას. ხელმწიფის შვილი შეეძლო დაესიძებინა, ქალი კი უბრალო აზნაურს გაატანა. უყვარს? რად შეიყვარა?

თავისი ძმის ზურაბისათვის? კი, მაგრამ ამაყ ნატოს რაღა უხარია? არა, აქ რაღაც საიდუმლოებაა! სააკაძემ შაჰ აბაზისაგან ძვირფასი ძღვენი მიიღო, თვით ყარაჯულაი-ხანი მოდის თურმე ქორწილზე, დიდებული ამალითურთ. ყარაჯულაი-ხანი, ერანის პირველი ხანი მოდის ანანურის ქორწილზე? არა, აქ რაღაც იმალება, საქიროა სიფრთხილე, საქიროა დიდებულად ვეწვიო ნუგზარს. იქნებ საიდუმლო კავშირი შეჰქარა ერანთან? ასე საჩქაროდ ტყუილად კი არ სწევია ანანურს მანუარ დადინი! მას ოძი აქვს, ოძის ველიდან იქ გაქანებულა, მაშასადამე, ნუგზარს დახმარება აღუთქვამს. კახეთის შეფე კი? მარიამის ნათესავია და მგლოვიარებას კი არ იცავს... რა მოხდა?

ასეთმა მდგომარეობამ დიდებულნი აიძულა უგულვებელეყოთ სიფრთხილე და დაერღვიათ სასახლის მგლოვიარება. ქსნის ერისთავი, დიდი ათაბეგი, მუხრან-ბატონი, აფხაზეთის მთავრის უფროსი ვაჟი, — ყველანი ანანურს გაემშურნენ და რასაკვირველია, დანარჩენ თავადთ რა ეკითხებიათ, იწყენს თუ არა ლუარსაბი სამეფო კარის მგლოვიარებისადმი უყურადღებობას.

ანანურის ვრცელი სადგომები, ხალიჩებითა და აბრეშუმეულით მორთულნი, საპატიო სტუმრებს ელოდნენ. ზედმეტი ხალხისაგან განთავისუფლებული სასახლეც აგრეთვე მორთულია შეფეთა და მათი ამალის მისაღებად.

ამაყმა ნატომ რომ დაინახა, თუ რა ყურადღებით ეპყრობოდნენ სააკაძეს შეფენი და ყარაჯულაი-ხანი, იგი თითქმის შეურიგდა სასიძოს უბრალოებას. გიორგისა, რუსუდანისა და მის ნათესავთათვის შაჰ აბაზის მიერ გამოგზავნილმა ძვირფასმა ძღვენმა ბევრი გააოცა და იძულებული გახდა ყურადღებით დაჰკვირვებოდა გიორგი სააკაძის პიროვნებას.

მეტეხს დაწერილებით აცნობებდნენ ანანურის ამბებს. შადიმანი გააკვირვა ფუფუნებამ, გააოცა ქორწილში ყარაჯულაი-ხანის წვევამ და ქართლის მმართველი ღრმად ჩაუფიქრდა მომავალს. აშკარა იყო — ნუგზარი მარტო ქორწილს როდი იხდიდა. შეურაცხყოფილი ერისთავი მეტეხს იწვევს, მაგრამ მეტეხი გამოწვევას არ მიიღებს. მთელი გავლენიანი ქართლი ნუგზარისას არის, მაშასადამე, საქიროა ჭეიშში მონაწილეობის მიღება, მაგრამ როგორ? საბედნიეროდ. მარიამსა და ლუარსაბს უსიამოვნო წვევისაგან ათავისუფლებს, მაშასადამე, შადიმანი უნდა ეწვიოს პირველ დღეს მაინც.

მარიამი, გახელებული ნუგზარის ზვიადობით, იმით, რომ შურისძიება არ მოუხერხდა, ომს იმუქრებოდა.

შადიმანი? ჩაიციანა:

— ბაგრატსაც დიდი იმედი აქვს მაგისი. არ შეიძლება ეომო იმ დიდებულს, რომელიც ღირსი გახდა ქართველი შეფეებისა და ერანის

პირველი ხანის წვევისა. დედოფალმა წერილობით უნდა მიულოცოს და ძღვენიც გაუგზავნოს.

მარიამს ზრდილობა დაავიწყდა და მოჰყვა ტირილს, საყვედურებსა და წუწუნს. უკეთუ მამაკაცები ლაჩრები არიან და ეშინიათ თავადისა, როძელმაც მეფის ოჯახი შეურაცხყო, მაშინ თვით დედოფალი აუტეხს ომს. წენ ხომ თამარ მეფის ძალა-უფლებას მპირდებოდი? ახლა რად მაიძულებ დამცირებას? არასოდეს! მოვკვდები და რუსუდანს არ გაჯახარებ.

შადიმანმა წარბი შეიკრა და მტკიცედ მიუგო: უკეთუ ქართლის უბედურება არ გინდა, გარემოებას უნდა დაემორჩილო. შეგიძლია წერილი არ გაუგზავნო, მაგრამ ძღვენი და მილოცვა კი აუცილებელია.

ლუარსაბი, პირიქით, თავს უხერხულად ჰგრძნობდა. ახლა სწორედ დროა დანაშაული გამოვისყიდო და ქორწილში თავადობის სიგელი გაუგზავნო სააკაძეს. აი სამართლიანი ბააკაც მიჩივებს, თვით შადიმანიც კი სდუმსო. მაგრამ დედოფალმა განაცხადა: უკეთუ ლუარსაბი ჩემი სურვილის წინააღმდეგ წავა, ინდურ საწამლავს დავლეგო. გულწრფელად ნაწყენმა ლუარსაბმა მეგობრული წერილი გაუგზავნა ნუგზარსა და თან ბოდის იხდიდა, მკლოვიარება ნებას არ მძლევს ქორწილს დავესწრო, მაგრამ, იმედია, რუსუდანი მობრძანდება მეტეხში, სადაც მასა და გიორგის საპატიო ადგილი ელოდებოა.

ეს წერილი და ძღვენი ნუგზარს შადიმანმა მიართვა, რომლის მისვლამაც დიდად გააოცა ყველანი. მართალია, თავადი მხოლოდ ერთი დღით ეწვიათ: მკლოვიარება ნებას არ მძლევს დაეყოვნო მამაც ნუგზარისასაო, მაგრამ ეს ერთი დღეც მხოლოდ ნუგზარისა და მისი ოჯახის ქება-დიდებაში გაატარა.

ნატო ზეიმობდა, ზურაბს დიდა აამა ლუარსაბის გულწრფელმა წერილმა, მხოლოდ რუსუდანს არ უღირსებია შადიმანისათვის არცერთი შენედა, არცერთი ღიძილი.

„ნამდვილი ქანდაკება, — ჰტიქრობდა შადიმანი. — ორმაგი სიამოვნება მოელის დიდებულთ, თუმცა, თუმცა...“

თავადმა სააკაძეს გადახედა და უნებლიედ შეერთა.

აბრეშუშის ხალიჩებზე, ფუმუჟულა ბალიშებზე იჯდა სააკაძე, მის გვერდით კი — რუსუდანი. თეთრი ატლასი ამშვენებდა ახოვან გიორგის, მკერდზე ძვირფასი თვლები უბრწყინავდა. სპარსულ თეთრ თაჯაზე, რომელიც შაჰ აბაზს გამოეგზავნა საქორწილოდ, ბრილიანტის ვარსკვლავი ციმციმებდა.

შადიმანი მძაფრმა ექვმა შეიპყრო:

„რატომ წინათ ვერ მივხვდი? განა ნუგზარი ჩვეულებრივს აზნაურს მისცემდა თავის ქალს? მაშასადამე, სააკაძე შაჰს მიეყიდა? აღჩა-ყალა!.. — შადიმანი კინალამ შესტა. — დიდებული ციხე-დარბაზი

ნოსტეში. ოქრო სად იშოვნა? გიორგი X ამდენს ვერ მისცემდა. აღჩა-ყალა გაუყიდნია!..—შადიმანი თავისსავე ფიქრებში იხლართებოდა.—მაგრამ საბუთი სად არის? ასპარეზობის შემდეგ ნუგზარს გაჰყვა. ნუგზარმა იცის ყოველივე... რა თავაზიანად ეპყრობა ყარაჯულაი-ხანს...ო, საქიროა ორმაგი სიფრთხილიე... კარგია, რომ ქორწილში მოვედი... ნუგზარი კმაყოფილია, ლუარსაბის მტრობა არა აქვს, მის წინააღმდეგ არ გამოვა. დედოფლის წინააღმდეგ? არც იმისა. რუსულდანს არაფერი უამბნია, დედოფალზე უფრო კჳუიანია... კარგი ვქენ, რომ ქორწილში მოვედი: ვნახე, როგორ ეკავა გვირგვინი ბატონიშვილ სვიმონს რუსულდანის თავზე... ეგერ ბებერი ცბიერი ლაზნელი კვლავ ბაადურს აწონებს თავის ქალს. ამბობენ, ხორეშანი, რაც მეტეხიდან წავიდა, ნაკლებს ამაყობსო. ეს ვინ დაუსვამს გვერდით რუსულდანს? რა ჯანდაბაა, თვალის კი დამიბნელდა. ვინ უნდა იყოს? გულშარის რომ დაენახა, შეშფოთებული ერთბაშად ლუარსაბის საწოლისაკენ გაექანებოდა... ვინ არის? სააკაძის და? სამმაგი სიამოვნება მოელოთ დიდებულთ... კარგია, რომ მეტეხში არ მიესვლება. ჩემი მეგობარი დათო ქავთარაძე კი ხორეშანთან ცეკვავს. ე, ე, იცოდე. ეუდ მაგალითს გაძლევს რუსულდანი, მაგრამ... ნუგზარის მომხრეთ სულითა და გულით ვისურვებდი მეორე აზნაურიც დაექორწინებინოთ... კარგია, ქორწილში რომ მოვედი, ბევრი რამ სასარგებლო ვნახე, —“შეშფოთებით ჰფიქრობდა შადიმანი, განთიადისას რომ ანაწურს სტოვებდა.

კიდევ ერთი ცხენოსანი წავიდა ისე, რომ ერთი კვირის ლხინის გათავებებს აღარ მოუცადა: დიმიტრი ნოსტეს მიიჩქაროდა, რათა ნინო, წმინდა ნინოს მონასტერში გაეცილებინა.

თავი ოცდამეთხუთმეტე

შვიდას ოცდაათმა დღემ განვლო აღფრთოვანებულ იმედებსა და სასოწარკვეთილებაში.

აგუგუნდა ლოროტოტო და ათასისთავმა სააკაძემ ხმალი აღმართა, ასისთავებმა ლაშქარი დააწყეს და ათისთავები რაზემეულებს ჩაუდგნენ. მოზარდთაგან შემდგარი მზვერავეი რაზმები, ასისთავის, ერასტის მეთაურობით, ტყეს მოედვნენ, ხიდან ხეზე ხტოდნენ, ფორთხავდნენ, ცოცავდნენ და დაბალის ხმით მოახსენებდნენ ათასისთავს „მტრის“ მოძრაობის შესახებ.

ასისთავებმა ხმალი იშიშვლეს, კოლონებმა შუბები აღმართეს, დაიყენენ, დიდი ნაბიჯით შემოუარეს ტყესა და რკალი შიშოარტყეს.

დაჰკრეს დაფი. ხეებზე შაშვებივით ისტინეს მზვერავეებმა და მინდორზე ყიჟინით გამოიქრა ცხენოსანი ჯარი, რომელსაც შუბოსნები შეეგებნენ.

მტრის ცხენოსანი ჯარის მოგერიება, ერანული სტრატეგიის წესით, დამთავრდა. ათასისთავმა სააკაძემ კვლავ აღმართა ხმალი და ლაშქარი სიმღერით გაემართა ნოსტესკენ.

ნოსტეში ჰქრის დიდი ქარი
ჰარიალაღე.
ბუკი გვიხმობს, დაჰკრეს ზარი
თარიჰალაღე.

დე თბილისის კარის ახლოს
ჰარიალაღე,
მოცეკვავე მელა ვნახოთ
თარიჰალაღე.

ჩენი ჯარი—გმირთა ჯარი,
ჰარიალაღე,
აზნაურთა გაჰკვეთს ხმალი
თარიჰალაღე.

საბრძოლველად მტერთან გვგზავნის
ჰარიალაღე,
თვით გიორგი და ნუგზარი
თარიჰალაღე.

დანიტება ბრძოლის ალი
ჰარიალაღე,
აზნაურთა გასქრის ხმალი
თარიჰალაღე.

ათი თავზე ხელაღებული ასისთავი, განუყრელი „ვეფხი“, რომელთაც მეთაურობდა მრისხანე ათასისთავი, ნოსტეს ციხისკენ გაემართა სიმღერით.

საკაძის გული სიამაყით აივსო: როგორც იქნა, ნოსტეში ათასი უშიშარი მეომარია, მაგრამ მხოლოდ ლაშქრით როდი ამაყობდა გიორგი, ნოსტეში ახალი ხიდი ააგეს, ქუჩები მოკირწყლულია, აშენდა ახალი სახლები და მხოლოდ მდინარის ნაპირას წინანდულადვე ჰგდია დიდი, საყვარელი ძელი და სააკაძის ძველი სახლიც, ვით წარსულის ძეგლი, ხელუხლებელია. სადაც წინათ მესეფეთა დახუთული უბანი იყო, იქ გაიმართა საზოგადოებრივი ერბო-კარაქსადღეები სახელოსნო, — ნოსტეს ახალი საწარმო, რომელსაც გულმხურვალედ პატრონობდა სააკაძე, და შალსაქსოვი ქარხანა, სადაც ერასტის მამის, მოხუც გორგასლის მეთვალყურეობით უკვე ოცდაათი ხის ჩარხი მუშაობდა. სააკაძის ბრძანებით, ნოსტეს დიდ ბაზარზე მხოლოდ ზედმეტ პურს, მატყლს და პირუტყვს ჰყიდდნენ.

ნახევრად ბნელ საფეიქროებში წმინდა შალი მზადდებოდა. საძოვრებზე მსუქანი ცხვრის ფარა სძოვდა. აშენდა ხის ახალი ფარდულები,

რომლებიც სავსე იყო წმინდა, გაჩეჩილი და დახარისხებული მატყლით. აქ ბავშვებსაც კი შესაძლებლობა ჰქონდათ თავიანთი წილი შეემუშაებინათ.

ერბო-კარაქი ნოსტეში სულ უფროდაუფრო იზიდავდა უცხოელ ვაქრებს. მატყლი — საჭურველსა, ცხენებსა, უნაგირებსა, ვერცხლის ნაკეთობათა, კურკელსა და მორთულობაში იცვლებოდა. ნოსტეში ფარულად იკრიბებოდა აზნაურთა ყრილობა, აზნაურებული ბაზრობა ასპარეზობით, ჯიჩითობითა და სამხედრო თამაშობით მთავრდებოდა. ლოროტოტოს მრისხანე ყვირილსა და დაფის გუგუნში, ლაშქართა სამხედრო ყიჟინაში სწრაფად განელო ორმა წელმა.

ნოსტეს ციხე-ღარბაში ნამდვილი სიმაგრეა. მიწისქვეშა ხერელი დიდგორის მთებში გადის. გაყვანილია ფარული არხი და მიწისქვეშა ვრცელი სადგომები ომის შემთხვევაში ნოსტელებისა და მათი ქონების დასამალავად. ყოველივე ბრძოლისათვის კეოლებოდა და არა მშვიდობიანი ცხოვრებისათვის. სააკაძის მოთხოვნით, კავშირში შემავალმა ყველა აზნაურმა რაზმთა ერთნაირი წყობა შემოიღო.

მხოლოდ დიმიტრი და მისი პაპა დარჩნენ ნოსტეში და ციხეში დასახლდნენ. ისინი ეხმარებოდნენ სააკაძეს მისი ფართო ზრახვების განხორციელებაში და მის მაგიერობას ეწეოდნენ გიორგის იქ არყოფნის დროს. პაპა სიამაყით ამბობდა:

— რად უნდა წავიდდე? აქ საჭირო ვარ და საქმეც საინტერესოა. მე ჯერ კიდევ ახალგაზრდა ვარ, არ მინდა ბუხართან ვიჯდე და ნაცარსა ვჩხრეკავდე.

დიმიტრიმ უხმოდ, მაგრამ მძაფრად განიცადა მონასტერში ნინოს წასვლა. რუსუდანმა პაპას ჩააბარა მეთვალყურეობა პატარა პაატას აღმზრდელებისადმი, და ამ გარემოებამ მჭიდრო მეგობრობა წარმოშვა რუსუდანსა და დიმიტრის შორის.

რუსუდანმა ერთბაშად აულო ალლო, თუ როგორ უნდა მოქცეულიყო ნოსტეში და სულ მოკლე ხანში საყოველთაო პატივისცემა დაიმსახურა.

მხოლოდ თეკლეა თავდაპირილი მისდამი, რადგანაც გულში ძვირფას ნინოს ნაღვლობს; და თუმცა პაატას დაბადებამ სინაზის გრძნობა აღუძრა რუსუდანისადმი, თეკლე მაინც ფარულად განაგრძობდა წმინდა ნინოს მონასტერში სიარულს, სადაც ნინო იყო აღკვეთილი, და იქიდან დაბრუნების შემდეგ მუდამ ავადმყოფი იწვა.

სიბრაალულისაგანო, — გამოუტყდა იგი პაპუნას.

როცა ათი თვის შემდეგ არაგვის ერისთავები ნოსტეს ეწვივნენ, ძალიან გაოცებულნი იყვნენ იქ მომხდარი ცვლილებით. ცივი, თავშეკავებული რუსუდანი გაიფურჩქნა, გამშვენიერდა, მკვირცხლი და მხიარული შეიქნა და თვალს არ აშორებდა გიორგის, ხოლო პაპა პაატას სინაზით იკრავდა გულში.

საყვარელი ქალის ბედნიერებით გახარებული ნუგზარი უფრო დაუმეგობრდა სააკაძეს და შეჭთიცა ყოველი მტრისაგან დაგიცავო. ასეთივე ერთგულების ფიცი მისცა ზურაბმაც.

მხოლოდ ერთი რამ აწუხებდა გიორგის: მეტეხმა დაივიწყა იგი-რუსულანმა რომ ქძარს შეშფოთება შეამჩნია, გადასწყვიტა ემოქმედ-ნა და, პირმშოს დაბადების აღსანიშნავად, ქვათახევის მონასტერს უხვი ძღვენი გაუგზავნა, თანაც მოძღვარ ტრიფილიოსს სთხოვა, ნოსტეს მობრძანდი და პაატა დამილოცეო.

შემდეგ მოძღვარი ხშირად ესტუმრებოდა ხოლმე ნოსტეს, რასაც სერიოზული შედეგი მოჰყვა.

რუსულანის სილამაზითა და დიდი ქვეით, აგრეთვე ნუგზარის გულუხვობით მოხიბლულმა ტრიფილიოსმა გადასწყვიტა იერიში მიე-ტანა ლუარსაბზე... საპი თვის შემდეგ სააკაძესა და რუსულანს მე-ფის დაპატივება მოუვიდათ, ირმის ნადირობაზე მეწვიეთო.

სანამ სააკაძე ახნაურთა კავშირს ამაგრებდა, ლუარსაბი კი ლა-მაზითა გულს იპყრობდა, შადიშანი სტამბოლის საიდუმლო ელჩის სელიმ ბეგის გულს ჰხიზლავდა: თურქეთისთვის საჭიროა ქართლის კავშირი. დაუსრულებელი ობი შაჰ აბაზთან სტამბოლის გამარჯვებით უნდა დამთავრდეს. სტამბოლს ხომ ხელსაყრელი ზღვა უკავია. ამის-თვის ლუარსაბმა ქართლზე უნდა გაატაროს თურქთა ჯარი. ხალი-ფაშა დაიკავებს არდებილს, ჯუფას, ეძგერება თაფრიზსა, ბოლოს აღსტაფით ერევანში შეიქრებაო...

შადიშანმა კარგად იცოდა, თუ რამდენად სახიფათო იყო ერა-ნის გადაკიდება: სტამბოლი რომ დამარცხდეს? განა ამით არ ისარ-გებლებს შაჰ აბაზი, რათა სრულიად მოსპოს ქართლი? რასაკვირ-ველია, ისარგებლებს. მაგრამ ამჯერად ნაკლებ მოსალოდნელია სტამ-ბოლის დამარცხება. ხალილ-ფაშა გამოჩენილი მხედართმთავარია, ბაღდადი შაჰ აბაზს წაართვა... ათი ათასი რჩეული ენგიჩარი მოჰ-ყავს, გარდა ამისა, მოსფორის ასი ათასი ცხენოსანი და ორმოცი ათასი ქურთი.. არზრუმიდან ყარსზე და ლორეზე დაიძვრის გამოც-დილი მხედართმთავარი ხოსრო-ფაშა. კაპუდონ-ფაშა, ქართლის-ჯართან ერთად, საზღვარს დაიცავს და ხელს შეუშლის, რომ სპარ-სეთის ჯარი აზერბაიჯანით არ შემოიქრას. თუ სტამბოლმა გაიმარჯ-ვა, ქართლი ვრცელ სამფლობელოს მიიღებს ოლთისიდან მოკიდე-ბული აღსტაფამდე, რომ არ ვილაპარაკოთ ისეთ მცირე სარგებლო-ბაზე, როგორიცაა აღჩა-ყალა, საბარათიანოს მიწაწყლის, სანაინით, მდიდარი ტყეებით, მდინარეებითა და ციხეებითურთ. ყოველივე ეს მეტად გააფართოებს ქართლის სამფლობელოს, გააუხეებს ქვეყანას, თავადებს საქონლითა და ხალხით გაამდიდრებს.

ამ მოსაზრებათა გარდა, იყო კიდევ სხვაც, არანაკლებ მნიშვნე-ლოვანი: ანანურის ქორწილი ბეერს მოწმობს იმის შესახებ, რომ

შესაძლებელია აფხაზეთი, გურია, იმერეთი და კახეთიც კი ქართლის საქმეებში ჩაეროინ. არც უარაჯულაი-ხანის მოსვლა უნდა დავივიწყოთ... ვინ იცის, იქნებ ქართულთა სამეფოებმა გამოიყენონ ნუგზარის ძლიერება, სააკაძის გავლენა და გაიყონ. ან კიდევ, ვინ იცის, იქნებ მეფის აზნაურები ჭვიქრობენ გამოიყენონ ქართველთა მეფეები, რათა აჯანყება მოაწყონ დიდებულთა წინააღმდეგ. ვინ იცის იქნება თვით მეფეცა მოისურვოს ისარგებლოს შემთხვევით და, შაჰ აბაზის მსგავსად, განთავისუფლდეს დიდებულთაგან, ამასთანავე ხალხის ნება-სურვილი მოიმიზეზოს და თავი თვითმპყრობელად გამოაცხადოს. ლუარსაბისაგან ასეთი რაჰ მოსალოდნელია... სამღვდლოება? იგი ძლიერს გაჰყვება...

რალა მოუვიდა დიდებულთ საგვარეულოს, მთავართა ძლიერებასა და ხელისუფლებას, მეფის ტახტის ბრწყინვალებას? ნუთუ ქვეყანა მდებრივთ უნდა ჩაუვდომოთ ხელში? ნუთუ ქართლს იაფი ქეჩა მოვასხათ? განა ასეთი ქვეყნის მეფე მწყემსს არა ჰგავს? არა! სანამ თავადი შადიმან ბარათაშვილი ცოცხალია, ასეთი სამარცხვინო რამ არ მოხდება, უცხოელები ვერ დასცინებენ მდებრივთა ქვეყანას... დიდებულნი და მეფე არიან ქართლის ბატონ-პატრონნი და არა მეფე და აზნაურები... თურქეთთან კავშირი გაამდიდრებს დიდებულთ, დიდ მამულთა გარდა, აღთქმულია დიდძალი ოქრო, და მაშინ თურქთა დახმარებით შესაძლებელი იქნება სამეფო აზნაურთა გარეკა, მათი მიწების დიდებულთა შორის განაწილება, მათი მეთაურების ამოკლეტა და გამდიდრებულ ქართლში მშვიდობიანობის დამყარება.

ერანში თავადთა ყოფა ძალიან ცუდია. შაჰ აბაზმა მოსპო ხანების უმრავლესობა და უარს არ ოტყვის ქართლშიაც გაიმეოროს ეს სეირი-შაჰი აზნაურების მომხრეობ. ტყვილად კი არ აძლევენ უპირატესობას სპარსელი ვაჰრები აზნაურების საქონელს. ხოლო რამდენი თუმანი მიიღო სააკაძემ ნოსტურ მატყლში?... იქნებ მარტო მატყლს კი არ იძლეოდეს სპარსულ ოქროში? ქარავენები ხშირად დადიან ისპაჰანს... დიად, საჭიროა კარგად ჩაუუფიქრდენ ამას... უმჯობესია ვარდან ბრძენი გავაყოლო უკან. ასლამაზი საამისოდ არ გამოდგება, სამეფო აზნაურებს მიესყიდა. ვარდანმა კი ოსმალეთში ერთხელ კარგად იმოგზაურა.

შაჰისტავის ხელსაყრელია აზნაურთა ძალები, მათ დიდი სამფლობელოები არ გააჩნიათ, მეფის წინაშე გავლენა არა აქვთ. შაჰს ყველაზე უფრო სტამბოლის ჩარევისა ეშინია... ყველაფერი კარგად გივარაუდნია, ძვირფასო შაჰ აბაზ, მაგრამ ერთი რამ დაგვიწყნია. დიდებულთა გატეხა არც აგრე ადვილია... დიად, სანამ სამეფო აზნაურებს მთელი ქართლი არ მოუწამლავთ, საჭიროა მათი შეზღუდვა და... შეძლების და გვარად მათი ამოკლეტაც.

უწინარეს ყოვლისა, საქიროა გამოვარკვეო, აზნაურთა რა საქონელი მიდის ისპაჰანს. ამ გზით არის სწორედ საქირო კისერი მოვეგრინხო სააკაძეს... დიდი ექვეები მაქვს, მაგრამ სანამ იგი არ გამოშიშვლანება, საშიშია ამაზე ხმამალლა ლაპარაკი... ქსნის ერისთავი შალვა და მუხრან-ბატონი მამაცი ნუგზარის მოკავშირეები არიან,—მათი გადაკიდება არ ვარგა, მეტად ძლიერნი არიან... ბაგრატიისა და ამირინდოს იმედი არ უნდა ვიქონიო, თუმცა ნათესავეებიც არიან. წყნარად არიან, სანამ შემთხვევა არ მიეცემათ შადიმანს უღალატონ...

ლუარსაბმაც დაიწყო ფიქრი და მრავალ მეფეზე გაცილებით უკეთაც ჰფიქრობს. უწინარეს ყოვლისა, საქიროა ყოველის გზით ვეცადო მის გადაბირებას სტამბოლის მხარეს. თურქეთთან კავშირის ხელსაყრელობის დამტკიცება ორი გზით შეიძლება: მოვხიბლო მეფე მისი მძლავრი ხელის მეოხებით ქართლის აყვავების სურათით და გავაშაო სააკაძე, როგორც შაჰის ფარული ჯაშუში და ჩვენი ქვეყნის მოღალატე, რომელიც ქართლზე თავდასხმას ამზადებს.

დიალ, სელიმ-ბეგს ერთხელ კიდევ მოუხდება მოსვლა. ერთბაშად არ შეიძლება, სახიფათო საქმეა. ლუარსაბიც ფრთხილად უნდა მოვაშადო, შაჰ აბაზის ერთგულია, დის გულისათვის შიშობს. დიდებულთ აზნაურებისა ისე ეშინიათ, როგორც ვეფხისა... მუხრან-ბატონსა და ქსნის ერისთავს ექვი უნდა შთაეუნერგო სააკაძის შესახებ. თვითვე შეშინდებიან, ისინიც თავადები არიან, მაშინ ლუარსაბი ფელარ გაბედავს ყველა მძლავრი თავადის წინააღმდეგ წასვლას. დიალ, შადიმანი დიდ საქმეს იწყებს, ვნახოთ, ვინ გაბედავს მის წინააღმდეგობას..."

რუსუდანმა მეფის მიპატიჟებაზე ავადმყოფობა მოიმიზეზა:

— მეტეხში ფეხსაც არ დავედგამ, სანამ მარიამი ცოცხალია,— გამოუტყდა იგი ტრიფილიოსს.

რაკი მათი ურთიერთ სიძულვილის მიზეზი იცოდა, მოძღვარმა აღარ დაიჟინა. სააკაძე დიმიტრის, პაპუნას, ერასტისა და ასი მოლაშქრის თანხლებით თბილისს გაემართა.

გამგზავრების წინ სააკაძემ განგებისი სიმკაცრით ჰკითხრა ერასტის, ამ ბოლო დროს სად დაიკარგეო.

ერასტიმ ცბიერად გაიღიმა:

— დაჩეჯანთან, ჩემო ბატონო. ძალიან ლამაზია, თანაც ავია, როცა ვკოცნი, მცემს.

— აი, შე უძლებო თავადო! ქორწილი როდის არის?

— როცა შენ მიბრძანებ, ჩემო ბატონო, დარეჯანი, ვიცი, თანახმაა, აგრეთვე მამაც, იგი ამბობს: „ქკუიანი დედა ოჯახის სიმდიდრეა, ლამაზი ცოლი კი ცხოვრების სამკაულიაო..."

მეტეხში მომზადრმა ცვლილებამ გააოცა გიორგი, თითქოს იქ არასოდეს არა ყოფილაო. მას აკვირვებდა დიდი ფუფუნება და მიუწოდომლობა. სასახლეში ცხოვრება, გარდა დიდებულთა და უმაღლეს სამღვდელო პირთა, წვეულების დროს არაეის არ შეეძლო. სტუმართათვის შადიმანმა მეტეხის ახლოს ააგო დიდი სახლი, მაგრამ ბევრი დიდებული თვითონ იშენებდა და იწყობდა საკუთარ სახლს. გიორგის დაბრუნებით გულწრფელად გახარებული ბააკა დათოს იქ არ ყოფნაზე სწუხდა.

— არაფერია, თავადო, შადიმანთან ომი ჯერ არ გათავებულა. ჯერ კიდევ არავინ იცის, ვინ გაიმარჯვებს, საპიროა თვალი აუხილოთ ლუარსაბს.

— მეგობარო, შე შენ გონიერ კაცად გთვლი. გაიხსენე, დათოსაც სურდა, თვალი აეხილა გიორგი X-სათვის, მაგრამ ამან თვალი სამუდამოდ დახუკა.

— ნუ სწუხარ, თავადო, სააკაძე უფრო კეთილგონიერია. დათო ახალგაზრდა იყო, ფიცხი, ახლა კი მანაც ბევრი რამ ისწავლა, ფრთხილი გახდა.

— დიად, ვიცი, რა ფრთხილიცაა, — გადაიხარხარა ბააკამ, — ხორეშანს გათხოვება ვერ მოესწრო, რომ იგი უკვე ფანჯარაში შეძვრა. ხორეშანი ფარული ხერხებით გაიპარა. თავადმა ვერ გაიგო, თუ ვინ იყო, თორემ უთუოდ მოჰკლავდა, თურმანიძე სასტიკი მოხუცია.

— ე, ძვირფასო ბააკა, მაშასადამე, ამ ამბის დასასრული არა გცოდნია. დათო ფანჯარაში უკვე აღარ ძვრება, ფარული ხერხით შედის.

ბააკა ხმამაღლა ხარხარებდა.

— აგრე მოუხდება იმ დაეანგებულ სატევარს, განა შეიძლება ორმოცდაათი წლისამ ცეცხლი შეირთოს?

— ხორეშანი ამბობს: რაკი საყვარელს არ მიმცეს, მოხუცს განგებ გაეყე, რათა დათოს გული დამეპყროო. გულადი ქალია. ხშირად დაიარება რუსუდანთან, მეგობრები არიან... მაშ შენ ამბობ, ძნელია მეფეს ნახვარ? გამოდის, რომ იგი ტყვეა შადიმანისა.

— შადიმანი მოხერხებულად ქსელავს, მეფე ვერ ამჩნევს. ნადირობაზე გაახსენე მეფეს თავი. გარშემო შადიმანის მსახურნი ახვევიან, ჩემი მცველებიც თავისი კაცებით უნდოდა შეეცვალა. მე ლუარსაბს საიდუმლოდ გადავუყარი სიტყვა, თუ რა საფრთხე იმალება ამაში-მეთქი. შადიმანი ძლიერ ჯავრობდა, მაგრამ ლუარსაბმა უთხრა: „სასახლის მცველებს არ გამოვცვლი, მემკვიდრეობითია. როგორც მამა-პაპანი იქცეოდნენ, სამუდამოდ ისე დარჩება.“ უმაღლური დედოფალიც მოითხოვდა მცველთა გამოცვლას. ჩემი გაგდებაც სურდათ. ბევრი რამ ვიცი დედოფლის შესახებ, არასასიამოვნო რამეა... ორთხილად იყავ, გიორგი, ხერხეულიძის მოსპობა ძნელია, აწნაურს

კი არ მოერიდებიან. დააკვირდი შადიმანის მუშაობას: ქართლში მხოლოდ კენესა გაისპის, ხალხი სიცილს გადაეჩვია, მეფისთვის თქმას კი ვერაფერს ბედავს, იციან, არ დაუჯერებს და მტრად ჩასთვლის ყველას, ვინც შადიმანზე ცუდს ეტყვის.

— გმადლობ, ბააკა, შენ საუკეთესო მეგობარი ხარ ჩვენი... შენს რჩევას მტკიცედ დავიხსომებ.

სამ დღეს დაჰყო სააკაძემ თბილისს, საკუთარ სახლში, რომელიც ნუგზარმა მისთვის იყიდა, მაგრამ, როგორც ბააკამ უწინასწარმეტყველა, მეფემ იგი არ მიიღო. მეფის მახლობელმა კარისკაცმა, ბატონი შვილმა ვახტანგმა განუცხადა:

— მეფეს არა სცალია და ნადირობამდე არავის მიიღებსო.

სასახლის მიუწვდომლობამ ის გამოიწვია, რომ დიდებულნი მეტეხის გარეთ ხედებოდნენ ერთმანეთს, საღამოობით კი მუხრან-ბატონის ძვირფასად მორთულ სახლში იკრიბებოდნენ, რომელსაც ხუმრობით პატარა მეტეხი დაერქვა.

მარიამმა რომ ეს გაიგო, მეტად გაჯავრდა: იგი ვარაუდობდა, დიდებულთა ოჯახები ყოველის გზით ეცდებიან ნებართვა მიიღონ ჩემს მცირე მიღებაზე დასწრებისათ, მაგრამ, მუხრან-ბატონის სტუმართმოყვარეობის გამო, დიდებულები იქ იკრიბებოდნენ, და მარიამის სამყოფელი თითქმის ცალიერი იყო.

მარიამმა მუქარას მიჰყო ხელი, მაგრამ შადიმანმა დაცინვით გაახსენა: შეუძლებელია მუხრან-ბატონს აუკრძალო არა თუ სტუმრები მიიღოს, არამედ თვითონაც სტუმრად იაროსო.

მუხრან-ბატონის მხიარულ ოჯახში სააკაძეს ერთბაშად მიაქციეს ყურადღება. ცნობისმოყვარეობით ათვალეობდნენ მის მდიდრულ ჩაცმულობას. ორმა განვილიმა წელმა ვერაფერს დააფიქსა რუსუდანის უცნაური გათხოვება, რის შემდეგაც ახალგვარადაწერილი ერთხელაც არ უნახავთ მეტეხი. სააკაძეს გარს შემოეხვივნენ და ეკითხებოდნენ, რა მიზეზია, რომ რუსუდანი არ გახლავთო. გიორგი ირწმუნებოდა, რუსუდანს პირმშოს სიყვარული აკავებს, ხოლო განცდილმა სიხარულმა უფრო დაამშვენა იგიო. დიდებულთა მეუღლენი მოწონების ნიშნად იცინოდნენ სააკაძის აღფრთოვანებაზე.

საკაძე სწრაფად შეეგება შემოსულ ხორეშანს. ხორეშანს ნებჰქონდა მეტეხში თავისუფლად შესვლისა და სიამოვნებით უზიარებდა ახალ ამბებს.

— რაო, მეფეს არა სცალიაო? ჰა, ჰა, ჰა!.. რაიღ, რა თქმა უნდა, არა სცალია. მეტეხში ნამდვილი ომია. ნესტანს ძალა ელევა, მთელი მეტეხი იწვის მისი თმის ალში. გულშარმა იცის, რომ ლუარსაბს ყველაზე უფრო ეს ოქროვანი ალი მოსწონს და, ნესტანი... რომ არ ფრთხილობდეს, კარგა ხანია შეაკრეჭდა მის დიდებულ ნაწნავებს. უკვე ორჯერ დაიჭირეს ნესტანის ოთახში გულშარის მოგზავ-

ნილი ქალები, რომელთაც მაკრატელი მხად ჰქონდათ... როგორ სცემეს! ამბობენ, სულ დაჟეჟილი წავიდნენო. ლუარსაბი მთელ დღეს ხარხარებდა, ძალიან მოეწონა. ნესტანიც არ გახლავთ მტრედი. გულშარი მორთულობით იქებს თავს. ერთი მწვანე მარგალიტით მოქარგული კაბა ლუარსაბს ძალიან მოეწონა. მთელი დარბაზი აქებდა ამ კაბას. გუშინ გულშარს სურდა ჩაეცვა იგი, მაგრამ კაბა... ვთქვათ, თათლით არ იყო გასერილი... გულშარი ცოფმა შეიპყრო. კინალამ დახოცა თავისი ფარეშები, ჩემს ბინას ცუდათ იცავთო, ქალები იფიცებინან, ნესტანის ძიძა კუდიანია, ფუტკრად იქცა და შემუხნევლად შემოფრინდაო... დედოფალი? რასაკვირველია, ეზიზღება ნესტანი. აგრეთვე შადიმანსაც. დიდი ხანია მოჰკლავდნენ, მაგრამ ლუარსაბმა დაიფიცა ნესტანს რომ რამე მოუფიდეს, მთელ სასახლეს გაერეკავო. ნესტანის ნახვა რად გინდა, გიორგი? დიდი საქმე გაქვს? კარგი, ვეტყვი... ნუგეშინია, ვიცი, ვერაფერს ვაიგებ... დათო რად არ მოიყვანე? გინდა, ლუარსაბს მოვაგონო მის შესახებ? ჯერ აღრეა? შეიძლება მოვიცადოთ. დახე, ბატონიშვილი სიმონი მობრძანდა. პირველად ვხედავ აქა, სურს თავადების გული მოიგოს. სულ იმის ცდაშია, გაიგოს—რბილი საჯდომია თუ არა ქართლის ტახტი...

თავი ოცდამეთექვსმეტე

ქართლი ფერ-უმარილს იცხებს. აივნები შეღებილია იაფფასიანი ვარდისფერი, მტრედისფერი და ყვითელი საღებავით. ლობეები, ქუჩები, მოედნები და ხიდები შეკეთებულ-დასუფთავებულია, ბანებზე ფარდაგებია დაკიდებული, რიკულებზე კი—ქრელი ქსოვილები. დაბალ კარებში დათვის ტყავები აგია.

მდინარეთა წყლებში იხატებიან მოკაზმული ქალაქები და სოფლები.

სახლებში ჩხუბი ხვეწნა და ტირილია: გამოაქვთ წართმეული ქონება.

ბაზრებში ყვირილი, გინება და მუქარა: ნაცვლები და ასასები სხვის ცხენებს ჰკაზმავენ, სხვათა ცხვრებს ჰკლავენ, სხვათა ყველს ამარილებენ, სხვათა ფრინველსა სწვავენ და სხვათა პურს აცხობენ.

შიშით მოცულ ქუჩებში დაძრწიან ხმაჩახლეჩილი ასასები და გაისმის შოლტის ტყლაშუნი.

ქართლი ფერ-უმარილს იცხებს. საჩქაროდ ემზადება, რათა სიხარულით შეხვდეს მეფეს.

ხალხის მოუთმენლობაზე მოახსენებენ ასასები თავის ტფილისელ უფროსს, იგი თავის მხრით—სამეფო ნადირობის გამგეს, სამეფო ნადირობის გამგე—ციხის თავს, ციხის თავი—შადიმანს, შადიმანი კი—მეფეს.

მეფე ჩქარობს. მოლარეთუხუცესს უბრძანეს, ქისები გაავსეო. მოლარეთუხუცესი მელიქებს მოუწოდებს, მელიქები—ნაცვლებს, ნაცვლები—ამქართა, მამასახლისებს და ხარკის მკრეფელთ: ქისები საესეა.

ლუარსაბი იჩქარის, რათა წინაპართა ჩეულება აღასრულოს და გაეცნოს თავის სამეფოს. შადიმანი სხედასხვა საბაბით აყოვნებს მოგზაურობას. მან მოახერხა და მეტეხის ბრწყინვალეობით დაარწმუნა ლუარსაბი, ქვეყანა ჰყვავისო, მაგრამ სამეფოში მოგზაურობა კი სულ სხვა საქმეა.

ბააკას ფრთხილი რჩევით, ლუარსაბმა მოგზაურობა გაზაფხულისთვის დანიშნა. შადიმანმა ქალაქად და სოფლად ერთგული კაცები დაჰგზავნა.

მაისში დაიწყო ლუარსაბ მგორის საზვიმო მოგზაურობა. ლუარსაბი დიდი პატივისცემით უგდებდა ყურს ერთგული ბააკას საიდუმლო რჩევას და თავის მხლებლებად მიიწვია არაგვისა და ქსნის ერისთავები, მუხრან-ბატონი, სააკაძე და მრავალი ბრწყინვალე გვარეულობა. ხოლო შადიმანის სურვილით კი—ბატონიშვილი სვიმონი და ბაგრატი, ჯავახიშვილი, რევაზ ორბელიანი, მალაქაძე და შადიმანის სხვა მომხრეები.

დედოფალი მარიამ მეტეხში დარჩა სამეფოს მმართველად.

გულშარმა თავისი საუცხოო მორთულობითა და მრავალი ამალით ჩაჩრდილა მთელი ქართლის ლამაზები. ტყუილუმბრალოდ ცდილობდა მეტოქეობას მეფის ნაჩუქარ ოქროსფერ ულაყზე ამპარტავნულად მჯდომარე ნესტანი.

უძლეველმა გულშარმა მოსყიდვით შეიტყო ლუარსაბის ქულაჯის ფერი და მარგალიტებით მორთული ეოლოსფერი კაბა ჩაიცვა.

ლუარსაბი თეთრ ტაიქს მიაგელვებდა. მეფეს ამშვენებდა ზურმუხტებით მორთული თეთრი წაღები, თეთრი ფაფახი, რომელზედაც ზურმუხტისავე ვარსკვლავი ბრწყინავდა, ძველებური, ოქროთი ნაქედი ხმალი და ძვირფასი ბრილიანტი ნეკზე.

მეფის ამაღა გამოწყობილი იყო თეთრად, ვარდისფრად და ცისფრად.

ყოველი მათგანი თვალს აცეცებდა და ცდილობდა შეუმჩნეველად გაახლოვებოდა მეფეს.

წინ, მეოთხედ ვერსზე, მიდიოდნენ საომარი წესით დაწყობილი ქეშიკები, მათ მიჰყვებოდნენ თეთრადჩაცმული მოლაშქრენი და ბააკას მიერ შერჩეულ ერთგულ მცველთა რაზმი.

ლუარსაბი, რომელსაც გარს ეხვივნენ დიდებულნი და მთავარნი თავიანთი ოჯახებითურთ, მხიარულობდა, ოხუნჯობდა. იგი სიამოვნებით ჰფიქრობდა კეთილ ქართლში მხიარულ მოგზაურობაზე. ბრწყინვალე ქარაენის ბოლოს იძვროდნენ მრავალრიცხოვანი რაზმები ციციშვილის მეთაურობით. მსახურნი ბარგით დატვირთული აქლემებითა და ცხენებით აღრევე გაემგზავრნენ.

სააკაძე ნურზარისა და ზურაბის გვერდით მიდიოდა. ერასტი კი — ქეჩიკთა შორის.

შესვენება მოხდა გაზაფხულის ყუავეილთა თვალწარმტაც ხალიჩაზე. რაზმებით გარშემოტყმულ ტყეში გაშალეს ჭრელი კარგები.

ლუარსაბმა საიდუმლო მიპატივება მიიღო და ტყეში შევიდა.

დიდი მუხის ქვეშ გულშარი ელოდებოდა. აღფრთოვანებული მეფე ღრუბელს შესცქეროდა, რომელიც ოქროს ვარსკვლავებს არხევდა, და ალერსით ჰკითხა: რად ასე იდუმალ შემომიტყუა ტყის ფერიამ იმედთა სამეფოშიო.

— იმედი, მეფევ, მუდამ ტყეში კი არა, ზოგჯერ ასპარეზზედაც ჰხარობს.

— ასპარეზზე იმედი ჰხარობს, გულშარის ახლოს კი—სურვილი.

— დამცინი, მეფევ?

— არა, ვტკბები!—ლუარსაბმა მძლავრად მიიზიდა თავადის მეუღლე.

— გართობა როდია ტყიური ხილი!—გულშარი გაუსბლტა და შეშფოთებით მიმოიხედა.—მითხარი,—მეფევ, ვის აირჩევ ასპარეზობის მარგალიტად?

ლუარსაბმა იქვენულად შეჰხედა. მოგზავნილია ქმრისაგან, რომელსაც სურს საჯაროდ გაითქვას სახელი, როგორც მეფის მეგობარმაო... ცოტა დუმილის შემდეგ მიუგო:

— მაგაზე ჯერ არ მიფიქრია... რასაკვირველია, გულით შენ მინდინხარ, მაგრამ... აშკარა უპირატესობა შეიძლება ამირინდოს არ მოეწონოს.

— რას ამბობ, მეფევ! მას ძალიანა სურს...—მაგრამ უეცრადვე დაურთო:—რომელი ქვეშევრდომი ისურვებს სხვანაირად?

ლუარსაბს გაელიმა: საბედნიეროდ, ქალის სილამაზე ყოველთვის როდია მისი ჭკუის თანაბარი, თორემ მამაკაცები სულ დაიღუპებოდნენო, და ხმამაღლა მიუგო:

— ვიცი, ყოველი ქვეშევრდომი ცდილობს აამოს მეფეს, მაგრამ ხელისუფლების ბოროტად გამოყენება როდი ვარგა... ასპარეზობამდე შორსაა, მშვენიერო გულშარი, დამე კი სულ ახლოსაა... აბა? კვლავ სდუმხარ?

— შრიალი მომესმა...

და მართლაც, სააკაძე უნებლიედ წამოედო ჯირკსა და სწრაფად მიიმალა ტყეში, თანაც გაგონილზე ფიქრობდა: „ლუარსაბი არც ისეთი ბლაგვი ხმალია, როგორც დიდებულნი ჰფიქრობენ. რაინდის ღირსებას აფასებს და მეტად თავგასულთ არ დაინდობს.“ ასეთმა აღმოჩენამ ძალიან გაახარა სააკაძე. რა თქმა უნდა, გულშარი იყიდის მეტე ხში პირველობის უფლებას, მაგრამ მეფე ახალგაზრდაა, ვნებანი უფრო მალე ჰქრებიან, ვიდრე გულშარს: ჰგონია...

გარნა სააკაძე მალე დარწმუნდა, რომ არათუ თავადები და გულ-
შარი, არამედ თვითონ იგიც მეფეს ვერ იცნობდა.

ლუარსაბის საზეიმო მოგზაურობის მთელს გზაზე წინასწარ გაფრ-
თხილებული სოფლები, სადაც ზეფე ჩერდებოდა, არაჩვეულებრივ
სანახაობას წარმოადგენდნენ. თბილისელი ასასები და ადგილობრივი
ხარკის მკრეფელნი თვითეულ ოჯახს ბეგარას ადებდნენ მეფისა
და მისი ამალის სუფრისათვის, სანამ ისინი ამა თუ იმ სოფელში
დარჩებოდნენ.

და აი საეკლესიო მოედანზე მოერეკებოდნენ რქიანი საქონლის
ჯოჯს. მოათრევდნენ ზამთრისათვის გადანახული თაფლის, ყველისა,
და ერბო-კარაქის დერგებს. მოჰქონდათ ხორბლით სავსე ტომრები,
ღვინიანი ტიკები, ხილიანი კალათები. შეგროვებული სანოვაგიდან
და საქონლიდან წესიერად გამოიყოფოდა მეთერთმეტე ნაწილი ცი-
ხისათვის ამირინდოსთვის და მდივანბეგისთვის, რომლის მოვალე-
ობასაც ამეამად შადიმანი ასრულებდა. მათ მიერ გზაში გაწეული
მძიმე შრომის კანონიერი შემოსავალი მსახურთ ამირინდოს და შა-
დიმანის კოშკებში მიჰქონდათ.

მეფის სტუმრობის მთელი ხნის განმავლობაში ყველა ვალდებუ-
ლი იყო მეფეს ჰხლებოდა, იჯრის დროს შორი-ახლოს მჯდარიყო
და შაირით, ზმით, სიმღერითა და ცეკვით გაემხიარულებინა დიდი
სტუმარი.

ლუარსაბი აღფრთოვანებულია: მამა-პაპათა პატრიარქალური ჩვე-
ულება მის მიერ სრულდება და მეფისა და ხალხის შეხვედრა ქართ-
ველთა ურყევ ერთობას ამტკიცებს.

დღისით მეფეს სადღესასწაულოდ გამოწყობილი, აუარებელი
ხალხი აცილებდა. ხოლო ღამით წინ მირბოდნენ გლეხები და ჩი-
რალდნებით ანათებდნენ საზეიმო გზას.

და მეუ ს წასვლის შემდეგ სოფელი კალიის შემოსევით განად-
გურებულ ყანას ემსგავსებოდა.

მიუხედავად გულშარის სილამაზისა და ნესტანის მომხიბლველო-
ბისა, მიუხედავად ასეულ სხვა კეკლუცთა ხარბი თვალისა, ლუარსაბ-
მა მაინც შეამჩნია გლეხთა უხეირო ღიმილი, მათი უცნაური სიხა-
რული და მათი დედაკაცების მორიდებული თვალი.

და მხოლოდ მეფის გულითადობა ანელებდა ხალხის გაბორო-
ტებას.

მოსახვევებში, გზაჯვარედინებზე ლუარსაბი ქალებს ეკითხებოდა
მათი დაქანცულობის მიზეზს, გარნა შეშინებული ქალები მეფეს მად-
ლობას ეუბნებოდნენ გულკეთილობისათვის, გამხდარნი კი „ღვთის
ნებით“ ვართო.

მეფე ფულს არიგებდა და ჰპირდებოდა: კანონი უნდა გამოვცე,
რომლის ძალითაც სასტიკად დაისჯება ის მამაკაცი, ვინც ქალის

ლაწეთა წამოწითლებას ვერ მოახერხებსო. ქალები მორცხედ იფარებდნენ. ტუჩზე ხელსა და წყნარად იცინოდნენ მეფის ოხუნჯობაზე.

შადიმანმა გადასწყვიტა, გაექარწყლებინა ცული შთაბეჭდილება და მეფის სავალზე სანდო კაცები დაგზავნა სათანადო ბრძანებით.

ქალაში ლუარსაბი კინალამ ცხენზე გადავარდა შეუკავებელი სიცილის გამო. ხარხარებდნენ დიდებულნი, ქყიოდნენ დიდებულთა მეუღლენი. იღრიკებოდნენ ქეშიკნი და მეჩიბუხენი, ხითხითებდნენ შუბოსნები და კიხვინებდნენ ცხენები... წითელი საღებავით მოთხუპნული ქალები და ბავშვები ტრაგიკულად შესცქეროდნენ მზიარულ ქარავანს, შადიმანი ტუჩებს იკვნიტდა, მიუხევედრელი ქარავანი კი სიცილით ჰკედებოდა ქალელთა უხიაგი ჩვეულება-ს გამო.

ლამის სათევზე, გაჩაღებულ კოცონთა პირას, სმასა და ლხინში გიორგიმ დრო იხელთა და ნესტანს წასჩერჩულა შადიმანის გონება-მახვილობის შესახებ. მეფის გულგრილობით დანალვლიანებულ ნესტანს გაეხარდა: შემთხვევა შეძლევა კუდიანის ნათესავს ვუჩქმიტოვო.

სააკაძემ შემთხვევით როდი არგუნა თვისი არჩევანი ნესტანს. მან შეამჩნია, რომ ზურაბ ერისთავი მოხიბლული იყო ნესტანითა და გადასწყვიტა მათი შეუღლებით ზურაბი მეტეხში წეცყვანა და ამით შეესუსტებინა ამილახურისა და შადიმანის გავლენა მეფეზე.

გორში მეფის სტუმრობა დიდებული ასპარეზობით დაშთავრდა. დილიდან დაბინდებამდე ზურანა-ღუღუკი არ სწყდებოდა. ციხის კარებიდან მთავარ ქუჩამდე ჩამწყრივებულ იყვნენ საპატიო ამქარნი და მოქალაქენი და გაოცებულნი უცქეროდნენ ქართლის მეფის დიდებულ სანახაობას. არანაკლები გაოცება გამოიწვია მდიდრული მორთულობითა და მრავალრიცხოვან მსახურთა ჩაცმულობით დიდებულთათვის განკუთვნილმა უზარმაზარმა შენობამ.

სააკაძე და მისი საყვარელი ზურაბი ერთი მდიდარი ვაჭრისას დაბინავდნენ. ერთხელ, ღამით, გიორგიმ შეყვარებულს ურჩია: კი ნუ ოხრავ, არამედ იმოქმედე, ეგეთი წარჩინებული მამაკაცის წინაშე რომელი გული არ ათრთოლდებო? გაოცებული ზურაბი უეცრად წამოიქრა: საიდან იცი ჩემი გულის დარდიო. სააკაძემ ჩაიციხა: განა ძნელი გამოსაცნობია საიათ იბრუნებს პირს უთავაზო მოსაუბრეო?

გორელებთან ერთად ლხინობს ლუარსაბი ციხის ზღუდეზე, რომელსაც იცავს თამარ მეფის ფარი. ფერხულში ჩაბმულან უტეხი მეომრები. წინწილების წკრიალზე მიმოპკირიან ტანადი გორელი ქალები.

გუგუნებს სიმღერა, თითქოს ციხის ზღუდე ზრიალებსო. სახალხო მომღერალთ გამოეყო ლურჯთვალა ჰაბუკი, ხუქუქი თავი გაიქნია, ჩანგი ააღულუნა და გმირული სიმღერა დაამღერა.

მშვენიერი, შეწყობილი სიმღერით მოხიბლული სააკაძე ძირს, ბაღებში ჩაფლულ გორს დასცქეროდა. ათვალეერებდა მიხვეულმოხვეულ ვიწრო ქუჩებს, პატარა სახლებს, დანისლული ლიხვის ლეშტალღებს. ცისფერ ჰაერში უძრავად სთვლემდნენ ვაშლის გამჭვირვალე რტოები.

ხმლის მკრელობას იკვებინდნენ ულვაშა გორელნი, ჯაკვის ჯავშანს იქებდნენ ისინი, არაბთათვის რომ წაერთმიათ. უსმენდა ლუარსაბი გორელთა სამხედრო სიმღერებსა და ტკბილად ილიმებოდა...

სამეფო ბაღს მზემ ოქროს სხივები დააყარა. მოქურუშებულ ტბის პირას შავი გედები სდუმდნენ.

მეფე ისვენებდა და ვრცელი ეზო ლუარსაბის სადგომიდან შორეულ საჯინბომდე მოწყნარებული იყო.

აღღვებული ნესტანი: სურნელოვან ფანჩატურში დაბორიალეგბდა: დიღ, ცხადია ასპარეზობაზე გულშარი მეფის რჩეული იქნება. ტყუილად კი არ უშველა ლუარსაბმა კლდეზე ასვლა. ამირინდოს რალაც საჩქარო საქმე გაუჩნდა მახლობელ სოფელში ეს შემთხვევითი როდია... გულშარი მარტო დარჩა...

ნესტანი სწრაფად შეეგება სააკაძეს.

— გიორგი, მოიგონე რაიმე საშუალება, რომ გულშარი ასპარეზობაზე მეფის გვერდით არ იჯდეს?

— მოვიგონე საშუალება, რომ ორბელიანის ასულს დავეხმარო ღირსეულად დააღწიოს თავი უთანასწორო ორთაბრძოლას. არ დაგიმალავ, თავადის ასულო, მარტო სილამაზით როდი მოსწონხართ. შენმა მახვილმა გონებამ მოხიბლა ჩემზე უფრო ღირსეული კაცი... მაგრამ ვილაპარაკოთ ასპარეზობაზე...

— ჯერ მითხარ, ვინ მოგგზავნა?

— ზურაბ ერისთავს უყვარხარ.

ისტერიულმა ხარხარმა გააყრუა ფანჩატური. ნესტანი ხარხარებდა, სანამ ხმა არ ჩაუწყდა. და თან გაბოროტებული იძახდა: რამდენ მახინჯს უყვარს კიდევ ნესტანი? ან შეიძლება ნუგზარს კიდევ გამოუჩნდეს მეორე ბაადური, ან იქნებ ახლა ყველა ტლანქმა დათვმა ლამაზი უნდა შეიყვაროს? დიდ ხანს ხარხარებდა ნესტანი და ბოლოს ყურადღება მიაქცია სააკაძეს, რომელიც დამშვიდებით ჰფურცლავდა მშვენიერ ვარდს. იქნებ ხუმრობდესო, — გაიფიქრა თავადის ასულმა.

— არა, თავადის ასულო, არ მეხერხება სხვის გულის დაცინვა. მრავალი ავი სიტყვა დახარჯე, რაც შენ არ შეგეფერება... აქ მართონი ვართ. მოიღე მოწყალეება და მოუსმინე გულახდილ მეგობარს, რომელსაც სურს უბედურებას გადაარჩინოს თავადის ასული ნესტანი. დეე ჩემი სიტყვები მწარე იყოს, გარნა როდისმე გაიგებ, რომ ასე ლაპარაკი მხოლოდ ერთგულ მეგობარს შეეძლო. ვიცი, საითკენაც

მიუზრინავ, ნესტან, მაგრამ ფრთხილად! ჰხედავ, რამდენი ხმალი აღ-
მართულა შენი ჰაეროვანი ფრთების შესაკვეცად!.. ნუთუ დედოფა-
ლი დასთანხმდება ასეთ შეუღლებას? ნუთუ დიდებულნი შეიწყნარე-
ბენ, რომ ქართლის მეფე ასე არახელსაყრელად დაქორწინდეს? ახლა
შადიმანის ძალაუფლება? კარვად დააკვირდი გულშარს: აბა ამილახე-
რის მეუღლეს ვინ შეედრება საშუალებათა გამოძებნაში? და განა
დედოფალი, შადიმანი, მთელი მეტეხი გულშარის მომხრე არ არის?
აბა სად შეუძლია მშვენიერს პატარა ნესტანს გვირგვინოსან და უგ-
ვირგვინო ვეფხებთან ბრძოლა!.. ან იქნებ ორბელიანის ასული ცი-
რე რამ აღგიოლმა დააკმაყოფილა მეფესთან? ასეთ რამეს სიამოფ-
ნებით შეიწყნარებენ...

— სცდები, გიორგი, დედოფალი ალერსიანად მეპყრობა და
ლუარსაბიძე სავსებით დამშვიდებული არ არის.. მაშინ, რად არ
უნდა მქონდეს იმედი?

— ნება მიბოძე, თავადის ასულს, მოგახსენო. რად იწყინე ზუ-
რაბის სიყვარული? განა ერისთავები მეფის დარი მფლობელები არ
არიან? განა ერისთავების სიმდიდრეს თვით დიდებულნიც კი არ
ეხარებიან? აბა ვინ გაბედავს ქელი არ მოიხაროს ნუგზარის რძლის
წინაშე? ნუ სწუხარ, გიორგი სააკაძე ჭეიციავს, რომ ზურაბი იქნება
ერისთავთა შემკვიდრე და არა ბაადური. დაფიქრი, განა ამაზე
უკეთესი შემთხვევა იქნება, რომ მეტეხიდან პატივით წახვიდე, სანამ
უბრალოდ არ გაუგდინხარ?.. დარწმუნებული ვარ, რომ გულშარის
ერთერთი აუცილებელი პირობა ის იქნება, რომ მეტეხიდან ორბე-
ლიანის ასული განდევნონ.

გაჯავრებულმა ნესტანმა შროშანას ყვაილი გასთელა და კარის-
კენ გაემართა. გახელებულ ოცნებაში გულშარი უკვე მისი ხელით
დამხრჩვალად ეგდო.

საკაძემ ხელი სტაცა და სკამლოგინზე დასვა. ნესტანს სული
ეხუთებოდა.

— მზად ვარ სული ეშმაკს მივცე, ოლონდ იმ გველს სამაგიერო
ვუზღო.

— რა საჭიროა ღვთის საწინააღმდეგო საქციელი? ჩემი რჩევა
დაიჯერე და შურნაძიები იქნები. მშვენიერად ვიცი, რომ თავადის
ასული ნესტანი არ შეარცხვენს თავის მეუღლეს, თორემ ნებას არ
მივცემდი ზურაბის რაინდული გული უღირსს კუთნებოდა... როცა
მეფე ზურაბისადმი სიყვარულის შესახებ გაიგებს, თავმოყვარეობა
გაელვიძება. მერწმუნე, ასეთი მოულოდნელობა გულშარზე გაჯავრე-
ბას გამოიწვევს და, რათა შენი გული მოიგოს და ერისთავებისადმი
კარგი განწყობილებაც გამოიჩინოს, მეფე ასპარეზობის მარგალი-
ტად ზურაბის სასძლოს აიჩივებს.

— ო, შეიძლება განა ასეთი რამ მოხდეს? მეფის აშკარა გულ-
გრილობა გულშარს გულს მოუკლავს. ო, გიორგი, გიორგი, ყველაფერს

დაეთანხმდები, თუ სიტყვას მომცემ, რომ ნესტანი და არა გულშარი დაიკავენ ადგილს მეფის გვერდით.

— სიტყვას გაძღვე, ნესტან, რომ ერისთავის მომხრენი ისარგებლებენ შემთხვევით, რათა შედიმანს უკბინონ, და მეფეს შთაავონებენ, თუ რანაირად აღნიშნოს ნუგზარის საყვარელი ვაჟის დაქორწინება. შემდეგში კი ერისთავის მეუღლე მეტეხში დიდ ადგილს დაიკავენ. ლუარსაბს იღუმალი იმედი ექნება ნესტანის გული მოიგოს და ამიტომ ზურაბს სამეფოს საბჭოს წევრს გახდის, ხოლო ერისთავის მეუღლეს დიდი შესაძლებლობანი მიეცემა. გულშარის საწინააღმდეგოდ. ნესტანი მეტეხში სათაფრეში ჩაუდგება ერისთავისა და მუხრან-ბატონის პარტიას. განა სამეფოს საქმენი არა გზობლავენ? ნუთუ შენი ქუჩისა და ხასიათის პატრონი მცირე რამ ინტრიგებით უნდა დაკმაყოფილდეს?

— კმარა, გიორგი! არასოდეს არ დავივიწყებ შენ მიერ გაწეულ სამსახურს. დაბინდული თვალი ამეხილა. დიად, მეტი რამ მინდა. სიცოცხლეს არ დავიშურებ ერისთავების ინტერესებისათვის. და ვინ იცოს, იქნენ მამის მკვლელობისთვისაც შური ვიძიო. დათო ოდესმე სიჩუმეს დაარღვევს და მკვლელსაც დაასახელებს... გადაეცი ზურაბს, ნესტანი თანახმაა და შენზეა დამოკიდებული სიყვარული მოიპოვებო...

დიდ ხანს იჯდა ფიქრებში გართული ასე უეცრად განდიდებული ნესტანი: როგორ შემძლო მშვიდად მელოდნა, სანამ გულშარი თავის მეტოქეს მეტეხიდან გააძევებდა? და განა საქმე აქეთენ არ იყო მიმართული? მაგრამ ვინ გაბედავს აღმაცერად გადახედოს ერისთავის მეუღლეს?

თვალგაბრწყინებული ნესტანი კარებისკენ გაემართა და მოულოდნელად შეჰკივლა. ლუარსაბი რამდენიმე წუთს აკვირდებოდა გაფითრებული სახის უცნაურ თამაშს და თვალმოკუტულმა აღერხით ჰკითხა:

— რამდენი ხანია მას აქეთ. რაც მეფის დამატყვევებელი ნესტანი გოლიათს აღერხის ნებას აძლევს.

— გულშარმა მოგიტანა სიტყვა?

— არა, ზუგზამ... თავადის მეუღლეზე არა ნაკლებ იქნენულია. და დიდი ხანია უყვარს გიორგი. გირჩევ, ფრთხილად იყო, ძალიან ფიცხი ქალია...

— ასე უღირსად რად მეხუმრება დღეს დიდებული მეფე?— და ნესტანი ამყად გაიმართა.— სააკაძემ საქმროსაგან სალამი ვადმომცა...

— საქმროსაგანო?!... რომელი გულადი ჰბედავს ცეცხლს ხელი ახლოს?

განაწყენებული ლუარსაბი ცდილობდა მხიარულებით დაეთარა გულმოსულობა. ნესტანმა უსიამოვნება შეამჩნია და გული სიხარუ-

ლით აუთრთოლდა. შურის ძიების გრძნობამ მთელი არსებით შეიპყრო.

— ჩემო ხელმწიფევე, ნესტანი შეიძლება იყოს ცოლი მხოლოდ ცეცხლის, წყლისა და მახვილის უშიშარი დამპყრობისა.

— კარგი ნათქვამია, ქართლში ბევრია ეგეთი რაინდი, მაგრამ...— ლუარსაბმა უხიაგად გაიცინა.— მინდა ვიცოდე სახელი იმ თავბედისა, ვინც ჩემი მგზავრობის გაუსიამოვნება გაჰბედა.

— ზურაბ ერისთავი...

მიუხედავად იმისა, რომ ლუარსაბი საკმაოდ ნაცადი იყო, გაკვირვება ძლივს დაჰფარა და მოწიწების ნიშნად თავი დაჰხარა.

— ყველა რაინდთა შორის იგი ყველაზე ღირსია მშვენიერი ნესტანისა... ბედნიერი ვარ, რადგან ყველაზე უფრო საყვარელი დიდებულნი მეტებს დაუახლოვდებიან... ჩემი ნესტანი, რა თქმა უნდა, არ მოისურვებს სასახლის ზიტოვებას?—შეპარვით ჰკითხა ლუარსაბმა. ჩამავალი მზის სხივთაგან განბანილი, არასოდეს თავადის ასული ასეთი მომზიბლელი არა ყოფილა და ლუარსაბსაც ძალზე სურდა ოდნავ დაეყოვნებინა მაცდუნებელი ლამაზი.

იღუმალ აღფრთოვანებულმა ნესტანმა განგებ თამგდაბლად წაიჩურჩულა:

— უკეთეს სულგრძელი მეფე ინებებს მახლობელთა შორის იყოლიოს ერისთავი, მაშინ ბედნიერად ჩავთვლი ჩემ თავს აღარ მივატოვო მეტეხი და აღფრთოვანებულმა ვუტკირო, თუ წლითი-წლობით რა ბრძენი და მშვენიერი ხდება ჩემი მეფე.

მშვენიერის ლიქნმა წამოაწითლა ლუარსაბი და მან ალერსით ჰკითხა: რითი გსურს აღვნიშნო ეს სასიხარულო ამბავი, დღეს ყველაფერი შენს განკარგულებაშია.

— ქვეშევრდომთათვის ყველაზე სასიხარულო მეფის ყურადღებაა. ჩივილი არ შემიძლია—პატარა თინათინის თხოვნა ყოველთვის ყურადღებით სრულდებოდა, ხოლო ერთადერთი ჩემი სურვილი ის არის, მომავალშიც უცვლელი დამოკიდებულება დავიმსახურო.

დიდებულნი ბაღში შეკრებილიყვნენ და თვალს ადევნებდნენ ნესტანთან მოსიერნე მეფესა და ბრაზისაგან გაყვითლებულ გულშარს; კიდევ უფრო გააკვირვა ყველანი ხერხეულიძემ, რომელმაც ხმამაღლა განაცხადა: სავეგებით საბრძოლოდ აღჭურვილი მობრძანდა მამაცი ნუგზარ ერისთავიო. ლუარსაბმა ღიმილით გადაჰხედა ნესტანს და კარისკენ გაემართა. გულშარი ბრაზით იღრჩობოდა. გიშრის კრიალოსანს გახურებულ ხელში ათამაშებდა და გულში მრისხანედ იძახდა: ვერა, ყვითელი ქინკა ვერა გაატყებს გულშარის სიმძლავრეს. გულშარმა იცის უკანასკნელი საშუალება... ვნახოთ

ხელ ვინ დაჩრდილავს გორს თვისი მორთულობისა და ძვირფასე-
ულობის შშვენებით.

არა ნაკლები გამოცოცხლებაა ნუგზარის სახლშიც. ხმამალალმა
შეძახილმა ნარდი ვააგდებინა ხელში ქალბატონ ნატოს. იგი სწრა-
ფად გაეარდა მეზობელ ოთახში და კარებშივე გაქვევდა.

ზურაბი გიჟივით ტრიალებდა ხალიჩაზე და ხან გიორგის ეკიდე-
ბოდა კისერზე, ხან კი შიშველ ხმალს იქნევდა. ნატო გაჯავრდა:
მეწენე სულლებთან მებრძოლი ამირანი ხომ არ გგონია თავიო, ან იქ-
ნებ გსურს გაიგო დედაშენს თუჯის ყურები ხომ არ ასხიაო? აბო-
რიალებულმა ზურაბმა კოცნით ჩააჩუმა მობუზლუნე დედა: მართ-
ლაც ვიბრძოდი და გავიმარჯე, გარნა არა მეწენე სულზე, არამედ
ამაყ ნესტანზე. მამა დაუყოვნებლივ უნდა წავიდეს მეფეს-
თანა!

ნატომ ხელი ჩაიქნია და ნუგზარის გასალვიძებლად გაემართა.
ერისთავთ უკვე დაკარგული ჰქონდათ იმედი საყვარელი შვილის და-
ქორწინებისა, რადგან იგი მტკიცე უარს ეუბნებოდა ყველა სარძლოს.
მიუხედავად სიხარულისა, ნუგზარს მაინც გაუკვირდა: რა საქიროა
ასეთი აჩქარება? შეიძლება ფრთხილად გამოვიკითხოთ, რადგან თა-
ვადის ასულზე რალაც ხმები დადისო... ნატო გაჯავრდა: როგორც
იქნა, ღმერთმა მოწყალე თვალთ გადმოგვხედა და ზურაბს გრძნო-
ბა აღუძრა, ახლა კი განა საქიროა დაყოვნებით გამოვცადოთ ღვთის
მოწყალეობა?

ნუგზარის გამგზავრების შემდეგ ნატომ გიორგი მოიწვია, რო-
მელსაც, მისი აზრით, კარგი გემოვნება ჰქონდა, და სთხოვა: დამენ-
მარე ნესტანისათვის გასაგზავნ საჩუქართა შერჩევაშიო. ზურაბის
ძიძა სწუხდა: არ ვიცი რა კაბა ეცმევა თავადის ასულს, რომ იმის
მიხედვით აგვეჩინა მორთულობაცო. ნატო წუთით დაფიქრდა. ოდ-
ნავ შეუყოყმანდა და მერმე უეცრად განზე გაიხმო ძიძა.

ტახტზე მჯდომი ლუარსაბი ღიმილით უსმენდა ერისთავს, რო-
მელიც იქვიანად ათვალეირებდა მეფეს. ნუგზარს ვერ დაეძლია გა-
უბედობა, რომელნიც გამოწვეული იყო იმ არასასიამოვნო ხმებით,
რაც ნესტანისა და მეფის შესახებ დადიოდა, და გადასწყვიტა: მე-
ფეს რომ ოდნავი დაცინვა შევამჩნიო, მიჩვენა ზურაბი მოკვ-
დეს, ვიდრე საგვარეულო შევარცხენიო. ლუარსაბი მიუხედა გუ-
ნებას:

— დიდად პატივცემულმა, ქველმა ნუგზარმა პატივი დამდო და
მამაცი ზურაბისათვის ცოლად მთხოვს ნესტანს. თავადის ასული
ჩემთვის ძვირფასია თინათინისადმი სიყვარულის გამო და წმინდად

ვასრულებ ალექსანდრეს — ღირსეულ ქმარს ჩაებარო ნესტანი. მტკიცედ მჯერა, რომ ნესტანი და ზურაბი არასოდეს არ ინანებენ წმინდა ქორწინებით შეერთებას... შენ კი შემძლია დაგარწმუნო: ნესტანი სწორედ ის ქალია, რომელზედაც მამაცი ნუგზარი ოცნებობს თავისი ვაჟისათვის...

ერისთავმა დაირცხვინა: ყრმა მეფე მიხვდა და უწყინარად აუხვია გვერდი უსიამოვნო ექვსო.

მიუხედავად მრავალი ხრიკისა, საიდუმლოება არ გამჟღავნებულა. გულშარის ნაზ კეკლუცობაზე ლუარსაბი ქარაგმულად სულ იმას ეუბნებოდა, რომ მოსალოდნელია თავაზიანი საქციელი ჩავიდინო. შადიმანი იმ დროს იქ არ იყო. მისმა მეჩიბუხემ შეატყობიხა და იგიც სწორედ იმ დროს მოფრინდა, როცა ერისთავი უკვე სასახლიდან წავიდა. მეფე მტკიცედ სდუმდა და მისმა ბრძანებამ — ხეალ დარბაზი შექკრიბეთო, უფრო გააღვივა ცნობისმოყვარება.

ლუარსაბს ის იყო გაელვიდა და გაკვირვებული ათვლიერებდა ატლასის საბანზე ამოქარგულ თხის რქებს, ხერხეულიძემ ფრთხილად შეალო კარი:

— თავადი მუხრან-ბატონი გთხოვს მიმიღოსო.

ლუარსაბმა მხიარულად იკითხა: ნეტავ ერისთავის მეგობრობის გამო თვითონაც ხომ არ სურს ვაჟი დააქორწინოსო? უნდა მივილო, დიდი ამაყი ვინმეა, ერთიც ვნახო, ომი ამიტეხოსო.

— კაცს ეგონება, მამაცო გურამ, ქართლს მტერი მოსდგომიაო. თვით არა გძინავს და მე საწოლში მამყოფებ, — სიცილით შეხვდა ლუარსაბი მუხრან-ბატონს.

— მაპატიე, ბრწყინვალე მეფე, მაგრამ, რაკი ზოგიერთი კარისკაცის ამბავი ვიცი — მთელ დღეს თვალს არ გაშორებენ, ვადევნე ცბიერებაში ვაჯობო მოშურნეთ, ხოლო რაც შეეხება მუხრან-ბატონის მტრებს, ყოველთვის შევძლებ ღირსეულად დავხვდე მათ და ეს გარემოება დეე ძილს ნუ უფრთხობდეს ქართლის მეფეს...

— რა გნებაეს, ჩემო თავადო, — ალერსით ჰკითხა ლუარსაბმა, რაკი იცოდა, რომ მუხრან-ბატონი გულლია კაცი იყო.

— წყალობა ჩემი მეგობრის ნუგზარისათვის... ალბათ, არ იცი, ერისთავს სურდა გურიის მთავრის ასული მარიამი შეერთო ზურაბისათვის, მაგრამ სიყვარულმა ჩაფუშა თავადის განზრახვა. რასაკვირელია, ნესტანი ბევრ თავადის ასულს სჯობია, მაგრამ ავი ენანი ირწმუნებიან, მეტეხში სიბრალულის გამო შეივრდომესო. ეს მეტად სამძიმოა ამაყი ნუგზარისათვის...

— დედოფალი იზრუნებს ნესტანის მზითვისათვის...

— მზითევი? განა ნუგზარს სიმდიდრე ესაქიროება? მეფეს შეუძლია დაამტკიცოს, რომ ნესტანი სამოწყალოდ კი არა, მაღალი წარმოშობის უფლების ძალით ცხოვრობდა სასახლეში...

— მერე რით უნდა დავამტკიცო?

— აბა მე როგორ შემიძლია ვასწავლო მეფესა და ქართლის პირველ რაინდს თუ როგორ უნდა ქვეშევრდომისადმი კეთილგანწყობილების გამოჩენა...

ლუარსაბი დიდიხანია მიხვედრილი იყო ძველი არისტოკრატის გულნადებს, მაგრამ განაგრძობდა თავადის დიპლომატიით გართობას.

— კარგი, მოვიფიქრებ, იმედი მაქვს სასიამოვნოს რასმე მოვიგონებ თავადის ასულისათვის.

მუხრან-ბატონი დაჟინებით დააცქერდა მეფეს: წაეჩურჩულაო? მაგრამ მეფეთ არ უყვართ, როცა მათ მიუხვედრობას ამხელენ, და ხშირად საწინააღმდეგოს სჩადიან.

მღუმარე ლუარსაბი ღიმილით ათვალეიერებდა ქერს, სადაც მწვანე მინდორში რქიანი ირმები სძოვდნენ.

მუხრან-ბატონი წამოდგა და მეფეს კარგი გუნება უსურვა.

ლუარსაბმა შეამჩნია დიდებულის ფარული წყენა... რასაკვირველია, არა ღირს მძლავრი მუხრან-ბატონისა და ერისთავის გაღიზიანება... მერე გულშარი? მაგრამ განა მეფეს შეჭფერის ქალის სათამაშო იყოს? თავადის მეუღლეს საწყენი არაფერი აქვს. განა ზრდილობის გამო არ მივაქცევ უურადლებას სხვის საცოლეს და არა შეყვარებულს? ...ღიაღ, მაგრამ შადიმანი გულშარის არჩევაზე ოცნებობს. მტერთა ზეიმი დაამწუხრებს ერთგულ შადიმანს, რომელმაც დაუღალავად ზრუნავს ქართლის კეთილდღეობისათვის. როგორ მოვიქცე?

ლუარსაბმა ფიცხად შემოჰკრა ვერცხლის ბურთს. რას არ გაიღებდა ლუარსაბი, რომ შესაძლებელი ყოფილიყო ასპარეზობისა და მტრულად განწყობილ თავადთა ქიშპობის თავიდან აცილება...

სასახლის მეორე ნახევარში დიდი ვნებათღელვა იყო. გულშარი მორთულობასა და ძვირფასეულობას ათვალეიერებდა და გულღვარძლიანად ფიქრობდა ნესტანზე, რომელიც ამაოდ ცდილობდა დედოფლის მცირე საჩუქრებით გამოეჩინა თავი: კარგია, რომ ქკუიანმა დედოფალმა დაიყოლია ლუარსაბი, ქორების თავიდან ასაცილებლად ნესტანს ნურაფერს აჩუქებო... ღიაღ, დღეს დაინახავენ თუ რამდენი მარგალიტითა და ბრილიანტით შეიმკო თავი ამილახვრის მეუღლემ, გულშარმა. ვინ გაბედავს ეკვი შეიტანოს მეფის არჩევანში?

ნესტანი, რომელსაც ძიძა ოქროს თმებს უვარცხნიდა, თავის უბრალო მორთულობაზე სწუხდა, მაგრამ უეცრად გაიღო კარი და შემოვიდა ზურაბის ძიძა ხუთი მოახლითურთ, რომელთაც ნესტანის წინ ზანდუკი დასდგეს.

ნესტანს თვალი გაუცვცდა: მის წინაშე გადაიშალა ვერცხლის ტალღებით აფერადებული სტამბოლის ზღვა. რა უცნაურად ციმციმებს ზურმუხტნარევი ვერცხლი. ო, ო! მარგალიტითა და საყვარელი ზურმუხტებით მორთული გამჭვირვალე ქსოვილი! ყოველად წმინდაო მარიამ! მანიაკი, რომელიც ოდესღაც გიორგი მეფემ უძღვნა რუსუდანს! საიდან გაიგო ზურაბმა, რომ ნესტანს მოსწონს მარგალიტით ნაოქი აბრეშუმის ქოშები? რამდენი სარდიონის ქვა, იაგუნდის ბექედი, რამდენი სიბრძნით აღსავსე ლალი, რამდენი უცნაური საფირონი! და ეს ოქროს თავსაკრი, რომელზედაც ბრილიანტის ვარსკვლავი ციმციმებს, და მეჩითის გადმობრუნებული გუმბათის მსგავსი სპარსული საყურე! ნესტანი აღფრთოვანებას ვერ მალავდა და სიამაყით აღსავსე ძიძა ზურაბისა კი მოუთხრობდა, თუ რა აურაცხელი სიმდიდრე ელის ნესტანს ანანურში. სიყვარულით გახელებული თავადი ნესტანისათვის მიწის წიაღში მოიპოვებს საუკეთესო სამკაულს, ოღონდ მშვენიერმა ასულმა თავისი ზურმუხტოვანი თვალი მიიპყროს ზურაბს.

ნესტანმა, მადლობის ნიშნად, პატარა ხანჯლით შეიჭრა ოქროსფერი კულული და იგი წითელ ვარდს შეასკვნა: დეე ამ ყვავილმა გააგებინოს ზურაბს ნესტანის გრძნობაო.

დანიშნულ დროს დარბაზი აივსო თვალწარმტაცად მორთულ დიდებულებითა და დიუფლებით. მოქიშპე გვარეულობანი აღმაცურად ათვალერებდნენ ერთმანეთს. რა მოუვიდათ დღეს ერისთავსა და მუხრან-ბატონს? რა საზეიმო შესახედაობა აქვთ! როგორ სასიძოსავით არის გამოწყობილი ზურაბი ზურმუხტისფერი ქულაჯითა და ზურმუხტით მორთული წაღებით? ბაადურს კი, შეხედეთ, თითქოს მეორე ვაჟივო, უბრალო ლურჯი ხავერდი აცვია!..

— გულშარს თავი ისე უქირავს, თითქოს მეფემ პირველობა აღუთქვაო.

-- ალბათ, აღუთქვა. არაეინ იცის, სად გაითია ღამე ამირინდომ...

წყნარი სიცილი, თავშეკავებული ჩურჩული, მაგრამ ორივე მოქიშპე მხარე ცდილობდა დაემალა შესფოთება.

ვერაფერს ამჩნევდა მხოლოდ ზურაბი. იგი ხარბად შესცქეროდა კარს, რომელსაც მცველები ჰყავდა მიყენებული.

გულშარი, რომელსაც მწიფე ატმის ფერი კაბა ეცვა, მარგალიტებით მორთული, ხოლო ქაშრად მარგალიტისავე გრეხილი ერტყა, „ათას ერთი ღამის“ ჰურიასა ჰგავდა. მამაკაცები თვალს ხუჭავდნენ, ვით კაშკაშა მზის შემხედვარენი. ხოლო გულშარი ნაკლებ ყურადღებას აქცევდა აღფრთოვანებულ მაცქერალთ და ზემოდან, ამაყად ათვალერებდა დარბაზს: ნუთუ ყვითელმა ქინკამ კეჟა იხმარა და

ავად გახდა? ცუდი ხერხი როდია დამარცხების თავიდან ასაცილებლად. მაგრამ როგორ გაბედა იმის ფიქრი, რომ მეფე მას მისცემდა უპირატესობას?

ხერხეულიძემ ხმამაღლა განაცხადა, მეფე მობრძანდებო. მოდი-მარე ლუარსაბს აღფრთოვანებული შეძახილებით მიეგებნენ. მკვეთრ, ჩქარ ნაბიჯზე კარისკაცთ მეფის უგუნებობა შეიცნეს. შადიმანმა, ამირინდომ, სვიმონმა და ბატონა-შეილმა ვახტანგმა, მეფის ახლოს დაიკავეს ადგილი. მეფემ ხერხეულიძეს ანიშნა და იგიც საჩქაროდ გაემართა კარისკენ. ლუარსაბმა დარბაზი ჩამოათვალიერა და გულშარს მიაშტერდა. ასეთი ჯერ არასოდეს არ უნახავს იგი. „რასაკვირველაა, არა ღირს შადიმანის წყენინება... მაგრამ მე ერთხელ უკვე ვაწყენინე ერისთავს, საბაკძე აზნაური დაქორწინდა... მუხრან-ბატონი მთხოვს პატივი დავდო ნუგზარის თავმოყვარეობას... გულშარი არა მთხოვს...“ გუნება უფრო გაუფუქდა მეფეს.

ქეშიკებმა ფართოდ გააღეს კარი. ნესტანი, თითქოს ზღვის ლალი ტალღაო, ნარნარით მოდიოდა ვარდისფერ ხალიჩაზე ნატო ერისთავისა და მარიამ მუხრან-ბატონის თანხლებით.

მგონი, ცის ჩამომხობაც კი უფრო მეტ შთაბეჭდილებას ვერ მოახდენდა. აღფრთოვანებული გუგუნით შეხედნენ ფერნაცვალ თავადის ასულს. გულშარმა ძლივს შეიკავა კივილი. სააკაძემ უსიამოვნოდ შეიკრა წარბი. იგი ცრუმორწმუნე არ იყო, მაგრამ ნესტანს არჩილის დედის სისხლით შესვრილი კაბა ეცვა და მკერდზედაც რუსუდანის მიერ უარყოფილი მანიაკი უბრწყინავდა.

დამსწრეთა აღფრთოვანებამ და გულშარის საშინელებამ მეშიდეცაზე აიტაცეს ნესტანი. მოხიბლული ლუარსაბი თვალს ვერ აშორებდა ზღაპრულ ნესტანს. ძლივს მოაშორა თვალი და ზემით წარმოსთქვა:

— კეთილშობილხო. თავადხო და აზნაურხო, ჩვენი მოგზაურობა სასიხარულო ამბით აღინიშნა. მამაცი ნუგზარ ერისთავის გულადმა ვაჟმა, რომელსაც დიდად აფასებდა განსვენებული მამაჩემი და აგრეთვე ვაფასებ და მიყვარს მეც, მოისურვა შეუღლებოდა დედოფალ მარიამის აღზრდილს, ორბელიანის ასულს, მშვენიერ ნესტანს, და მეც, მეფე ლუარსაბ მეორე მფარველი თავადის, ასულისა, სიხარულით ერთაფ ამის ნებას, მოვიახლოვდი, კეთილშობილო თავადო ზურაბ, ძეო ნუგზარისაო!

მხურვალე შეძახილმა, მოწონების ყიჟინამ დაარღვია სიჩუმე. ზურაბი მივიდა და კი არ დაიჩოქა, არამედ მეფის წინაშე დაეცა ცალ მუხლზე. შეყვარებული სასიძოს მღელვარებით გაღომებულმა ლუარსაბმა, ჩვეულებისამებრ, მხარზე შეახო ხელი და, როცა ზურაბი წამოდგა, ნესტანს ხელი გამოართვა და ზურაბის მძლავრ ხელში ჩაიღო.

ლუარსაბს თვალი დარჩა ნესტანის კულუღით შესკვნილ წითელ ვარდზე, რომელიც ზურაბს ზურმუხტის ვარსკვლავით ჰქონდა დამცნეული. მაგრამ იქენეულობამ წარბიც კი ვერ შეარხეინა, და ზეიმით დაამთავრა.

— დღე წმინდა ეკლესიამ აკურთხოს თქვენი კავშირი.—თავში გაუელვა: გულშარი პირველობას მიიღებსო.

ნესტანმა მყის შეამჩნია უსიამოვნება და შეშფოთებული ადგენებდა თვალს მეფეს. მხოლოდ ზურაბის მძლავრმა ხელმოქერამ მოიყვანა იგი გონს. უცნაურია ქალის გული: ნესტანმა სიხარულით გაუღიმა და სიამაყით შეჰხედა თვალში საქმროს. პირველმა მეფემ მიულოცა, ნესტანს შეუბღზე ეამბორა, ზურაბს კი ტუჩზე აკოცა. გულშარმა სწორედ შეათვასა მდგომარეობა და მილოცვათა ფუსფუსში მეფეს წასჩურჩულა:

— თუ ამაღამ სიცხე იქნა, ალბათ, გათენებამდე ვერ დავიძინებ...

სისხლი მცხუნარე შადრევანივით მიექრა თავში ლუარსაბს: როგორც იქნა! მეფე რად უნდა იყოს აზნაურ დათოზე უფრო სულელი?

— მშვენიერო გულშარ, — ტუჩმოკუმით წასჩურჩულა ლუარსაბმა, სიცხე მხოლოდ იმ შემთხვევაში იქნება...

ლუარსაბმა ალერსით მოუცაცუნა შადიმანს მხარზე ხელი. ნესტანმა, რომელმაც კარგად იცოდა მეფის ხასიათი, მყისვე აუღო ალლო მდგომარეობას. მტკივნეულად აწრიალდა აზრი...

მილოცვა დამთავრდა, მეფემ დამსწრენი საღამოს ღზინზე მიიწვია დიდებულთა პარტიესაცემად. მოწყალე ღზინით სურდა მას მოეშაქრა ასპარეზობის მწარე აბი.

ასპარეზის ახლოს გორის მელიქებმა, ნაცვლებმა და უსტაბაშებმა მწვანე რტოებისა და ყვავილების დიდი ფანჩატური გააკეთეს, მის გვერდით კი — სპარსული ვარდების ბუჩქებისაგან — პატარა ოთახი მეფის მოსასვენებლად. ქალაქის უხუცესებმა მეფე და მისი ამაღა მიიწვიეს, ასპარეზობის წინ პარტიე დაგვდეთო.

საზანდრითა და ყიფინით შეხვდა ხალხი მეფის მიერ ამ „პარტივის დადებას“. ბევრი ვერცხლის სურა დაიცალა და აიფსო. მეფე მალე ადგა და, რათა საშუალება მიეცა საასპარეზოდ მომზადებულ იყვნენ, სპარსულ ვარდთა ოთახში შევიდა.

შადიმანმა საჩქაროდ გასცა უკანასკნელი განკარგულებანი.

ლუარსაბი ფანჯრიდან გასცქეროდა მოედანზე გაჩაღებულ სამზადისს და ხმაურობაზე უეცრად მობრუნდა: კედელზე მიყრდნობილი, იდგა ნესტანი.

ასეთი გაბედულებით გაკვირვებული ლუარსაბი ერთხანს ელოდებოდა. ნესტანმა უკრადლება არ მიაქცია მეფის მღუმარებას და დაცინვით ჰკითხა:

— უცქერი, მეფეო, შესაფერისი საღებავით გაალამაზა დღეს შადიმანმა შენი ხალხი თუ არა?

— რას აპბობ, ნესტან? შადიმანი ხალხს ღებავს? მერე რისთვის?

— მისთვის, რომ მეფის თვალი გაახაროს, ქართლის აყვავებით. გახსოვს, მოგზაურობის დასაწყისში შენ დაღონებული იყავი ხალხის ცუდი ჯანმრთელობით და შადიმანმა, ამირინდოს რჩევით, წინდაწინ გაგზავნა ერთგული მხატვრები ქალების შესაფერავად... გახსოვს, რა მხიარულად ხარხარებდი ქალაში.

ნესტანი ხელში ათამაშებდა ცისფერი მანიაკის თვლებს. ლუარსაბი წამოჭირხლდა. ნიკაპი აუცახცახდა, ხელი ხმლის ვადას ეძებდა. თავში საშინელმა აზრმა გაუელვა: როგორ, დიდ ბაგრატოვანთა შთამომავალი სულელი გახადო და მოხერხებულ ტყუილზე აცინო? ნუთუ მე ბავშვივით ტყვედ ჩაუვარდი ბატონობის მოყვარულ შადიმანს? დიალ, დიალ, ამირინდო და გულშარი მატყუებდნენ და დასცინოდნენ ჩემს სისულელეს.

ლუარსაბმა ფანჯარაში შეამჩნია ამირინდო, გულშარი და შადიმანი, რომელიც თავაზიანად უამბორებდა გულშარის სარტყელს, გაფიცებული ლუარსაბი კარებისკენ გაბრუნდა.

— მეფეე, ჩემო ხელმწიფეე, — მოულოდნელი სინაზით წამოიძახა ნესტანმა, — მაპატიე, მინდოდა მხოლოდ გამეცინებინე!..

— რა თქმა უნდა, გამაცინე მხოლოდ, — ცივად მიახალა ლუარსაბმა, — მომწონს, როცა ასე მაცინებენ.

ხმალი ააჩხარუნა, უცრად კარებში გამოჩნდა და ისეთი ხმით, როგორც ჯერ მისგან არავის სმენია, დაიყვირა:

— დაიწყეთ ასპარეზობა!

მერმე ყურადღებაც კი არ მიაქცია კარისკაცთა გაოცებასა და გორელთა აღფრთოვანებულ შეძახილს, სწრაფად გაემართა ასპარეზისაკენ და გამზადებულ ქორეღზე დაჯდა. გაბრაზებით გადაჰხედა მის გვერდით მდგარ სავარძელს, რომელიც რჩეულისთვის იყო განკუთვნილი.

კარისკაცნი სასწრაფოდ იკავებდნენ თავიანთ ადგილებს. მეფის უცნაური საქციელით შეშფოთებულმა შადიმანმა, რომელიც მოწესის მოვალეობას ასრულებდა, განაცხადა:

— მეფეთ-მეფე, ქართლის პირველი რაინდი, ჩვენი წინაპრების ჩვეულებისამებრ, ირჩევს ასპარეზობის მარგალიტს გამარჯვებულისათვის გვირგვინის დასადგმელად... ღირსჰყავ, მეფეო, შენი დიდი ყურადღებით რჩეული ასპარეზობისა.

მთელი ასპარეზი სულგანაბული ელოდა.

შადიმანის ხმაში ლუარსაბს მხოლოდ ტრადიციის დაცვა მოესმა. რა თქმა უნდა, მეფე ვერ გაჰბედავს ყური არ უგდოს ქვეყნის მმართველს, რომელიც წინასწარ განსაზღვრავს მეფის საქციელს. ლუარ-

საბს ბრაზი აღრჩობდა. ეჩვენებოდა, თითქოს ყველა ქალი მეტის-მეტად მოკრძალებულია, მხოლოდ ერთადერთი გულშარა მოური-დებელიო. ნესტანი კი თავდახრილი ნაღვლიანი იღვა. დიალ... დიალ, ლუარსაბმა იცის მადლობის გადახდა... წამოდგა და წყნარად სთქვა:

— ქართლის ყველა მშვენიერი ღირსია არჩევანისა, და, მათ რომ მოესურვებინათ დახმარებოდნენ მეფეს ამ ძნელ წუთს და ერთ ვარდად გადაქცეულიყვნენ, მე სიამოვნებით დაფიქნევიდი მკერდზე ამ მშვენიერ ყვავილს.— ხმამალაღმა სიცილმა და აღფრთოვანების შეძახილმა გააწყვეტინა სიტყვა მოღიმაჩე მეფეს.— მაგრამ, სამწუხაროდ, იძულებული ვარ სურვილს ფრთა შევაკეცო და სამართლიანად ვარგუნო არჩევანი იმ თავადის ასულს, ვისაც დღეს ჩვენ ყველას გესურს სიამოვნება ვაგრძნობინოთ... ვირჩევ ორბელიანის ასულს, ზურაბ ერისთავის სასძლოს, ნესტანს.

წუთით მთელი ასპარეზი გაქვავდა, იმდენად დარწმუნებული იყო, რომ არჩეულ იქნებოდა გულშარი, რომელიც ახლა მთელ ნებისყოფას იკრეფდა, რათა არ წაქცეულიყო.

გაფითრებულმა შადიმანმა თავაზიანად მიჰგვარა აცახცახებული ნესტანი. ლუარსაბმა რაინდულად მიაწოდა მარგალიტის ვარდი.

გახარებული ერისთავნი და მეგობრები აღფრთოვანებული იყვნენ ნესტანის გრაციით. ქალმა თავი დაჰხარა მეფის წინაშე, მარგალიტს აკოცა, მერე სასწრაფოდ დაიმცნია ვარდი მკერდზე, ლუარსაბს გამოწვდილი ხელი ჩამოართვა და, საერთო ტაშისცემასა და სახანდრის ხმებში, მსუბუქად ავიდა ქორედზე და-სავარძელში ჩაჯდა.

ძნელია იმ მღელვარების აღწერა, რაც მეფის მოულოდნელმა მრისხანებამ გამოიწვია. ლუარსაბი ამჩნევდა ანთებულ თვალებსა და ხმლის გამომწვევ ჩხარუნს და შადიმანის თხოვნაზე, უბრძანე, ასპარეზობა დაიწყონო, მრისხანედ წარმოსთქვა:

— წინაპართა ჩვეულებით, ასპარეზობამ სიმარჯვე უნდა გამოაჩინოს. მე, პირველ რაინდად წოდებული, უბრძანე ვიწვევ დამსწრეთ. მთელს ასპარეზზე გუგუნი გაისმა, მაგრამ არავინ არ უპასუხა.

— როგორ, ჩემთან შებმა არავის არა სურს?

— მეფეთ-მეფეო, ყოველი რაინდი უდიდეს პატივად მიიღებს შენთან შემბას, მაგრამ ვინ დასთანხმდება წინასწარვე გადაწყვეტილ დამარცხებას?— შეპარვით მიუგო შადიმანმა, რომელიც შეშფოთებული იყო მეფის უგუნებობით.

გარნა ლუარსაბი მრისხანედ მოითხოვდა გამოწვევის მიღებას. მან გაიხსენა ასპარეზობაში განთქმული მრავალი რაინდი და მოიგონა აგრეთვე წესები ასპარეზობისა, რომელნიც ყველა რაინდს ათანაბრებენ. ცოლის შეურაცხყოფით აღშფოთებულმა ამირინდომ ითხოვა, მე დამდე ეგ მაღალი პატივიო.

— თანახმა ვარ! ჯავშანი და ცხენი!—საქურველთმტვირთველნი დაფაცურდნენ ბრძანების შესასრულებლად. გაკვირვებული შადიმანი ცდილობდა დაეყოლიებინა ლუარსაბი ბოლოს გამოსულიყო, ვინაიდანო, ეუბნებოდა იგი, მეფის შემდეგ ვინღა ისურვებს ასპარეზობის ცქერასო.

ლუარსაბმა გადაიხარხარა: განა მეფე ყველაზე წინ არ უნდა იყოს? და შადიმანიც წუ იჩენს იმაზე მეტს მზრუნველობას, რაც მისთვის ნებადართულია!

გაოცებული შადიმანი გონს ვერ მოსულიყო: უთუოდ აქ ერისთავის ხელი ურევია. ტყუილად კი არ შემძვრალა დღეს, დილით, მეფის სამყოფელში ბებერი მელა, მუხრან-ბატონი. მაგრამ შემდეგ ხომ ლუარსაბი ასე მხიარული და თავაზიანი იყო. მაშასადამე, სადღილზე მოხდა ესა?.. ვნახოთ, ყველაფერი გამოირკვევა. შადიმანისთვის არ არსებობს სიძნელენი და დაბრკოლებანი.

ლუარსაბმა მეტისმეტი აჩქარებით ჩაიკვა ჯავშანი და დაიხურა ჩაჩქანი. ნესტანმა ხანჯლით თმის გრძელი ნაწიკვი შეიჭრა და მარჯვენა მკლავზე შეაბა მეფეს.

ლუარსაბი ცხენს მოახტა და ბლაგვბუნკიანი საასპარეზო შუბი აიღო. მთლად ლითონში ჩამჯდარი ამირინდო მოუთმენლად იკვნეტდა ტუჩებს.

— გახსოვდეს, ამირინდო, თუ განგებ დაგითმია, საჯაროდ ლაჩრად გამოგაცხადებ.

ამირინდო გაფითრდა, შუბი აღმართა და ლუარსაბს შეუტია. სულგანაბული აღევენებდნენ თვალს ორთა ბრძოლას, რომელსაც ჩვეულებრივი ასპარეზობისათვის შეტად საბრძოლო ხასიათი ჰქონდა. „გულშარის დამარცხება შენელებულ იქნება მხოლოდ ჩემი გამარჯვებით“, — ჰფიქრობდა ამირინდო.

„რა თქმა უნდა, — ფიქრობდა ლუარსაბი, — გამოწვევა შეეძლო მიეღო მხოლოდ შეურაცხყოფილ ამირინდოს, რომელიც უძლეველია შუბოსნობაში...“

მარდი ლუარსაბი მარჯვედ იგერიებდა მოწინააღმდეგის გაათრებულ თავდასხმას. უკვე ახლოვდებოდა დრო, როდესაც წესით შებმა „ფრედ“ უნდა გამოცხადებულყო.

„ეს რა ამბავია?—ჰფიქრობდა ლუარსაბი.—მშვენიერმა ქალმა მკლავზე ოქროვანი თმა შემაბა და მე კი შუბს ისე ვხმარობ, როგორც დედაბერი წინდის ჩხირს“.

ამირინდო მოიხარა და გადამწყვეტი დაკვირისათვის ემზადებოდა, — ხელში გაგდებული შუბი გამარჯვებად ითვლებოდა.

ლუარსაბმა თავი ისე მოაჩვენა, თითქოს ვერა გაუგია რაო, უკან დაიხია და ცხენი შეაყენა. გახარებული ამირინდო აღმართული შუბით, ჰენებით მიეჭრა გაქვავებულ მხედარს, მაგრამ ლუარსაბმა სწო-

რედ ამ წუთით ისარგებლა, საოცარი სიმარჯვით აუგდო შუბი მოწინააღმდეგეს და ისეთი ძალით სცა მკერდში მოვარდნილ ამირინდოს, რომ იგი მოულოდნელად ცხენზე ჩამოვარდა, დაეცა და შუბი გადაუტყდა. ასეთი ბოლო სრულ დამარცხებად ითვლებოდა.

დიდ ხანს არ დაწყნარებულა აღფრთოვანებული ყივინა, გაცხარებული ტაშის ცემა და საზანდართა გამარჯვების ხმა.

ლუარსაბი ჩამოხდა, ჩაჩქანი მოიხადა, ხუქუქა თავი შეაქნია და დამარცხებულს ხელი გაუწოდა. ამირინდოს გააფთრებული სახე რომ ნახა, ლუარსაბმა ცელქურად გულში გაივლო: „სანაძლეოს დავდებ, თუ გულშარმა დღეს რითიმე დააჯილდოოს უხერხული მეუღლე.“

საერთო ტაშის ცემაში ლუარსაბმა ჯაეშანი გაიხადა და ნესტანის სარტყელს ეამბორა, ათრთოლებულმა ნესტანმა კი დაფნის გვირგვინი დაადო თავს გამარჯვებულს.

შადიმანმა მსურველნი გამოიწვია, მიჰბაძეთ მეფის არაჩვეულებრივ მაგალითსაო. ასპარეზობა დაიწყო, მაგრამ ვერც ორთა ბრძოლამ, ვერც ბადროს ტყორცნამ და ვერც ჯირითმა ვერაინ დააინტერესა. მეფის საქციელმა ბევრი რამ შთააგონა აღელვებულ დიდებულთ. სიხარული და შეშფოთება ისადგურებდა სხვადასხვა პარტიის გულში.

— მეფევ, — აღელვებით წასჩურჩულა ნესტანმა, — ასე მგონია, პირველად გხედავ: ალბათ, ამასვე ჭფიქრობენ სხეიბიც, მაგრამ მხოლოდ ერთი კაცი იცნობს მთელს ასპარეზზე ქართლის მეფეს.

— ვინ? — მყისვე ჰკითხა ლუარსაბმა.

— გიორგი სააკაძე...

ლუარსაბმა უცნაირად ჩაიციხა: აი, თურმე, საიდან წამოსულა ისარი!.. მან სათანადოდ შეაფასა გიორგის გონიერული პოლიტიკახალხში თვალთ მოსძებნა იგი და მერმე ხერხეულიძე იხმო. ქულაჯაზე დამცნეული მარგალიტის ქინძისთავი მოიხსნა და ხერხეულიძეს წყნარად უთხრა:

— გადაეცი ეს სააკაძესა და უთხარ: მეფის ქინძისთავი მოურავისაზე ნაკლებ როდი სჩხვლეტსთქო. გადაეცი აგრეთვე, რომ დღეს უთუოდ დაესწროს ლხინს, ხოლო მოწყენილი რუსუდანის ნახვას ხვალაც მოესწრობა.

ნესტანი დაიბნა. მას ფიქრადაც არ მოსდიოდა ასეთი უმადურობით გადაეხანდა ერთგული მეგობრისათვის, რომლის წყალობითაც იგი დღეს მტრებზე ზეიმობდა.

ხერხეულიძისაგან რომ საჩუქარი მიიღო და განდევნის ამბავიც შეიტყო, სააკაძე შეუშინებლად გაილალა. უმცდარად მიხვდა ყოველივეს: თავმოყვარე ლუარსაბი ნაწყენი იყო იმის გამო, რომ სააკაძემ ყველაფერი იცოდა.

მაგრამ ამჟამად გიორგის ის უფრო ახარებდა, რომ ასე მოხერხებულად შეიყვანა ზურაბი მეტეხში. ეს საშუალებას აძლევდა აზნაურებს გამოეყენებინათ ნესტანის მტრული განწყობილება შადიმანისა და მისი მომხრეებისადმი. სააკაძემ გადასწყვიტა, წყენა არ მიეყენებინა ერისთავებისათვის და ყოველივე დაუმალა მათ. მერმე საჩქარო საქმე მოიმიზეზა და ლხინის შემდეგ, დილაადრიან, ნოსტეს გაეშურა.

თავი ოცდამეჩვიდმეტე

ამშის ყრილობაზე მსჯელობა იყო აზნაურების სამძიმო მდგომარეობაზე. შადიმანის ახალი მზაკვრული კანონი, რომლის მიხედვითაც სახნავ მიწის სარგებლობისათვის მოსავლისა, ხოლო საძოვრების სარგებლობისათვის საქონლის ერთი ნაწილი უნდა გადაეხადნათ, უმთავრესად, მცირემიწიან აზნაურობას აწუხებდა. მოსალოდნელი იყო, რომ აზნაურთა მამული და მეურნეობა თავადებს ჩავარდნოდან ხელში. მოსალოდნელი იყო აგრეთვე, რომ აზნაურთა მეტი წილის დასახმარებლად გლეხობაზე ახალი აუტანელი გადასახადი უნდა შეწერილიყო.

თავადები მგლებივით დაესივნენ შადიმანის კანონით გალატაკებულ აზნაურთა ქონებას და ჩალის ფასად იძენდნენ მიწა-წყალს, საქონელსა და გლეხებს.

არც მსხვილი აზნაურთა მამულები იყვნენ კაი მდგომარეობაში. ყველაზე უფრო საშიში ის იყო, რომ აზნაურთა წოდების წინააღმდეგ მიმართული განზრახვა შადიმანისა ადვილად ხორციელდებოდა. ორმაგი უღლის ქვეშ გაწამებული გლეხობა გაბოროტებული იყო, ამიტომ იგი სიამოვნებით გადადიოდა დიდებულთა მიწა-წყალზე: იქ თავადები მაინც კარგად სკამენო.

საკაძემ დიდი ხნიდანვე იღუმალი შეშფოთებით ადევნებდა თვალყურს შადიმანის მოქმედებას. და ახლა მან გადაქრით განაცხადა:

— ხალხის ხელიდან გაშვება არ შეიძლება, ხალხი აზნაურთა ძალაა, სხვა იარაღი მას არ გააჩნია. ეს მტკიცედ უნდა გვახსოვდეს... უნდა მოვძებნოთ საშუალება ხალხის გულის მოგებისა.

აზნაურები ეთანხმებოდნენ, თუმცა თვითეული ფიქრობდა: ხალხს რომ სისუსტე აჩვენო, ესეც საშიშიაო.

არა ნაკლებ შემაშფოთებელი იყო ცნობა ელიზბარ თათქარიძისა; რომელიც აზნაურთა ყრილობის მიერ დანიშნული იყო თურქეთის საზღვრისათვის თვალყურის სადევნებლად. თათქარიძემ ყრილობას მოახსენა, საზღვარი ფარულად გადმოლახა დიდმა ქარავანმაო. პაპუნაც, რომელიც ხშირი სტუმარი იყო არჩილისა მეტეხში, ყრილობას მოუთხრობდა შადიმანის საიდუმლო თათბირის შესახებ უცხოლ ვაქრებთან.

არც როსტომის ცნობა იყო გასახარელი. იგი ამბობდა: ვილაყ ბნელი პიროვნებანი მაიდანზე ვაქრებს სახასო აზნაურთა წინააღმდეგ ამხედრებენო.

შეშფოთებულმა აზნაურებმა ერთხმად დაუჭირეს მხარი ქვლივიძის მოთხოვნას. გიორგიმაც, მოითხოვნდნენ ისინი, ყოველი საშუალებით უნდა იმოქმედოს ნუგზარ ერისთავსა და მუხრან-ბატონზე, რათა მეფეს გააუქმებინონ შადიმანის მიერ გამოცემული გამანადგურებელი კანონიო.

სააკაძემ გულში გაიელო: ჯერ კიდევ დიდ ხანს ვერ გაუვუგებთ ერთმანეთს, როგორც რიგიაო. მაგრამ ყრილობას მაინც დაჰპირდა, დიდებულთ ვინახულებო.

ყრილობამ კავშირში მიიღო დვალეთელი ათი აზნაური და დაეთანხმა სააკაძის მოსაზრებას, რომ საქიროა აზნაურთა რაზმები სპარსულ წესზე მოეწყოსო, მაგრამ გადაქრით უარყო იმავე სააკაძის წინადადება, რომ მესეთენი აზნაურთა მამულებში აზატ გლეხებთან გათანასწორებულიყვნენ უფლებით. სამაგისო დრო არ არის, რა საქიროა თავადთა გალიზიანება: და გლეხთა გაბოროტებაო. უაპრყვეს აგრეთვე როსაბის წინადადება, აზნაურთა კავშირში აზნაურ ელიშერის მიღების შესახებ, რადგან იგი შადიმანის მოგზავნილიაო.

ყრილობამ დათო, ქვლივიძე და როსტომი სააკაძის თანაშემწეებად აირჩია ერანის, თურქეთისა და მთიელ ტომთა საქმეებში.

აზნაურებმა კვლავ ხმაღზე შეჰფიცეს ერთმანეთს ერთგულება და ფრთხილად წავიდ-წამოვიდნენ.

გიორგიმ ქვის ვიწრო კიბით აირბინა კოშკის მრგვალ ბაქანზე და მთლად მწვანე ბალებში ჩაფლულ ნოსტეს გადახედა.

გაახსენდა ყაზახთა შემოსევა და გული ამაყად აუჩქროლდა: „ნოსტეში უკვე აღარავინ სტირის...“

ქსნის ერისთავები და მუხრან-ბატონიც კი. რომელთაც სძულდათ შადიმანი და მისი მომხრენი, ჰფიქრობდნენ, რომ მამა() ნუგზარის სიძეს უფლება აქვს მეფის დიდი ყურადღება მიიპყროსო. და უკეთუ მოწინააღმდეგენი ღირსეულ რაინდს ამალღების გზას უზმავენ, საქიროა ბრძოლაო, და ამიტომ დახმარება აღუთქვეს გიორგის დიდებულთა წინააღმდეგ მოსალოდნელ ომში.

სააკაძე არ ამქლავებდა აზნაურთა კავშირის ნამდვილ მიზანს და არ ცდილობდა გაუგებრობიდან გამოეყვანა ნუგზარი და ზურაბი: საქმის წარმატებისათვის საქიროა მძლავრ თავადთა ძალით ვისარგებლოო... ვილაყამ ნაზად დაუძახა, გიორგი მიბრუნდა: მის წინ იდგა მშვენიერი თეკლე და ღიმილით ეუბნებოდა:

— დილით მოსული ხორეშანი გელოდება, თბილისის იჩქარის..

გიორგიმ და გადაჰკოცნა და რუსუდანის მშვენიერ სამყოფელში გაეშურა.

პაატა და ავთანდილი ყოყინით, ხოლო ხორეშანი ხარხარით შევეებნენ გიორგის.

— ...ძალიან მიყვარს ბავშვები... მე რატომ არა მყავს? ჩემი თავადი მოხუცია, დათო კი დამთხვეულია, ვისგან უნდა მყავდეს?... ახალი ამბავიო? დიდი ამბებია: გულშარი მეტებს დაბრუნდა, კუდს აქიციანებს, მთავრებიც კი მასზე არიან დამოკიდებულნი... როგორ მოხდა? შადიმანს ნესტანის გავლენისა შეეშინდა. თვითონ გაეშურა არშას და გულშარი დაიყოლია მოსვლაზე... ახლა გულშარი მტკიცედ დაეუფლა ლუარსაბს. ნესტანი? რასაკვირველია, იბრძვის, გარნა ქალი; რომელიც საკუთარ ქმარზეა შეყვარებული, ცუდი მოწინააღმდეგეა, ნესტანი კი თვალს არ აშორებს ზურაბს. ლუარსაბს ასეთი რამ არ უყვარს. რაო? პირიქით, მეფე ძალიან ყურადღებით ეპყრობა და ზურაბს არც ერთ ბჭობაზე არ იკლებს... მეტებსში ეშინიანთ თავადისა, ძალიან ამაყი დიდებულია... შადიმანი? სულ ცოფსა ჰყრის, მხოლოდ კი არ იმჩნევს. ქართლში მოგზაურობის შემდეგ ლუარსაბი ძალიან გამოიცვალა, სახელმწიფო საქმეები აინტერესებს, შადიმანი ფრთხილად მოქმედებს, მეფის თანხმობა აქვს ყველაფერზე, მაგრამ თავისებურად კი აკეთებს. თუმცა საღებავის ამბავი შადიმანს კარგად ახსოვს. რა საღებავისა?.. არც ეს იცი? არ ვარგა, გიორგი, მეტებსში უნდა დაბრუნდე... რაო? არა, არა, დიდი ხნის ამბავია... ლუარსაბმა ქართლში მოგზაურობიდან დაბრუნების შემდეგ შადიმანს ხუთი კალათა წითელი საღებავი მიართვა იმისათვის, რომ თავადს ქალების დაფერუმარულება უყვარს... სასახლეში ამ საჩუქარმა ყველა გააკვირვა, მაგრამ საოცრად აღელვებულმა შადიმანმა მყისვე ნაღვლიანად წაისისინა: როცა დაუფასებელი სამსახურისათვის იძულებული ხარ ყაყაჩოსავეთ გაწითლდე, მაშინ მეფის საჩუქარი მზესავეთ მოქმედებსო. ამბობენ, ლუარსაბმა ბოდში მოიხადაო... მარიამი? რა დროსია სხვის საქმეებზე ფიქრი. შადიმანი მას ყინულით უმასპინძლდება... მიატოვა? არა, ჯერ მუქარით იკაეებს. ჯიბრზე ნესტანი დაიახლოვა, ერთად ზრუნავენ ლუარსაბის დაქორწინებისათვის. გულშარი? გაცოფებულია, ყოველი გზით წინააღმდეგობას უწევს. შადიმანი? ისიც წინააღმდეგია. იმერეთის მეფისწულს ელოდა. იქ დიდი ხანია თანახმანი არიან. ლუარსაბი, რა თქმა უნდა, შადიმანს უგდებს ყურს, გულშარზე შეყვარებულია, არ ეჩქარება. მხიარულობენო? მეტებსში მოწყენილობა არ უყვართ. აშუღები ტკბილი სიმღერებით ამკობენ მშვენიერ გულშარს, არც მესტვირეები აკლებენ ქებას... რატომ ნესტანმა ვერ მოიგონაო? ალბათ, დაუგვიანდა, მის კრძალულებაში ეკვის შეტანა არ შეიძლება... მეტებსში ორივე პარტია დანასისხლად არიან... ლუარსაბი თვალთმაქ-

ჯობს. ამირინდო და ზურაბი? სძულთ ერთმანეთი... მეტებში დიდი მხიარულობაა.

მხიარული ხორეშანის წასვლის შემდეგ გიორგი დიდ ხანს დასერირობდა გრილს ბაღში.

გაახსენდა ნესტანის ქორწილი, ანანურს ლუარსაბის მოსვლა დიდებული ამალითურთ, საჩუქრები, თავაზიანობა, გარნა... უდიდესი გულგრილობა მეფისა მისდამი: სამი დღის განმავლობაში სამი სიტყვაც კი არ გაუშეკრებია მისთვის. რუსუდანისადმიც მეტად გულცივი იყო, მხოლოდ დაცივებით ჰკითხა: ღვთისთვის ალთქმა ხომ არ მიგიცია მეტებში ფეხი არ დაეადგაო?

მეტები ძალზე გამოცოცხლებულია. გულშარის შიკრიკი და შულტანი მთელს ქართლში აშუღებსა და მესტვირეებს ეპატივებოდნენ მგოსანთა შეჯიბრებაზე.

არაჩვეულებრივმა დღესასწაულმა კარისკაცთა აღფრთოვანება გამოიწვია, მაგრამ საქმე სულ უბრალო რამ იყო: გულშარმა, რომელსაც მთელი საქართველო ქება-დიდებას ასხამდა, გაიგო, რომ „ბრწყინვალე ნესტანის“ შესახებ ლექსი შეუთხზავთ.

პირველობის დაკარგვის შიშით, გულშარმა დიდი ჯილდო დანიშნა ქალის სილამაზის შესახებ წარმოთქმული საუკეთესო ლექსისათვის.

რა თქმა უნდაო, — ჰფიქრობდა იგი, — ასეთ გარემოებაში მგოსნები მხოლოდ მე შემამკობენ, და თავმოყვარე ლუარსაბიც, ბოლოს და ბოლოს, გულს აიცრუებს ნესტანზეო.

ერთი თვის შემდეგ მეფე თვალად უნდა წასულიყო. და ამრიგად, აშუღთა შეჯიბრება უკანასკნელი გასართობი იქნებოდა ზამთრის თვეებში.

მსუბუქი ქსოვილებით მორთულ, ფართო აივანზე განლაგებულიყო ლუარსაბის სასახლე. დიუფალთაგან გარშემორტყმული შარიამი მეფისგვერდით იჯდა, ხოლო გარშემო — ქართლის მშვენიერი და ჭედმაღალი დიდებულნი. მესტვირენი და აშუღნი ერთმანეთის პირდაპირ ისხდნენ ხალიჩებით დაფენილ სკამლოგინებზე.

ციხისთავი გამოიძახებდა ხოლმე და ყოველი მათგანი თავის შაირსა და ლექსს ამბობდა. გულშარი როდი შემეცდარა. მხოლოდ მას უმღეროდნენ მგოსნები და ამილახერის მშვენიერი მეუღლე მენვიდე ცაზე აჰყავდათ. ატლასის ცისფერ ბალიშზე მიწოლილმა ნესტანმა დაცივებით წასჩურჩულა ხორეშანს, ამ მომბაბურებელ მოლაქლაქეთა სისულელის შესახებ.

მეტების კარებში რალაც დაობა ატყდა.

მოლაშქრე შუბით უხშავდა გზას ვილაც მოხუცს.

ბააკა მივიდა.

— ცუდად აცვია, ასეთი ვინმე მეფეს როგორ ვაჩვენოთ? — ჯავრობდა დარაჯი.

ბაკამ მოხუცს ურჩია, სუფთა ტანისამოსი ჩაიცვიო, მაგრამ მოხუცმა მტკიცე უარი უთხრა:

— როგორც მიცხოვრია, მეფესაც ისე ვეჩვენები. სამგონსოდ მოვედი და არა ჩოხის საჩვენებლად...

ბაკა მეფეს ეახლა... მეფემ გამომწვევად გადაჰხედა შადიმანს, რომელსაც არ უყვარდა მათხოვარნი, და ლომილით სთქვა:

— შემოუშვით, მგოსანს სიმღერით აფასებენ.

მაგრამ მგოსანი აშკარა სიცილით მიიღეს. მან სალამი მისცა მხოლოდ ლუარსაბს და ხალიჩაზე დაჯდა. ერთბაშად ატირდა ქიანური და აკანკალებული ხმაც საშინელ დროებაზე ამეტყველდა: დეე მეფემ თვალი მიიპყროს ქართლის საზღვარს, კარგად გალესოს ხმალი, მხედრებმა შეჰკაზმონ ცხენები, აჰა, მთები დაბნელებულა მტერთა დროშებით, ქარიშხლის ღრუბლებივით მოიგრაგნებიან ურწმუნონი და თვალსა სთხრიან ქართლს... დეე, მეფემ კარგად გალესოს ხმალი...

ლუარსაბი გაკვირვებული უსმენდა მოხუცის ქადაგს: ის-ის იყო მხედართმთავრებმა იარაღიმ და ზაქარიამ მოახსენეს, ქართლის საზღვრებზე სრული სიწყნარეაო.

გულშარი გაფიცხდა:

— განა მოხუცმა არ იცის, თუ რაზე მღერიან დღესა?

მოხუცი გულშარს დააშტერდა და წუნარად წარმოსთქვა:

— უკეთუ მშვენიერი ქალები მეფეს უფარავენ იმ საშიშროებას, რაც ქართლს მოელის, და მხოლოდ სილამაზეზე მღერიან, მაშინ ჩემს თვალს მხოლოდ ერთი ვინმე უნახავს ასეთი... სწორედ ისე, როგორც ახლა, ცას ცისფერი სამოსი ამშვენებდა, მხოლოდ მზე შავ ზღვაში ჩავარდა, შავი ზღვა კი ქალწულის თვალებში მოთავსდა, მზემ თსკერი ვერ იპოვნა და შავ ცეცხლად აჩუხჩუხებდა... ცა გაჯავრდა, მეორე მზე დასვა სანათებლად, მეორეც ზღვაში ჩავარდა, და, ამგვარად, ასი მზე მოთავსდა ქალწულის თვალში, მხოლოდ ერთი, უკანასკნელია დარჩა ცაზე.. როცა თვალი ოდნავ მოხუტულია, კიდევ არაფერი, წამწამები ჩრდილს აყენებენ, ხოლო როცა თვალი სულ ღიაა, შეხედვა არ შეიძლება, მხესავითა სკრის თვალსა...

მაშინ განთიადმა სთქვა: „წავიდე, ვნახო მზე რად გაექცა ცასაო“. ნახა და ქალწულის ბაგეზე დარჩა. მაშინ მარგალიტმა სთქვა: „უფრო ლამაზი ვიქნები, თუ წითელი ფერის ახლოს დავრჩებიო. მხოლოდ ესაა, ბაგე მეტად პაწიაა... მიჯრილობის გამო მარგალიტი უფრო ბრწყინავს...“

მაშინ მთვარემ სთქვა: „თუ მზენი ზღვაში ჩაცვივდნენ, მაშინ მე გაუანათებ ზღვასაო“, — და ქალწულის შუბლზე შერჩა.

მაშინ ვარსკვლავებმა წამოიძახეს: „ცაში მოწყენილობაა, მუდამ მთვარის ახლოს ვცხოვრობდითო“, — და ქალწულის წამწამებს დაე-

კიდნენ. მაშინ დაისმა იწყინა: „თუ ყველანი გაიქცნენ, მე რადლა დამტოვესო“, — და ახლა ქალწულის ლაწვებზეა ანთებული.

მაშინ ქარიშხალი გაჯავრდა: „მე რად დამივიწყეთო.“ ღამეს ერთი ფრთა მოსწყვიტა, ელვაც თან წამოიღო და ამნაირად ქალწულის თავზე დაესვენა.

მაშინ ფრინველნიც შეიყარნენ და თავიანთი ხმა იმ ქალს შესთავაზეს... ხოლოდ მტრედმა სხვების შეუმჩნევლად თავის ხმის მაგიერ კდემამოსილება მიუძღვნა.

მაშინ ყვავილებიც შეიკრიბნენ და თავიანთი სურნელება მას მიანიჭეს.

შეიკრიბნენ აგრეთვე ნიამორებიც და თავიანთი მოქნილობა მას აჩუქეს.

ენახოთ მხეცნიც შეგროვდნენ, მაგრამ ლომმა დაიღრიალა: „ჩემს გარდა, ვინ ბედავს მშენიერს საჩუქარი შესთავაზოსო?“ და ქალწულს თავისი გული მიუძღვნა.

ახლა, როდესაც ქალწული იცინის, ხენი იფურჩქნებიან, როცა მოწყენილია, წვიმს, როცა დადის, ბალახი ხარობს, — ჰკონია, პეპელამ ფრთა შემახოო.

მხოლოდ ესაა, რომ, როცა ბევრი რამ ერთად არის, მუდამ სახიფათოა. შავი მზეები თავისკენ ცტყუებენ, ხოლო ზღვას არ უყვარს, როცა მის ფსკერს ეძებენ. განთიადიც შეშფოთებულია, სისხლი სჩქეფს, მარგალიტს სისხლი უყვარს, სისხლი თავის ადგილს ეძებს, ადგილმა კი მოთელი დედამიწა დაიპყრო...

— ეჰ, მოხუცო, შენ საუკეთესო მგოსანი ხარ და დაფნის გვირგვინიც სამართლიანად შენ გეკუთვნის.

ლუარსაბმა მხიარული თვალი მოაელო დამსწრეთ. გულშარმა მეფეს მხარი დაუჭირა და შეფრთხინებით იკითხა სახელი არაჩვეულებრივი მშენიერისა. მოხუცი დიდხანს სდუმდა და გულშარის დაქინებაზე, ბოლოს, მიუგო:

— რა საჭიროა სახელის ცოდნა?... ბედი კარს გააღებს, ბედის მოტყუება ძალიან ძნელია...

გაჯავრებულმა გულშარმა მოხუცს სიცრუე დასწამა.

არანაკლებ დაინტერესებულმა ლუარსაბმა მოხუცს დამსახურებული ჯილდო აღუთქვა და თვითონაც მოსთხოვა ლამაზის სახელის გამომეღვენება.

მოხუცი წამოდგა, გულშარს მიაშტერდა, მერმე ნელა ჩამოათვალიერა დამსწრენი და თვალი ლუარსაბს მიაპყრო.

— მეფეო, შესაძლოა, მალე ნახო იგი... უფრო მალეც, ვიდრე მეგობარი გისურვებდა. მის სახელს ნუ მკითხავ, ჩემი კი დაიხსომე: ბადრი მქვია. თუ ჩემი დაჯილდოვება გსურს, უბრძანე, რომ სიკვდილის შემდეგ იქ დამმარხონ, სადაც მკვდარს მიპოვნიან...

ბადრიმ ფრთხილად აიღო თვისი ქიანური და სალამის მიუცემლად წავიდა.

აივანზე ერთხანს დუმილი ჩამოვარდა. ლუარსაბმა პირველმა დაარღვია სიჩუმე:

— რაკი იმ მშვენიერის შეხვედრა მიწინასწარმეტყველეს, რომელმაც ცას საუკეთესო მორთულობა მოსტაცა, რა საჭიროა მწუხარება და მზიარულობის დაეიწყება!

აღშფოთებული გულშარი ჰფიცავდა: ცბიერი მოხუცი გურიელის გრძელცხვირა ასულის მოსყიდულია, ტყუილებრალოდ როდი არ უხსენებია ცხვირიო.

ნესტანმა მოაგონა:

— ის მშვენიერი ქართლში ცხოვრობსო.

შეხედვას რომ მოკვლა შესძლებოდა, ნესტანი, ალბათ, მოხუცზე ადრე მოკვდებოდა, მაგრამ მეტოქე ქალებს ბრძოლის იარაღად მხოლოდ მკვებახე სიტყვები და თავაზიანობის ფარხმალი დარჩენოდათ. მცხოვანი დიდებულნიც კი მხოლოდ ახლა მიხვდნენ სიტყვიერი ასპარეზობის მნიშვნელობას. შადიმანმა რომ გამზიარულეზული ლუარსაბი ნახა, გაფითრებულ ზურაბსა და ამირინდოს გადაჰხედა და კეთილგონივრულად მოაგონა იქ მყოფი მგოსნები...

წყნარი განთიადი შეშფოთებულმა რეკამ შეარყია, ერთბაშად აგუგუნდნენ თბილისის ყველა ზარნი. შულტათა ყვირილით გაღვიძებული მოქალაქენი ქუჩებში გამოცვივდნენ და შემინებულნი უცქეროდნენ მთებზე ანთებულ საგუშაგო კოცონებს.

ჯერ კიდევ ღამით მეტეხს მოფრინდნენ მსწრაფმსრბოლნი, და უდარდელმა სასახლემ საშინელი ამბავი გაიგო.

მთელი მეტეხი იარაღის ჩხარუნმა მოიცო. შეიყარა სამხედრო საბჭო. სწრაფად გაუდგნენ გზას რაზმები. ზაქარია და იარაღი ელვისებური სისწრაფით გაემართნენ მანგლისისაკენ.

ქართლმა იარაღს იტაცა ხელი, მაგრამ ხელსაყრელი დრო უკვე წასული იყო.

ფეოდალები, რომლებიც თავიანთ პირადი სარგებლობის მიხედვით მოქმედებდნენ, როდი ცდილობდნენ სახელმწიფოს საერთო დაცვას, და ქართლი კვლავ სტამბოლის უსასტიკესი თავდასხმის მსხვერპლი გახადეს.

ცხოვრებას მოწყვეტილი და მოოქრულ ნაქუქში მომწყვდეული სასახლე ლხინით, ნადირობითა და ასპარეზობით იყო გართული, აღსაყვ იყო სხვადასხვა მოწინააღმდეგე პარტიის ინტრიგებით და ამჯერადაც უძლური იყო თავიდან აეცილებინა მტრის შემოსევა.

შადიმანის მიერ დასახული სამხედრო კავშირის დადების დაგვიანებით აღშფოთებული სტამბოლი ცდილობდა ქართლის დაპყრობით მოესპო ერანის გავლენა აღმოსავლეთ საქართველოზე.

აჰმედ სულთნის სახელგანთქმული მხედართმთავარი, ყირიმის ხანი, დელი-მაჰმადი, რომელსაც კარგად ახსოვდა თრიალეთის დამარცხება, ფრთხილად მოქმედებდა.

იგი ბალდადის დაპყრობის შემდეგ თურქეთს ბრუნდებოდა და თან მოჰყავდა დატვირთული ქარავნები, ტყვეები და ცხენთა რემა. ხანი ღამ-ღამობით იძვროდა, დღისით კი ხშირ ღიშხნარში იმალდებოდა. მხოლოდ კველთის მახლობლად შენიშნეს იგი საგუშაგო კოშკებმა.

იარალისა და ზაქარიას მოწინავე რაზმებმა მოასწრეს უღელტეხილების გამაგრება, მაგრამ ძილის დროს გარშემორტყმულ იქნენ და განადგურდნენ დელი-მაჰმად-ხანის ფიცხი შემოტევით. გაათურებულ ბრძოლაში სახელგანთქმული მხედართმთავრები იარალი და ზაქარია, რომელთაც არაერთი გამარჯვება მოეპოვებინათ, თავიანთ ზმლებზე აეგნენ.

თათართა ჯარმა გამაგრებული ხევეები გაარღვია და გაშიშვლებულ ქართლს მოედო.

მანგლისი და კველთა რომ დაიპყრეს, თათრები დიდებულთა სამფლობელოებს შეესივნენ და ფეოდალები არა თუ მოკლებულნი იყვნენ საშუალებას შეთვისთვის დახმარება აღმოეჩინათ, არამედ თვითონაც ძლივს გადაარჩნენ მიუვალ ციხე-სიმაგრეებში შემალვით... შიშით მოკულმა ხალხმა სოფლები სარბევად მიატოვა და მიუვალ ტყეებში გაიხიზნა.

სამეთოს განადგურებამ ლუარსაბი აიძულა მახლობლებითურთ სასწრაფოდ დაეტოვებინა უკვე დაცარიელებული ტფილისი და ერთაწმინდაზე გაეღიოთ ცხირეთის ციხისთვის შეეფარებინა თავი.

ციხის მაღალი კოშკიდან გასცქეროდა სასოწარკვეთილი ლუარსაბი შორეულ საგუშაგო კოშკების აგიზგიზებულ კოცონებს. მაგრამ მასთან საშველად არ ისწრაფოდნენ რაზმები, არ ფრიალებდნენ დროები, არ გუგუნებდა ბრძოლის ყიყინა. მეფე დავიწყებულ იქნა და, თუმცა მის სიცოცხლეს საფრთხე არ ემუქრებოდა, მაგრამ გულს სირცხვილი სწვავდა. ქართლი მტრის ანაბარად არის მიტოვებული. პირველმავე ომმა იგი კარისკაცებით და ერთი მუჟა მოლაშქრეებითურთ უშიშარ თავშესაფარში შეერკა. ზურაბი, რომელიც ტფილისიდან ანანურისკენ გაეშურა, არ ბრუნდებოდა. სხვა ციხეებთან კავშირის დაქერა შეუძლებელი იყო, ყველანი მოწყვეტილნი იყვნენ ერთმანეთს.

საიდუმლო მსწრაფმსრბოლთ საშინელი ამბები მოჰქონდათ. პირველად დაიბნა შადიმანი. პირველად შეიკრა ჯიუტი წარბები და უმწეოდ ივლებდა ხმაზე ხელს ამირინდო.

ნოსტეში დიდი ორომტრიალია. აზნაურთა კავშირი მხოლოდ ერთ საათს ბჰობდა. „ვეფხებმა“ — დაუთბეგმა, გივიმ, თანუშმა, ელიზ-

ბარმა და მათარსმა თავიანთი რაზმები სააკაძეს ჩააბარეს და თვითონ ლამის წყევლიაღში გაჰქრნენ.

იღუმალის ხმით გადასძახოდნენ ერთმანეთს შაშვები, ოდნავ წკარუნებდა გაუფრთხილებლად შერხეული მოსართავი ცხენისა: ნოსტეში იკრიბებოდნენ აზნაურთა დანარჩენი რაზმები.

გაქაფულ ცხენებზე სწრაფად ჩამომხდარი შიკრიკნი თათართა მოძრაობის შესახებ იტყობინებოდნენ.

საკაძემ ბნელი ღამით ისარგებლა და აზნაურთა ორი ათასი მოლაშქრე ცხირეთის სასახლისკენ წაიყვანა. და განთიადისას აღმოსავლეთის მხრით დაშვებულ ხიდზე უეცრად წარუდგა განცვიფრებულ ლუარსაბს.

დელი-მაჰმად-ხანის მოულოდნელმა შეყოვნებამ გაამხნევა ქართლი და ხალხმა შორეულ სოფლებში იწყო თავის მოყრა.

კველთაში თათართა მზევრავმა რაზმმა ჭიანჭურიანი მოხუცი შეიპყრო. აღთქმული ჯილდოთი ნოხიბლულმა მოხუცმა მაჰმად-ხანი საიდუმლო ბილიკებით ცხირეთის ციხისაკენ წაიყვანა... გაუტეხელ დუმლიში გადასერეს თათრის ურდოებმა მათა მიხვეულ-მოხვეული ბილიკები, ეკლიანი ლიშხნარები, ვიწრო ხეები, შემოუარეს ერთაწმინდას, გადავლეს გოსტიბის მთები, დაეშენენ აფთართა ქალაში, მაგრამ მხრებშეკრული მოხუცი კი კვლავ და კვლავ განაგრძობდა უკანმოუხედავად სვლას, სანამ გააფთრებულმა მაჰმად-ხანმა ქვენადრის გზა არ იცნო.

— ბედის წერა გსურს მოატყუო?—დაცინვით მიუბრუნდა მოხუცი.—მუდამ უქქუონი იყავით, განა სახალხო მგოსანი თავის ხალხს უღალატებს?

დელი-მაჰმად-ხანის ოცათასკაციანი ჯარი მყის შემობრუნდა ქალისაკენ, თავმოკვეთილი მოხუცი კი გატეხილი ჭიანჭურითურთ ცივ კლდეზე დარჩა.

მხოლოდ რამდენიმე დღის წემდეგ შესძლო მაჰმად-ხანმა თავისი განაწამები ჯარის განლაგება ახალქალაქის გარშემო.

ლუარსაბი და მთელი სასახლე ციხის კოშკებიდან შიშით უცქერდნენ ერთაწმინდის ქალას, რომელიც, თითქოს სისხლის ტალღებს დაუფარავსო, გაქედილი იყო წითელი ჩალმებით. შეკრებილი საბჭო სდუმდა. უგონოდ ისხდნენ დიდებულნი, მწუხარედ დაეხარა თავი ლუარსაბს.

— მაშ ქართლი საძარცვად გავიშვებო?

წამოდგა მღუმარე სააკაძე...

— შეფევე, გთხოვ შეიდი საათის დრო მომცე და სულთნებს ასის წლის განმავლობაშიც კი არ დაავიწყდებათ ქართლისათვის თავმოხვეული ომი.

ლუარსაბზე შადიშანს გადახედა, სხვა კარისკაცნიც ჩამოათვალი-
ურა და მარმარილოს ქანდაკებასავეით აღმართულ სააკაძისკენ მი-
იწია.

— გიორგი, გიორგი, უმაღლესი სარდლის უფლებას განიქებ და
შეფე ლუარსაბიც მუდამ შენთან იქნება...

საკაძემ ცხირეთის ციხე საჩქაროდ დასტოვა და კაეთისხევისაკენ
გაეშურა.

ისარივით დაჰქროდა დაღუმებულ ქართლში „ვეფხთა რაზმი“
და ხალხს მოუწოდებდა, სააკაძის დროშისქვეშ დადექითო. აღფრ-
თოვანებული გლეხები ნოსტეს მიეშურებოდნენ ტყეებიდან, ქვაბუ-
ლებიდან, საგუშაგო კოშკებიდან და შორეული სოფლებიდან:

— სააკაძე გვიხმობს! ჩენი სააკაძე გვეძახის!

— იჩქარეთ, ხალხნო! სააკაძე გამარჯვებას გვიქადის!

— იგი თავის სიტყვას მუდამ ასრულებს!

— გორში ჩემი ვაჟი გამოისყიდა!

— მე კი ქალიშვილი გამომისყიდა, ნოსტეში ახლა მსახურია.

— მცხეთაში მე გადასახადისაგან გამათავისუფლა.

— ეზოთში ყველას ძროხის სამკურნალო მაღამო დაურიგა!

— ჩემი ვაჟი ვაჰრებს გადაარჩინა ანანურში.

— მე ხერთვისში ცხვრები მაჩუქა!

— ისწრაფეთ, ხალხნო! სააკაძე გვიხმობს!

— სააკაძე გამარჯვებას გვიქადის, მუდამ სიტყვის აღმსრულე-
ბელია!..

და ყველა შორეული თუ ახლობელი სოფლის გლეხები, რომელ-
თაც სააკაძე მრავალი წლის განმავლობაში დახმარებას უწევდა,
აქებდნენ სააკაძის გულუხვობას. სააკაძის ვარაუდი ხალხის მაღლი-
ერობის შესახებ სწორი აღმოჩნდა. საერთო ყივინაში: „ჩენი სააკა-
ძე მოგვიწოდებსო!“— ახალგაზრდანი, მოხუცი და მოზარდნიც კი
იარაღს ისხამდნენ, დაბლაგვებულ ხმლებს ლესავდნენ, კეტებს ამზა-
დებდნენ და ნოსტეს მიეშურებოდნენ, ამასთანავე გზადაგზა სხვა სოფ-
ლებსაც თან იყოლიებდნენ. ქალებიც კი დედაბრების ამარა სტო-
ვებდნენ ბავშვებსა და, სატყვერით შეიარაღებულნი, სააკაძის აღთქ-
მის კოშკისაკენ მიეშურებოდნენ.

ნოსტეში როსტომი და დიმიტრი საჩქაროდ აიარაღებდნენ გლე-
ხებს ამქრების მიერ ტფილისიდან აქლემებით მოტანილი საქურვე-
ლით, ცხენებზე სვამდნენ ახალგაზრდობას და შორსმოსავლელი გზე-
ბით და გამოცდილ აზნაურთა ან მოლაშქრეთა მეთაურობით კავ-
თისხევის ტყეში გზავნიდნენ.

რუსუდანმა ფარული გზებით ანანურს სანდო კაცები გაგზავნა
და ნუგზარს შეუთვალა გიორგი გთხოვს, დაუყოვნებლივ სურამისა-
კენ დასძარ ჯარი და გააფრთხილე აგრეთვე მუხრან-ბატონი და

შალვა ერისთავი, რომ მეფეს გადაწყვეტილი აქვს სურამის ველზე გაუმართოს თათრებს ბრძოლაო.

სააკაძის იღუმალი შიკრიკნი მეფის სახელით ციციშვილისა და ჯავახიშვილის ციხეებსაც ესტუმრნენ და უშიშარი გზებიც ასწავლეს...

ერასტი და ოცი მზვერავი, რომელნიც ბაღდადელ ვაჰრებს წაართვეს ანანურში, გველივით დასრიალებდნენ ტყეებში და თათართა ურდოს ზურგში სახალხო ლაშქარს აგროვებდნენ. ქართლი აზგაედა. თავის ნებაზე მიშვებულმა ხალხმა სიამაყით მოჰკიდა მძლავრი ხელი თავისი ქვეყნის დაცვას. შიკრიკთა მიერ გაფრთხილებული ფეოდალები ფარული გზებით ისწრაფოდნენ ცხირეთის ქალისაკენ.

გარნა გარეგნულად ქართლი მიმკვდარებული იყო. ფხიზელ დუმილში მისწყდა ყოველგვარი ჩამიჩუმბი, მხოლოდ ღამლამობით შრიანებდა ბალახი, მხოლოდ უხმოდ იხრებოდა ტბისპირას ატეხილი ლერწამი, მხოლოდ წყნარად გასძახოდნენ შაშვნი ერთმანეთს...

გამარჯვებული წინსვლით შოტყუებული და მყუდროებით მიძინებული მაჰმად-ხანი ცხირეთის ციხის ახლოს დაბანაკდა მრავალრიცხოვანი ჯარითურთ. კავთისხევის უღრან ტყეში დამალული რვაათასი შეიარაღებული ქვეითი და ცხენოსანი საბრძოლო ყიყინით შეეგება სააკაძეს. ყოველ წუთს მოდიოდნენ ახალ-ახალი რაზმები, რომელთაც გუთანნი ხმალზე შეეცვალათ.

სააკაძემ ქვლივიძე და ათი აზნაური რაზმთა შესადგენად და გასაგზავნად დასტოვა, თვითონ კი როსტომისა და დიმიტრის რაზმებითურთ სწრაფად გაემართა ცხირეთისაკენ და საღამოს შვიდ საათზე თავისი ჯარით სასოწარკვეთილი ცხირეთის ციხის კედლებთან დაბანაკა.

გახარებულ მეფესა და კარისკაცებს სააკაძემ დაუსახა გენიალური სტრატეგიული გეგმა, რომელიც საქართველოს მატრიანეში უკვდავყოფილია „ტაშისკარის ბრძოლის“ სახელით, და რისთვისაც გიორგი სააკაძეს ხალხმა დიდი მოურავის სახელწოდება მიანიჭა.

აზნაურთა მოძრაობის მეთაურის მიერ დასახული გეგმა დაპირისპირებულ იქნა ფეოდალური წესით ომის წარმოებისადმი.

განთიადისას ხმალამოწვდილმა სააკაძემ ლაშქარს მოაგონა ხალხის ნება და ნებაყოფლობითი სახალხო ჯარის ღირსებანი. მოლაშქრენი აღფრთოვანებული ყიყინით შეხვდნენ სარდლის სიტყვებს, მოუთმენლად იქნევდნენ ხმლებსა და ბრძოლის დაწყებას ჩქარობდნენ. შადიმანსა და კარისკაცთა პროტესტებმა ვერ შეაყენეს ლუარსაბი, და მის გამოჩენას ბატონიშვილ ქაიხოსროს, თავადების, ზაზა ციციშვილის, ქაჩიბაძის, ლაზნელისა და ლიპარიტის თანხლებით ლაშქარი ალტაცებული შეძახილებით შეხვდა.

სააკაძემ სამად გაჰყო ჯარი. მეფეს დათო და როსტომი მიუჩინა და უბრძანა, თვალის ჩინივით გაუფრთხილდით მეფეს, რადგან

ბრძოლაში მეფის დალუპვა ცრუ შიშს უნერგავს ჯარსა და არეველ-რევას იწვევსო.

ლუარსაბმა მარჯვენა ფრთის სარდლობა იკისრა, რომელიც განმტკიცებული იყო აზნაურთა კავშირის რაზმებით.

ზაზა ციციშვილი მარცხენა ფრთას მეთაურობდა, ცენტრს კი დიმიტრისთან ერთად სააკაძე უძღოდა.

ჯარი მწყობრ კოლონებად დაიძრა ცხირეთის ქალისაყენ და მხოლოდ სოფელ ნიაბთან იქნა შემჩნეული განცვიფრებული დელი-მაჰმად-ხანის მიერ.

ასტყდა თურქული დოლის ცემა. აღიმართა ნახევარმთვარითა და ცხენის ძუით შორთული თულები. ფლანგიდან გამოიქრა ხმალი აღმართული თათართა ცხენოსანი ჯარი. ცალთვალა ხანმა ხმალი დაიქნია და თათრები მკიდრო რაზმებად წინ გამოექანენ. რაზმის წინ მოაქენებდა ნაჭირი, რომელსაც მწვანე დროშა ეკავა. დელი-მაჰმად-ხანმა ცხენი ყალხზე შეაყენა.

სცემდა დოლი, გუგუნებდა დაფი, ფრთქვინამდნენ ცხენები, შავ-ბედითად ლაპლაპებდნენ ხმლები. სააკაძე მტრის ჯარის შუაგულში შეიქრა...

საკაძის ვარაუდი სწორი გამოდგა: მოულოდნელმა თავდასხმამ აბნეულობა გამოიწვია. თურქთა მოწინავე რაზმები სააკაძის მძლავრ-მა შეტევამ გასთელა, გააღჭაჯებული დიმიტრი მარჯვედ იქნევდა ხმალსა და საბარათიანოს რაზმს უძღოდა. არანაკლებ გააფთრებით იბრძოდა მარცხენა და მარჯვენა ფრთა. ლუარსაბი და დათო, რომ-ლებიც ბევრით ჰგავდნენ ერთმანეთს, მარჯვედ იყენებდნენ ცხენო-სან ჯარს, ხან მუშტივით შეჰკრავდნენ მას, ხანაც ცალკე რგოლე-ბად განაბნევდნენ. დასისხლიანებულ ცხენზე მგდომი აზნაური და მეფე იტაცებდნენ ბრძოლით მთვრალს თავიანთ ჯარს.

კეთილგონიერი როსტომი, რაკი სააკაძის ბრძანება ახსოვდა; ლუარსაბს ერთ ნაბიჯზედაც კი არ შორდებოდა. იგი ფრთხილად ადევნებდა თვალს თურქთა იატაგანებს და მტკიცე მკლავით არა-ერთხელ გადაუქრია გზა ერთობ გაბედული მტრისთვის.

გივი, რომელსაც თავისი რაზმითურთ ბრძოლაში დააგვიანდა, გააფთრებული შეიქრა ქელივიძის რაზმეულში და მეტად გაკვირვ-ებული დარჩა, როდესაც კეთაში ხმლის ტარი იგრძნო და გაჯავრებუ-ლი აზნაურის ბოლქვა უღვაშები შენიშნა.

თათართა მემარცხენე ჯარს მეთაურობდა მაღალი, ლურჯთვალა ხანი. რალაც მომჯადოებელი იყო მის ნელ მოძრაობაში. იგი გულ-გრილად უახლოვდებოდა ქართველებს თავისი ცხენოსანი ჯარითა და ზანტად იქნევდა ხმალს, თითქოს ბუზებს იგერიებდნო. მისი რჩეუ-ლი რაზმი, რომელსაც სარკინოზებისაგან შეეთვისებინა მარჯვე დარტ-ყმის ხელოვნება, დაუბრკოლებლად მოიწევდა წინ ქართლის მთა-ვარი ჯარისკენ.

სააკადემ უნებურად მიაპყრო თვალი ამ ხანსა და შეუმცდარად მიუხედა განზრახვას: მას ლუარსაბის დატყვევება სწოდდა. გიორგიმ ზაზა ციციშვილს უჩვენა ქართლის მწკრივების გამანადგურებელი ხანი და უბრძანა, რადაც უნდა დაჯდეს, იმ სპშიშ მამაცს თავი უნდა მოჰკვეთო.

ზაზა სააკადის ბრძანების ასასრულებლად გაექანა.

ხანმა დინჯად მოაბრუნა მისკენ ცხენი, მაგრამ ზაზამ მოულოდნელად ყალბზე შეაყენა თავისი ცხენი, ელვისებური სისწრაფით მოუქნია ხმალი და ხანის მოკვეთილი თავი ჰაერშივე დაიქირა. მერმე დიდი გაქირვებით გაიკაფა გზა მტრის მკიდრო რიგებში და, მთლად გასისხლიანებულმა, ლუარსაბის ფერხთა წინაშე დაავლო თავისი ნადავლი.

უფროსს მოკლებული თათართა მარცხენა ფრთა, მიუხედავად მათი რიცხობრივი უპირატესობისა, შედრკა და უკუიქცა, ამასთანავე თან გაიყოლია დანარჩენებიც.

დელი-მაჰმად-ხანს იმედი ჰქონდა საბოლოო გამარჯვებისა, ანგარიში გაუწია: შექმნილ მდგომარეობას და წინასწარმეტყველის წმინდა ათასეულს უბრძანა, უკუქცეულნი შეაჩერე და გორისაკენ დაიხიეო.

სააკადემ მტკიცე წინააღმდეგობა გაუწია ლუარსაბს, რომელსაც სურდა მტრის დადევნება, და თან გაახსენა მისთვის ნაბოძები უფლება მხედართმთავრისა.

მეფის მიერ მოწვეულ სახელდახელო სამხედრო თათბირზე სააკადე უკანასკნელი მივიდა.

მან თვითონ დააყენა გუშაგნი, განკარგულება გასცა დასვენებისა და საკმლის შესახებ, რომელიც გულად გლებ ქალებს მოეტანათ; ბრძანა, შეაგროვეთ თათრების მიერ მიტოვებული მთელი იარაღი და ზედმეტი ცხენები ერთაწმინდას გაგზავნეთო.

დაბრუნებულ ერასტის დაავალა, კავთისხევს გასწი და დანარჩენ „ვეფხებს“ ჩემი ბრძანება გადაეციო.

გაკვირვებული მეფის, თავადებისა და აზნაურების შეკითხვაზე სააკადემ დაწერილებით განმარტა შემდგომი გეგმა. თათრები ამჟამად ისწრაფვიან თავიანთი ჯარის მეორე ნაწილს შეუერთდნენ, მაგრამ ჩემ მიერ გაგზავნილი აზნაურთა რაზმები ხიდებს აშლიან და, ამრიგად სურამის ველისაკენ გარეკავენ მტერს. ყველა თავადს შიკრიკი გაეგზავნა, მთელს ქართლში ერთგული აზნაურები ხალხის ლაშქარს ჰკრებენ. მთელი ტყეები დაფარულია იღუმალი ხაფანგებით.

გაფრთხილებული ნუგზარი და ზურაბ ერისთავი გზას მოუქრიან თათართა ჯარის იმ მეორე ნაწილს. ქსნის ერისთავი და მუხრანბატონი მარჯვენა მხრით შემოუვლიან, ხოლო ამილახვარი, რევანზ

ორბილიანი, ქველი წერეთელი და ლაზნელი მარცხენა ფრთას გადაუჭრიან: ჯავახიშვილის, თურმანიძის, ირაკლი ამირეჯიბისა და მაღალაძის რაზმები ზურგში მოექცევიან. ამრიგად, დელი-მაჰმადხანი მომაკვდინებელ რკალში მოექცევა. განთიადისას მეფე, თვით იგი, სააკაძე, და ციციშვილი მოვლურს გააკეთებენ და სწორედ დროზე მიუსწრებენ ციცაბო მთებში მომწყვდეულ თურქებს და ამოსწყვეტენო.

ლუარსაბი აღფრთოვანებით, თავადნი თრთოლვით, ხოლო აზნაურნი მოწიწებითა და აღტყინებული სიხარულით უტკერდნენ მრისხანე მოურავს.

თათართა ჯარი გორისაკენ იძვროდა და ცეცხლითა და მახვილით ანადგურებდა მდიდარ სოფლებს და ციხე-დარბაზებს, მაგრამ მტკვარს რომ მიადგა და აშლილი ხიდები ნახა, იძულებული გახდა ტაშის-კარის ვიწრო გასასვლელისაკენ. დაეხია.

ჯერ კიდევ გათენებული არ იყო, რომ ქართველთა ჯარი დოესის ქალით ახალდაბისკენ გაემართა.

დოესის უღელტეხილზე გამართულ თათბირზე გადასწყდა, არ დადევნებოდნენ მტერს მტკვრის მარჯვენა ნაპირზე, არამედ ფონს გასულიყვნენ, შემოველოთ თათართათვის, შეერთებოდნენ შუაქართლიდან მომავალ მაშველ ჯარსა, სურამთან გამაგრებულყვნენ. ამრიგად, თურქეთის საზღვრისაკენ მიმავალი ერთადერთი და მთავარი შესასვლელი ხეობაში ჩაკეტილი იქნებოდა.

მტკვრის ნაპირას ქართლელთა რაზმებს ხალხური ლაშქარი შეხვდა.

დაგლეჯილი ჩოხები, აბურძგული თმა-წვერით, გაალმასებული, თვალები, ალესილი ხმლები მოწმობდნენ მკაცრი ნახიდურლების ვაჟკაცობას.

აქ იყვნენ: ჩასხმული ატენელები, ტანწერილი, ლალი ურბნელები, ახოვანი, წითელწვერა საბარათიანოელები და მარდი სომხითრები.

საქართველოს ყოველი კუთხიდან არმაზის იღუმალი ნანგრევებიდან, მჭუხარე არაგვის ნაპირებიდან, უფლისციხის ქვაბულებიდან, ძველისძველი მცხეთიდან და ხევში მომწყვდეულ სადგერიდან სურამის ველისაკენ ისწრაფვოდა სახალხო ლაშქარი.

ლუარსაბი განცვიფრებული უტკერდა ცოცხალ ქართლს, ესენი უკვე ის მონა-მორჩილი აჩრდილები აღარ იყვნენ, რომლებიც ამას წინათ ჩირალდნებით უნათებდნენ გზას. ესენი უკვე აღარ იყვნენ ის სტუმართმოყვარე სოფლელები, რომლებიც უხეიროდ ილიმებოდნენ და ფერუმარლით შეთხუპნულ ცოლებსა და დედებს უჩვენებდნენ.

მრისხანე, ცოცხალი ქართლი თვალს უსწორებდა განებიერებულ მეფეს.

ადიდებულმა მტკვარმა ვერ შეაჩერა გალომგულებული ლაშქარი. ჰკრიდნენ ხეებს, ამხადებდნენ ძელებსა და ღვლეუებით ჰკრავდნენ

ტივებს. ტივებით, ნავტიკებით, ფიცრებითა და ძელებით გადიოდნენ მდინარეს. აქაფებულ ტალღებში შეჰყავდათ აქიხვინებული ცხენები.

ახალამოსული მზე სატევრებსა და ხმლებზე ლაპლაპებდა. ლაშქარმა ყიჟინითა და გამარჯვების შეძახილებით გადალახა ადიდებული მტკვარი, გაუსწრო თათართა ჯარს, რომელიც შუაქართლის საზღვრისკენ ისწრაფვოდა, და სურამის ველზე გავიდა.

ნუგზარმა და ზურაბმა თათართა მიწინავე ნაწილი დაამარცხეს და ლუარსაბს გამარჯვების ყიჟინით შეეგებნენ.

მარჯვე მსწრაფმსროლებმა ამბავი მოიტანეს მოურავის გეგმის შესრულების შესახებ: ქსნის ერისთავის, მუხრან-ბატონის, ამილახვრისა და სხვა თავადთა ჯარები რკალიევით შემოერტყრენ თათართა ურდოებს და საშუალება არ მისცეს მთავარ ძალებს შეერთებოდნენო.

დელი-მაჰმად-ხანმა რომ ქართველთა მანევრი შენიშნა, თავისი ჯარი მტკვრის პირას დააწყო, ღრმა სანგრები გასთხარა სურამის მხრით და მაშველ ჯარს ელოდებოდა.

მხიდართმთავართა თათბირმა გადასწყვიტა, სავსებით მინდობიდა გიორგი სააკაძეს.

გიორგიმ განაცხადა: მთავარი მიზანი ის არის, რომ მაჰმად-ხანი ვაიძულოთ მალე დაიწყოს ომიო. ამიტომ თათრებს უკანდასახევი გზა მოუქრა და შალვა ერისთავის ჯარი კორტანეთის მალლობებთან დააბანაკა. დანარჩენი ჯარი კი ისე იყო განლაგებული, რომ ბრძოლაში თანდათანობით შეეყვანა და მტერთა რიგებში მღელვარება და აბნეულობა გამოეწვია.

ცენტრში სააკაძემ სანგრები გამართა, მოწინავე ნაწილი გაშალა, გამოიწვია თხუთმეტი ნოსტელი, რომელთაც შესწავლილი ჰქონდათ რუსული ნაშხანის სროლა და უბრძანა, თათრის რიგებს სროლა აუტყხეთო.

ასეთმა ხერხმა და მოსალოდნელი მაშველი ჯარის მოუსვლელობამ მეტად შეაშფოთა მაჰმად-ხანი, რომელმაც ველარ მოითმინა და ღია ველზე გამოიყვანა თავისი ჯარი.

— აი უგუნური! — უნებურად წამოიძახა დიმიტრიმ და თავისი რაზმითურთ მტერს ეკვეთა. მარჯვენა ფრთიდან დაიძრა ლუარსაბი გაათურებით იბრძოდნენ რაზმები.

საკაძე ნოსტელთა რაზმითურთ სოლივით შეიქრა თათართა ურდოს შუაგულში და საშუალება არ მისცა მაჰმად-ხანს გამოესწორებინა თავისი ფრთების საბრძოლო ხაზი. გიორგი ამასთანავე თვალს არ აშორებდა ქართველთა ჯარს და წუთი-წუთზე თავადებსა და აზნაურებს ჰგზავნიდა ახალი ბრძანებით.

ღრიალი, ყიჟინა, შუბების, ხმლების და სატევრებისა ჩხარუნი და ისართა ზუზუნი, ცხენთა კიხვინი... მაგრამ ამან როდი გასტეხა ოთხი საათის ბრძოლის შემდეგ უშიშარი მაჰმად-ხანი.

მარცხენა ფრთიდან ატეხილ ნიაღვარივით მოდიოდნენ ნუგზარი-სა და ზურაბის ახალი რაზმები. სისხლიან ნისლში მაჰმად-ხანს ეს რაზმები უთვალავ ჯარად მოეჩვენა, და მხოლოდ მარდ ცხენს შეეძლო გადაერჩინა ხანი და მისი ჯარის ერთი მესამედი. ქვეითებმა იარაღი დაჰყარეს და ახლო-მახლო ტყეებში შეიმალნენ. ყოველი მათგანი მხოლოდ თავის გადარჩენაზე ჰფიქრობდა. ციკაბო მთებში მოჰქროდა როსაბი და თან მოჰყავდა თვალადელთა ასეულები. შებრალების მუდარა მხოლოდ აფიცებდა ქართლელებს. მრავალი ასეული თავი გაჰგორდა სურამის ველის მცსუნვარე მიწაზე.

და აი, გამოჩნდნენ თათართა ახალი ძალები, რომელთაც უკან მოსდევდნენ მუხრან-ბატონი, ამილახვარი, მალალაძე და ჰეელი წერეთელი. მოულოდნელმა სანახაობამ თავნარი დასცა მაჰმად-ხანს. ქართლელები გაათრეხული ყივინით ეკვეთნენ თათრებს. და მოხდა დაუჯერებელი რამ: დელი-მაჰმად-ხანის მრავალ ათასოვანი ჯარი დამარცხებულ იქნა სახალხო ლაშქრის მიერ. თათართა მხედართმთავარი ქართლში ისე მოდიოდა, რომ წარმოდგენაც კი არა ჰქონდა სააკაძის ახალ სტრატეგიაზე. ქართლელები უღმობლად სდევნიდნენ გაქცეულთ. ცხენები სისხლიან ტალახში ეფლობოდნენ, სისხლის გუბებში ლაპლაპებდა მზის სხივი, ტანისამოსი. ხელები, პირისახე, ცხენებიც კი მტრის სისხლით იყვნენ მოსერილნი..

ეს იყო ხალხის შურისძიება მრავალსაუკუნოვანი ტირანიისათვის. ბრძოლის ველიდან უკანასკნელი დაბრუნდნენ ლუარსაბი და სააკაძე „ვეფხთა რაზმითა“ და თვალადელთა ასეულებითურთ. თვითეულს მოლაშქრეს რამდენიმე ცხენი მოჰყავდა.

გამარჯვებულთ ჩირადღნებითა და აღფრთოვანებული შეძახილებით შეეგებნენ. ამ წუთს თითქოს ყოველი საზღვარი წაიშალაო მათ შორის. უმაგალითო ბრძოლით მთვრალი ქართლელები ერთმანეთს გაფიცებულნი ტუჩით უამბორებდნენ. ერთმანეთს ეხვეოდნენ მტრულად განწყობილი თავადებიც კი.

— ვაშა, ვაშა, მეფე ლუარსაბს!

— ვაშა, დიდ მოურავს—გიორგი სააკაძეს!

ლუარსაბი სიხარულით გადაეხვია სააკაძეს. ბეჰედი მოიძრო და სააკაძისთვის თითზე უნდოდა წამოეგო, მაგრამ გოლიათის ხელი არავის ხელს არა ჰგავდა ქართლში.

მნახველთ სიცილი აუტყდათ. სააკაძემ ბეჰედი გამოართვა, აკოცა და ხმლის ვადაზე შეისკენა.

— დეე მეფის საჩუქარი მუდამ მაგონებდეს სურამის ბრძოლას.

გამარჯვებულთ დაღლილობა დაავიწყდათ და შუალამემდე შეიმობდნენ. ბანაკში ლუარსაბის კარაგთან აღმართული იყო ათასი მოკვეთლი თავის გორა. და ამ გორის ირგვლივ ცეკვავდნენ და მხიარულობდნენ ქართლელები.

მეორე დღეს მტრის ძებნას მოუწოდნენ, მაგრამ გადარჩენილნი უკვე საზღვარს გადასულიყვნენ. მხოლოდ ზოგიერთი გულადი ქალი რამდენიმე დღის განმავლობაში ტყეებში პოულობდა მიმალულ თათრებს, და, ნიშნად შერცხენისა და ქკუის სწავლებისა, რათა კვლავ აქეთ აღარ ექნათ პირი, აშიშვლებდნენ და ისე ჰგზავნიდნენ თურქეთის საზღვრისაკენ.

ერთმა თათარმა, ნიშნად მადლობისა, რომ ტანისამოსი დაუბრუნეს, ქალებს უთხრა: ის წყეული მოხუცი რომ არ ყოფილიყო, რომელმაც გოსტიბის მთებში შეგვიყვანა, ქართველები ვერ გაიმარჯვებდნენ. მოხუცს, რა თქმა უნდა, თავი მოკვეთესო.

ერასტის მზვერავი რაზმი გოსტიბის მთებში გაემგზავრა. რამდენიმე დღის შემდეგ ერასტიმ იცნო თავმოკვეთილი მოხუცი, — ეს იყო ქართლში კარგად ცნობილი მესტირე ბადრი, რომელიც გამჭირახობისათვის დიდი პატივისცემით სარგებლობდა.

ლუარსაბს მოაგონდა უცნაური მოხუცის ანდერძი და ბრძანა; გოსტიბის მადლობზე დაკრძალეთ, ძეგლად ნიში ააგეთ და კარებზე ასე წააწერეთო: „წარმავალ ცხოვრებაში არ გავცელი სამარადისო სიცოცხლეს, არ გავხდები მეფისა და სამშობლოს მოღალატე.“

შუალამემდე ითვლიდნენ ნადავლს. მაჰმად-ხანის მიერ სპარსეთის ომიდან წამოღებულ ნადავლს: ვერცხლით სავსე ტომსიკებს, ოქროს სხვადასხვა ხელოვნურ ნაკეთობას, ვერცხლისა და ოქროს ხმლებს, სატევრებს, შუბებს, აუარებელ შეკაზმულ ქცხენს. სააკაძის რჩევით ამ დღესვე შაჰ აბაზს საჩუქრად გაუგზავნეს: მაჰმად-ხანისათვის წართმეული ტყვე-სპარსელები, თათართა სამიათასი თავი, რომლებიც შუბებზე იყო წამოგებული, თავმოკვეთილი ლურჯთვალა ხანის ცხენი ოქროს რახტითა და ხმლითურთ, რომელიც ძვირფასი თვლებით იყო შემკული, და ათასი ხელშუბი.

ეს იყო პოლიტიკური ნართაული ქართლის ძლიერების შესახებ. საქულეელი მტრის დამარცხებით გახარებულმა შაჰ აბაზმა სწორედ ასე გაიგო ამ საჩუქრის მნიშვნელობა. იგი ერთხელ კიდევ დარწმუნდა თვისი არჩევნის სისწორეს და გადასწყვიტა მკიდროდ დაკავშირებოდა სააკაძეს.

ხალხიც მიხვდა თვისი ნება-სურვილის მნიშვნელობას და იწამა დიდი მოურავის უძლეველობა.

უთვალავმა ნადავლმა გაამდიდრა მეფე, დიდებულნი და აზნაურებიც კი. მაგრამ სააკაძემ შეფესა სთხოვა: ჩემი წილი მოხალისე მოლაშქრეთ. გაუყავიო. სააკაძის დაჟინებული რჩევით, მოლაშქრეთა შინდაბრუნებისას მეფემ განაცხადა: ამ ომის ყველა მონაწილე ერთის წლით თავისუფალია ყოველგვარი გადასახადისაგანო.

დიდებულთ იცოდნენ, თუ რა აუარებელი სახსარი დახარჯა სააკაძემ ამ ომში და უკვირდათ მისი უანგარობა.

ლუარსაბმა განსაკუთრებულად დააჯილდოვა „ვეფხვთა რაზმი“ და თავის ამაღალში ჩარიცხა დათო და როსტომი, რომელთაც მეტეხში თავისუფლად შესვლის უფლება მიანიჭა, დანარჩენ აზნაურებს კი სამეფო ჯარის უფროსთა სახელწოდება მიანიჭა და შეპირდა: თქვენი მამულის გაფართოებაზე ვიფიქრობო.

აღფრთოვანებულმა ლუარსაბმა აქვე უბოძა სააკაძეს თავადობა და თბილისის, დვალეთისა და ცხინვალის მოურავად დანიშნა იგი. ამასთანავე დაუდასტურა თანხმობის სიგელი მეტეხში თავისუფლად შესვლისა. ლუარსაბს სურდა განსაკუთრებით აღენიშნა მადლიერება გმირისადმი და ამიტომ ისურვა ნოსტეში გადაეხადნა სურამის გამარჯვების დღესასწაული.

ნაამებმა სააკაძემ მხურვალე მადლობა გადაუხადა მეფეს და ყველა დიდებულნი და აზნაურნი ნოსტეში მიიწვია მეფის ღვინვით.

ასევე დაჰპატიჟა სააკაძემ ქართლის შორეული და მასლობელი სოფლების გლეხებიც.

თავი ოცდამეთვრამეტე

მიჰქრიან ფრთხილი ქეშიკები და ყოველ ბუჩქს ათვალიერებენ: სადმე სტამბოლელის სატევარი, ისპაჰანელის შუბი და ან რუსული შაშხანა ხომ არ დაუმიზნებიათ მოურავისთვისო.

მაგრამ სრულიად მიწყნარებულა მწვანე მიდამო, მშვიდად დასცქერის ზემოდან ლურჯი ცა, უსაშიშროა მიხვეულ-მოხვეული ბილიკი.

მიაქენებენ მხიარული მხედრები, დარბაისლურად იგრეხს უღვანს შალვა ერისთავი, ამაყად ილიმება ნუგზარ ერისთავი.

გარნა, მიუხედავად ამ საერთო ზეიმისა და მყუდროებისა, უტყუარად სქვრეტს სააკაძის გამჭირახი თვალი მოშავალი ბრძოლების სისხლიან ქარიშხალს... „ცხენს გაუფრთხილდი,“ — ესმის გიორგის იღუმალი ხმა. მტკივნეულად იგონებს წარსულს გიორგი...

აზნაურები იარალის ჩხარუნით, აზნაურთა ქალები ტანისამოსის შრიალით, მოლაშქრენი, ახალი ჩოხებით გამოწყობილი გლეხები, გლეხთა ქალები, რომელთაც ქამარზე პატარა ხანჯალი ჰკიდიათ, ფართოდ გაღებულ სტუმართმოყვარულ კიშკარში შედიან.

საბაზრო მოედანზე სუფრებია გაშლილი, ჰკლავენ ცხვრებს, ფრინველს, ამზადებენ ტკბილეულობას, ღვინით ავსებენ დოკებს, მოაქვთ სავესე ტიკები.

სტუმართმოყვარეობის გარდა, სააკაძეს იმედი ჰქონდა, რომ შორეული გლეხების ნალაპარაკევი შთაბეჭდილებას მოახდენდა. იმედი ჰქონდა, რომ ზოგიერთი გულადი ქალიშვილი ნოსტეში დარჩებოდა-

და მოლაშქრენიც მონატრული იქნებოდნენ თავიანთი სოფელი ნოსტეს მსგავსად მოწყობილი ენახათ.

თბილისიდან თავიანთი ზურნით მოვიდნენ მხიარული მესაქურველე ამქრები.

მთელი დღე ჭამა-სმა, სიმღერა და ცეკვა არ შეწყვეტილა. ნოსტე მორთული იყო ფერადი ქსოვილებით, ხალიჩებითა და ყვავილებით. მეფეს ელოდნენ.

რუსუდანი აღფრთოვანებით ჰუიქრობდა: გიორგი ოდესღაც დამპირდა — „შესაძლოა ჩემით კიდეც იამაყო...“ მეფე პირველი მოდის მასთან, არა, კი არ მოდის, გიორგიმ აიძულა მოსულიყო...

ხორეშანი რუსუდანს ეხმარებოდა და თან ჰუიქრობდა, რა სიამეს მიანიჭებს დედოფალ მარიამს ლუარსაბის სტუმრობა ნოსტეშიო.

მთავარი ჭიშკარიდან კოშკამდე გზა მოფენილია სურნელოვანი ყვავილებითა და მწვანე რტოებით. გზის იქით-აქეთ მხარეს ცოცხალი კედელი ირხევა. სერებზე, ბანებზე, ყველგან გამოწყობილი ხალხია. აუარებელი ყვავილი, დაირა, საზანდარი, ზურნა.

სიმღერითა და იარალის ჩხარუნით მიეგებნენ [ლუარსაბს. მეფის წინ დაფისა და დაირის გუგუნში ცეკვით მოდიოდა ახალგაზრდობა.

დათოსა და როსტომს სადავით მოჰყავდათ ლუარსაბის ცხენი, დიმიტრის — ნესტანის ცხენი, ელიზბარს — გულშარისა, ყველა კარისკაცისა და თავადის ასულის ცხენი ახალგაზრდა აზნაურებს მოჰყავდათ.

მეფეს აღფრთოვანებული შეძახილებით ეგებებოდნენ და ყვავილებს უფენდნენ.

ლუარსაბს უნებურად გაახსენდა შარშანდელი მოგზაურობა ქართლში და შეუჩინველად მიიხედა შადიმანისაკენ, რომელიც თავაზიანად ილიმებოდა.

მუხრან-ბატონი, ამილახვარი, ციციშვილი, ჯავახიშვილი, ბააკა ხერხეულიძე, ზურაბ ერისთავი, ბატონიშვილი სვიმონი, მთავრები და დიდი ამალა, რომელიც ლუარსაბს ეხვია გარს, სიამოვნებას გამოსთქვამდნენ ასეთი შეხვედრის გამო.

აზნაურთა მორთული ქალებითა და ნოსტელი ლამაზი ქალიშვილებით გარს შემოხვეულნი რუსუდანი, თეკლე და ხორეშანი ციხედარბაზის კარებში ელოდნენ. ჭიშკრის მარჯვენა მხარეს ნუგზარი იდგა, მის გვერდით — წინამძღვარი ტრიფილიოს, შალვა და აზნაურები. თეკლეს, რომელსაც შავი ნაწნავეები კოჭებამდე ჩასდევდა, ხელში თეთრი ვარდები ეკავა; მისი შემხედვარე მამაკაცები თვალსა სკუტავდნენ, ვით მზის დანახვისას.

მახლობელი აზნაურებითა და მოხუცი გლეხებით გარშემოხვეული სააკაძე ჭიშკარგარეთ იდგა.

ალაპლაპდა მცველთა შუბი, აგუგუნდა დაფდაფი და სააკაძე გაე-
შურა მეფისაკენ, რათა ცხენზე ჩამოხდომა ეშველნა. მოზეიმე ნაკა-
დი ქიშკარს შევიდა. აღფრთოვანებული შეძახილები, სასიხარულო
მისალმებანი. ლუარსაბი სააკაძეს გადაეხვია და სურვილი გამოსთ-
ქვა გმირის ციხე-დარბაზის ნახვისა. მან თავაზიანად დაჰხარა თავი
რუსუდანის წინაშე და აფრიალებული სარტყლის მარგალიტის ყვა-
ვილებს ეამბორა.

— მეფევე, მოიღე მოწყალება, ჩემი და თეკლე მოგესალმება.

თეკლემ დაიჩოქა და ლუარსაბს ფერხთა წინაშე დააფრქვია სპე-
ტაკი ვარდები და თან ნაზად წარმოსთქვა:

— სიხარულის ია და ვარდი ჰტენია შენი ამ ქვეყნიური ცხოვრე-
ბის გრძელ გზას. რა სიხარულით ივსება გული ხალხისა, რომელსაც
ესოდენ მშვენიერი მეფე ჰყავს.

ნაამებმა ლუარსაბმა ერთერთი თავისი საუკეთესო ღიმილი მოიშ-
ველია, დაიხარა და თეკლეს ადგომა უშველა. მას სურდა ხორე-
შანს მიბრუნებოდა, მაგრამ შეხედა თუ არა გამართულ თეკლეს,
ერთბაზად გაქვავდა: „ესაა მოხუცის მიერ ჩემთვის ხაწინასწარმეტ-
ყველები, მაგრამ ათასჯერ უფრო მშვენიერია...“ შორით მოესმა
საკაძის ხმა, რომელიც აზნაურებს აცნობდა. ვინა? დიალ, მოხუცი
ნოსტელთა გლეხების სახელით მიესალმება. შადიმანმა რალაც გა-
მოართვა. კიდევ ერთი მოდის, ლაპარაკობს... აა, ნუგზარი, შალვა,
ყველანი აქ არიან... ხორეშანი, როგორც ყოველთვის მზიარულია.
აზნაური უყვარს... რა წამწამები აქვს თეკლეს! მოდი, ვტაცო ხე-
ლი, ცხენზე შევისვა და გავაქანო?

უკვე მიწყნარდა სასიხარულო შეძახილი, უკვე დაიხარჯა მრავა-
ლი თავაზიანი სიტყვა, უკვე დაჰკოცნეს რუსუდანი თავადის ქალებ-
მა. უკვე მესამეჯერ გაიმეორა გაკვირებულმა გიორგიმ მიპატიჟება.
გაბედნიერებულ დარბაზში მობრძანდითა. ძლივს შოაშორა ლუარ-
საბმა თვალი თეკლეს. მისი ხმა ბევრს ერთობ წკრიალა, ერთობ
გულწრფელი ეჩვენა.

— მიხარია შენი ოჯახის ნახვა, გიორგი, უფრო აღრეც იყო სა-
ჭირო მოგენახა საშუალება, რათა დაგეყოლებინა ამაყი რუსუდანი...
მეტეხისთვის დიდი დანაკლისია მისი იქ არ ყოფნა...

ლუარსაბი ერთხელ კიდევ დაიხარა რუსუდანის წინაშე და მსუ-
ბუქად შეუდგა კიბის საფეხურებს. ამაღა წყნარად ჩურჩულებდა,
მხოლოდ საქმით გართულმა გიორგიმ ვერ შეამჩნია, თურა შთაბეჭ-
დილება. მოახდინა თეკლემ მეფეზე. ყველაზე უფრო ჰღელავდნენ გულ-
შარი და ნესტანი, რომლებიც ალლოთი ხედებოდნენ ამ შეხედრის
მნიშვნელობას. სხვადასხვარიგად ამუშავდა ფიქრი. „ასე რომ მცოდ-
ნოდა, დიდი ხანია ვესტუმრებოდი რუსუდანს,—ჰფიქრობდა ნესტა-
ნი,—უცნაურია, ჩემს ქორწილზედაც კი არ მოიყვანეს თეკლე ანა-

ნურს.“ კიდეც ორი ვინმე დაინტერესდა ამ ამბით. განუყრელ მეგობართა სქელი უღვაშები წვეტიან კბილებს ჰფარავდნენ...

— მგონი, ვიპოვნე საშუალება ჩამოვაშორო ლუარსაბი?— წაისინა შადიმანმა.

— ჩამოაშორო?— გაოცდა ამირინდო.— მას შემდეგ, რაც ცბიერმა მდაბიომ ასეთი დაუფასებელი ამაგი დასდო ქართლს?

— ეჰ, მეგობარო, რად ღირს ამაგი, როცა იგი უკვე დადებულა.— წინარად ჩაიხიხითა შადიმანმა.— რა თქმა უნდა, მეფე ახლა დიდად მადლიერია, მაგრამ მშვენიერ თეკლეს ცოტა დრო სჭირია. ერთი შეხედვა და— აღფრთოვანებული ახალგაზრდობა ცეცხლივით აგიზგიზდება. როცა გულს ცეცხლი უკიდია, საშუალებაზე აღარ ფიქრობენ... ბევრი რამ შეიძლება მოხდეს... გესმის? სააკაძე კი ამაყია, ვერ მოითმენს დის შეურაცხყოფას და... მაშინ იძულებული ვიქნებით განვაგდოთ მდაბიო, რომელსაც „შურისძიება სწყურია. მეფის უსაშიშროება ყველა გრძნობაზე მალაღია... მაგალითად, კავთის ციხე დიდი ხანია არ შემოწმებულა, საჭიროა დიდი მოურავის გამოცდინილი თვალი, შემდეგ კი... დიალ, უბედური შემთხვევა ქართლში იშვიათი მოვლენა როდია.

— აღფრთოვანებული ვარ, უბრძნესო შადიმან, მე კი ნაღვლიანად ვფიქრობდი: რამდენი ხნით დაისაკუთრებს მეფის გულს საშიში მდაბიო მეთქი?.. მხოლოდ აი...— მას უეცრად გაახსენდა გულშარი და დარცხვენილი გაჩუმდა. შადიმანმა ცბიერი თვალი მოქუტა.

— საჭიროა გავაფრთხილო გულშარი. ჩვენი მომხრეების ინტერესებისათვის თეკლე მოწვეულ უნდა იქნას სასახლეში. გულშარს შესაშფოთებელი არაფერი აქვს. შადიმანი მოახერხებს დროზე გაუშვას უსიამოვნო სტუმარი.

ლხინი დიდ დარბაზში იყო გამართული. ისმოდა მირვან მუხრანბატონის მიერ წართქმული სადღეგრძელოები, თათართა ლტოლვის ამბები, მამაც რაინდთა გაბედული და ხუმრობა ლიქნი მეფის უშიშრობის შესახებ.

მეფის პირდაპირ, ნესტანის გვერდით, თავდახრილი იჯდა თეკლე. „დიალ, ყვითელი კუდიანი უკვე მოქმედებს, — ჰფიქრობდა შადიმანი.— ჯრწუნებს... ან, შესაძლოა, მართლაც ვერ აშორებდეს თვალს ამ ჯერ არ ნახულ მშვენიერას... რა თქმა უნდა, გულშარს ქალთა შორის ცოტა მეგობარი ჰყავს. განგებ შეაქო „ანგელოზი,“ ან იქნებ მეფის მღელვარება შენიშნა... აბა როგორ არ შენიშნავდა, რომ თვალი ანთებულნი აქვს...“

„მოვწამლავ,“ — ჰფიქრობდა გაფითრებული გულშარი.

— არ შემიძლია, ქალბატონო, სირცხვილით თავბრუ მეხვევა.— თეკლე კარებისაკენ გაილალა.

ლუარსაბმა ნერვიულად ჩასკიდა ხელი ხელში შადიმანს. თავადი წამოდგა:

— ჩვენი მეფე მეტად ნასიამოვნებია მშვენიერი რუსულანისა და უძლეველი გიორგის მასპინძლობით, მგონია, აგრეთვე ერთგულ დიდებულთა საამო სიტყვებით. იქნებ, მეფევ, ინებებდით ოდნავ ბალში გასეირნებას?

— თუშკა ჩემი კკუის სწავლების დრომ დიდიხანია განვლო, მაგრამ სიამით ვემორჩილები სასარგებლო რჩევას.

ლუარსაბი არხეინად წამოდგა.

— გამაცილე, ძვირფასო შადიმან.

სააკაძეს, რა თქმა უნდა, არ სჯეროდა უმიზეზო წასვლა, მაგრამ კეშმარიტებაც სრულიად არ იცოდა.

— ძვირფასო შადიმან. მე თავებრუდასხმული ვარ, თითქოს გულს ცეცხლი მოედოო.

— ეჰ, ახალგაზრდობის ბრალია! თავს რად იწუხებ, პირნათელო მეფევ? მშვენიერი ბალში მოსძებნე და შეხვედრაც გიკარნახებს, თუ როგორ მოიქცე... ცოტა ხანს აქ ვიქნები, მერმე სუფრას დაეზრუნდები და ვეცდები მოქეიფენი გავართო. ამასობაში აჩქროლებულ სისხლსაც დააცხრობ...

შადიმანი სწრაფად მიიშალა. ლუარსაბი ნერვიულად მიმოდრიდა ხეივნებში და უეცრად თვალი მოჰკრა ხესმიყრდნობილ თეკლეს: ქალს უმწეოდ დაეხარა თავი და უმწეოდვე დაეშვა ხელები. ლუარსაბს სული ეხუთებოდა, უცნაური სიამის გორგალი ყელს ებჯინებოდა.

შიშმა მოიცვა თეკლე, მეფის შეხედვამ ააფორიაქა ჩვეულებრივი ცხოვრება. ქალი ძრწოლვით ადევნებდა თვალს თავის ფიქრთა რიალს: მაშასადამე, ყველაფერს ბოლო მოელო? მერმე რაღა იქნება, წმინდა ნინოს მონასტერი? არა, არა. სიცოცხლე! სიყვარული? და განა შესაძლებელია ვისმე სხვას შეეწირო სიცოცხლე? ვაიმე, ფიქრიც კი როგორ შემიძლია ამაზე?

თეკლემ უმწეოდ გაიშვირა ხელები და შიშით შეაქქერდა თავლებში ლუარსაბს.

— თეკლე, ჩემო თეკლე, მე ბედმა მარჯუნა შენი თავი, — ტკბილმწვავე ტანჯვა სიტყვას უწყვეტდა, მძაფრი სურვილი თავებრუს ახვევდა, ეგონა ფეხქვეშ მიწა მეცლებოა, — მითხარი რამე, თეკლე, ნიამბე შენი სურვილების შესახებ.

— შენ მეტად მოწყალე ხარ ჩემდამი, მეფეო... ჩემი სურვილი ფუქსავატია, ვით ქარი... მე მინახავს პეპელა, მოხიბლული რომ სანთელს ელტვოდა...

ლუარსაბს სრულიად დაავიწდა, თუ ვინ არის, ან სად არის. სავსებით მოიხიბლა. უსმენდა საკვირველი ხმის მუსიკას და გაოცებული იყო უცდომელი გულის სისპეტაკით.

თეკლეს სინამდვილე დავიწყებოდა, აღფრთოვანებული შესცქნა-
ოდა თვალეში ლუარსაბს და უნებურად ავონდებოდა ერთიდან
გიორგის მიერ მოტანილი ფაიფურის ლარნაკი, რომელზედაც გამო-
ხატული იყო საზღაპრო პრინცი. და თითქოს ამ დახატულ პრინცს
ესაუბრებო, მან ახლა იწყო საუბარი ლუარსაბთან, ტყეში ნახულის
ქრელი გველის შესახებ, მის მიერ მოშინაურებული გარეული კატის
ქნუტის შესახებ, ვარსკვლავების შესახებ, ცაზე რომ ერთმანეთის
დაქერას ლამობენ, დამცინავ მთვარის შესახებ, ფანჯარაში რომ
იქყიტება ხოლმე და მოქარგულ ვეფხის შესახებ, გიორგის რომ ჰგავს,
აგრეთვე ხრამის პირას ობლად მდგომ გარეულ ვარდის ბუჩქზე, სა-
დაც მზის ჩასვლისას უყვარდა ხოლმე ყოფნა.

ლუარსაბი სულ უფრო ემორჩილებოდა მის ჯადოს და ვერ
ახერხებდა აეხსნა თავისი მოკრძალება. თეკლეს შეხებასაც კი ვერ
ჰბედავდა და ნაზი თითები მისი მხოლოდ შემფოთებით ჰგლეჯდა
ბალახს.

თეკლე უეცრად წამოიპკრა: შეაშინა დახატული პრინცის უეცრად
მოქერუშებულმა ცქერამ.

ლუარსაბი შეძრწუნდა. ესაა მოჩვენება გაპქრება, სამუდამოდ
გაპქრებო, სწრაფად მივარდა თეკლეს, მძლავრი მკლავები მოხვია
და გულში ჩაიხუტა. ტუჩებმა უნებურად მოსძებნეს ერთმანეთი.

წუთი? საათი? საუკუნე? გული იწვოდა. უეცრად რალაცამ უჩხე-
ლიტა: ძმა! თეკლე გაუსხლტა და ლიშხნარში მიიმალა. დაბარბაცე-
ბული ლუარსაბი ხეს მიეყრდნო.

მეფის დაყოვნებით გაკვირვებული გიორგი ბალში გავიდა. შო-
რიახლოს ლანდივით ჩაუქროლა გონებადაკარგულმა თეკლემ.

სააკაძემ შემფოთებული თვალი გააყოლა დას და მერმე ნაღვ-
ლიანად გადაჰხედა აღელვებულ ლუარსაბს, გიორგი უმცდარად მიხე-
და რაც მოხდა და ყრუ ხმით ჰკითხა:

— ჩემო ხელმწიფევე, შადიმანი ამბობს: მეფეს დარბაზში ცხე-
ლაო... ხომ არ მიბრძანებთ ბალში გამოვიტანო სუფრა?

ლუარსაბი სწრაფად მოეხვია და გადაჰკოცნა გაკვირვებული გი-
ორგი, ის იყო უნდა ეთქვა სანუკეარი სიტყვა, მაგრამ თავში გაუელ-
ვა: „დღეა! შადიმანი! გულშარი!“—და ლუარსაბმა მღელვარებით
მიუგო:

— ეს დღე ყველაზე სასიხარულო დღეა ჩემთვის, და ეს სიხარუ-
ლი შენმა ოჯახმა მომანიჭა.

ამ დროს შადიმანიც მოვიდა და მეფესა ჰკითხა: დაისვენე თუ
არა, ან როგორი იყო შენი გასეირნებაო.

გიორგის გააჟრჟოლა: აქ რაიმე შეთქმულობა ხომ არ არის?..

— დიად, გიორგი, დარბაზში ცხელა, აქ მოვილხინოთ. თუმც
აღელვებული ვარ, მაგრამ ეს როდი მავიწყებს, რომ სტუმრად ვარ
დიდი მოურავისას, რომელმაც იხსნა ქართლი და მეფე.

ოდნავ დამშვიდებულმა გიორგიმ ლუარსაბი ბაღში გააცილა.

მინდორი წაბლის ხეებსა და ქადრებქვეშ სპარსული ხალებით არის დაფენილი. გარშემო მუთაქები და ბალიშებია. ხესთან სდგას ერთადერთი სავარძელი და რვაკუთხიანი პატარა სუფრა. ლუარსაბი სავარძელში ჩაჯდა. ოქროს ხონჩით სასწრაფოდ მოართვეს ღვინით სავსე ოქროს სურა და ლარნაკებითაც ხილი და ტკბილეულობა. ოქროს თასსე ბრწყინავდა შოთა რუსთველის შაირი: „რასაცა გასცემ შენია, რაც არა დაეკარგულია“.

ლუარსაბი გულლიად ოხუნჯობდა. მეუფის ფერხთით მჯდომარე შადიმანი მხარს უქერდა გამხიარულებულ ლუარსაბს, და ყურადღებით ათვალეობდა ოქროს ქურქელს, რომელსაც ისაპანის კვალი აჩნდა. ვარდისფერი აჩრდილები ლილისფერ ნისლში იცარებოდნენ, ბინდბუნდად მოსჩანდა შორეული მთები, გრილი სიო ტოტებში შრიანლებდა. მხიარული სტუმრები გარს შემოეხვივნენ მეფეს. კვლავ გაზალდა ლხინი.

მძლავრია ომის აგრიგალება,
მაგრამ თვადთა
ლხინი მეტია.

ნაზი გულნარას შავმა თვალეშმა,
შეიტკბო ქადრის შნო, ბრწყინვალემა,
მაგრამ სარდალის ტრფობა მეტია;
ღვინისთვის სული წაუწყმეღია.

ჩონგურო, ჩემო ჩონგურო,
ტკბილო,
ღვინის ეშხითა, ღვინის ჯადოთი
შენ შემეყვარე ამ სიმთა
კილო.

თავზე დანათის ქართლსა ლაევარდი,
ზეტა ანკარა,
ხან ღრუბლიანი.
ხან იცის ჭანგის ტკბილი ნავარდი,
ხანდახან კენესის,
სწუხს ნაღვლიანი.

მინდორს მოეჯარნენ ნოსტელნი და შორეული სოფლებიდან მოსული გლეხკაცობა.

ლუარსაბის ოხუნჯობა საერთო აღფრთოვანებას იწვევდა. მხოლოდ ბააკა არ იცინოდა. მეტეხის მცველთა უფროსმა ჩვეულებისამებრ დააყენა ქეშიკნი მინდვრის გარშემო და ფრთხილად აღევნებდა თვალყურს მოვლენათა განვითარებას...

ლუარსაბი ცდილობდა თავის გართობას, მაგრამ თეკლეს ხატება მუდამ თვალწინ ედგა.

— ჩემო შადიმან, — გაისმა აღელვებული ჩურჩული, — უმისოდ ბნელა...

შადიმანი წამოდგა და ღვინით საესე თასი აიღო.

— მეგობარო გიორგი, მეფე სეამს მშვენიერი რუსუდანის საღ-
ღეგრძელოს.

ეს გადაკრული თქმა იყო, — მეფესა სურს ამ ლხინზე ქალებიც
ესწრებოდნენო, სტუმრები წამოდგნენ და ხმამაღალი შეძახილებით
უსურვეს ღღეგრძელობა ქალბატონ რუსუდანს. გიორგიმ ყველას
წინაშე თავი დაჰხარა და პაპუნა გაგზავნა რუსუდანთან.

სტუმრებით გარსშემოხვეული რუსუდანი ლუარსაბთან მივიდა,
მიესალმა და მხლებლებითურთ მამაკაცთა პირდაპირ ხალიჩებზე
დაჯდა.

ლუარსაბი უფროც აღელდა: ქალთა შორის თეკლე არ იყო. შა-
დიმანმა ჩაიციხა და ჩუმად შეაქო რუსუდანის შორსმკვრეტელობა...
მძღაერი თითები ხუმარის მხარს ჩაექდო.

— ამ წუთს აქ უნდა იყოს!

— ფრთხილად, ჩემო ბრწყინვალე ხელმწიფევ, აჩქაროებული
სისხლი ცუდი მრჩეველია.

ხოლო ლუარსაბი დაეინებით განაგრძობდა ვით ბავშვობისას: აქ
უნდა იყო მეთქი!

შადიმანმა კვლავ აღმართა საესე ფიალა:

— ძვირფასო გიორგი, გამიგონია, მზიან ღღესავით ნათელი და
მთვარიან ღამესავით მშვენიერი თეკლე, კარგად ცეკვავსო, იქნებ მშვე-
ნიერმა ისურვოს მეფის თვალის დატკბობა?...

საკადემ სიტყვა ბანზე ააგდო და ნოსტელ ქალიშვილებზე დაიწ-
ყო ლაპარაკი. ლუარსაბმა აღერსიანად გაიღიმა: განა შეიძლება
ქალები მოეაკლოთ სიამეს რაინდთა აღფრთოვანებით დასტკბნენ?
და მართლაც ახალგაზრდა ნოსტელმა ქალებმა ცეკვითა და თავიან-
თი მშვენებით საერთო აღფრთოვანება გამოიწვიეს.

ლუარსაბი სულ უფრო ჰკარგავდა გონებას და შადიმანს ემუ-
დარებოდა, რადაც უნდა დაგიჯდეს თეკლე აქ უნდა მოიყვანოო.
გარნა ვერც კარისკაცის ნაცადმა ოინებმა და ვერც მაცდურმა ლიქნ-
მა ვერ შეარყია გიორგის მტკიცე გადაწყვეტილება, — და კვლავ
ალარ ვაჩვენოო.

ლუარსაბი მიხვდა და უეცრად წამოდგა. მხიარული, შესაძლოა
მეტად მოუთმენელი ხმით წამოსთქვა:

— გიორგი, ვთხოვ მშვენიერ თეკლეს, დამდოს პატივი.

გარშემო ყრუ გუგუნი გაისმა:

— განა მეტად დიდი პატივი არ დასდეს სააკადემს?

— როგორ მოიხარა მეფის წინაშე და როგორ გაეშურა დარ-
ბაზისაკენ...

— და რუსუდანი მუდამ ამაყი ყოფილა, ახლი კი...

— ნესტანი გახარებულია, გულშარი ფითრსა ჰგავს...

- კვლავ აფორიაქდება მეტეხი...
- ახლა მეფისათვის სამი შეეჯიბრება ერთმანეთს...
- არა, ნესტანი ნათესავს დაუთმობს, ხელსაყრელია...
- გულშარმა საშუალება იცის...
- ეგეთი საშუალება ყოველმა ქალმა იცის...
- იპ—იპ—იპი—... ამ ნატომ ყოველთვის უნდა გაგაცინოს...

საკაცძეს ათრთოლებული თეკლე მოჰყავს. ნაზად დაუკრა საზან-
დარმა. გაუბედავად გაიშალა ნატიფი მკლავები, ყვავილთ ფერი
დაჰკარგეს. აცახცახდა სიმები და—მიწყნარებულ არეში ფრინველი-
ვით გაინავარდა ორმა არსებამ. თეკლე, თითქოს უღმობელ ბედის-
წერას გაუბრძოლა, თითქმის არ ეხებოდა მოჯადოებულ ხალიჩას.
ლუარსაბი გონებასა ჰკარგავდა და ქორივით დაფრიალებდა თავს.
ყველანი სულგანბულნი უცქერდნენ უცნაურ ცეკვას. და არავის
ფიქრადაც არ მოსდიოდა, თუ რა ძვირად დაუჯდებოდა ქართლს
ეს ცეკვა.

აი სულ უფროდაუფრო ახლოს ეკვრიან ერთმანეთს. თეკლეს ეს-
მის მცხუნვარე სუნთქვა... ამოგორდა მწველი მზე, თვალი დაუბნელა,
თავბრუ დაასხა, დააბარბაცა და თეკლე უხმო მუდარით დაემხო
მეფის ფერხთა წინ. ყოველფე შთაინთქა, გაჰქრა და, ოპ ბედნიერე-
ბავ, ისინი მარტონი არიან. ლუარსაბი გიჟივით დააცხრა საყვარელ
არსებას...

ერთი წუთი. მხოლოდ ერთი თვალის დახამხამება, ყველასაც კი
არ შეუნიშნავს. რუსუდანი მივარდა და ცოცხალმკედარი თეკლე ამ
სიტყვებით გამოსტაცა:

- როცა მეფე ესოდენ ყურადღებას აქცევს უბრალო ქალი-
შვილს, გული ამდენს ვერ აიტანს...
- რუსუდან, — ძლივგასაგონად წარმოსთქვა ლუარსაბმა, — მოუა-
რე თეკლეს, საკუთარ თვალისჩინზე უფრო გაუფრთხილდი...

რუსუდანმა შიშით შეაგლო თვალი და თეკლე თითქმის ხელით
წაიყვანა. ბააკა წყნარად მიუახლოვდა და ხმალს ხელი გაივლო.
საკაცძემ მოქურუხებული თვალი გააყოლა წასულთ, მაგრამ მყისვე
თავი შეიკავა და მეფის წინაშე ბოდში მოიხადა დის უღონობი-
სათვის. წყნარად, მხოლოდ გიორგის გასაგონად გაისმა ხმა:

— მენდე, გიორგი... შემდეგ მოვილაპარაკოთ... — და ხმამალა
დაურთო: — ახლა კი შეგიძლია დაათრო შენი მეფე და რაც გინდა,
უყო.

იარაღზე ხელდადებული დიდებულნი დაძაბული ელოდნენ და
გაკვირვებულნი ლუარსაბთან ერთად მოწყვეტილად დაეშენენ ბალი-
შებზე. და კვლავ ასისინდნენ მოწამლული ისრები:

— მეფეს ხელს უკოცნის, დისთვის მადლობას უხდის, საჯაროდ
გადაეხვია...

— მდაბიოებს არ ებოდიშებიან...

— ზოგჯერ, გულშარ, ქალბატონებსაც არ ებოდიშებიან,

— ხორეშანმა ეს ძალიან კარგად იცის. ზოგიერთ ქალს აზნაურები ბუზებივით მიუძვრებიან ფანჯარაში...

— სიყვარულით ჰბედავენ. ხოლო ზოგიერთებთან უტიფრად აშკარად შედიან. ქმრებიც კმაყოფილნი არიან, ხარკს იღებენ...

— მართალია, ბევრნი ასე განდიდებულან...

— ჰი,-ჰი-ჰი-ჰიი... ამ ნატომ ყოველთვის უნდა გაგაცინოს...

მხოლოდ ქეჟუანმა ნესტანმა შეათასა უმცდარად მდგომარეობა და ხმამალა სთქვა: თუმცა მშვენიერზე უმშვენიერესი მეფის სიახლოე უფრო გამოცდილებსაც აუბნევს გონებას, მაგრამ მაინც წავალ და დავამშვიდებ ჩემს სპეტაკ ვარდს... ლუარსაბმა სწრაფად შეავლო ნესტანს თვალი და გაიფიქრა: „თუ ნესტანი ჩაერია, მაშინ მალე ენახავ ჩემს ძვირფასს... შესაძლოა ამალამაც“... დიდებულთ გადაჰხედა. გულშარი! და უეცრად თეკლესათვის შიშმა მოიცვა...

შუალამემდე გაგრძელდა ლამპიონებითა და მთვარით გაჩირალდნებული ლხინი, გარნა შუალამისას, ყველას გასაოცებლად, ლუარსაბმა განაცხადა ცხირეთს უნდა წავიდეთ.

— ეშინია ჩრდილი არ მიაყენოს თეკლეს,—სწორედ ივარაუდა მირვანმა.

საკაძემ მეფეს გაახსენა,—აკი შემპირდი ორ დღეს უნდა ვილხინო... ლუარსაბმა ალერსიანად გაიღიმა: მართალია, დაგპირდი, მაგრამ მინდა ლამის გასეირნებით ოდნავ გამოვაფხიზლო მთვრალი დიდებულები...

თუმცა მეფე ნასვამი იყო, მაგრამ მაინც მარდად მოახტა ცხენსა და თავაზიანად სთხოვა გულშარს, ჩემი თანამგზავრი იყავიო.

— ეშინია, არა სურს აქ დასტოვოს გველი,—წასჩურჩულა ზურაბს ხორეშანმა.

მეფის გადაკრული სიტყვა გაიგეს და, მიუხედავად იმისა, რომ თავიცა და ფეხიც საკმაოდ დამძიმებული ჰქონდათ, თავადნი სასწრაფოდ შესხდნენ ცხენებზე.

საკაძემ „ვეფხვთა რაზმით“ და აზნაურებითურთ მეფეს გაჰყვა და ჩირალდნებით გზას უნათებდა... თუ კი ნასვამ მეფეს შეუძლია ოთხ საათს ცხენით სიარული „ვეფხვებისთვის“ რვა საათისაც საძნელო არ იქნებაო...

ციხედარბაზში დარჩნენ: ნესტანი, ქსნის ერისთავები, ნუგზარი და ხორეშანი.

განთიადმა მტრედისფრად შეღება ცისკიდური. თეკლე იმ ქადრის ქვეშაა, სადაც რამდენიმე საათის წინათ მოისმინა მეფის მხურვალე გულნადები. ახლა რაღა იქნება?... ზვიად დიდებულთა წინაშე მეფეს ფერხთ ჩაუვარდე და სიყვარულს ემუდარო?... ღმერთო ჩემო,

როგორ მიცქერდა გიორგი... ტყუილად მარწმუნებს კეთილი ნესტანი, მეფისთვის ეს მხოლოდ საამო იყო. მერე რად წავიდა? ორ დღეს აპირებდა სტუმრობას. როგორ ვრთავდით მის საწოლ ოთახს, რამდენი ყვავილი მოვიტანე!.. მზეც გაჯავრებულია, არა სურს ამოსვლა! ძმა! ჩემი დიდი ძმა დაბრუნდა. ღმერთო, ღმერთო, რა იქნება, რა იქნება!

მაგრამ არაფერიც არ იყო. სადილზე, როცა რუსუდანმა ძალით შემოიყვანა ათრთოლებული ქალი, გიორგი მზიარულად უპასუხებდა ხორეშანს, რომელიც გესლიანად დასცინოდა გულშარსა და შადიმანს. ყველას გუშინდელი ლხინი აინტერესებდა და თეკლეს ყურადღებას არავინ აქცევდა, პაპუნაც კი. თეკლემ მსუბუქად ამოისუნთქა. იგი ვერ ხვდებოდა, რომ ჩუმად იყენენ შეთანხმებულნი, დაეზოგოთ.

მეორე დღეს ციხედარბაზში დარჩა მხოლოდ რუსუდანი და თეკლე, გიორგი და სხვები მეფის გასაცილებლად წავიდნენ.

წასვლის წინ ნესტანი დიდხანს ეჩურჩულა თეკლესა და დაიყოლია ლუარსაბისათვის შავი თმის კულულით შესკვნილი წითელი ვარდი გაეგზავნა...

წყნარად გადიოდნენ დღენი. არ ისმოდა ცხენის ფეხის ხმა, არ მოჰქროდა მიჯნური, არ უკოცნიდა გაციებულ ხელებს... მხოლოდ ვარსკვლავნი კაშკაშებდნენ, მხოლოდ ცრემლი ციმციმებდა წამწამებზე და მხოლოდ ბნელი ღამე სთესავდა ეკვებს...

თავი ოცდამეცხრამეტე

ტფილისის სავაქრო კარები ფართოდ არის გაღებული. დამტკვრიანებულ აქლემებს მარდად ხდიან საპალნეებს. ხალხით გაქვდილ დუქნებში გაცხარებული კამათი, ფიცი და აურზაურია, ჩხრიალებს ოქრო, წკრიალებს თასები. და ჩვეულებრივზე უფრო ხმამაღლა ურტყამენ ჩაქუჩს ამქრები, უფრო სწრაფად ტრიალებს ადლი, უფრო ლალად ირხევა სასწორი.

ყველა შემხვდური მოწიწებით აძლევს სალამს დიდ მოურავს, რომელსაც გოლიათური ტანადობითა სცნობს.

ლუარსაბი ითვალისწინებდა თეკლესათვის გაათრებულ ბრძოლის აუცილებლობას და ამიტომ სააკაძე სამეფო დროშის ჯარის სარდლად დანიშნა. წინააღმდეგობის გაუწევლად მოხდა ჩაგრეთვე სააკაძის დანიშვნა სამეფო საბჭოს წევრად; სურამის ბრძოლამდე უმაღლეს სამეფო საბჭოს დასწრება მხოლოდ დიდებულთ შეეძლოთ.

საკაძემ ერთბაშადვე გამოიჩინა დაუცხრომელი ხასიათი. ლუარსაბი და საბჭო დაარწმუნა, ვისარგებლოთ მტრის განადგურებით და გაეწმინდოთ ქართლის ის მიწა-წყალი, რომელიც სულთანმა მუ-

ჩადმა წარგეტაცაო. ეს მადლიანი კუთხე გაამდიდრებს სახელმწიფოს, ჯოგი და სხვა ქონება ქართლს დარჩება და სულთნის ქოფაკები ისევე წაელენ, როგორც მოსულანო.

ასეთი საბუთების წინააღმდეგ ბრძოლა ძნელი იყო და, რადგან ლუარსაბს სურდა განემტკიცებინა მოურავის გავლენა მეფის კარზე ამიტომ ეს საქმე სააკაძეს მიანდო.

სანი დაუცხრომელი თვე გაატარა სააკაძის რაზმმა აყვავებულ ქალებსა და ხევებში.

შაპ აბაზთან განუწყვეტელი ომით გართულ სტამბოლს ფიქრადაც არ მოსდიოდა დახმარება გაეწია ერთმორწმუნეთათვის, გარდა ამისა, ქართლის გულის მოგება და მასთან კავშირის დადებაც სურდა. და ნადავლით დატვირთული ქარავენები, ჭუთვალავი ფარა და აურაცხელი ცხენთა რემა ტფილისისაკენ იძვროდა.

ნოციერმა მიწა-წყალმა მადა გაულვიძა დიდებულთ. გარნა სააკაძე, გარდა ზურაბისა და მუხრან-ბატონისა არცერთ ფეოდალს არ აწუხებდა შემოერთებული კუთხის მზრუნველობით. სამეფო თათბირზე სააკაძემ მოხერხებულად გაიხსენა ძველისძველი ჩვეულება, რომ დაპყრობილ ქონებას მხოლოდ ომის მონაწილენი იყოფენო, და გარდა ამისა, დიდი სახსარი დასჭირდება ახალ ციხეთა აგებას, რადგან რად ღირს დაპყრობილი, უკეთუ ვერ შეინარჩუნებო.

გიორგის ვარაუდი სწორი გამოდგა. ასეთმა საბუთმა იარაღი დააყრვეინა დიდებულთ. შადიმანმა ძვირფასი საჩუქრები და ცხენთა რემა მიიღო და, რაკი აშკარად ხედავდა სამეფო ხაზინა გამდიდრდაო, უნებურად სდუმდა. გარნა დიდებულთ ვერ მოითმინეს თავიანთი უფლების შეკვეცა და კვლავ გამძაფრდა სიძულვილი თავხედი მოურავისადმი.

მეტეხის პოზიციებზედაც სამ თვეს გრძელდებოდა ბრძოლა...

ლუარსაბი მკვეთრად გამოიცვალა. მოსწყინდა იოლი გამარჯვებანი და სამეფო საქმეებს მოჰკიდა ხელი; მისი მტკიცე ნებისყოფა და ნათელი გონება უსიამოვნოდ აკვირვებდა დიდებულთ. აშკარად გაგულგრილდა გულშარისადმი და არა ჰფარავდა თავის განწყობილებას ნესტანისადმი, რომელმაც არ დააყოვნა და საჯაროდ იზეიმა თავისი მეტოქის დამარცხება.

ტყუილუბრალოდ ცდილობდა გულშარი ლხინით, ასპარეზობით, ნაცადი კეკლუცობით, ძვირფასეულობითა და მორთულობით კვლავ მოეპოვებია დაკარგული გავლენა. თეკლეს ხატება სავსებით დაეუფლა ლუარსაბის გულს.

სწორედ ამ გაცხარებულ ფარეკაობის დროს საიდუმლო დავალებით მეტეხს ეწვია ხორეშანი.

რუსუდანს აწუხებდა უხერხული მდგომარეობა: შეუძლებელი იყო მეტეხს არ სწვეოდა და თეკლეს თან არ წაეყვანა მას შემდეგ, რაც მეფე ეწვია. ხოლო წარსულიყო დედოფლის მიუწვევლად — თავპოყვარეობა ნებას არ აძლევდა. ხორეშანთან დიდხინის თათბირის შემდეგ შემუშავებულ იქნა გეგმა...

მიუხედავად შადიმანის მტრობისა, ხორეშანი თავისი გაბედული, მხიარული ხასიათითა და გულლიაობით დიდი უფლებით სარგებლობდა მეტეხში.

აი ახლაც, კარგი მუჯღუგუნე უთავაზა კისერში ფართოდ მოღიმარე ქეშიკსა და დაუბრკოლებლად გადააბიჯა აკრძალულ ზღურბლს.

— თეკლეს ვუფრთხილდები... შენი სურვილისამებრ, თვალს არ ვაშორებ. ბევრი საეჭვო მგზავრი ქალი, მორჩილი მოდის, მაგრამ ციხედარბაზში არ ვუშვებ... მეშინია, ჯიბეში საწამლავეი აქვთ...

ლუარსაბი დააფიქრა რუსუდანის წერილმა: თუ კი ნოსტეში საჭიროა თეკლეს ფხიზლად ვადევნო თვალყური, როგორ შეიძლება ჩემი მოსვლა მეტეხს, სანამ გულშარი მანდ არისო? მართალია ნესტანიც: გადია რომ არ ჰფარველობდეს, დიდი ხანია მოჰკლავდნენ მეტეხში. ნესტანის ორი ერთგული ფარეში გულშარმა მოაწამლვინა... ლუარსაბს გააჟროლა. შიში და სურვილი თეკლეს ნახვისა ერთმანეთს ებრძოდა მის გულში. ხორეშანი პოლიტიკას არ მისდევდა და აშკარად უთხრა ყველაფერი, რაც რუსუდანის წერილში მოხსენებული არ იყო.

— თუ გსურს, ძვირფასო ლუარსაბ, შექველად ნახო აქ თეკლე, აუცილებელია დაპატიჟება. ასეთ საქმეში დედოფლის სურვილის წინააღმდეგ მოქმედება არ ვარგა.

მხოლოდ ახლა მიხვდა ლუარსაბი მთელი სიცხადით, თუ რამდენად შეუძლებელი იყო საყვარელი ქალის მოსვლა: დედას რომ თეკლეს მოპატიჟება ვთხოვო, — ეს იმას ნიშნავს, რომ უდროოდ გამოვაძედავნი ჩემი საიდუმლო გადაწყვეტილებათ. გაიფიქრა მან და მერე დედოფალი მოისურვებს განა? გულშარი არ დაანებებს... ან იქნებ, პირიქით, დაიყოლიოს კიდევ?.. არა, არა, თეკლესათვის აუცილებელია უსაშიშრობა და არც რუსუდანმა უნდა დასტოვოს ნოსტე. უნდა ვთხოვო ზრდილობიანად, გადასდოს მოსვლა. ლუარსაბმა ხორეშანის წინაშე ისეთი გულახდილობით, როგორითაც კი მხოლოდ ხორეშანთან შეიძლებოდა ლაპარაკი, გამოსთქვა თავისი შიში. და ყოველმხრივი განხილვის შემდეგ რუსუდანის იღუმალი სურვილი შესრულებულ იქნა...

ლუარსაბმა თავაზიანი პასუხი გაუგზავნა რუსუდანს და ხორეშანსაც, რაკი დავალებული დიპლომატიური მისია შეასრულა, ორ დღეს იხმართა მეტეხში და ნოსტეს გაბრუნდა. დაბრკოლებამ უფრო გაახელა ლუარსაბის სურვილი. და ნესტანი სტუმრად წავიდა ნოსტეს...

ლუარსაბმა უეცრად მოისურვა თვალადში წასვლა.

რამდენიმე დღის შემდეგ კი ნესტანი და პირშებურული თეკლე იესეს თანხლებით სასეირნოდ წავიდნენ. თეკლემ მხოლოდ გვიან, დაბურულ ხევში, დანგრეული ნიშის მახლობლად გაიგო მოსალოდნელი პაემნის შესახებ. იესე საგუშაგოზე იღვა და სამი წამოსადავებული ცხენი ეკავა.

გაისმა გამალებული თქარათქური ცხენისა და იესემ ძლივს მოასწრო მეფის ცხენის სადავით შეკავება.

ლუარსაბი გულაფანცქალებული გაეშურა ათროლოებულ თეკლესკენ. სიტყვა ვერ დაეძრათ. მოხიბლულნი შესცქეროდნენ ერთმანეთს. გული გამალებით სძგერდა, ფიქრი საღლაც 'მორს იტაცებდა და უსაზღვროებაში ანანაევებდა...

წყნარად შეირხა თბილი ბინდბუნდის განუკვრეტელი ფარდა. ნადრევი ვარსკვლავი ოქროს ცრემლივით გაკრთა. მიჯნურნი შესცქეროდნენ ნესტანს, რომელიც მოუხრიდებლად ანჯღრევდა მათ.

— ღვთის გულისათვის, მეფე! საფრთხეში ნუ გვაგდებ, განა არ გესმის ბუკის ხმა! ორი საათია აქა ხარ.

— ქართლის ტახტს დავთმობდი, ოღონდ სამუდამოდ სატრფოსთან დარჩენის ნება მოეცათ.

ლუარსაბმა ყურადღება არ მიაქცია ნესტანს, თეკლესაკენ დაიხარა და წყნარი ხმით უთხრა:

ნეტავი რადმე გადამაქცია,
მაქცია ბროლის ელვარე თასად,
სვამდე ამ ბროლით სადღეგრძელოსა,
და ჩემკენ ხრიდე ხუჭუჭა თავსა.

ანდა სათითვე ვიყო ოქროსი,
რომ გავიხარო შენი შეხებით,
ან მაყვლის ბუჩქად გადამაქცია,
რომ დაგიკაწრო კობტა ფეხები.

ვიყო მაგ კავის ერთი ღერი და
დილის სხივივით ნემსში გავება,
ან როგორც ფერფლი დავეცე წამწამს,
ვით ვარდის სუნთქვის მონიავება.

ანდა აღისფერ ვარდად მაქცია,
გადავეფინო მაგ ლამაზ ლაწვებს,
ან აბრეშუმის გაეხდე პერანგი
ბროლის გულმკერდზე მსუბუქად დაეწვე.
ან ვიყო შენი სურვილი რამე,
უტკბესი ტანჯვა-გულში რომ იწვის,
და ან შენ ჩრდილად გადამაქცია
განშორება, რომ აროდეს იცის.

ნესტანი სასოწარკვეთილი ემუდარებოდა:

— მეფე, აი ძალის ყუფისა და ცხენის ფეხის ხმა ისმის, გემუდარე-
ბი, შეიბრაღე ჩენი პატიოსნება...—ლუარსაბმა ხელი შეუშვა თეკლეს.

— მელოდე, თეკლე...—თეკლემ შავი თვალები შეანათა.

— მთელ სიცოცხლეში შვნ გელოდები.

წამიერი პაემნის შემდეგ ნალველი არა შორდებოდა ლუარსაბს. ძლიერ იკაეებდა თავს, რომ ნოსტეში არ გაქანებულყო, და წყნარად აყვედრიდა ნესტანს, მოთმინება აღარ მყოფნისო. და ნესტან-
მაც გადასწყვიტა...

— მშვენიერო ნესტან, ვფიქრობ, რომ მარტო მოურავის ნახვას
არ გამოუწვევია შენი სტუმრობა.

ნესტანი გიორგის მიერ ნაჩუქარ მანიაკს ათამაშებდა ხელში და
იღიმებოდა.

— რა თქმა უნდა, არა მარტო მაგას... მინდოდა მოგთათბირე-
ბოდი, მაგრამ ჯერ მიდი, ნახე, ხომ არავენ გვაყურებს.—შემდეგ
ნესტანმა საყვედურით მიმართა მეგობარს: თეკლე მოწყენილობით
დადარდიანებულია. მთელი სამხედრო ძალა-უფლება ჩენი ქვეყნისა
მოურავის ხელშია, და კი მონაზონივით დამწყურებულია... გული
სიყვარულს ელის, ახალგაზრდობა მხიარულებას მოითხოვს და განა
ლამაზი დის ჩვენება. საამაყო არ არის? მე გადაეწყვიტე 'გავართო
თეკლე, და რუსუდანიც ხომ დიდი ხანია არ ყოფილა ანანურს. მინ-
და დიდი ნადირობა მოეაწყო და თუ ოჯახობითურთ არ მეწვევი,
ჩემი მეგობარი აღარ იქნები.

— ძვირფასო ნესტან, რა საჭიროა გარწმუნო შენი ერთგული
ვარ მეთქი, ჩემთვის შენ ღვიძლი შეილი ხარ, ზურაბი კი—საყვარე-
ლი ვაჟი. მე შთაუწინერგე მას მამაცობა, შეგაერთეთ თქვენ, და სი-
ცოცხლეზე უფრო დაკავშირებული ვართ ერთმანეთთან. მაგრამ
ხომ არ დაასახლებდი, კიდევ ვინა გსურს დაჰპატიჟო?..

— ო, გიორგი, რასაკვირველია, მთელი სასახლე!—განგებ უღარ-
დელად წამოიძახა ნესტანმა,—მაგრამ დამშვიდებული იყავ: ერთი
და იგივე აღარ განმეორდება...—გიორგი ყოყმანობდა, შეუძლებელი
იყო უარით ნესტანის შეურაცხყოფა. და რუსუდანი და თეკლემც,
მართალია, მოწყენილად ცხოვრობენ. მაგრამ ვინ იქნება იქა?.. მგო-
ნი, ლუარსაბი გონს მოვიდა, აღარაფერს ამბობს, მაგრამ, ერთიც
ვნახოთ, კვლავ აიწყვიტა! შესაძლებელია განა ხელმეორედ გადავი-
ტანო შეურაცხყოფა?..

ნესტანმა რომ ყოყმანი შეამჩნია, უფრო დაჟინებით დაუწყო
თხოვნა: თეკლე ჩემს ოთახში იცხოვრებს, რუსუდანი შეილებიანად
დიდ სიხარულს მიანიჭებს ნუგზარს, „ვეფხები“ მეფესთან ინადირე-
ბენო... და სააკაძე დასთანხმდა.

— დათვებზე ნადირობა! ორი კვირის განმავლობაში თეკლეს
კჭერა! საიდუმლო შესასვლელი შენს სადგომში... ო, ჩემო ნესტან,
რით გადაგიხადო?..

— მეფევე, შენ, მგონი უმთავრესი რამ დაგავიწყდა, — იცინოდა
ნესტანი.

— მთავარი ის არის, რომ ვნახო თეკლე, ვკოცნო მისი მარჯნის
ტუჩები და ვუცქირო ნათელ თვალებში ნესტან, ნესტან! სიყვარული
დიდი ტანჯვაა!

— შემდეგ რაღა იქნება, ჩემო ხელმწიფევე?

— შექმდე? ვერ ხვდება?.. მაგრამ იმედი მაქვს გულშარი ანანურ-
ში არ იქნება!

— არა, მეფევე, იგი უარს იტყვის...

მეფის მოულოდნელი თავაზიანობით გაკვირვებული ნუგზარი საჩ-
ქაროდ ემზადებოდა სტუმართა მისაღებად. ალბათ, ნესტანმა, გულშა-
რის საზიანოდ, დაიყოლია ლუარსაბი. რა გაეწყობა, ეს ცუდი არ არის.
მეფე უკვე მეორეჯერ მოდის სტუმრად, — სიამაყით ჰფიქრობდა ნუგზა-
რი. — მუხრანშიც კი მხოლოდ ერთხელ იყო... ალბათ, შადიმანის მე-
გობრები ბრაზით დასკვდებიან. თუმცა მათ არა სცალიათ, სურამის
ბრძოლის ნადავლი ვერას გზით ვერ გაუყვიათ... გიორგიმ ომი მო-
იგო, ტურები კი ნადავლს იყოფენ... კარგია, ტურები გამახსენდა...
რატომ აქნამდე არ გავჯორე უფროსი ქაჩიბადე? შეშპირდა თურქთა
მიერ დაყრილ იარაღს შუა გაგიყოფო და მთლად კი თვითონ გაზი-
და ურმებით... ჰგონია, ცუდი მეხსიერება მაქვს. ჭკუიანია რაღა!
ინით შელებილ უღვაშს ატარებს და ჰგონია, შაჰი უკვე მოვინადირეო.
ნატოს სიამაყით მოსვენება აღარა ჰქონდა: ნესტანმა გაამართლა
ის იმედი, რასაც ოდესმე რუსუდანისგან მოველოდითო.

და სანამ თავადნი ანანურს ისწრაფვოდნენ სანადიროდ, სააკაძე
ჩქარობდა თურქთაგან განთავისუფლებულ მიწა-წყალზე სახასო გლეხე-
ბი დაესახლებინა. მხოლოდ „ვეფხებისთვის“ ცნობილი გზით დიდე-
ბულთა სასახლეებში ვრცელდებოდა ხმა; რომ ხიზნები ორმაგად მი-
იღებენ იწიასა და საქონელს და მათ სამი წლის განმავლობაში გა-
დასახადი არ შეეწერებაო. აფორიაქებული გლეხები სტიქიონურად
სტოვებდნენ თავადთა შეჩვეულ ადგილებს და პრაველად ილტვოდნენ
თავისუფალ განაპირა კუთხეებისკენ.

გაცოფებული ფეოდალები მეტებს გაეშურნენ და მოითხოვდნენ,
ბოლო მოელოს შრომისმოყვარე გლეხთა ლტოლვასაო.

ლუარსაბმა საუკუნეებით განმტკიცებული კანონი დაიმოწმა, რო-
მელიც ჯერ არცერთ მეფეს არ დაურღვევია. ფეოდალებმა შადი-
მანს მიმართეს და, თუმცა მოურავის მოქმედება ქვეყნის გასამდიდ-
რებლად იყო მიმართული, „რკინის ხელი“ ძალზე შეშფოთებული

იყო სააკაძის პოპულარობითა და სიფიქსით. შადიმანმა დაიწყო ძიება საშუალებისა თუ როგორ ჩამოეშორებინა მეფისთვის სააკაძე. ანანურის ნადირობამ ძალზე გაახარა შადიმანი, რადგან აუცილებლად მიაჩნდა საიდუმლო თათბირი მოკავშირე დიდებულებთან, მეფის ნებართვა მიიღო და სამის დღით თავის სასახლეში გაემგზავრა, თანაც ერთგულნი შიკრიკნი დაჰგზავნა თანამოაზრე თავადებთან. ამირინდომაც მოახერხა არ წასულყო ანანურს. მოსისხარ მტრებთან... ნესტანი მოხერხებულად შეეხო გულშარის თავმოყვარეობას და უკანასკნელი მიიპატიჟა იგი. გაჯავრებულმა მშვენიერმა გესლიანად შენიშნა: დიდი ხანია ვოცნებობდი თავისუფლება მიმენიჭებინა ლუარსაბისათვის დათვთა საზოგადოებაში დამტკბარიყო, მე კი არწივის ბუდეებს ვამჯობინებ. ნესტანმა ვითომ უსაყვედურა სალამოს დედოფალს, არა გასურს ერისთავები გაახარო. დედოფალი აიბნა: მხოლოდ დღით მივეცი სიტყვა გულშარს, მაგრამ ზამთარში უქველად უბრალოდ ვეწვევი ანანურსაო.

თავისი პოლიტიკით კმაყოფილმა ნესტანმა გულიანად იცინა, ლუარსაბთან ერთად იქვენული გულშარის მიუხევედრობაზე, და ანანურს გაეშურა სტუმართა მიღების სამზადისისათვის.

საკაძე გაკვირვებულია. შადიმანი, რომელიც მეფეს თავის საკუთრებასავით უფრთხილდება, უცრად სამი დღით უშვებს ანანურს ლუარსაბს. და თუმცა შადიმანის სასახლის მიახლოება ძალიან ძნელი იყო, ბრმა მათხოვარმა. რომელსაც არჩილი გამყოლად ახლდა, ღამე გაითია ერთი ღვთისმოსავი დედაბრისას.

ამრიგად, სააკაძემ უკვე ლხინის დროს იცოდა სახელი ყველა თავადისა, რომელიც შადიმანთან თათბირობდა.

ერისთავთა საამოდ, ლუარსაბი მეტად მხიარული იყო... ნესტანის სამყოფი ანანურის სასახლეში საუცხოოდ მორთული იყო შეყვარებული ზურაბის მიერ. მაგრამ ნესტანმა კმრის საწოლში მოწყობა ისურვა, თავისი კი თეკლეს დაუთმო.

ნესტანის უცნაურ სურვილს დაჰყენენ და მეფისთვის საწოლი ციხის კოშკში მორთეს... ძალიან უყვარს მთების ცქერა, კოშკიდან კი მშვენიერი სანახაობა იშლება თვალწინაო. მაგრამ აღმოსავლური ფუფუნებით მორთული საწოლი კი არ ჰხიბლავდა ლუარსაბს, არამედ ფარული კარი, რომელიც კოშკის მრგვალ კედელში იყო დატანებული. თუმცა თეკლე ადრევე იყო გაფრთხილებული ნესტანისაგან, მაგრამ პირველ ღამეს, როცა ბროლის კანდელის შუქზე ხალიჩა შეირხა, უნებური კივილი აღმოხდა. მხოლოდ მიუყრებელი ღამე იყო მოწმე შეყვარებულთა საამო ჩურჩულისა. ლუარსაბი ჰფიქრობდა: ორი კვირის განმავლობაში საყვარელი არსების ცქერამ ნიბლავ სიზმარივით განვლო: დღისით ნადირობა და ლხინი ამოკლებდა დროს და სიხარულის წუთს აახლოებდა, მაგრამ ნებადართულზე მეტხანს დარჩენა უხერხული იყო.

გიორგი სავესებით დამშვიდდა. მეფე ძალზე თავაზიანი იყო ყველასთან და უპირატესობას არავის აძლევდა. მაშინაც კი, როცა ლუარსაბმა საკუთარი ხელით ჩასცა სატევარი დათეს გულში და ტყავი თეკლეს ფეხთი წინაშე ამ სიტყვებით დააგდო: „მიირთვი, თეკლე, და გახსოვდეს: მე ვიცი, გული სადაც იმყოფებაო,“—გიორგი მაშინაც კი ვერ მიხვდა მოახლოებულ ამბებს. წასვლის წინა დღეს ლუარსაბი საიდუმლოდ ეთათბირა ნესტანს.

— უნდა დამეხმარო თავიდან მოვიშოროთ გულშარი. არ შემძლია საფრთხეში ჩავაგდო თეკლე...

— შადიმანი და ამირინდო მტკიცედ არიან დაკავშირებულნი, სამ დღეს ერთად თათბირობდნენ.

— თათბირობდნენ? რაზე?—ლუარსაბმა ექვიანად სცქვიტა ყური.

მაგრამ რაკი ნესტანს ახსოვდა, თუ რა „სამსახური“ გაუწია ერთხელ გიორგის, სააკაძის სახელი არ უხსენებია, სამაგიეროდ დაასახელა ყველა ის თავადი, ვინც გულშარის მოხაწილეობით შადიმანის სასახლეში თათბირობდა. მეო,—სთქვა ნესტანმა,—რა თქმა უნდა, საექვოდ მომეჩვენა შადიმანის იქ არ ყოფნა და შენი ერთგულებისათვის გავგზავნე სანდო კაცი... ამით 'მეძღვება ამირინდოს ვაწყენინოთ და გულშარიც ერთხელ კიდევ გულნაკლული დარჩება... ხომ იმან მიიტყუა მარიამ დედოფალიც იმ საექვო თათბირზეო...

თავი მეორმოცე

შადიმანმა კვლავ გაშალა გრავნილი, ყურადღებით გადაიკითხა ამქრებისათვის მოწაზადებული კანონი—ხაფანგი, მაგრამ ზედ ლუარსაბის ხელწერა არ იყო.

მმართველმა პირველად განიცადა დამარცხება: ლუარსაბმა არ დაამტკიცა ამქრებზე გაწერილი ახალი გადასახადი... სახსარი სასახლის შესანახავად? განა მოურავმა ამას წინათ არ აავსო სამეფო ხაზინა? და გარდა ამისა... სანდო კაცები უნდა დავეგზავნო სახასო მამულების შემოსავლის შესამოწმებლად. რატომღაც თავადები მდიდრდებიან, მეფე კი ღარიბდებაო.

შადიმანი აღელვებულია. ჩავასმინეს? მაგრამ ვინ ჩასწვდა ქართლის მთავარი მმართველის ზრახვას? მეფის სასახლის ბრწყინვალეობა და ფუფუნება, საიდუმლო ძღვენი სტამბოლისათვის... ათაბაგთან კავშირი... გულშარის მფლანგველობა, დედოფლის გაუმაძღრობა... კიდევ რაღა? პოლიტიკა, ჯაშუშნი ყველა ქვეყანაში, ელჩები, საჩუქრები, მოწყალება მძლავრ დიდებულთ... არცერთ კარისკაცს არა სურს პირადი საქიროებისათვის თვითონ გასწიოს ხარჯი... სასახლის დასავლეთ ნაწილში უფრო მეტი უსიამოვნებაა: ლუარსაბის გულგრალობა, მტერთა ზეიმი... გულშარი დედოფალთან გაიქცა...

დედოფლის ყოველ ალერსიან კითხვაზე ლუარსაბი მტკიცედ სდუმდა.

ნესტანმა ერთხელ იესე გაგზავნა თეკლეს ამბის შესატყობად და აი მის მიერ გამოგზავნილი საჩუქარი—ფერხთა ბალიში, რომელიც შეყვარებულის ხელს გაუხუტებია. ლუარსაბი თვალს ვერ აშორებდა ზედ ამოქარგულ მარგალიტის არწივს და სიხარულით ფიქრობდა, თეკლეს მშვენიერი თითები სწორედ აი ამ ადვილს ეხებოდაო. გახარებული ლუარსაბი დედოფალთან გაეშურა.

— ცოლს ირთავ? კარგა ხანია დროა. ვინ მოგხიბლა: იმერეთის მეფის ასულმა?

ლუარსაბმა მიჯნური დაასახელა.

მარიამმა ჯერ ვერა გაიგო რა. თეკლე სააკაძის ასულის რამდენჯერმე განმეორებული სახელი, როგორც იქნა, ჩასწვდა მის შეგნებას. მარიამი სდუმდა, თვალგაშტერებულს სახე გაფითრებოდა.

ლუარსაბმა ნარის უხმო და კარი გაიბრახუნა.

შვილის გულციობით გაოცებულმა მარიამმა შადიმანი მოიწვია. კარისკაცი იცინოდა: საქართველოს მეფენი დიდებულთა საიდუმლო თათბირის უდასტუროდ ცოლს არ ირთავენ... სამწუხარო უფრო ის არის, რომ მულამ ალერსიანი ვაჟი ასე უცნაურად გამოიცვალაო.

დედოფალი ლუარსაბთან გაეშურა. მართალია, ხუმრობას ვერ მიგიხვდი, მაგრამ რად ჯავრობო?

ლუარსაბმა გულცივად ურჩია: სახუმროდ ნუ ხდი სიყვარულს, რომელიც ტახტას თანასწორფასოვანიაო.

დედოფალი გაჯავრდა: სად უნახავს ლუარსაბს უბრალო აზნარის ქალზე დაქორწინებული მეფე? თუ ასეთი ვინმე მოგწონს, განა სხვა საშუალება არ არის დაიხლოო?

ლუარსაბმა ფიცხად გააწყვეტინა: დედასაც კი არ მივცემ ნებას საცოლო შეურაცხყოფას.

— საცოლო? და განა დიდებულთ უკვე დაგრთეს ქორწინების ნება?

— მაგისტვის არა ვზრუნავ. დიდებულნი და მახლობელნიც კი ჩემს ნებართვას არ მოითხოვენ, როცა ფარულად იკრიბებიან თავიანთი საქმეების მოსაგვარებლად...

დედოფალი გაფითრდა: ვისგან გაიგო? ლუარსაბი თვალს არ აშორებდა დედის ათრთოლებულ ხელს, კრილოსანს რომ ათამაშებდა. „ვთქვა, — ჰფიქრობდა მარიამი, — მაშასადამე, საკუთარა თავი გავცეო.“

— ხომ ხედავ, თქვენს საქმეებში არ ვერევი, ცხადია, იმ მოსახრებით, რომ არც თქვენ მოგცეთ საბაბი ჩემს საქმეებში ჩარევისა...

სასახლეში ისეთი მყუდროება ჩამოვარდა, რომელიც ქარიშხლის მომასწავებელი იყო. ლუარსაბმა ვითომ გულგრილად ჰკითხა ბააკას:

წინანდულად დარწმუნებული ხარ თუ არა მეტეხის მცველთა ერთგულებასო? მეტეხის მცველთა უფროსმა ყურები სტკეიტა: იმ წამსვე ფარულად შეამოწმა მცველნი, ერთგული კაცებით შეავსო ქეშიკთა რაზმი და, ჩვეულებრივს გარდა, საიღუმლო საგუშაგოებიც მოაწყო.

თათბირზე დასასწრებლად მოსულ სააკაძეს ლუარსაბმა წასჩურჩულა:

— მოსძებნე საბაბი და ტფილისის ახლოს იყოლიე ტახტის ერთგული ჯარი.

უახლოეს თათბირზე, რომელიც შადიმანის მიერ იყო მოწვეული ერანს საელჩოს გასაგზავნად, სააკაძემ თხოვნით მიმართა მეფეს: კეთილი ინებე და დაათვალიერე ჯარი, რომელიც სპარსული წესისამებრ არის გაწვრთნილიო. ეს თხოვნა არავის არ მოსჩვენებია უცნაურად, თვით შორსმკვრეტელი შადიმანიც კი შეცდომაში შეიყვანა ლუარსაბის უდარდელმა პასუხმა: თუმცა სავსებით ვენდობი მოურავს, მაგრამ სიხარულით დავათვალიერებ მხედართმთავარის ნასაქმარს დიდებულებთან ერთადო.

— როდის ძევიქრობ ალღუმის მოწყობას? ორი კვირის შემდეგ? ძვირფასი შადიმანი ეცდება საამისოდ მოიწვიოს დიდებულნი.

გიორგი ერთხელ კიდევ დარწმუნდა ოცდა სამი წლის მეფის ცბიერებასა და სიმარჯვეს. ლუარსაბს არავისთვის, ბააკასთვისაც კი არ გაუშხელია თვისი განზრახვა.

საკაძის განდიდების დღიდან ზურაბი მუდამ ჯარში იყო და დიდი მოურავის ტაქტიკას სწავლობდა. საყვარელმა მოწაფემ სავსებით შეითვისა დიდი მხედართმთავარის სტრატეგიის სირთულე. მრავალი წლის შემდეგ სააკაძემ მწარედ ინანა ესა..

მოურავის განზრახვით შეწვითებულმა ზურაბმა „ვეფხები-თურთ“ ისე განაღაგა რაზმები, რომ სწრაფად შემორტყმოდა მეტეხს.

ალღუმის წინ შადიმანმა, ლუარსაბის სურვილისამებრ, დიდებულნი საელჩო დარბაზში შეჰკრიბა. ბარტომი მღივნებითურთ ტახტის უკან დადგა. დარბაზში სიჩუმე ჩამოვარდა. ლუარსაბი წამოდგა.

— მე არ მსურს დავარდიო საუკუნეებრივი ჩვეულება, პირიქით, ჩემს მოვალეობად მიმაჩნია საკუთარი განზრახვა გავუზიარო დიდებულთ...

უკანასკნელი სიტყვები მოწონების ხმამალაღმა შეძახილმა დაძვარა: ქორწინება? მეფე დიდებულთ ანდობს სასძლოს ამორჩევას?

— არა, დიდებულნო, მომავალი დედოფალი მე თვითონ ვიპოვე და თქვენგან აღფრთოვანებას ველი.

— დიდებულნი დიდი ხანია აღფრთოვანებული არიან საყვარელი მეფის სიბრძნით... ნუთუ იმერეთის ან ქართლის მეფის ასულია? ეარა? მაშ ვინ?

— არა, დიდებულნო, მე ვირთავ მწვენიერთა შორის უმწვენიერესს, ვისი ქკუა და სილამაზე ღირსია ჩემთან ერთად მეფობ ისა... მომავალი დედოფალი არის სააკაძის ასული თეკლე, და იმ გმირისა, რომელმაც სურამის ველზე დაღუპვისაგან იხსნა ქართლი...

დარბაზი გაქეავდა. შადიმანსაც კი ჩაუწყდა ხმა.

დიდებულთა ასეთმა ყოფამ როდი გააკვირვა ლუარსაბი. მან ფარულად გადაჰხედა გაფითრებულ სააკაძეს.

წამოდგა სულშეხუთული ბაგრატი:

— მეფეო, შენს გემოვნებაში არავის ექვი არ შესდის, მაგრამ... მეფის ქორწინება სამეფოს ქორწინებაა. ამიტომ არჩევანი უცვლელად ეკუთვნით მეფის საგვარეულოს უხუცესთ...

— ასეთი რამ არცერთ მეფეს არ ჩაუდენია ბაგრატოვანთა საგვარეულოდან, — ძლივს წაიხიხინა ამილახვარმა.

აღშფოთებული დიდებულნი მეფეს ურჩევდნენ, უარი სთქვიო.

— განა ქართლის მეფეს სურს სასაცილო გახდეს არამართო საქართველოში, არამედ მთელს სამუსლიმანოშიც? — იძახდა სვიმონი.

— ვნახოთ, ვინ გაბედავს დასცინოს ლუარსაბ მეორეს.

და ხმალი მუქარით შეირხა. დიდებულნი ძლივს იკავებდნენ სიბრაზეს. ბააკა კარებისკენ გაილალა. მტკიცე ზღუდესავით აღიმართნენ მკველნი, ქეშიკნი წყნარად მიუახლოვდნენ ტახტს.

ამაოდ ემუდარებოდა შადიმანი დიდებულთ: დინჯად განვიხილოთ ეს დიდი საქმეო, გარნა მათ ერთმანეთისა არა ესმოდათ რა და ისე ისროდნენ მუდარისა თუ მუქარის სიტყვებს.

საკაძე ბოლოს, გონს მოვიდა. ხმლის ვადა ჩაბლუჯა. უმაგალითო განდიდება, ქართლის დედოფლის ძმა!.. შემდეგ კი?.. საშინელი უფსკრული, რომელიც შთანთქავს ყოველ მის განზრახვას და ნაკეთებს, მეგობრებს, თანამოაზრეებს, უთვალავ გლეხობას, დას... განა თავადნი დასცხრებიან? ასეთ საქციელს მეფეს როდი აპატიებენ ხოლმე. მაშასადამე, დავიწყოთ სისხლისმღვრელი შუღლი? და ლუარსაბის ვნება რომ გაცივდეს? მაშინ? მონასტერი? არა, სიკვდილი, სიკვდილი და დაღუპვა სანახევროდ უკვე გაკეთებულ საქმეს... ყველაფერი შეეწიროს მეფის ცვალებად ვნებას? არა! დეე საშინელი სიყვარულის ნანგრევებში დაღუბოს მხოლოდ ერთი... ანდა... ან ახლა უნდა განადგურდეს დიდებულთა ხელისუფლება... — უეცრად ყველამ ხმლის ვადას დაიდო ხელი...

— დიდებულო მეფეთ-მეფეო! შენ მიერ დადებულ პატივს სიტყვით ვერ გამოვთქვამ, დეე მოურავის სიტყვის მაგიერობა მისმავე

ხმალმა გასწიოს... მაგრამ, დიდებულო ხელმწიფევე, მაპატიე გაშბე-
დაობა: შენი კეთილშობილი სურვილის შესრულება შეუძლებელია.
დიდებულნი მართალნი არიან! დაფიქრდი, მეფეო, უთანხმოებაზე,
შულღზე! არ გაპატიებენ დიდებულნი... ომში მოწყალედ მისმენდი,
და განა მოურავი კეთილ გონიერებით არ განირჩეოდა? ვთქვათ
თეკლე მშვენიერია, მაგრამ განა მეფეთ უფლება აქვთ გულის კარ-
ნახს გაეტაციონონ? უარპყავ, მეფეო, ქართლის გულისთვის შესწირე
მსხვერპლად ცვალებადი სიყვარული...

გაოცებულნი უსმენდნენ დიდებულნი დიდ მოურავს.

ამირინდომ შადიმანს წასჩურჩულა:

— ცბიერი მდაბიო,—და ხმამალა დაურთო:—განა სააკაძე წი-
ნასწარ არ ყოფილა მომზადებული უმაგალითო საჩუქრის მისაღებად?

— არა, და მე ვერავის ვხედავ, რომელსაც შეეძლოს დაიკეხ-
ნოს მეფის ნლობა „სამძიძო საქმეში“,—დაცინვით მიახალა გიორ-
გიმ.

და, მართლაც, გაბოროტების გარდა, შადიმანი მწვავე დამცი-
რებასაც განიცდიდა: „რკინის ხელი“ გააცურეს, როგორც ბავშვი.
და მერე ვინ? მისმავე მოწათმე.

— მეფე გულახდილი არ იყო, რაკი დიდებულთა თანხმობა არ
ვიმედებოდა.

— დიდებულთ თანხმობა?! განა ვალდებული ვარ თქვენი თანხ-
მობა ვითხოვო?! განა ეს საქციელი მეფეთა თავაზიანობა არ არის?
განა დიდებულნი მეფის სურვილის საწინააღმდეგოდ იმას არა სჩა-
დიან, რაც მოეპრიანებათ? მაშ, როგორ ჰბედავთ მეფეს შენიშვნა-
მისცეთ მის პირად საქმეში? დიპლომატიამო? მაგრამ განა იმერეთი-
სა თუ კახეთის მეფის ასულის შერთვა დამლუპველი არ იქნება
ქართლისათვის? განა ჩემი ნათესავების განუწყვეტელი მოთხოვნა
ჩავერიო შინაურს შულღსა, დავასა და ომში ხელს არ უშლის
სამეფოს აყვავებას? და რატომ მხოლოდ მე უნდა გავხდე მთელს
ქართლში სულელი და შთავარდე მოუსვენარ მეზობელთა მონობაში.
და რატომ მირვან მუხრან-ბატონმა, მიუხედავად მამიას მტკიცე
სურვილისა, არ შეირთო გურიელის ასული?

— რატომ? განა ახალი ამბავია, თუ ვინ უნდა აირჩიოს მეფემ?

— ლუარსაბ მეორე დაქორწინდება ისე, როგორც მასა სურს,
და დაამტკიცებს მეფის ხელისუფლების ძლიერებას... შენ კი გიორ-
გი, ერთი რამ დავავიწყდა: მე შემძლია კაცი განვადიდო და და-
ვამცირო კიდევ... როგორ გაჰბედე ისე მელაპარაკო როგორც უგუ-
ნურ ჰაბუკს? ან იქნებ მონიკებულმა ძალაუფლებამ გონება დაგაკარგ-
ვინა? მაშ, იცოდე: ის, რასაც ლუარსაბ მეორემ თვალი დაადგა,
უკვე სხვას აღარავის ეკუთვნის... დიდებულთ გავახსენებ იმ ღროს,
როცა მეფენი გვირგვინს მრავალთა დაუხმარებლად ატარებდნენ...

ვისაც, მომავალი დედოფალი არ მოსწონს, შეუძლია მეტეხიდან ზიბრ-
ძანდეს. არ მეშინია! თქვენ-თქვენს სასახლეებში წახვალთ? ომში
დახმარებას არ გამიწვეთ? შემებრძოლებით? არ მეშინია თვით რა-
ინდი ვარ და მოვახერხებ ბაგრატოვანთა ღირსების დაცვას... წავი-
დეს, ვინც წინააღმდეგია: აშკარად მინდა ვიცოდე, რამდენი მეგო-
ბარი მყავს...

ლუარსაბი წამოდგა და ამაყად გაიარა ახმაურებული დარბაზი...

— დაამცირო მეფის ღირსება!

— დაემუქრო დიდებულთ!

— არა, ამის ნებას არ მივცემთ!

— იარალი ავისხათ!

— ასეთ მეფეს ძალით უნდა ასწავლო კეკუა!

— იარალი ავისხათ!

ჩუმად, ჩუმად, ბატონიშვილი ბაგრატი ლაპარაკობს!..

ლუარსაბმა ფანჯარა გააღო. ყველაფერი ბეწვზე ჰკიდია... ერ-
თიც ვნახოთ. გადასწყვიტონ, კავთის ციხეში მოვათავსოთო? ლუარ-
საბი შეკრთა, ხმალს ხელი გაივლო და საიდუმლო კარისკენ გაე-
შურა.

— ვნახოთ, ჩემი ჯარი მეტეხის ზღუდეებთან სდგას, მოვახტე
ცხენსა და... თავისუფლების ნება მივცე მოლაშქრეთ... მაგრამ გიორ-
გიც მათთან არის, ნუთუ მილალატა? არა! ეს შეუძლებელია, მაგ-
რამ თუ?.. მაშინ მე ერთი გავილაშქრებ ყველას წინააღმდეგ და
ვნახოთ, შემძლია თუ არა მეფობა.

— ჩუმად, ჩუმად, ბატონიშვილი ბაგრატი ლაპარაკობს...

საითგანლაც სანდრო შემოდგრა:

— ბატონო, კარებში ქალბატონი გელოდება, სიტყვა აქვს!..

ამირინდო საჩქაროდ გავიდა.

— დედოფალმა გამომგზავნა, გააფრთხილე ყველანი... ლუარსაბს
გაუგია შადიმანისას მომხდარი თათბირის ამბავი, ყველას სახელი
იცის... იმიტომ შეჰყარა ჯარი... ზურაბი მეტეხის გალავანთან დგას...
წამირინდო კვლავ დარბაზში დაბრუნდა.

— წყნარად, წყნარად, მამაცი ნუგზარი ლაპარაკობს!..

— კმარა ლაპარაკი! ნუგზარი სიტყვით ვერ გავგვაკვირვებს, სა-
ჭიროა მოქმედება!

ამირინდომ სახელო ჩამოსწია სიმამრს:

— თაქადო. დააცხრე უადგილო რისხვა... ხაფანგში ვართ, გა-
აფრთხილე სვიმონი...

შადიმანი დაბარბაცდა, აი როგორი ყოფილა თურმე ლუარსაბ მეორე.

— დავუთმოთ! ყველაფერში დავუთმოთ! თორემ ცოტა ხნის შემ-
დეგ ყველანი ჯურღმულში ვიქნებით...

— მუხრან-ბატონი და ერისთავები კი ჩვენს გულზე ივლიან,—
წაიჩურჩულა ამირინდომ.— გესმის, ნუგზარი რას ლაპარაკობ?

— არც მე ვიტყვი უარესად — გააფრთხილე ჩვენიანები. ბრძოლა ამჟამად წაგებულა, მაგრამ ეს დასაწყისია მხოლოდ, ბოლო კი ჩვენია...

— თუ ასე ვიხმაურეთ, დინჯ გადაწყვეტილებას ვერ მოვახერხებთ, ხოლო შემდეგ... გიორგი, შენი მამაცობა ცნობილია, დიდებულებმა უნდა დააჟასონ იგი, მაგრამ... უმჯობესი იქნება თუ უშენოდ განვიხილავთ...

სააკადე კარისკენ გაემართა. ბააკა ოდნავ დაიხარა:

— მეგობარო...

— უკვე გავეცი განკარგულება, მეფე დატს შემოჰკრავს და კიშკარიც გაიღება.

— დროა ვიცნობდეთ მეფეს, გადაწყვეტილებას არ შესცვლის. რა უნდა ვქნათ? ციხე-კოშკებს შევაფაროთ თავი? ხომ გაიგონეთ, მეფეს არ ეშინია... მეტად ძლიერია, ამჟამად ჯარს უყვარს... მგონია, შაჰ აბაზი მხარს უქერს... დავიწყოთ ომი საკუთარი მეფის წინააღმდეგ? მერე რა სასახელოა ასეთი ომი? შემდგომ... წინდაწინვე გეტყვით, შაჰი არ მოგვცემს იმის ნებას, რომ მეფის ღირსება დამციროდეს. თუმცა მე არ მომწონს ეს უთანასწორო ქორწინება, მაგრამ მეფის წინააღმდეგ არ გავხდები. არც ზოგიერთი მძლავრი თავადი ვახდება წინააღმდეგი...

ლუარსაბი გაფაციცებით უგდებდა ყურს. რბილი ხალიჩა მის ნერვიულ ნაბიჯს აყრუებდა. მტკიცედ გადაწყვიტა დაეცვა თვისი ბედნიერების უფლება და უფლება დამოუკიდებელი მეფის სახელწოდებისა.

— წყნარად, წყნარად, შადიმანი ლაპარაკობს...

ლუარსაბმა მიიხედა.

მის წინ გაფითრებული ნესტანი იდგა... იქნება ზურაბმა?..

— მაპატიე, მეფევ, სითამამე, მაგრამ რატომ არ იღონებ რასმე? განა დიდებულთა ყიჟინა სასახლეს არ აზანზარებს? განა აფთარნიკეთილს რასმე იზრახვენ!

— ყველაფერი გავითვალისწინე... მე დავუმტკიცებ საქართველოს, რომ ღირსი ვარ ბაგრატიონთა ხმლის ტარებისა.

— მაგისი ექვი ვის შეუძლია? მაგრამ შენ ერთი ხარ ყველას წინააღმდეგ! მეფევ, ახლა ისინი შენს ხელთ არიან...

ლუარსაბმა ბიჯი წარდგა, ყურადღებით დააკვირდა ნესტანის ანთებულ თვალებს.

— სთქვი... ვინ მოგგზავნა?

— მოურავმა... ნუ დაჰკარგავ ძვირფას დროს, ცოტა ხნის შემდეგ იქნებ გვიანლა იქნეს...

— გვიან იქნესო, ნესტან?

— მეფევ! მეფევ! ამჟამად ყველაფერი შენს ხელთ არის, შეგიძლია სამუდამოდ განთავისუფლდე დიდებულთა მეთვალყურეობისა-

ვან... ახლა შეიძლება დიდი რამ მოხდეს. ვალავანს გარეთ ერთგული რაზმები დვანან, მოურაევი და ზურაბი გელოდებიან... შემოჰქარ მხოლოდ სპილენძის დაფს, კიშკარი გაიღება და ვერცერთი მტრულად განწყობილი დიდებული აქედან ვეღარ გაეა. ხელთ იგდებ მათს მამულს. გააერთიანებ დაქუცმაცებულ ქართლსა და მოსდრეკ დიდებულთ... მეფევე, ჩემო მეფევე, ნუ აყოვნებ, თეკლეს სახელით გემუდარები...

— რას ამბობ? მერე თეკლეს ეკვარება მოლალატე?

— არა მოლალატე, არამედ მბრძანებელი, ასეთი შემთხვევა აღარ განგეორდება... გემუდარები, დაჰქარ დაფს, ფანჯარას ფართოთ გავაღებ... თვითონ რომ შემეძლოს. აი, ჩაქუჩი, გამომართვი, მეფევე, ძალიან მსუბუქია, ყოველ დღე დაფის ცემით არ მოუწოდებ ხოლმე მსახურთ... გამომართვი, მეფევე, საკმაო მხოლოდ ხელი აღმართო...

— დიალ, დიალ, საჭიროა გადავწყვიტო. თავიდან ავიცილებ განხეთქილებას, შუღლს, შურისძიებას, ურჩთ დილეგში ჩავყრი და დიდი მოურაევის ფარს ამოვეფარები...

— ოჰ, მეფევე, ქარიშხალი მოდის! ჩაქუჩი! რკინის ჩაქუჩი! მისი გუგუნე მთელ ქართლს მოედება...

ლუარსაბმა მოკრუნხული ხელი ჩასკიდა მოოქრულ ტარს.

— ერთი შემოვკრა, აქ შემოიჭრება მოურაევი და... მე მარტო დავრჩები... დიალ, დიალ, ახლა დავარტყამ ქართლის ციხე-კოშკთა მფლობელებს... პირსისხლიანი ლუარსაბ მეორე... მოლალატე, რომელმაც დიდებულნი მოიტყუა... ჯარის დასათვალიერებლად, თორემ ისინი ულაშქროდ არ მოვიდოდნენ... მაგრამ მაშინ თეკლე ჩემი იქნება, თეკლე ჩემი ბედნიერება, სიცოცხლე და დიდება!... დედა! დიალ, იგი შადიმანის მომხრეა... შადიმანი პირველი უნდა მოკვდეს... მოკვდეს... ყველა და ერთბაშად გათავდეს... როგორც დიდმა შაჰ აბაზმა—პირში ჩავცე ხმალი პირველ მრჩეველს? ასე დაილუპამურშიდ-ყული-ხანი, რომელმაც ტახტზე აიყვანა შაჰ აბაზი, ასე ერთბაშად დაილუპება ჩემი მოძღვარიც და მე დიდი ლუარსაბი გაგბდება...

ყველაფერს ბოლო მოეღება... რა დამიძიმდა ეს ხელი?...

— ჩქარა, ჩქარა მეფევე, — ეუბნოდა აქოშინებული ნესტანი, — ოჰ. უკვე აღმართა ხელი. ო, ჩემო მეფევე! აი, აი, დაფი... სად იცქირები, მეფევე? ო, ო, ო... ხელი კვლავ დაეშვა. ყველანი დავილუპეთ! აქეთ მოდიან!

ნესტანი კედელს აეკრა.

მსუბუქი ნაბიჯით შემოვიდა მხიარული შადიმანი.

— უძლეველო მეფევე, მე, მამაცმა ნუგზარმა და ამირინდომ მოვახერხეთ დაგვემოკლებინა დამთხვეულ დიდებულთა ენა და ხელი...

უნდა აპატიო... ძველთაგანვე მიჩვეული არიან სხვის საქმეებშიც ჩარევას.. დროა იცოდნენ: შადიმანი სუსტი ნების ყოფის მეფეს ვერ აღზრდიდა...

— შადიმან, ძვირფასო შადიმან...

ლუარსაბი მთლად ცახცახებდა, მუხლთ ეკვეთებოდა, საფეთქლებზე სოველი თმა მიჰკროდა, აღელვებული გადაეხვია შადიმანს. და გადაჰკოცნა. განცდილი უეცრად გაქარწყლდა... ყველაფერი ძველებურადვე დარჩა: კარვად, მხიარულად, ძმათა სისხლის დაუღვრელად... „შადიმანი მართალია, არ შეიძლება გაჯავრება, უძველეს დროიდან მიჩვეულან... ეს მოსალოდნელიც იყო, რუსთა მეფის ასულზე ხომ არ ვიწერ ჯვარს“.

შადიმანი მიშტერებოდა ლუარსაბს, მისი ქულაჯის მოგლეჯილ საკინძეს, მერმე ჩაქუჩს წესედა და თვალი კედელზე მიკრულს გაფითრებულ ნესტანს დაადგა... დიად, დაუთმობთ, ყველაფერში დაუთმობთ, გადავარჩინოთ დიდებულთა ძალაუფლება, მაგრამ უკანასკნელი ნაბიჯი კი ჩვენს ხელშია...

— მეფევე, ჩაქუჩი დაგვარდნია, ხომ არ ინებებდი განკარგულეების გაცემას ჯარის დასათვლიერებლად?

— მართალი ხარ, ძვირფასო შადიმან... აი ნესტანიც თხოულობს აღლუმზე ქალთა დასწრებას... კარგი, ნესტან, მოგანიკებ მაგ სიამეს, რათა საყვარელი ზურაბი საბრძოლველად აღქურვილი იხილო.

ნესტანი ამაყად გაიმართა წელში:

— მე მინახავს საყვარელი ზურაბი საბრძოლოდ აღქურვილი, როცა თავადი და მასთან მთელი ქართლიც ტამისკარისკენ გაეშურა მოურავის ძახილზე...

თავის ოთახში ნესტანი დაუძლურებული დაეცა ხალიჩაზე... ყველაფერი გათავდა, ყველაფერი დაიღუპა! ო, რა გეგმა ჰქონდა გიორგის! მოწინააღმდეგეთა მოსპობა, მტრულად განწყობილი დიდებულთა ძალაუფლების მოსპობა, მხოლოდ მეფე, ერისთავი, მუხრან ბატონი და ციციშვილი... იგი, ნესტანი. პირველი დიუფალი სასახლეში, პირველი დედოფლის შემდგომ... ზურაბი შადიმანის ნაცვლად... ნესტანმა გახურებულ თავში იტაცა ხელი...—ყოველი მეფე სუსტია, განა ლუარსაბმა იცის, რა დაჰკარგა? შადიმანის კალთას ისე ჩაბლაუქებია, ვით ბავშვი დედის კაბის ბოლოს...—მისი ფიქრი თანდათან შემფოთებული ხდებოდა...—მეფე შადიმანს ყველაფერს უამბობს ან თვითონ დაიწყებს შურისძიებას. შეთქმულება, თუნდაც მეფის ინტერესებისათვის... მაშინ რაღა იქნება? განდევნა? ანანური... სამუდამოდ უნდა გამოვეთხოვო მეტეხს, სადაც აღვიზარდე, სადაც ყოველი ქვა ძვირფასია ჩემთვის. დეე ანანური ერისთავთა სამფლობელოს ქალაქი იყოს, მაგრამ განა იქ ცხოვრება სდულს? განა იქ ბრძოლა არის პირველობისათვის? არა, არა! ოლონდ მეტეხი არ დავტოვო...-

შეერთა. კარი წყნარად გაიღო და შემოვიდა ახალგაზრდა ბატონიშვილი ქაიხოსრო, რომელსაც ხელები თეთრი ვარდებით ჰქონდა სავესე.

ქალბატონო, მეფე მიესალმება მშვენიერ ნესტანს და სთხოვს ნიშნად პატივისცემისა მიიღოს ეს ვარდები...

ღრმა ამოოხვრა. ნესტანმა მხიარულად შეირხია ოქროსფერი კუ-ლულები: კვლავ ყოველივე ძველებურადაა—მხიარულად, იოლად, სა-ქირო არ არის ფიქრი... ყოველივე ძველებურადვე დარჩა: სისხლის დაუღვრელად, განუღვენელად, კვლავ მეტეხის ბრწყინვალე ორომ-ტრიალში ვიქნები...

თავი ორმოცდამეერთე

ჯერ წყნარად, ყრულ დადიოდა გზებსა, ქალაქებსა და სოფლებ-ში შავბნელი ხმა. უცნობი ადამიანები უცნაურად იქით-აქეთ იხე-დებოდნენ და საშინელ სიტყვებს ჩურჩულებდნენ. პირველ ხანებში მოჩურჩულეთ გაუბობდნენ, მაგრამ შემდეგ შეშინებულნი უგდებდნენ ყურს.

მაინებზე შავბნელი მოხუცი დაძრწოდნენ:

— ხალხო, ილოცე მეფისთვის, ქართლისთვის, დიდი უბედურება მოგველის.

ქალარა თმაგაშლილ, ცბიერ დედაბრებს წირპლიანი, ცრემლიანი თვალი ზეცისკენ აღეპყროთ, ჩაშავებული ფრჩხილებით ქერცილიან მკერდს იხოკავდნენ და საბრალოდ მოსთქვამდნენ. ქადაგთა გარშე-მო ხალხი იკრიბებოდა:

— ვაიმე, ვაიმე! აღარ იბრწყინებებს ცა, ღრუბელი გადაეფარა, კუდიანმა ღოჯები გადმოჰყარა, თვალი დააბრიალა, კუდი მოიქნია და რისხვისაგან ზანზარებს ბრუტსაბძელა! ვაიმე, ვაიმე. ბანჯგვლი-ანი ქაჯი კლდეებში დაბორიალებს, ხელში ნაჯახი ულაპლაპებს, პირში—აღმასის კბილები... ვაიმე, ვაიმე! დედამიწას კუდიანის მსა-ხურნი მოჰფენიან, ჩვენს პირნათელ მეფეს სიყვარულის წამალი და-ალევინეს. ხალხო, ხალხო! ილოცე ჩვენი წმინდა მეფე-ანგელოზისა-თვის!

ტაძრებსა და მონასტრებს უცნობი ხალხი უხვ შესაწირავს სწი-რავდა, რათა მეფის ჯანმრთელობისათვის პარაკლისი გადაეხადათ. უდროო ზართა რეკა მოუსვენარ ცნობისმოყვარეობას აღიზიანებდა. ხალხის გულში შიში ისადგურებდა.

ქართლი ყრულ გმინავდა.

ღუქნებში უცნობი ხალხი უხვად უმასპინძლებოდა ყველა მსურ-ველს. გაისმოდა მუქარა საყვარელი მეფის მტრებისადმი:

— ხალხი კუდიანს ნებას არ მისცემს დაეუფლოს მეფის კეთილ გულს. ხალხი კუდიანის ოინებს ბოლოს მოუღებს...

გზისპირა ღუქნებში დამთხვეული მესტირენი გუდას ბერავდნენ და ხალხს მოუწოდებდნენ, გაბოროტებული ქინკების ამბავი ისმინეთო.

საშინელი სიტყვები თანდათან ვრცელდება, უკვე ხმამაღლად მოსთქვამენ ქალები, უკვე ხმლებს ლესავენ მამაკაცები, უკვე აღარ სწყდება ზართა რეკა. ხალხით გაჭედნილ ეკლესიებში მლოცველნი ცრემლით ალტობენ ხატებსა და ზეკას შესთხოვენ დაიფაროს შედე მოახლოებული საფრთხისაგან.

მცხეთის გარშემო სოფლები განსაკუთრებით შეშფოთებულია. პირველ სატახტო მცხეთას უეცრად თვით წაეკიდა ცეცხლი, სასხორში მთელი ფარა დაიკარგა, ნიჩბისში სამი ძუძუთა ბავშვი აკვანში ჩაულრჩიათ, ძეგვში ქალს კუდიანი სამტყუპი დაჰბადებია, ნიბში კი ახალწლის წინ დღეს საეკლესიო კედელი გაბზარულა...

მაგრამ ვინ არის, რომ ღამით ცხენის თქარუნით სოფელს ძილს უფრთხობს? ვისი ცხენები ფრთქვინავენ დაძაბულ წყვილადში?

გლებები პირჯვარს იწერენ, როცა ღამე ცხენის ფეხის ხმა მოესმით.

ბოროტად ხითხითებს შავჩაბალახიანი:

— რამდენი სოფელი დავიარეთ და ერთი კაციც კი არ გამოსულა ღამე გარეთ, რომ გაეგო, ვინ აშინებს ხალხს, ვინ არის, რომ ცეცხლს აჩენსო.

— ეშინიათ! ღამე კარგია, ღამით საიდუმლო არ გამომჟღავნდება. იცინის სანდრო.

და მიჰქრიან ცხენოსნები უფრო შორს და აშფოთებენ ჩვეულებრივს დღესა და ღამეს.

გლებები დამწვარ ეკლესიას უტკბერენ და ერთმანეთს ეჩურჩულებიან:

— ცუდად ვლაპარაკობდით შავჩაბალახიანებზე, მან კი ფული შესწირა ეკლესიის შესაკეთებლად.

— ერთის თვით შეუკვთა პარაკლისი მეფის სადღეგრძელოდ.

— მღვდელსაც სამი მარჩილი აჩუქა.

— და სანდრო კი, კეთილი ქეთოს ძმისწული, როგორ სწუხდა მეფისათვის!..

— ხალხო, ხალხო! მხურვალედ ვევედროთ ღმერთს!

— ღმერთს! აუცილებლად, მაგრამ ეშმაკსაც...

— რას ამბობ, მესტირე? განა შეიძლება ეგენი ერთად დავაყენოთ?

— ახალ წლის მოსალოცად მოსულხარ. სტუმარი ჩვენთვის სასიბარულოა.

— მესტირევე, შენ ჰქუა გვიჩვენე, ხოლო ღვთის გვერდით ეშმაკის ხსენება საშიშია.

— რატომ ეშმაკის გვერდით? ღმერთმა თავისი ადვილი ძალიან კარგად იცის.

ტფილისის ამქართა საყვარელმა მესტვირემ ყანწი დასცალა. ვერცხლისფერი უღვაშები სახელოთი შეიმშალა და დამსწრეთ მოქუტული თვალი მიაპყრო.

— დღესასწაულზე რატომ არ მხიარულობთ? რატომ ყველაფერს უჯერიოთ? სჯობს, მხიარული ეშმაკის ამბავი მოისმინოთ, შემდეგ გუდას საცეკვაოდ გავბერავ.

ხალხი გარს შემოგერტყა უცნაური ამბების მთხრობელს.

— ქართველნო, ხალხი წინათ უფრო ახლო იყო ცასთან, ბედნიერი დრო იყო ქვებისა და ხეებისთვისაც. იმათაც სიარული იცოდნენ, ხალხს ელაპარაკებოდნენ, მეგობრულად ცხოვრობდნენ. კაცს ვაშლი მოუნდებოდა და ხე თვითონ მივიდოდა მასთან, შეირხეოდა და ვაშლი პირდაპირ ხელსახოცში ჩაუვარდებოდა. თუ ვისმე ოქრო და ვერცხლი დასქირდებოდა, ქვებისაგან თავისუფლად იღებდა.

კარგად ცხოვრობდნენ, უზრუნველად, ხე და ქვები ადამიანისათვის მუშაობდნენ, კაციც კეთილი გულით ეპყრობოდა მათ, გარნა ეშმაკი კუდს იფხანს, არ უყვარს, როცა მშვიდობიანობაა. თვალს ძილი არ ეკარება, ყური მოითელა. შეშინდა ეშმაკი და ღმერთთან გაიქცა. ღმერთს საუცხოო სასახლე აქვს. ქერზე ვარსკვლავები ოქროს მტევნებივით დაკიდებულა, კედლებზე ფერადი თევზები დასცურავენ, იატაკზე ვარდის ხალები ჰფენია, ტახტზე ღვინითა და ტკბილეულობით სავსე ხონჩებია, ფანჯრებზე თავაზიანი ფრინველები საზანდრის მაგიერ ჰვლობენ, მთვარის მაყალზე არც მწვადი იწვის და არც შამფური.

ბალიც აქვს, მაგრამ მალავს, ჭაშლის ხეს უფრთხილდება.

ბოსლებში ცისფერ კამეჩებს ინახავს, საჯინბოებში სამთვალა რაშებს ზრდის. ყანაც აქვს, მარანიც, დიდი მეურნეობა გააჩნია. მესეტეებს ფრთები ასხიათ, არ მოსწონს ღმერთს, როცა სასმელსაქმელს ზანტად მიართმევენ ხოლმე.

მხოლოდ ეშმაკი არ შეუშვა სასახლეში, ეშინოდა: ქურდს რა უნდაო? ბნელი ღამეა... ეშმაკი სასახლეს გარედან თვალს უბრაილებს, კუდს ფრინველებს უქნევს და ასე ეუბნება: დიდებულო ღმერთო, შენ ყველაფერი კარგად გაგირიგებია, მხოლოდ ერთი რამ დაგვიწყნია... ნება მომეცი, ბატონო, კარგი საქმე განმიზრახავს...

— შენი სიამოვნებისათვის თუ განვიზრახავს. შენი ხასიათის ამბავი დიდი ხანია კარგად ვიცი... მაგრამ არა მსურს ზედმეტი ლაპარაკი ვისმინო შენგან ჩემი უსამართლობის შესახებ, წადი და ჰქმენ რაც შეგიძლია.

ძალიან გახარებული გადმოხტა ციდან ეშმაკი, ხოლო ერთს თავაზიან ფრინველს ბოლო მოჰგლიჯა... იქით-აქეთ ეცა და სწორედ

ქვათა დიდ კრებას წააწყდა: მეფეს ირჩევდნენ, იმ დროს ქვებს სინილისი ჰქონდათ: სანამ არ აირჩევდნენ, თვითონ როდი ეძალებოდნენ... დიდხანს იდავეს, იყვირეს, პირველად წაიჩხუბნენ, მაგრამ ისევ მალე დაწყნარდნენ. ოქროს ქვა ქვის ტახტზე აცოცდა უკვე. მაგრამ ეშმაკს უეცრად სიცილი აუტყდა:

— არ ვიცი, ბატონო, ჭკუა სადა გაქვთ: ოქროს ქვა იმიტომ აირჩიეთ, რომ ლამაზად ბრწყინავს, ის კი არ იცით, თუ რა თილისმა ძალა აქვს კაჟსა. ცოტა მოითმინეთ, ბატონო...

ეშმაკმა კუდი მოიქნია — ბზე, წივა და ხე დიდ ოთახში შევარდნენ; ეშმაკმა კაჟი და რკინა აიღო; ერთმანეთს სამჯერ დაახალა; ნაპერწკლები გაცვივდა, რასაკვირველია, სახლშიდაც შევარდა; და ალი ერთბაშად ატკაცანდა.

ქვებს ძალიან გაუკვირდა, ხალხიც მოცვივდა. ცეცხლის ენა ტყეს მისწვდა, ყანასაც მოედო და ბაღსაც, როცა უფრო შორს გავრცელდა, ხალხმა შემწვარი ნადირი და ხილი იპოვნა. გასინჯეს და სიამით პირი ველარ მოაშორეს. მაშინ თვითეულმა შინ წაიღო ნაკვერჩხალი, რათა საქმელი მოემზადებინა... პურიც გამოაცხეს... ცეცხლი უფრო შორს წავიდა, უკვე ნახევარი დედამიწა მოიცვა. შეშინდა ღმერთი. ეშმაკი მოიხმო და მრისხანედ ეკითხება:

— ეს რა ჰქენი? რა უბედურება მოიგონე? რად გამიფუჭე საყვარელი ფრინველი?

ეშმაკს გაეცინა, კუდი მოილოკა:

— ტყუილუბრალოდ მიჯავრდები, ღმერთო, განა ხალხი არ გავაბედნიერე? შეხე, როგორ უყვარს ცეცხლი, უფროთხილდებიან, ღამით არა სძინავთ, არ ჩაგვიქრესო.

ღმერთი უფრო განრისხდა.

— ძალიან კარგად ვხედავ, მაგრამ ეს მათი უბედურებაა. ახლა შიშისა და ჩემდამი პატივისცემის ჩასაგონებლად უფრო ძლიერი ცეცხლი უნდა გავაჩინო.

აქ ღმერთმა ხელი სტაცა თევზსა და ელვად ისროლა ძირს, კამეჩი აიღო და მეხად გადმოაგდო. პირველად ათი კაცი მოკლა, ეშმაკმა ყურები სტკვიტა და შინ გაიქცა, ხოლო ერთ თავაზიან ფრინველს კიდევ მოსტაცა ბოლოს ერთი ფრთა.

მაგრამ ღმერთი ამით არ დაწყნარდა და სასტიკად დასაჯა ცეცხლის დამნაშავენი. ქვასა და ხეს სამუდამოდ დაეკარგა თავისი უფლება. სიარული და ჭამა აღარ შეუძლიათ, არც ლაპარაკი...

ხოლო ეშმაკმა კარგად მოისაზრა. აბა რა სასიამოვნოა უმი მწვადის ჭამა? მთვარის მაყალა არა გვაქვს, უბრალო ყურძენიც კი ქერზე არ იზრდება... ტყუილუბრალოდ გადმოვარდა ციდან თევზი და ცისფერი კამეჩი. ცეცხლისათვის ხალხი მზად არის იბრძოლოს...

მესტვირემ ეშმაკურად ჩაიქნია თვალი.

შეჩაბალახიანმა ცხენი შეაყენა, ნაბადი გადაიხსნა.

— სისულელეებით ართობ ხალხს, დარბაისელ ფრინველთათვის მწუხარების ნაცვლად, უმჯობესია ეს მარჩილი გამომართვი და გვიამბე იმ უთავაზო მელების შესახებ, მეფის სასახლეში რომ დაძვრებიან, ილიაყე აგრეთვე ჩვენი პირნათელი მეფისათვის. განა არ იცი, რაზე უნდა ჰფიქრობდეს ამჟამად ხალხი?

მესტირე დაკვირვებით მიაცქერდა შეჩაბალახიანს. „სააკაძე მართალია, — ჰფიქრობდა იგი, — დიდებულნი ხალხს აშინებენ. ცუდ რამეზე აქებებენ. რა გაეწყობა, მესტირემაც იცის საშუალება თუ როგორ დააბლაგვოს ქოფაკთა ისარი.“

და მესტირე კვლავ გაუდგა გზას, ბერავდა მხიარულ გუდასა და საქორწილო წვეულებას წინასწარმეტყველობდა.

გარნა გლეხები შიშით იხედებიან უკან და ცუდი რამ უფრო სჯერათ:

— ვაი ჩვენ, ახლა რაღა მოგველის?!

ჭორი ფართოდებოდა, დარბოდა, დაფრინავდა: რა თქმა უნდა, მეფეს წამალი დააღვინეს. ტყუილ-უბრალოდ არ უნახავს „რკინის ხელის“ მეჩიბუხეს მეტეხის მარანში მოცეკვავე ეშმაკუნები, ხოლო ვერცხლოვან კოშკზე სამი დღის განმავლობაში აბუზული კოტი მჯდარა.

უკვე აშკარად გუგუნებდნენ სოფლები, უკვე შეშფოთებას აღარ მალავდნენ ქალაქები. და არა მარტო ქართლში, არამედ ქართველთა ყველა სამეფოსა და სამთავროში ძლიერდებოდა აღშფოთება მეფის არჩევანის გამო.

სულ უფრო მოუსვენარი ხდებოდა ხალხი მეტეხიდან ლუარსაბის გამოსვლისას: პირქვე ეშობოდნენ, ცხენის ფეხებს უკოცნიდნენ. ემუდარებოდნენ: ფრთხილად იყავ, ერიდებოდე ხალხის აღშფოთებას, გაურბოდე უმაგალითო საქმესო. აშკარად არავინ არათერს ამბობდა, მაგრამ ლუარსაბი გრძნობდა მუქარას, და მატულობდა შიში საყვარელი ქალისათვის.

„მაგრამ რაღა? ხალხი გახარებული უნდა იყოს, უაზნოთაგან ვირთავ ქალს. მაშ, რად მოუცავს ტფილისი გოდებას?!.“

შადიმანი. გადაკვრით ლაპარაკობდა ხალხის მზარდ უკმაყოფილებაზე და ბააკას ურჩევდა, მცველნი გააძლიერეო.

მეტეხში შიში მიიპარებოდა, კარისკაცნი წყნარად უამბობდნენ ერთმანეთს გაგონილ ამბებს. ბევრი დიუფალი სხვადასხვა საბაბით მეფის სასახლეს სტოვებდა.

ლუარსაბი ჩაფიქრდა. — და ერთხელ, ღამით, ბააკამ ფარულად შეიყვანა დათო მეფის საწოლ ოთახში... ცოტა ხნის შემდეგ ნაბადმოსხმული ცხენოსანი ქვათახევის მონასტერში მიაქროლებდა.

მოძღვარმა ტრიფილიოსმა, რასაკვირველია, ძალიან კარგად იცის ქართლის ყოფა, მისთვის საიდუმლოებას არ წარმოადგენს, თუ ვის უნდა უმაღლოდეს ლუარსაბი ხალხის ასეთ „სინაზეს.“

გარნა უკეთუ შადიმანი ამ გზით ცდილობდა ხელი აეღებინებინა მეფისთვის უთანასწორო ქორწინებაზე, ბატონიშვილი ბაგრატი და თავადი აპილახვარი უარს როდი იტყოდნენ ამ შემთხვევით ესარგებლათ და ტახტი ხელში ჩაეგდოთ.

წინამძღვარ ტრიფილიოსს არაფრად ეპრიანებოდა ძუნწი და სასტიკი ბაგრატი. გარდა ამისა, ბაგრატს მიდრეკილება ჰქონდა შიომღვიმის მონასტრისადმი, რომელიც დიდი ხანია ებრძოდა ტრიფილიოსს ქართლის საქმეებში გავლენის მოსაპოვებლად. მაშასადამე, გავლენა და ძალა ქვათახევისა ლუარსაბ მეფესთან ერთად უნდა დაეცეს. შეშფოთებული ტრიფილიოსი მოუთმენლად ელოდებოდა იმ წუთს, როცა მეფე გაიხსენებდა მას. და აი სრულიად „მოულოდნელად“ მეტეხს ეწვია წინამძღვარი ტრიფილიოსი.

შადიმანმა ყური სცქვიტა, მაგრამ, ყველაზე მაღლა მონასტრის კეთილდღეობა იდგა. და ბერმა არ დააყოვნა, რათა ლუარსაბისათვის გამოეთხოვნა იმ დიდი ტყის შეწირვა, რაც საჭირო იყო მონასტრის მეურნეობის გასაფართოებლად.

ბერის სითამამემ დიდებულნიც კი გააკვირვა. ის ტყე განთქმული იყო ირმებითა და დიდ შემოსავალს აძლევდა მეფის ხაზინას... ლუარსაბი მიხვდა თუ რა პირობით აღმოუჩენდა დახმარებას სულიერი მამა. მეფემ განგებ დამალა სიხარული და ვითომ უსიამოვნებაც კი გამოსთქვა, და მოტყუებულმა კარისკაცობამ ხელი აღარ შეუშალა მათს საიდუმლო ბაასს.

მეორე დღეს მეფემ საბქოში განაცხადა: უხერხულია მონასტრის თხოვნაზე უარის თქმა და მამა ტრიფილიოსის თხოვნას დაქორწინების შემდეგ შევასრულებო.

თათბირმა ქათოლიკოსისას მთელ დღეს გასტანა. ქათოლიკოსს საჭიროდ მიაჩნდა მხარი დაეჭირა სამეფო ტახტზე უკვე მჯდომისათვის და არა იმათთვის, ვინც ამაზე ოცნებობდა. ეპისკოპოსები არქიეპისკოპოსები და მიტროპოლიტები სწორედ ისე ჰტიქრობდნენ, როგორც ქათოლიკოსი, ამიტომ მღვდელთმთავართა კრებამ ქათოლიკოსის ლოცვა-კურთხევა გამოითხოვა და სასწრაფოდ დაიშალა.

შეშფოთებაში განვლო ზამთარმა, ხმაურით დაიწყო გაზაფხული.

პირველად ქვათახევის მონასტერს უნდა დაერეკა. ამიტომ ტფილისიდან დაბრუნებულმა ტრიფილიოსმა ასის წლის ბერი დაიბარა და უბრძანა: წმინდა ეკლესიის გულისათვის სიხმარი უნდა ნახო. მეორე დღეს მოხუცი სენაკიდან გამოძვრა, ხელში თეთრი ფრთა ეჭირა და აკანკალებული ხმით მონასტერს ამცნო წყალობა, რისი ღირსიც იგი მთავარანგელოზ მიქელის მეშვეობით გახდა...

სასწრაფო ზარმა ქვათახევეში ზიიზიდა მორჩილი სამწყსო. საკმეველის ლურჯს ნისლში გახვეულმა მოხუცმა თვალი და სპეტაკი ფრთა ზეალმარაა და „სხივოსანი“ სიზმარი გაიმეორა.

მონასტრის რეკას ხმა მისცეს ქართლის სხვა ტაძრებმაც.

მიტროპოლიტებმა, არქიეპისკოპოსებმა და ეპისკოპოსებმა სასწრაფოდ მოიწვიეს მღვდლები და უბრძანეს: სამადლობელი პარაკლისი გადაიხადეთ და მგრძნობიარე ქადაგებით აუწყეთ სამწყსოს კეთილმორწმუნე მოხუცის სასწაულებრივი სიზმარი და ამის ნიშნად მთავარანგელოზ მიქელის მიერ დატოვებული სპეტაკი ფრთაო.

მარტის ქარმა მთელს ქართლს მოჰტინა წმიდა მონასტრის სასწაულის ამბავი. საზეიმოდ გუგუნებდნენ ზარები. ეკლესიები ავრცელებდნენ ამბავს ღვთის მოწყალების შესახებ:

„და რქვა უფალმან ღმერთმან მთავარანგელოზს მიქელს: დაეში ცოდვილს დედამიწაზე და ჩეი სურვილი ამცნე ყველაზე კეთილმორწმუნე მოხუცს. და იყო ესე. მიჰტრინავს ჩაფიქრებული წმიდა მთავარანგელოზი მიქელ მიძინარე ქართლში, და უფრო მკათიოდ კანკაშებენ ცის მნათობნი. მიჰტრინავს მთავარანგელოზი მიქელ ქართლის ტაძართა ზედა, მიჰტრინავს და კეთილმორწმუნე მოხუცთა სენაკებში იჰვრიტება. და სწუხს მთავარანგელოზი მიქელ, რაკი ღირსეული ვერ უპოვინა, და დამწუხრებული გეხს მიმართავს ქვათახევის წმიდა მონასტრისაკენ. და ეღირსა ასწლოვანი მოხუცი. სძინავს და თითქოს არცა სძინავსო. საკანი კეთილსურნელებით აღივსო და ესმის მოხუცს ვერცხლისებრ წკრიალა ხმა: „აღსდგე მოხუცო, ვინც ღირსი გახდი ღვთის წყალობისა, გამომაძრე ფრთა, ვიდოდე და ხალხს აუწყებდე ღვთის ნებას. იხარებდეს ქრისტიანენი, ღმერთმა აკურთხა წმინდა ქორწინება ლუარსაბ მეფისა, ვინაიდან იგი ცოლად ირთავს ცის რჩეულს, დას დიდი მოუტრავისას, რომელმაც ქართლი ურწმუნო მაჰმადიანთა ზეიმისაგან იხსნა. და ღვთის სურვილის ნიშანი ის იყოს, რომ ქორწინება მეფისა ქვათახევის ღვთისმშობლის წმიდა მონასტერში მოხდეს. და დეე ღვთიგუტრთხეულმა უმანკო თეკლემ უშიშრად გადააბიჯოს ზღურბლსა, რომელიც არცერთს ქალს, სიკვდილის შიშის გამო, ორასი წლის განმავლობაში არ გადაუბიჯებია. და იყოს კურთხევა ღვთისა მეფესა და დედოფალსა ზედა.“

დიდებულნი მიხვდნენ: ეკლესია მეფის მხარეზე გადავიდა და ამის წინააღმდეგ თვით საკურველიც უმწეო არისო.

შადიმანთან კიდილში ტრიფილიოსმა გაიმარჯვა, და ლუარსაბმაც, მიუხედავად არისტოკრატიის ყრუ უკმაყოფილებისა და შეშინებულ ქართლელთა აბნეულობისა, ჯვარი დაიწერა.

ქვათახევის მისაქციელიდან, თვალადის ციხის ზღუდეებიდან მონასტრის კიშკრამდე მთელი მიდამო ხალხით არის გაჰედილი. გე-

გონება, არა მარტო საქართველოს მეფეებს, არა მარტო დიდებულთ, არამედ მთელ ქართლს ქალაქი და სოფელი მიუტოვებია და აქ მოსულა, ამ აკრძალულ ზღურბლთან, რომელიც მეფის რჩეულმა უნდა გადალახოს.

— მაგრამ რად არის ფერმკრთალი დიდი მოურავი?

— ოო, მან რაზმები შემოარტყა მონასტერს.

— მამაჩემი ტფილისიდან დაბრუნდა და ამბობს: იქ არავის უშვებენ, ერისთავის ჯარი კარებს სდარაჯობსო.

— მცხეთასაც სდარაჯობენ.

— გორსაც.

— მოურავმა კარგად იცის თავისი საქმე, შეიძლება მტერი მოულოდნელად დაესხას თავს.

— მტერსაც შეუძლია და დიდებულთაც... გამიგონია: ერთხელ კახეთში, ბაკურ მეფის დროს, მეფე სანადიროდ წასულა, ხოლო დაბრუნებისას ტახტზე სხვა უნახავს მჯდარი...

— ჩუმად, თავი ხომ არ მოგძულებია? ვერა ხედავ, ასასი როგორ აბრიალებს თვალებს.

— ხალხო, მთელი ხეობა დაკავებულია, თვალადელებს ხმალი ამოუწვდიათ...

— ჩუმად, ჩუმად...

ცოცხალი ტალღები ალივლივდნენ. ბააკა დათოსკენ დაიხარა:

— ყველაფერი მზადაა, თავადო, ნუ გეშინია, ერთიც კი ვერ წავა აქედან ცოცხალი, უკეთუ ავს განიზრახავს...

— როგორ მოგწონს, თავადო, მოხუცის სიზმარი?

— ჩუმად, თამაზ, ექვის დრო არ არის...

— იცი, გიორგი. წინათ ვფიქრობდი: ყველაზე უფრო საძნელო საკუთარი კამეჩების მოვლა არის მეთქი, ახლა კი ვხედავ საიოლო საქმე როდი ყოფილა საკუთარი დედოფლის ყოლა.

— საკუთარი მეფე უფრო საშიშია, პაპუნა.

— ქალებო, ერთიც ვნახოთ, მონაზნები გაცოცხლდნენ და თექვლე დააღრჩეს?

— ვაიმე, ალბათ, გაცოცხლდებიან... გაიქეცი, გაიქეცი ქალებო!

— მონაზნები ჯაკვებს აჩხარუნებენ...

— ჩუმად, ქალებო, მონაზნები ღვთის ნებას უნდა დაემორჩილნენ...

— ხალხო, მოხუცი დარეჯანი ამბობს, ღმერთმა ვერ მოასწრო მონაზნების გაფრთხილებაო...

ხალხი ძრწოლამ შეიპყრო, ცახცახებდა, ერთმანეთს ეკვროდა, მამაკაცებიც კი მოუსვენრად იშმუშნებოდნენ.

შეირხა ჩაბნელებული ტყე. თითქოს მუქარით დაიძრა ხევი, ნისლის ბინდებულში ტოტებივით იძვროდნენ აღმართული ხელები.

— მოდის! მოდის! ვაიმე!.. ვაი ჩვენ!..

ბრწყინვალე ამალით გარშემორტყმული დიდებული მოკაზმული ცხენებით მონასტრისკენ იძვროდნენ.

აბრეშუმეულსა, მარგალიტსა და ზურმუხტში ჩამჯდარი მუხრან-ბატონი, ერისთავი და ციციშვილი თეკლეს შემოეხვივნენ გარს, ბამბის ქულასავით რომ გაყინულიყო თეთრს ცხენზე, რომელიც ტარსიკონითა და ფირუზით იყო მორთული. მირვანი მარჯვედ ჩამოხტა და „სამოთხისებურ ჩვენებას“ ჩამოხტომა უშველა. რუსუდანმა და ნესტანმა მკლავი გაუყარეს თეკლეს.

ხალხის უამრავი თვალი ხარბად დააშტერდა მათ. კიშკარი უეცრად გაიღო. ერთბაშად წამოიჭრა ქორი და ფრთების ტყლაშუნით მცხუნვარე ცის სივრცეში დაიკარგა. ხალხს ოხვრა აღმოხდა, შეიჩხა და მუხლებზე დაეცა. გაფითრებულმა რუსუდანმა ხელი გაინთავისუფლა და კედელს მიეყრდნო.

— პაატა, ავთანდილ! არა, მე არ შემძლია მომაკვდინებელ ზღურბლს გადავაბიჯო.

ნესტანმა კენესით დაიხია უკან.

გაფითრებულმა თეკლემ უაზროდ აღმართა თვალი, არც ერთი ქალი არ მივიდა საშველად მასთან.

— უკეთუ სიკვდილი მომელის, მაშასადამე, ღმერთს არა სდომებია ჩემი ბედნიერება, ხოლო ულუარსაბოდ სიცოცხლე არ მინდა.— თეკლე წელში გაიმართა. მირვანმა ხელი გაუწოდა და „განწირული“ გაბედულად წაიყვანა კიშკრისაკენ.

რუსუდანი კედელთან ჩაიკეცა. დაფის გუგუნი, საზანდრის ხმა ათიათასმა კენესამ გააყრუა. უმწეოდ იკრუნჩხებოდა სალოცავად აღმართული მრავალი ხელი.

— ოდესმე სამაგიერო სამსახურს გაეუწევ მირვანს,— დაუთბეს წასჩურჩულა გაფითრებულმა სააკაძემ.

— მოდის, მოდის!

— მშვენიერია, ვით სიცოცხლე, მეფე ლუარსაბ!

— ოო, ოო, მარტო იგია ვარდისფერი, თვალეზში ელვა უბრწყინავს!..

— ღმერთს გეფიცები, უფრო განათლდა!..

— ბედნიერება! ბედნიერება!

— ბედნიერება დეე ქვათახევის ღვთისმშობელმა მოგვანიჭოს!

— ბედნიერება წმინდა გიორგიმ მოგვანიჭოს!

— და წმინდა ევსტატემ!

— სიცოცხლეს არ დავიშურებ შენი ღიმილისათვის!

საზანდრებმა დასტური მისცეს ათასთა და ათასთა ნატვრას.

მოლიმარე ლუარსაბმა სადავე მიანება და კახეთის, იმერეთის მეფეების და აფხაზეთის, ოდიშის, გურიის მთავრებით, ბატონიშვილე-

ბით, ბრწყინვალე თავადებით გარშემოხვეული სწრაფად შევიდა ტა-
ძარში. მას მიჰყვნენ თავადნი, აზნაურნი, მრავალრიცხოვანი ამაღა,
ქეშიკნი, პირადი რაზმები. ბააკამ, სააკაძემ და „ვეფხებმა“ რკალი
შეჰკრეს.

უდიდესი სივრცე სულგანაბული ელოდებოდა. წყნარად წკარუ-
ნებდა შუბთა ბუნიკი, მსუბუქად ქახუნებდა ცხენთა ნალი.

შიშით აღსავსე მრავალი თვალი ქიშკარს მიშტერებია...

ატყდა ზარის რეკა, ქიშკარში წინამძღვარი ტრიფილიოსი გა-
მოჩნდა:

— ხალხო, ჩვენი სხივოსანი მეფე ლუარსაბი მეორე, ჯვარს იწერს
მწვენიერს სააკაძის ასულს თეკლეზე. ქვათახევის წმინდა ღვთისმშო-
ბელი ჰფარავდეს მეფას ქორწინებას.

დაძაბული მუღდროება დაარღვია ზურნის ქიქუინმა, სმალთა
წკრიალმა, საზანდრისა და დაირის გუჯუნმა, სიმღერამ, კენესამ, ტი-
რიღმა, სიციღმა და ხარხარმა. სადღაც გაჰქრა შიში...

ლუარსაბს მიჰყავდა გაზაფხულის მზესავით პირმცინარე თეკლე...
ახმაურებულს ხევში, ვარდისფრად აყვავებულს ტყეში ცხენით
მიმქროლავი ლუარსაბ ალელვებული ეუბნებოდა თეკლეს:

— გახსოვდეს, სულო, ლუარსაბის სიტყვები: სიცოცხლეს არ
დავიშურებ ქართლისათვის, შენტვის.

თეკლემ გრძნობით აღსავსე თვალი მიაპყრო, ხავერდოვან წამწა-
მებზე. ცრემლები აუციპვირდა. ლუარსაბს მყისვე დაავიწყდა ნათქვა-
ბი, გარშემო მყოფნი და მთელი სამყარო.

თავი ორმოცდამეორე

გათავდა მხიარული ლხინი, რომელმაც ორ კვირას გასტანა. დაყ-
ვავილდა შროშანი. თვალადის შადრევანთა ვერცხლისებურ წინწყ-
ლებში ლუარსაბი მხოლოდ თეკლეს თვალთა გიშრის მზეს ამჩნევდა.
არა თუ სამყარო, არამედ საკუთარი სამეფოც კი დავიწყებოდა.

შადიმანს თითქმის უხაროდა ყოველივე, რაც მოხდა. მეფე ძლივს
ჰფარავდა მოწყენილობასა და მოუთმენლობას შადიმანის დაწვრი-
ლებითი მოხსენების დროს; მხოლოდ შადიმანს ჰქონდა უფლება მი-
უპატიებლად მისულიყო მეფესთან თვალადს. ლუარსაბი ემუდარე-
ბოდა: ძვირფას დროს ნუ მართმევ ამქრებისათვის, მაიდნისათვის,
საზღვრებისათვის, ახლა ხომ ყველგან თითქმის სიწყნარეა. შენ თვი-
თონ იცი, რა უმჯობესია ქართლის აყვავებისათვისო. და მმართველ-
მაც სიამით გადასწყვიტა: მართლაც, აღარ შეეაწუხებ სიყვარულის
განცხრომაში მყოფ მეფესო, და მოხერხებულად მიუტანდა ხოლმე
მეფეს ხელმოსაწერად გამართულ სიგელ-გუჯრებს.

თეკლეს მშვენიერებით განცვიფრებული კარისკაცი ჰფიქრობდა, ალბათ, ერთ წელზე ადრე ლუარსაბი გონს ვერ მოვა, შერპე კი სრულიადაც გადაავიწყდება საზეფოს საქმეების გაძლოლაო.

და თანდათან იცარებოდა ლუარსაბის მიერ სურამის ველზე ხალხისათვის მინიჭებული სხვადასხვა შეღავათი. გლეხები მძიმე უღელქვეშ ჰგზინავდნენ, მაიდანნი დატვირთული იყო აუტანელი გადასახადებით, აზნაურთა მეურნეობას კი მმართველის რკინის მარჯვენა ავიწროვებდა.

ტახტის აზნაურები სულ უფრო დაჟინებით სთხოვდნენ გიორგის, ჩვენი ინტერესები დაიცავიო.

სააკაძე ანანურს გაემგზავრა და ზურაბსა და ნუგზართან ხანგრძლივი ბაასის შემდეგ ნესტანი თვალადს ესტუმრა.

მეფის დაუპატიებლად საზაფხულო სააბაღეში მისვლა უზრდელობად იყო მიჩნეული, მაგრამ ლუარსაბი არავის ჰპატივობდა, და ნესტანის მისვლამ კარისკაცი გააკვირვა.

ნესტანი ოხრავდა: არ მინდოდა მეფის შეწუხება, მაგრამ ქალბატონი ნატო ლელავდა—აქამდე მეფე-დედოფლისათვის საქორწინო ძღვენი არ მიგვირთმევიანო, და ახლა ნატო გთხოვთ მიიღოთ მისგან ინდოეთისა და ერანის ძვირფასეულობით დატვირთული თეთრი აქლემებიო.

თეკლეს სიხარულით ოდნავ გააკვირვებულმა ლუარსაბმა თავაზიანად სთხოვა ნესტანს, თვალადში დარჩიო.

მხოლოდ ახლა მიხვდა ნესტანი, თუ რა ცეცხლი დაენთო მეფის გულში ნაზ თეკლეს. მეფე მთვრალივით დაიარებოდა და თვალისჩინივით უფრთხილდებოდა საყვარელ არსებას, თითქოს საკუთარი ბედნიერება არა სჯერაო. და სიყვარულის ამაღელვებელი ჩურჩული ლოყებს უვარდისფერებდა თეკლეს.

გულისხმიერი, დიდი ჰკუისა და გულლია ხასიათის მქონე თეკლე მეფეს უცხო სამყაროდან მოსული ეგონა. როცა მის სიმღერას, ნაამბობს უსმენდა, ან თვალს არ აშორებდა მის ვარდისფერ თითებს, ჩანგის სიმებს რომ აწკრიალებდნენ, ლუარსაბს უკვირდა, როგორ შემეძლო ამდენ ხანს „უმზოოდ“ ცხოვრებაო.

ნესტანმა ერთბაშად შეაფასა თავისი მდგომარეობა. მეფეს მხოლოდ მაშინ ეჩვენებოდა, როცა მისი ნახვა სურდათ, მხოლოდ მაშინ ლაპარაკობდა, როცა სიამით უსმენდნენ, გასეირნებას სთავაზობდა, როცა მეფესა სურდა, ნოსტეში მიდიოდა, როცა ლუარსაბს განსაკუთრებით უნდოდა თეკლესთან მარტო დარჩენა. ასეთი საქციელის გამო თვალადში ნესტანის ყოფნა შეყვარებულთათვის თითქმის აუცილებელი შეიქნა.

ნესტანი ჰკვიანად იქცეოდა: სიცილისა და ხუმრობის დროს აღფრთოვანებული უამბობდა მეფეს, თუ როგორ აღმერთებდა მას

ხალხი, რომელიც მოუთმენლად ელოდა იმ წუთს, როცა საყვარელი მეფე სამეფოს საქმეებს დაუბრუნდება.

ლუარსაბმა მხარები აიჩნია. და განა ახლა იგი არ მართავს სახელმწიფოს ერთგული მმართველის მეშვეობით? ნესტანმა ფრთხილად შენიშნა: შადიმანის თვით უბრწყინვალესი მმართველობაც კი მეფის მაგიერობას ვერ იზამს, მით უმეტეს კეთილი და სამართლიანი ლუარსაბის მაგიერობასო.

ლიქნს უკვალოდ არ ჩაუვლია და ლუარსაბმა იწყო ფიქრი ტფილისს დაბრუნებაზე.

საკადეს სულ უფრო აწუხებდა შადიმანის მოქმედება. ამიტომ პაპუნა, რომელიც მეტების სასახლეში თავისი ნათესავის არჩილის სანახავად მივიდა, უეცრად ციებით გახდა ავად და მთელი თვის განმავლობაში ლოგინს არ მოშორებია. ავადმყოფს უცნაურობა რამ დასჩემდა: სტუმრები უყვარდა და სასახლის მსახურნიც მთელ დღეებს ატარებდნენ ავადმყოფისას და ახალი ამბებით ართობდნენ მას. რა კი სიცხე ჰქონდა, ტუჩზე ღეინის თასს არ იშორებდა და მნახველთაც გულუხვად უმასპინძლებოდა. არჩილი ყოველთვის ატყობინებდა პაპუნას სასახლეში მოსულთა შესახებ, ხოლო უფრო საინტერესო სტუმრების დასანახავად ავადმყოფი მზის გულზე გამოჰყავდათ ხოლმე.

ასე დაათვალიერეს ვაქრები, რომელნიც ქართული მდიდრული ტანისამოსით იყვნენ გამოწყობილნი და რომელთაც ვარდან ბრძენი და ამილახვრის მსახური ახლდნენ.

სალამოს პაპუნამ განსაკუთრებული გულუხვი მასპინძლობა გამოიჩინა. გამზიარულებული მსახური იკეცხნიდნენ, ძალიან დაახლოვებულნი ვართ ჩვენს ბატონებთანო, და დაწვრილებით უამბობდნენ ყველაფერს, რაც იყო და რაც არ იყო.

გახურებულს კამათში შადიმანის ახალგაზრდა მეჯინებე აღფრთოვანებული იყო იმ სიმარჯვით, რომელიც თავადმა შადიმანმა გამოიჩინა ოსმალეთის ვაქრებთან გამართული სავაქრო მოლაპარაკების დროს. გარნა უმცროსი ქეშიკი ექვს გამოსთქვამდა თურქეთიდან მოსულთა ვაქრული უნარიანობის შესახებ: მათი საქციელი და თავადი შადიმანისა და ამილახვარისათვის მირთმეული ძღვენი ხანების გულუხვობას უფრო მოგვაგონებსო. გაჩაღებულს კამათში გამოირკვა, რომ ის ხალხი ვაქრები კი არა, სტამბოლელი ფაშები არიანო, მაგრამ პაპუნას სწორად ამ დროს მოუვიდა ციების შეტევა და უგონოდ ჰბოდავდა: იმ ვაქრებს ამ წყეული ავადმყოფობის წამალი ხომ არ მოუტანიათო.

„მასასადამე, — ჰფიქრობდა პაპუნა, — გიორგი არ შემეცდარა. შადიმანის მომხრენი კვლავ მოლაპარაკებას აწარმოებენ თურქეთთან“. ორი დღის შემდეგ პაპუნა გამომრთელდა და საჩქაროდ მოემზადა.

წასასვლელად, რათა თავიდან აეცილებინა ავადმყოფობის ახალი შეტევა.

რამდენიმე დღის შემდეგ პაპუნამ, რომელსაც ჩოხის უბეში ჩაკერებული ჰქონდა წერილი შაჰ აბაზისადმი, შავი ხევი გაიარა და ისპაჰანის გზისკენ გადაუხვია.

პირველ ხანებში გიორგი ეძებდა საბაბს ლუარსაბის სანახავად, მაგრამ დაუპატიებლად მისვლა იმის ნიშანი იქნებოდა, რომ საშუალება მიეცა დაციინვისათვის—ეს უზრდელი მდაბიო, როგორც მას ეძახდნენ, დის ბედნიერებით სარგებლობსო.

ნესტანს სანუგეშო ცნობები მოჰქონდა ტფილისში მეფის მალე დაბრუნების შესახებ, მაგრამ ლუარსაბის დაბრუნება ხომ არ ემთხვევა სტამბოლის საელჩოს აშკარად მოსვლასო?

შადიმანის განზრახვის გამოცნობა ძნელი არ არის: შაჰ აბაზი მხარს უჭერს მეფეს, სტამბოლი კი—თავადებს. თურქეთი ჯარს ერანის საზღვარზე მიიყვანს, ბორჩალუს ამოსწყვეტს და აღჩა-ყალას სამ თავადს მისცემს, ამრიგად, ბოლოსდაბოლოს, განხორციელდება შადიმანის დიდი ხნის განზრახვა მცირემიწიან აზნაურთა და სახასო გლეხთა ხარჯზე ახალი მამულებით გააძლიერებს დიდ ფეოდალებს და საზღვრის დაკავების გზით „რკინის ხელს“ დაუმორჩილებს ქართლის ბელს. „ჯარი?—ფიქრობდა გიორგი.—მართალია, სამეფო ჯარი ხალხის ხელშია... მაგრამ ერთხელ მეფემ უკვე დაამტკიცა, რომ დიდებულთა წინააღმდეგ არ წავა... მაშასადამე, სისხლისმღვრელი შინაური უთანხმოება? ამისი იმედი ხომ არა აქვს სწორედ სტამბოლს? არა, აქ შადიმანის წესისამებრ უნდა ვიმოქმედო“...

„ვეფხებს“, ალბათ, მობეზრდათ უმოქმედობა და სანადიროდ გაემართნენ. მთელი თვის განმავლობაში დაეხეტებოდნენ აზნაურები თურქეთის საზღვრის ახლოს. მაგრამ ნადირი არსად სჩანდა... გულუბრყვილო გვიმ უკვე გამოსთქვა აზრი: ტყუილ-უბრალოდ ნუ ვხარჯავთ დროს ამ ხეებზე ჯდომით, როგორც შროშნები, და ნუ ვტანჯავთ ცხენებს ბნელ გამოქვაბულებშიო. დიმიტრიმ კი წინადადება მისცა ამხანაგებს: მოდი მოწყენილობის განსაქარებლად თურქეთის საზღვრისპირა სოფელში ერთი აურზაური ავტეხოთო, მაგრამ დაუთბეგმა, რომელიც ნადირობის ხელმძღვანელად იყო დანიშნული, ბრძანება გასცა: ხეებს არ მოშორდეთ, თუნდაც ამისათვის „ვეფხები“, მართლაც, შროშნებად იქცნენო.—რაკი გიორგი ნადირს ელის, ნადირიც უთუოდ უნდა გამოჩნდესო.

და სექტემბრის დამდეგს აზიზ-ფაშამ, რომელსაც ფიქრადაც კი არ მოსდიოდა „ვეფხების“ იქ ყოფნა, ორი ახალგაზრდა თურქისა და ოთხი ქეშიკის თანხლებით აკრძალული საზღვარი გადმოლახა...

დომიტრი კინალამ სიხარულით ხიდგან ჩამოვარდა. „ვეფხებმა“ სული განაბეს და თავიანთ ოთხფეხი მოძმეთა მავალითისამებრ, ტოტე-ბში გაწოლილნი ელოდებოდნენ, სანამ მთელმა რაზმმა მათს ახლოს ხეებქვეშ არ გაიარა.

ცხენებმა იფრთქვინეს და გაფრთხნენ. * მტაცებლებივით ისკუპეს ხეებიდან „ვეფხებმა“. მიამატად მოლიმარე გივი ფაშას დაახტა მხრებზე, ხელები გაუკრა სტუმარს, რომელსაც ქართველი თავადის ტანისამოსი ეცვა.

დომიტრიმ მაგრად ჩაბლუჯა თურქი ქეშიკი.

ელიზბარი არც თუ ძლიერ თავაზიანად უტენილა ფაშას პირში ჩვარს.

როსტომმა და მათარსმა ცხენების ფლოქებზე ნაბადი შემოახვიეს. გაუტეხელ ღუმილში გაუდგნენ გზას „ვეფხები“, რომელთაც კარგად ახსოვდათ გიორგის ბრძანება: ცოცხალი და უვნებელი მოიყვანეთ დატყვევებულნი სამხურის გამოქვაბულშიო, სადაც მათ ერთ თვეზე მეტი იყო რაც ერასტი ელოდებოდა.

გახარებული დაექანა მზვერავეთა უფროსი ნოსტესკენ.

სიამისაგან სუნთქვა შეხუთული ერასტის ნაამბობი რომ მოისმინა, სააკაძემ თან გაიყოლა პაპუნა, რომელიც მხოლოდ წინა დღით დაბრუნდა ისპაჰანიდან შაჰ აბაზის პასუხითურთ, და საკვირაო ბაზარში გავიდა. ჩვეულებრივსამებრ მაიდანზე ბევრი საექვო ვაჭარი დახეტიალებდა და ნაირნაირ საქონელს სთავაზობდა ხალხს.

საკაძე ხმამაღლა ელაპარაკებოდა ერასტის მამას, რომელიც მატყლის საჩეჩ ახალ სახელოსნოს აშენებდა.

ნოსტეში ყველა შეურიგდა იმ გარემოებას, რომ სააკაძე ვერ ითმენდა ზანტად მუშაობას. „დასვენება აღრეაო“, — განუწყვეტლად იმეორებდა გიორგი. და ნოსტელები ვერ ასწრებდნენ საზაფხულო სამუშაოთა დამთავრებას, რომ საზამთრო სამუშევარი უკვე კარს იყო მომდგარი, და გიორგის გარკვეული გეგმის მიხედვით, სჭრიდნენ და ამზადებდნენ ხე-ტყეს, სთლიდნენ ქვას ნოსტეს მახლობლად სოფელ პაატას ასაშენებლად, აკეთებდნენ გზასა და ხიდებს ქარავანთა იოლად მიმოსვლისათვის.

ერასტის მამა ერთს ბიქს უსაყვედურებდა ცუდ მუშაობას.

გიორგიმ მიიხედა:

— შენ ამას წინად არ გაგათავისუფლე მესეტეობიდან და გლეხი არ გაგხადე? ამრიგად ამართლებ ჩემს ნდობას? იქნებ მოწყენილობასა გრძნობ, შემიძლია სამსახური გაგიწიო და კვლავ მესეფედ გადაგიყვანო.

ბიქი გაფითრდა და ემუდარებოდა: ნება მიბოძე მუშაობით გავამართლო შენი ნდობაო.

გიორგი უკვე დიდიხანია ველარ გრძნობდა, რომ კეთილდღეობის აღმატების ცდაში იგი ხშირად მიმართავდა ხოლმე სხვა ახნაურთა მეთოდს. მართალია, ღრმად სწამდა, რომ ჰისი კეთილდღეობა გლებთა კეთილდღეობასაც გააუმჯობესებდა. მხოლოდ ზოგჯერ ვაიხსენებდა ხოლმე პაპუნას გაფრთხილებას: 'თავადი არასოდეს არ მოიქცევა ისე, როგორც გლებიო. იგი სულ უფრო უფიქრდებოდა ხოლმე იმ გარემოებას, რომ სახნავი მიწა საკმაო აღარ იყო, ვინაიდან თანდათან მატულობდა გამოქცეულ გლებთა რიცხვი, და ამიტომ მეტიც ენერგიით შეუდგა ზეთსახდელი წარმოების განვითარებას.

კვირაობით გლებები ნოსტურას პირას იკრიბებოდნენ, ჩამოჯდებოდნენ თავიანთ საყვარელ ძელზე, საბიჯგებს ჩამოეყრდნობოდნენ და დასუსტებული თვალით გასცქეროდნენ ნაცნობ სურათს: მდინარეს, სადაც ბავშვობისას ბანაობდნენ, მინდორს, რომელსაც მთელი თავისი ძალა შესწირეს, ხიდს, რომელსაც კიდევ აჩნდა მათი ანცობის კვალი.

თავს იქნეიდნენ და წყნარად ამბობდნენ: საიდან გაიგო გიორგიმ, რომ ასე სჯობიაო? კარვად ცხოვრობს ნოსტეში ხალხი, კარგია, როცა თავადი შენიანია, მაგრამ უკეთესია, როცა მიწაც შენია.

გიორგიმ ერასტის მამასთან ერთად დაათვალიერა ბელლები. ხელით გასინჯა ოქროსფერი მატყლი, მოიწონა ერასტის მამის განზრახვა, მატყლის ნარჩენებიდან განსაკუთრებული ძაფი უნდა დავამზადოო, და თავისი გადაწყვეტილებაც აცნობა მოხუცს: ნოსტეს ყველა მატყლსართავი სახელოსნოს უფროსად უნდა დავნიშნოო, ხოლო რადგან მოხუცის ოჯახს ახალი წევრი—ერასტის ცოლი, კიანოს და დარეჯანი შეემატა, ამიტომ სააკაძემ დიდი ქვითკირის სახლი აჩუქა მათ.

სასახლეში რომ დაბრუნდა, სააკაძე წყნარად მოელაპარაკა შემფოთებულ რუსუდანს და გვირაბში ჩავიდა, სადაც ორი ცხენითურთ უკვე ელოდა ერასტი.

ვიწრო გამოქვაბულიდან ისინი უეცრად ტყეში გაჩნდნენ. ხესთან პაპუნა ელოდებოდათ.

რა თქმა უნდა, დაკითხვამ ვერაფერი გამოარკვია. აზიზ-ფაშა აღშფოთდა: არავითარი ომი არ არის, მე სასეირნოდ გამოვედი და შემთხვევით გადმოვეცი საზღვარს; და უკეთუ სააკაძე, რომელიც ერთბაშად ვიცან, თავხედ აზნაურებს არ უბრძანებს საზღვრამდე მიაცილონ თურქი ფაშა, მაშინ, ალბათ, მეფე ლუარსაბი თვითნებობისათვის მადლობას არ ეტყვის მოურავსო.

საკაძემ დიდი სინანული გამოსთქვა გაუგებრობის გამო, რომელიც, ალბათ, მხიარული ფაშის უცნაურმა ტანისამოსმა განიიწვია. რასაკვირველია, ფაშას საზღვრამდე მიაცილებენ...

მონდა მცირე თათბირი „ვეფხებთან“ და მიღებულ იქნა სწრაფი გადაწყვეტილება: შეპყრობილნი უნაგირებზე დააკარით, ტუჩი აუკარით, ღამე იარეთ; დღე კი ხევებსა და ტყეში დაიძალეთო...

სააკაძე ცხენს მოახტა და ერასტისთან ერთად იმავე გზით დაბრუნდა თავის სასახლეში.

შადიმანი გაკვირებული იყო. მისი ვარაუდით აზიზ-ფაშა უკვე უნდა დაბრუნებულყო სტამბოლიდან და თან მოეტანა ქართლისა და თურქეთის კავშირის დაზუსტებული პირობები. ოთარმა და სანდრომ, იმ ფარულ დარაჯთა უფროსებად დაწინშული, რომლებიც საზღვრამდე იყვნენ ჩამწყვირებულნი, ფაშის შეპყრობის სამი საათის შემდეგ შადიმანს მოახსენეს: ახლომახლო ტყეებსა და სასაზღვრო მდინარის ნაპირებზე სრული სიწყინარეაო.

აზიზ-ფაშის მოსვლის მაგიერ ოქტომბერში ამბავი მოვიდა: მეფე საჩქაროდ ბრუნდება ტფილისშიო.

შადიმანმა ცუდი რამ იგუშმანა: მხოლოდ ერთი კვირა გავიდა მას შემდეგ, რაც თვალადში ვიყავ, ლუარსაბი უგუნებოდ ლაპარაკობდა ტფილისს დაბრუნების შესახებ საშობოდაც კი და ახლა რა მოხდა? ვილაცამ გავლენა მოახდინა შეყვარებულ მეფეზე. ნესტანმა ხომ არა? მაგრამ იგი ხომ აგერ ორი თვეა უძრავად ზის თვალადში. უძრავად? ნოსტეში სიარული? არა. ნესტანს ქედი არ მოუხრია. ამ წითურ გველს სააკაძესთან მეგობრობა კი არა, ბატონობის წყურვილი აკავშირებს. იგი ოცნებობს პირველობაზე; სამეფოს საქმეებში გავლენაზე, ხოლო „მტრედს“ მეფის სარეცელს უთმობს. ასეთმა მსჯელობამ შადიმანი უფრო რთულ აზრებამდე მიიყვანა: ნუ თუ სააკაძე ხედება სტამბოლის მოლაპარაკებას? თუ ასეა, საჭიროა აჩქარება. ძღვენი და მტკიცე კავშირის დაპირება იოლად ააღებინებს ხელს მოხიბლულ ლუარსაბს ერანის ძვირად ღირებულ მეგობრობაზე. რთულ საქმეში, — იმის გამოანგარიშებაში გართული მეფე, თუ რამდენი მზე შთანთქმულა მშვენიერი თეკლეს თვალეში, თავს არ შეიწუხებს შადიმანის მოხერხებული მოხსენების გარჩევით და იოლად გაებმება სამი დიდებულის მიერ დაგებულ ხაფანგში.

ტფილისმა მეფე-დედოფალს საზეიმო შეხვედრა მოუწყო. ეკლესიის ზართა რეკასა და მაიღნის ზემში თეკლემ გადააბიჯა მეტეხის სასახლის ზღურბლს, რომელიც შემდეგში ასე ტრაგიკულად დასტოვა...

— როგორ! — განცვიფრდა ლუარსაბი. — შაჰის ელჩმა მთელი ქართლი გაიარა და თვალადს მოვიდა, ბრძენმა მმართველმა კი სრულიად არაფერი იცის ამის შესახებ? მაშასადამე, ემირ-გიუნე-ხანისა

და ალა-ხანის მალე მოსვლის გამო მეფის საჩქაროდ დაბრუნებაც საიდუმლოებას წარმოადგენს ქართლის პირველი დიდებულისათვის?!

შადიმანი თითქოს გაქვედაო: შაჰ აბაზმა იცის სტამბოლის მოლაპარაკების შესახებ და ამიტომ ქართლის მმართველს ფარულად ელჩი გაუგზავნია თვალადს... ვინ გამიწია ეს სამსახური? ამას მაინც გავიგებ, თუნდ ნახევარი სამეფოს ამოვლეტა დამქირდეს. ჯერჯერობით კი ზოგი რამ სიამოვნება უნდა ვაგრძნობინო დედოფალს...

უკეთუ თავადებმა, რომელნიც კმაყოფილი იყვნენ შადიმანის მეშვეობით მიღებული მრავალი შეღავათითა და წყალობით, დროებით დაივიწყეს ის შეურაცხყოფა, რაც მეფის დაქორწინებამ მიაყენათ, ახლა, როცა ხედავდნენ თეკლეს მშვენიერებით აღტაცებულ ტფილისს, როცა ისმენდნენ ქება-დიდებას მშვენიერი და კეთილი დედოფლისადმი, თავადები შეშფოთდნენ.

ოდნავ შესამჩნევი ზიზღი მარიამისა, მსუბუქი სიცილი შადიმანისა, და სასახლე ქედმაღლურად, კარბი თავაზიანობით შეეგება მდაბიო ქალს... მაგრამ ყოველივე ამ ცბიერებას აქარწყლებდა სრული გულგრილობა თეკლესი, რომელიც ყოველგვარი ინტრიგის გარეშე იზრდებოდა. მას ფიქრადაც არ მოსდიოდა ის სიძულვილი, რაც თავაზიანობის ნიღაბით იყო დაფარული, უსმენდა და უცქერდა მხოლოდ ლუარსაბს და სრულიად არ ერეოდა კარისკაცთა მოთუხთუხე ცხოვრებაში. თეკლე მთელ დღეებს ატარებდა თავის სამყოფელში და ჩანგს უქრავდა, თუ ლუარსაბი შინ არ იყო, ხოლო მისი ალერსით თვრებოდა, როცა იგი შინ იყო.

ასეთ განმარტობას მის უსაზღვრო ამპარტყანებას აწერდნენ. და მატულობდა გულშარისა და მარიამის მიერ გაღვივებული ზიზღი.

შეტაკება უეცრად მოხდა. თეკლემ რომ ზუგზა მარიამის მონის საბრალო ყოფაში ნახა, შეებრაღა ხანის ასული და ლუარსაბს სთხოვა: თავისუფლება მიანიჭე ყაზახ ქალს და აულში დაბრუნების ნება დართეო.

მარიამი საშინლად აღშფოთდა: მე ჯერ კიდევ დედოფალი ვარ, არავის ნებას არ მივცემ ჩემი საკუთრების განკარგულებისას და დაუპატიჟებელ ქომავს მის შესაფერ ადგილს მიეუჩინო. ლუარსაბმა ხელი ჩაიქნია და საჩქაროდ გავიდა დედის სადგომიდან. გარნა მტრობის საბაბი უჭვე ნაპოვნი იყო, და მარიამი ფარულად ყოველნაირად დასცინოდა თეკლეს. უყურადღებოდ არც ზუგზა დარჩა და, უკეთუ აქამდე მარიამი თავმდაბლური ზიზღით უცქერდა ყაზახ ქალს, ახლა თეკლეს გამოქომაგებამ ტანჯვად გადააქცია მისი ცხოვრება. ასეთ ყოფას შედეგად ის მოჰყვა, რომ ზუგზამ საშინელი სიძულვილი შთაინერგა გულში მარიამისადმი, თეკლე კი უსაზღვროდ შეუყვარდა.

თეკლე ყურადღებას არ აქცევდა დიდებულთ და სიკეთითა და ყურადღებით ეპყრობოდა არა მარტო ზუგზას, არამედ ყველა მსა-

ხურს, განურჩევლად იმისა, მარიამისა იყვნენ ისინი, გულშარის, შადიმანისა თუ ნესტანისა.

ასეთმა მოქცევამ სიყვარული და ერთგულება გამოიწვია მსახურთა მხრივ. თვით გულშარის ფარეშნიც კი ჩუმად სდებდნენ ფიცს: უმალ თავს მოვიკლავთ, ვიდრე დედოფლის წინააღმდეგ ჩავიდნეთ რასმესო. თეკლეს მსახურთა მხიარული ოთახი განუწყვეტლად იზიდავდა სასახლის მსახურთ: ქალიშვილებს, მეჩიბუხეებს, საქურველმტყირთელთა და ქეშიკთ. „ნოსტელთა კუთხეში“ განუწყვეტლად გაისმოდა სიმღერა, საკრავთა ხმა და მოლხენა. გაცოფებული მარიამი და გულშარი უკვე აღარ ჰფარავდნენ მტრობას. შეშფოთებულმა ნესტანმა ნოსტეში წერილი გაგზავნა და სრულიად მოულოდნელად, ლუარსაბის სასიამოვნოდ, სასახლეს რუსუდანი და ხორეშანი ეწვივნენ.

რუსუდანმა მალე უჩვენა ყველას, რომ დედოფალი აქ მოურავის და არის, ორ დედოფალს კი ტახტი ვერ გაუძლებს. ყოფილი დედოფლები თვითონ უბრალოდ უნდა დაიჩრდილონ, და საამისო განკარგულებას არ უნდა ელოდნენო.

მარიამი იქაურობას იკლებდა: ხრიალებდა ხონჩა-სინეები, მსახურნი ლოყადაწითლებულნი დარბოდნენ... მეტეხი ცეცხლისმფრქვევ მთასა ჰგავდა.

— ვერ გამიგია, ძვირფასო ხორეშან, თეკლე ანგელოზზე უფრო მშვიდია, ფრთასაც კი არავის შეახებს...

— ვინც ეშმაკთან ყოფნას არის მიჩვეული, ღმერთთან ყოველთვის მოიწყენს. დააშინე, მეფეო, ახალგაზრდა ქალბატონები და ხნიერი გაიგებენ საქმე რას შეეხება...

— მართალი ხარ, ხორეშან, მაგრამ დედა როგორ დავამშვიდო?

— ეგ საქმე რუსუდანს მიანდე. ერთნაირი საშუალება იციან ერთმანეთის წინააღმდეგ.

ლუარსაბი დაკვირვებით მიაცქერდა სიცოცხლისთსავსე ქალბატონს და შეეცრად ჰკითხა: როგორ არის შენი აზნაური?

— გმადლობთ, ჯერჯერობით ვუყვარვარ...

აღფრთოვანებულმა ლუარსაბმა გადაიხარხარა:

— გინდა თავადი გაეხადო?

— ახლა სულერთია... არა ღირს! ტყუილ-უბრალოდ სისხლი მოვეწამლოთ შადიმანს... გარდა ამისა... ქალისათვის უმჯობესია, როცა მისი შეყვარებულის გარშემო ცოტა მოშურნე გველი სისინებს...

— აღფრთოვანებული ვარ შენით, ძვირფასო ხორეშან...

— მე კი შენით, ჩემო სხივოსანო მეფევე. მულამ ასე ვფიქრობდი: ვერც ერთი მეფე ვერ შეგედრება-მეთქი.

ხორეშანი მიხვდა: რუსუდანმა წესიერება დაამყარა, მაღალადის მეუღლე ნინოც კი მოიხარა. თუმცა თეკლეს წინაშე ქედის მოხრის საბაბს ეს ქალბატონი დიდი ხანია ეძებდა. მისი აზრით, ცოცხალი კატა ყოველთვის სჯობს მკვდარ ვეფხვს. აქ კიდევ, გარდა აწისა, ასტანი ყოველი საშუალებით ცდილობდა ნესტანის დანათესავენას. რევანსა და მამუკაზე ლაპარაკი კი ზედმეტია: ისინი აშკარად გადავიდნენ მღაბიო ქალის მხარეს. „ვეფხებთანაც“ კი გააბეს მეგობრობა.

გულშარმა პირველმა შეამჩნია ცვლილება და, შოარული სენი რომ მთელს სასახლეს არ მოსდებოდა, გახარებული მაღალადიანი აშკარად განდევნა.

ლუარსაბმა წასაქვებლად რევანში მაშინვე თავის პირადს ამაღლაში ჩარიცხა და ასტანს სასახლეში დარჩენა შესთავაზა.

დედოფალი ჩვეულებისამებრ ავად გახდა. გულშარმა ჩვეულებრივად სამ ფარემს დაუწითლა ყბები. გარნა ასეთმა გარემოებამ ბევრი დააფიქრა:

- საჭირო იყო ძველ დედოფალს ამაზე ადრევე ეფიქრნა...
- რა თქმა უნდა, მოწყენილი მეფე სჯობია მხიარულ თავადს...
- გიორგი მეფე ახლა არც ისე მოხუცი იქნებოდა...
- და მღაბიო ქალისათვისაც ადგილის დათმობა აღარ მოუხდებოდა...

— მე ყოველთვის ვამბობდი: მაღალადიანთ ცბიერებას ვერავენ შეეცილება მეთქი...

— მათ ყველაზე ადრე იციან, საით იბრუნონ პირი.

— ეგ ჯერ კიდევ ვინ იცის, პირველნი ზოგჯერ უფრო ადრეც ჰქარგავენ კეუას...

— განა შადიშანი მტრედსა ჰგავს?..

— მტრედს არა, მაგრამ შეყვარებულსაც ნაკლებად ჰგავს...

— მუდამ ერთ გვერდზე წოლა მოსაბეზრებელია...

— ჰა-ჰა-ჰა...

— ჰი-ჰი-ჰი... ნატომ ყოველთვის უნდა გაგაცინოს.

ლუარსაბს თითქმის გაეხარდა ერანის ელჩთა მოსვლა. მთელი დღეების განმავლობაში საღმერთებელი ცოლის ოთახში ჯდომა მეფეს არ შეეფერება, ხოლო სასახლის დანარჩენ დარბაზებში მოწყენილობა და ინტრიგები უხუთავდა სულს.

„იქნებ შაჰს უთანხმოება სურდეს? რა გაეწყობა, სჯობს საომარ ველზე ბრძოლა, ვიდრე საკუთარ სასახლეში. აი გიორგიც მოვიდა, როგორც იქნა, მუდამ მშვიდადა ვარ, როცა მოუტრავი ახლოს არის. უცნაურია, მამა ტრიფილიოსს მოსვლა არა ჰსურდა და მაინც მოვიდა. ქალბატონ რუსუდანთან დიდ ხანს საუბრობდა, ამბობენ, ოდნავ შეყვარებულაო... როგორც სჩანს, სამონაზნო ტანისამოსი სისხლს არ აცხრობს... გიორგი უნდა ამაყობდეს— ძლიერნი ეხვევიან

გარს რუსუდანს. და კიდეც ვინ? აჰ, ჰო... დედა მენანება მაგრამ მისივე ბრალია...^{*}

გარნა რამდენადაც ელჩთა მიერ მოტანილი ძღვენი მატულობდა, ლუარსაბი იმდენადვე გაკვირვებას ეძლეოდა, შადიმანი და ამირინდო. კი თანდათან შეშფოთებულნი ხდებოდნენ.

ტრიფილიოსმა წუთით გაუსწორა თვალი გიორგის და მერმე შადიმანს გადაჰხედა...

ემირ-გიუნე-ხანმა ჯერ თავაზიანი სალაში მისცა მეფეს და მერმე რაყაში მიართვა. ზეზემდგომი ლუარსაბი ბეჭედს ეამბოროა, და პერგამენტი ბარტომს გადასცა. რაყაშის კითხვის დროს ლუარსაბს გაკვირვება ეუფლებოდა და თავში ათასგვარი ფიქრი უტრიალებდა...

„...საქორწინო ძღვენი მიიღე ნიშნად ჩემი სიყვარულისა და შენდამი კეთილგანწყობილებისა, ძღვევამოსილო ძმაო ჩემო და ძმაო საყვარელის ჩემი მეუღლისა, ვინც ამას წინათ შემძინა ვაჟი სეფიმირზა, რომელიც მძლავრი ერანის ტახტის მემკვიდრედ დავნიშნე. აზიზ-ფაშა, ისპაჰანის საუკეთესო მკედლების მიერ დაქედილი, რათა უფრო იოლად იაროს უცხო ქვეყნებში, მაინც არ გამოტყდა... იქნებ ქართლის მეფემ სამუშაო გაუჩინოს თავის მკედლებს? დაქედილი ფეხი ზოგჯერ ენას აუდგამს ხოლმე კაცსა... და მაშინ გავიგებთ თუ თარულად რისთვის დაიარებოდა ქართლში სულთნის მუსტეშარი * და ივლისსა და სექტემბერში კვლავ რად აღეძრა სურვილი ერანისადმი მეგობრულად განწყობილი ქართლის ნახვისა.

აღფრთოვანებული ვარ შენის ჭკუითა და სიმარჯვით. უვნებელი და უშიშარი აზიზ-ფაშის შეპყრობა დიდი საქმეა! სხვათა შორის, დამისახელე ის ერთგული კაცები, რომელთაც ასე მარჯვედ შეასრულეს შენი დავალება და აღჩა-ყალას მშვიდობიანად მოიყვანეს აზიზ-ფაშა და სულთნის ხუთი ქოფაკი, რომელნიც ქართველ თავადებით იყვნენ ჩაცმულნი. მე ჩემს მრჩეველებს, ყარაჯულაი-ხანსა და აღა-ხანს დაევალებე დააჯილდოონ ისინი სიმარჯვისათვის და გთხოვონ, არ დასაჯო იმისათვის, რომ ყურყურტის ფონის გასვლისას შენი უსტარი წყალში ჩაეარდნიათ და დაჰკარგვიათ. თუმცა შენი უსტარის დაკარგვის გამო ძლიერ ვწუხვარ, რადგან ვერ გავიგე აზრები მეფის ლუარსაბისა, მაგრამ შენგან გამოგზავნილმა ძღვენმა, რომელიც ალი-ბაინდურ-ხანმა უვნებლად მომიყვანა, დიდი სიამოვნება მომანიჭა. უკეთუ მომავალშიც ასე იმოქმედებ საერთო მტრის წინააღმდეგ, ჩემი მეგობრობა და სიყვარული შენდამი არასოდეს არ გაჰქრება...“

შაჰის მადლობა და თავაზიანობა გახურებულ შანთივით ჩაერქო ტვინში ლუარსაბს. თვალი აღმართა: ვისი თავხედობაა ესაო? გარნა იქ მყოფთა სახეზე მხოლოდ გაკვირვება იხატებოდა.

* მუსტეშარი—თურქი უხენაესი მოხელე, მრჩეველი.

შეძრწუნებულ შადიმანს რატომღაც გაახსენდა, რომ დილით სხვა ქულაჯის ჩაცმა სურდა.

ამირინდოს ექვი შეეპარა თავისი მუხლების სიმაგრეში.

პირდაღებული ბააკა დარბაზის ქერს ათვალეირებდა და ცდილობდა სადმე აბლაბუდა ეპოვნა, ოღონდ თვალი როგორქე მოეშორებინა სააკაძისთვის... მაგრამ გიორგი თავაზიანად და აღფრთოვანებითაც კი ათვალეირებდა ლუარსაბს.

„რაო, ნუ თუ მას სერიოზულად სჯერა ჩემი თანამონაწილეობა?“ — ფიქრობდა ლუარსაბი.

მხოლოდ ტრიფილიოსი იღიმებოდა, ხელს ისევამდა მშვენიერს წვერზე და, დასტურის ნიშნად, მეფეს თავს უქნევდა.

„გონია, მთლად ჩავეფლო, ამ სპარსულ-ქართულ ქაობში, — ფიქრობდა ლუარსაბი. — კარგია, რომ დრო დადგა სუფრაზე მივიწვიო ელჩები. საბრალო შადიმანი, ალბათ, ზაფრანით მოიწამლა. მხოლოდ ერთი რევაზია ბედნიერი, მისი ტყინი, ალბათ, ერთი თვის შემდეგ თუ გაიგებს ყოველივე ამას... თუმცა, სპარსულ მალამოს არც ამირინდო დაუმშვენებია... დათოს უნდა მივანდო გამოირკვიოს, რომელმა მხარეულმა დაამზადა ეს მშვენიერი საჭმელი. უნდა გამოვტყდე, ცუდად როდი მოუსაზრებია, მაგრამ ჩემდა გაუფრთხილებლად ჩემი ქვაბი რად იზმარა? საბრალო შადიმანს ენა დაბმია, ალა-ხანი კი, თითქოს განგებაო, მოთაფლული ენით ელაპარაკება.“

მწვავე მდგომარეობათა დიდი მოყვარული ლუარსაბი უეცრად გამზიარულდა და, რაკი სათანადო საბაბი იპოვნა, გადაიხარხარა და ემირ-გიუენ-ხანი შეაქო ოხუნჯობისათვის, რომლითაც მან აზიზ-ფაშის უკმაყოფილება ასწერა ისპაჰანში მისთვის გამართული მიღებით.

ამ ამბავმა ყველა სხვა ინტერესი დაჩრდილა და გაამძაფრა სურვილი სააკაძის მოსპობისა, რადაც უნდა დამჯდარიყო. თუმცა არავითარი საბუთი არა ჰქონდათ, მაგრამ შადიმანსა და ამირინდოს ერთ წუთსაც კი არ შეჰპარვიათ ექვი, თუ ვინ იყო მიზეზი მათი ცბიერი გეგმის ჩაფუშვისა.

ლუარსაბი თავის სამყოფელში ჩაიკეტა წინამძღვრითურთ, რომელიც სწორედ დროზე მოვიდა. ტრიფილიოსმა ყურადღებით მოუსმინა ლუარსაბს და ურჩია: ნუ გაამჟღავნებ, რომ შენ ასეთი დიდი საქმისა არათერი იცოდით. თურქეთს ასე მოუხდება, რატომ არა მეფეს, არამედ ბრწყინვალე ბაგრატს უგზავნის საიდუმლო ელჩებს? მაშასადამე, კანონიერი მეფის წინააღმდეგ ავი განუზრახავს; ეს არც თუ ერანისთვისაა ცუდი: დეე ერთხელ კიდევ დარწმუნდნენ ჩვენს მეგობრობას. აზიზ-ფაშაზე დიდი ხანია ნადირობს შაჰი, დიდი შეწუხება მიაყენა ერანს. შაჰი, მთელ ქალაქს დაჰპირდა მუსტეშარის თავის მიმტანს, და უეცრად მეფეთ-მეფე ლუარსაბმა ცოცხალი მიჰგვარა იგი... არც დამნაშავეთა ძებნაა საჭირო. მათ ვერ იპოვნიათ, მტრებს

კი გაეხარდებათ: მეფეს როდი დაუპყრიაო, და შიში აღარ ექნებათ, თავმოყვარეობა? განა პოლიტიკაში ამ საქონელს ფასი აქვს? შეიძლება დიდი საბჭო შეეყაროთ და დასაშინებლად ისეთი რამე ვთქვათ, რომ ისინიც, ვინც იცის, და ისინიც, ვინც არაფერი იცის, დაშინდნენ და ძეფის დაუკითხავად ასეთი რამ აღარ გაიმეორონ... თავმოყვარეობაც დაკმაყოფილებული იქნება და დიდებულნიც დაწყნარდებიან...

ლუარსაბმა დიდი მადლობა გადაუხადა ბრძენ მოძღვარს. ნაპოვნია საუკეთესო გზა მეფის ღირსების დასაცავად.

ტრიფილიოსი რუსუდანის სამყოფელში გაეშურა, რათა დაემშვიდებინა მშვენიერი ქალბატონი: დამნაშავეებს ძებნას აღარ დაუწყებენო...

ერთი კვირის ღზინისა, ასპარეზობისა და სახალხო სეირის შემდეგ სამაგიერო ძღვენით დატვირთული ემირ-გიუნე-ხანი და ალა-ხანი ქართლიდან წავიდნენ.

ლუარსაბმა მყის ჩამოიხადა თავაზიანობის ნიღაბი [და ბრძანება გასცა: ყველანი საელჩო დარბაზში შეიკრიბონო.

ლუარსაბი მეხივით გრგვინავდა. „სულ ერთიაო,—ფიქრობდა იგი,—ყველანი დამნაშავენი არიან რაიმეში. და, შესაძლოა, შადიმანი და გიორგი ყველაზე უფროც... ტყუილ-უბრალოდ კი არ გაფითრებულა ასე დათო, ხოლო ბატონიშვილი სვიმონი წამოქირბლებულა.“

— დიდი ხანია თვალს ვადევნებ თავხედთა მოქმედებას. ვინც ჰფიქრობს—ბედნიერებამ მეფე ლუარსაბი დააბრმავაო, იგი თვით დაბრმავებულა, ვინაიდან ვერ ამჩნევს ჩემს თვალთა მწვავე ისარს... გაფრთხილებთ: მოლაღატეებს უღმობელად მოვეპყრობი,—და სვიმონს ზიზღით გადააპხედა,—არ მაინტერესებს, სახელდობრ ვისთან მოვიდნენ სტამბოლის საიდუმლო ელჩები,—ელვისებური ცქერა ამირინდოსაკენ,—არ მაინტერესებს არც ის, თბებოდნენ თუ არა ისინი მეტეხში,—მრისხანე თვალი შადიმანისაკენ მიმართული.—არ მინდა ვიცოდე, ვინ აღებს კარებს. ასეთ შემთხვევაში...—და დამცინავად გადააპხედავს ბაკას,—არა მსურს ვიცოდე, ვინაიდან გაუფრბი ძმათა შორის სისხლისღვრას, ამავე მიზეზით ხანებს არ დავუსახელე ის უგუნურნი, ვინც წყალს გაატანა შაჰ-აბაზისათვის ჩემ მიერ გაგზავნილი წერილი...—გაცოფებული ცქერა რევაზისა და ჯავახიშვილისაკენ, რომლებიც მკედარს დაემსგავსნენ.—გარნა გირჩევთ დაიხსომოთ: ქართლში ვირებისათვის სპარსულზე არა ნაკლები ნალი შეიძლება ვიშოვნოთ, ხოლო მეტად მოუსვენარი დიდებულებისათვის კი—წყნარი ადგილები... რაიცა შეეხება გველებსა და შხამიან გომბეშოებს, მონასტერში ლოცვა ასეთებს ერთობ ამშვიდებს... კმარა მეფის გულკეთილობით სარგებლობა, ეს გულკეთილობა მხოლოდ მეფისა

და ქართლის ერთგულთ მიენიკება...—და მეფემ სწრაფად მოავლო თვალი მთელს დარბაზს და ერთის წუთით გიორგის აღფრთოვანებულ თვალს შეხვდა.

დიდად შეშფოთებულნი დაიშალნენ კარისკაცნი. შადიმანი დედოფლის სანახავად გაეშურა, რათა გადაეცა ლუარსაბის ნართაულად თქმული მონასტრის სამკურნალო თვისებათა შესახებ. თვითონ კი გადასწყვიტა დიდებულნი დაეხსნა ყველაზე უფრო საშიშ მხეცისაგან. სააკაძე უნდა დაიღუპოს. ყოველი ფარული საშუალება ნახმარია, ერთადერთი და დარჩა: მახვილი მდაბიოს გულში.

ცივ ოფლში აცურებულნი „ვეფხენი“ დავობდნენ: იცის თუ არა მეფემ მათი სასაზღვრო ნადირობის შესახებო.

გვიმ ამოიოხრა:

— იცის თუ არა, სულერთია, განა სამართლიანია ვირები გვიწოდოს იმ უსტარის დაკარგვისათვის, რომელიც მეფეს არასოდეს არ დაუწერია?

საერთო ხარხარმა „ვეფხები“ ჩვეულებრივ ხასიათზე მოიყვანა...

თავი ორმოცდამესამე

ყრულ ისმოდა მიწისქვეშა გუგუნის, ახლოვდებოდა ულმობელი ბრძოლა.

„ის გაიმარჯვებს, ვინც პირველი დაიწყებს, — ჰფიქრობდა სააკაძე.—სამი დიდებულებისათვის საიდუმლოებას არ წარმოადგენს, თუ ვის უნდა უმადლოდნენ ისინი თურქული საქმის ჩაშლას. სისწრაფე ყველაზე მნიშვნელოვანია.“

საკაძემ და რუსუდანმა ვაჟის ავადმყოფობა მოიმიზეზეს და მეტეხიდან წავიდნენ, მათთან ერთად წავიდა ყველა „ვეფხიც“.

ნოსტეში ერთი ხმაურია. დიდმა საშობაო ბაზრობამ ჩვეულებისამებრ დიდძალი ხალხი მოიზიდა. მაგრამ მარტო ბაზრობა როდი ახარებდა გლეხებს: აზნაურები ასპარეზობასა და ჯირითს მართავდნენ. გამარჯვებულისათვის ჯილდოდ დანიშნული იყო ფარი ზედ გამოხატული ვეფხით, და მოოქრულ ბუნიკიანი შუბი. ალბათ, ამ ძვირფასმა ჯილდომ მოიზიდა ნოსტეს, ორმოცზე მეტი აზნაური და მოჯირითე. ყოველ ოჯახში სტუმარი და მხიარულობაა. სააკაძის სასახლეში მრავალი აზნაურია სტუმრად.

ნოსტელების მიერ უხვად ნამასპინძლევი გლეხები, მოლაშქრენი და ვაჟრები საბაზრო მაიდანზე მხიარულობენ.

დაირისა და საზანდრის ხმები უერთდებიან ერთმანეთს. ჩანჩქერივით მოსჩქეტს მომღერალთა ხმები:

დაჭკრეს დაფი, მეხი
აგუგუნდა უცებ.
ჩვენს გოლიათს ახლა
რისხვით გული უცემს.

თავხედები თვალით
წაახდინა გმირმა,
სდუმს ყაზახი, დაშნის
გაიელვა პირმა.

მწვერვალების მეხი
მიდამოებს დაგავს,
რაზმელების ჰანგი,
მესაზანდრევე, დაჭკარ.

აგუგუნდა ქედი:
მოვა ნიაღვარი,
სურამს ახსოვს კარგად
ქართლის ბასრი ხმალი.

მინდორ-ქალებს ახსოვს:
ჭკა მაგასა, დაჭკა,
რაზმელების ჰანგი,
მესაზანდრევე, დაჭკარ.

ცხარობს, ჯავრობს ხანო,
ყარსს ჩაუჭრა შუქი,
და ქამანდით შეჭკოა
„ვეფხვება“ უცებ თურქი.

ადლი ვისლა ახსოვს,
ბაზარს ჰკეტენ ადრე,
რაზმელების ჰანგი
დაჭკა, მესაზანდრევე!

ყველა ცხენზე, ყველაშ
გამოპირეთ ხმალი.
შემოედვას კოშკებს
შურისგების ალი.

დაეასრულოთ ბრძოლა
მრისხანე და სწრაფი,
მესაზანდრევე, დაჭკარ
ნალარა და დაფი.

სააკაძის კოშკის კარჩაკეტილში აზნაურები თათბირობდნენ.

გიორგიმ არწივისებური თვალი მოაფლო ყველას:

— დროა, მეგობრებო, შევთანხმდეთ, დადგა დრო მოქმედებისა.
როსაბმა მოუსვენრად მიიხედ-მოიხედა:

— მგონია, გიორგი, საჭიროა სიფრთხილე, თავადები ნებით არ
დასთმობენ თავიანთ უფლებას.

— რატომ არ დასთმობენ? მე ხონჩაც კი ვნახე, რომელზედაც თავადთა უფლებები ელაგა, — წაიბუზღუნა პაპუნამ.

— ეგეთი რამ მეც მინახავს... ოღონდ კუბოსა ჰგავდა, — დათომ ფეხი გასწია და კატას კუღზე დააბიჯა. გაცხარებული კატა ოთახიდან გავარდა.

დიმიტრი შეიშმუშნა: ერთი წუთით ვერ მოისვენებსო.

— ვიცი, იოლ საქმეს როდი ვეჭიდებით, — განაგრძობდა სააკაძე, — მაგრამ განა აქამდე ფრთხილად არ ვემზადებოდით? რამდენი წელია, რაც ფარულად ვიარაღდებით, რამდენი წელი გვიოცნებია აშკარა აჯანყებაზე. ერთხელ სავსებით მზად ვიყავით — გიორგი მეფემ გვიღალატა, მეორეჯერ მეტეხის ზღუდესთან ვიდექით — ლუარსაბ მეფემ უკან დაიხია... გამოდის, მეგობრებო, რომ მეფეების იმედი როდი უნდა გვექონდეს.

ქვლივიძემ წარბი შეიკრა:

— რას ამბობ, გიორგი? უმეფოდ როგორ შეიძლება?

— უმეფოდ არ ვაპირებ, — და გიორგიმ დაკვირვებით დაათვალიერა მოღუშული აზნაურები. — მეფის საწინააღმდეგო არა განმიზრახავს რა, მაგრამ დეე იყოს ერთი ხელისუფლება. თქვენ კარგად იცით, წოდებით მე თავადი ვარ, გულით კი — აზნაურთა მხედართმთავარი.

მაშინ, რატომ უნდა გვასხდნენ კისრად თავადნი ჩვენ, აზნაურებს? სასარგებლო რამ აქ არა არის რა. თვით თქვენ რამდენჯერ უჩიოდით თავადთა შევიწროვებას, თვითონ მთხოვდით რაიმე მელონა. რას ჰფიქრობდით, განა მე თქვენი შიკრიკი ვარ, მეფესთან წარგზავნილი? იცოდეთ, მხოლოდ დიდი საქმისათვის ჩაევბი ბრძოლაში... ახლა პირდაპირ ვილაპარაკოთ: თავადთა სოფლები ხალხით არის სავსე, ხუთი წლის ბავშვები უკვე მუშაობენ, მაიდანზე თავადთა მსახურნი ყველაფერს ჩვენზე იაფად ჰყიდნიან, ჩვენ კი იძულებულნი ვართ ვიმუშაოთ, მიწა მცირე გვაქვს, ხალხი ცოტა გვყავს, რჩენა გვინდა, ჩაცმა-დახურვა... ჩვენ ყველანი ხალხის წიაღიდან ვართ გამოსულნი, ხალხთან ერთსულოვნად უნდა ვიცხოვროთ, უკანასკნელი საბადებელის წართმევა აზნაურს არ შეეფერება. მაშინ ან კი რით განვსხვავდებით თავადთაგან? რისთვის ლა გამოგვყვება მაშინ ხალხი? ეს მუდამ უნდა გვახსოვდეს. ახლა გადასახადები? ნახევარი შემოსავალი ამაში ინთქმება. ყოველ სამთავროს საზღვარზე ათასი ხათანგია დაგებული: უბაჟოდ ცალიერ ურემს ვერ გაატარებ, სანამ ტფილისამდე მიაღწევდე, მეოთხედი ქარავანი გადასახადზე უნდა მისცე. მთელი სამეფო უღლად გაწევთ კისერზე... თავადნი კი რას აკეთებენ? გადასახადს არ იხდიან და თავიანთთვის ცხოვრობენ არხეინად... მთელი ქართლი მუშაობს, თავადნი კი მბრძანებლობენ... კიდევ დიდ ხანს ვითმინოთ?

— ჩვენ მაგის წინააღმდეგნი არა ვართ, გიორგი, ყველანი გამოგყვებით, — საჩქაროდ მიუგო აზნაურმა ქარუმიძემ — როგორც შენ გსურდა, ისე ვცხოვრობდით: ვისაც ხმლის მოქნევა შეეძლო, ყველა ცხენზე შევსვით, შენი „ვეფხები“ მოდიან, ასწავლიან, რაზმებს აწყობენ... მხედართმთავრად აგირჩიეთ და აი გემორჩილებით კიდევ, მხოლოდ... ოჯახები გყავს, საინფედო უნდა ვიმოქმედოთ, საშიშია, უკე თუ თავადებმა გაიმარჯვეს, თავზე ხელს არ დაგისვამენ...

— მათ ძლიერი დამხმარე ჰყავთ, — გააწყვეტინა ასლამაზმა, — თვითონ ამბობ — მეფე მათს მხარეზეაო, ჩვენ კი მხოლოდ სიკვდილი გვიმაგრებს ზურგს...

— მეფეს უნდა მოველაპარაკოთ, ხელალებით მოქმედება საშიშია, — წაიბუზღუნა ქელიფიძემ.

— მეფემ ყველაფერი უნდა იცოდეს, — მხარი დაუჭირა როსაბმა. გიორგი დაკვირვებით დააკვირდა აზნაურებს:

— რა თქმა უნდა, მეფემ უნდა იცოდეს, მაგრამ... ხალხზედაც უნდა ვიფიქროთ. სურამის ბრძოლამ დაგვანახვა, თუ რა შეუძლია ქართლელ ხალხს, როდესაც ბრძოლაში აზნაურები უძლიან წინ, როცა თავისუფლად იცავენ თავის საკუთრებას, და თავადნი უძღურნი არიან ხალხის ძლიერების წინაშე.

— ხალხზე დანდობაც საშიშია, — წამოიძახა გორელმა აზნაურმა, — კვერცხს მისცემენ და დედალს მოითხოვს... ხომ იყო კიდევ ასეთი შემთხვევა. აი შენ აღჩა-ყალაში მდივან ბეგად გლეხი დანიშნე, იგი კი, ბატონიშვილ ბაგრატიან რო დაბრუნდა, იქაც მოინდომა ასეთი წესის შემოღება. თავადმა მას უღელი დაადგა, კამეჩი გახადა და ახლა ნახშირს ეზიდება. თვით გლეხი გარეკნულად დამშვიდდა, ჩუმად კი ხალხს აჯანყებს.

და ერთბაშად გაისმა ხმები:

— ხალხთან გულახდილობა არ შეიძლება.

— უკეთეს ყველა მმართველობას მოინდომებს, ვინ ლა იმუშაოს?

— თავადები რომ დაეპარცხოთ, ხალხი იტყვის: ბატონ-პატრონი მე ვარო.

— ზოგჯერ ხალხი თავადებზე უფრო საშიშია!

— ამაზედაც ბევრი უნდა ვიფიქროთ!

დათო გაფიცდა:

— ამდენ სიტყვას რად ხარჯავთ? ვისაც ეშინია. ახლავე წავიდეს, თავადები სიხარულით მიიღებენ თავიანთ საზოგადოებაში, მით უმეტეს, ერთი უკვე გაექცა მათ. რევანზ ორბელიანი დარეჯანის კულულებს ჰფიცავდა: პირველ დაძახებისთანავე მოურავს მივემზრობი ათასი მოლაშქრითურთო.

— შენ ახალგაზრდა ხარ, დათო, ასეთ საქმეზე საქირაა დიდ ხანს ლაპარაკი, — შეაჩერა დათო ტფილისელმა ხანშიშესულმა აზნაურმა. — იქნება ასე სჯობდეს, იქნება ისე, თავადებთან რად გვგზა-

ენი? სპარსული თუმნიანები კი ყოველთვის ტკბილად როდია შეზავებული.

— აი გორში აზნაურ ედიშერის გლეხებმა თავდგმურსა სცემეს, ჩვენს წილს იპარავედაო. წინათ ასეთი ამბავი არასოდეს მომხდარა, ქველ წერეთელს კი მატყლით სავსე ფარდული დაეწვა. კიდევ ბევრი რამ სასიამოვნო გამიგონია ხალხზე, — დაცინევით დაასრულა საექლესიო აზნაურმა.

— ხალხისა შეგშინებიათ და მინდა ვიცოდე, ხალხის დაუხმარებლად, ნეტავ, როგორ გაიმარჯვებთ? — გაიცინა გიორგიმ. — მაშასადამე, თქვენ ნებას აძლევთ ხალხს აზნაურთა უფლების მოსაპოვებლად იბრძოლოს და მოკვდეს, ხოლო ერთი ზედმეტი ლუკმისა ან ჯამზე მეტი ღვინის მიცემა კი არა გსურს? კარგად გიფიქრნიათ! არა, აზნაურებო, ჩვენი პირველი საქმე ის არის, რომ ხალხი აზნაურების მხარეზე გადმოვიყვანოთ, თქვენ კი რითი გსურთ გადნობიროთ? იქნებ თავადთა ღონისძიებით? რა გაეწყობა, ძალიან კარგია. შესთავაზეთ ხალხს უღელი, ხუნდები, მათრახი, ჯურღმული, ბორკილი — მგონი, გაეხარდება და თავადებს ერთბაშად გასცვლის აზნაურებში.

უნდა გახსოვდეთ, მაშინაც კი, როცა ძლიერნი ვახდებით, როცა მეფე კვლავ „ღვთის სწორი“ იქნება, როცა თავადთა და აზნაურთა უფლება გათანასწორდება, მაშინაც კი ხალხთან მქიდრო მეგობრობა მოგვიხდება, ვინაიდან ხალხი ჯარია, ჯარი კი მაშინ იმარჯვებს, როცა თავის მხედართმთავრებს ენდობა და როცა მხედართმთავრებს უყვართ თავისი ჯარი. და კიდევ ერთი რამ გახსოვდეთ: თქვენ, აზნაურებს ხმალი მუდამ გაშიშვლებული უნდა გექნეთ, თავადებს ქედი არასოდეს მოუხრიათ, არა ჰხრიან და არც მოიხრიან. ხალხი გაშიშვლებული ხმალია თავადთა წინააღმდეგ, მეფე კი ძალას მიემხრობა. ამას გეუბნებათ გიორგი სააკაძე.

ასლამაზმა საერთო აზრი გამოჰხატა:

— ჩვენ ხალხისა როდი გვეშინია, მაგრამ ვინც ბევრის განწირვას ლამობს, უფლება აქვს ბევრიც იფიქროს.

„გვეფხები“ სულ უფრო იღუშებოდნენ, და გიორგი მიხვდა: დადგა გადამწყვეტი წუთი და უკან დახევა დამარცხების ტოლი იქნებაო. წელში ამყად გაიმართა, ზვიადათ გადაჰხედა ყველას და ხმას უმატა:

— ბევრის განწირვას ლამობსო? მაინც რისას? ცხენისას, ფული-სას, შესაძლოა ერთი მტკაველი მიწისასაც! კარგად შემომხედეთ: მე თავადი ვარ, მეფისაგან უხვდა ვარ მამულით დაჯილდოებული, ვარ მოურავი, მამაცი ნუგზარის სიძე, ქართლის დედოფლის ძმა... კიდევ რაღა მესაქიროება?.. ჩემს თავზე რომ ვფიქრობდე, დიდი ხანია შადიმანს მოვურიგდებოდი: ერთად ვიმეფებდით, ძველის-ძველ

სახლვერებამდე მივიტანდი ქართლის ზღუდეს, ქართველთა ყველა სამეფოს გავაერთიანებდი, როგორც დავით აღმაშენებლის დროს. ორი, მხოლოდ ორიკაცი იქნებოდა: ერთი—მოურავი, რომელსაც შეიარაღებულ ხელში უჭირავს მთელი ჩვენი ქვეყანა, რისხვა მაჰმადიანთათვის; მეორე კი—მმართველი თავადთა ბურჯი, რომელსაც რკინის ხელში უჭირავს სამეფოს შინაური საქმეები და თვით მეფე... დიად, აზნაურებო, ჩემს თავზე რომ ვფიქრობდე, მაშინ ორი კაცი იმეფებდა ქართლში, შესამეს კი ეგონებოდა, მე ვმეფობო... სამშობლოსკენ მიისწრაფვის ყოველი ჩემი ფიქრი, მთელს საქართველოსკენ მიისწრაფვის ყოველი ჩემი ზრახვა. დიდი საქმისათვის მოგიწოდებთ თქვენ, აზნაურნო. შევარდენს არ შეუძლია შეკვეცილი ფრთებით ფრენა. დაქუცმაცებულ საქართველოს არ ძალუძს სიცოცხლე. ქართველთა ყველა სამეფოს და სამთავროს გასაერთიანებლად მოგიწოდებთ თქვენ, აზნაურნო.

— რა გაერთიანებაზე ლაპარაკობ, გიორგი?—გაოცდა ხანში შესული აზნაური.

— იმერეთის სამეფოსთან გაერთიანებაზე.

— იმერეთის სამეფოსთანაო?!—წამოიძახა ასლამაზმა.—იმერლები თვითონ არ ინდომებენ. დიდი ხანია ლიხის მთებისათვის ქართლთან დაობენ.

— შემდეგ კახეთთან...

— კახეთთანაო?!—გაიცინა საეკლესიო აზნაურმა.—სწორედ ახლა ვართ მასთან მტრულად განწყობილნი.

— გურიასთან...

— გურია კი რაღად გვინდა?!—წაიბუზღუნა ქელივიძემ—იქ ერთ წვეთ ღვინოსაც ვერ ეღირსები.

— ოდიშთან...

— ოდიშთანაო?!—წარბი შეიკრა თავადის აზნაურმა.—მუდამ გურიას ეომება, შიშველა ფეხის გარდა, აღარათფერი გააჩნია.

— სამცხე-საათაბაგოსთან...

— საათაბაგოსთან?! რად გინდა ეს ქართველი თურქები?!—წამოიყვირა როსაბმა.

— და, დასასრულ, აფხაზეთთან!

— გმადლობთ, ჩემო კარგო!—აღელდა ქარუმიძე.—სანამ ამ მეზობელს მიაღწევდე, ცხენი ჯორად გადაიქცევა.

— არავინ არ დასთანხმდება ქართლთან შეერთებას!—წაიკინავლა როსაბმა.

— ჩვენ მეფესა და მთავრებს კი არ გავაერთიანებთ, არამედ ხალხს. ხოლო ხალხის დახმარებით ყველა გვირგვინს ერთ გვირგვინად გადავაკეთებთ. მგონია, ლუარსაბს მოეწონება ასეთი მორთულობა.

აზნაურები ზეწამოიკრენ, შეჩოჩქოლდნენ, ერთმანეთს სიტყვას აწყვეტინებდნენ.

— მარტო ერთი ქართლი თურქეთსა და ერანს ვერ გაუმკლავდება!—მრისხანედ დასძახა სააკაძემ.

დავა ერთბაშად შეწყდა და დამყარებულ დუმილში გიორგიმ განაგრძო.

— საკმაოდ სძლებოდა მტერი ჩვენი სისხლით. ძალას მხოლოდ ძალით მოერევი! საჭიროა საქართველოს გაერთიანება ისე, როგორც მეთორმეტე საუკუნეში, „ნიკოფსიიდან დარუბანდამდე.“ გაიხსენეთ, რამდენი მტერი შემოკრილა ჩვენს ქვეყანაში? არაბნი ქალაქებს აქცევდნენ, ხაზარნი ტფილისს სძარცვავდნენ, სელჯუქებმა ცეცხლით ამოსწვეს ქართლი, მონღოლებმა თავიანთი ცხენების ფლოქით გასთელეს ჩვენი სამშობლო. მერე ამ დროს რას ფიქრობდნენ ჩვენი ძლიერი დიდებულნი? ერთმანეთს ეომებოდნენ, ურთიერთს ჰლალატობდნენ და შემდეგ ყველანი ერთად ფეხქვეშ ეგებოდნენ მტერს. ახლა კი, აზნაურნო, ჩვენ მოწოდებულნი ვართ გავუძღვეთ, საქართველოს ბედს. უნდა ვამაყობდეთ! საკმაოდ ვხოხავდით, ვით მონანი, დროა გამარჯვებულნი წელში გავიმართოთ.

— ეგ რა განვიზრახავს, გიორგი?!—ზიშითა და თანაც აღფრთოვანებით წამოიძახა ქვლივიძემ.

— განვიზრახე, საქართველო ძლიერი გავხადო, განვიზრახე, რომ ვერც ერანმა, ვერც თურქეთმა და ვერც სხვა ვინმემ ვერ გაბედოს ჩვენი საზღვრების გადმოლახვა. გახსოვდეთ, რომ ჩვენ მთებს გადაღმა მეგობარი არავინა გყავს. რამდენჯერ მოსულან ცხვრის ქურქში გახვეულნი, შემდეგ კი მგლის კბილი გამოუჩენიათ. ჩვენგან ხარკად მიჰქონდათ აბრეშუმი, მატყლი, ოქრო, მიჰყავდათ ხალხი, მაგრამ არასოდეს არ დამშვიდებულან და არც დამშვიდდებიან, აი გიორგი მეათეს ეწადა მეგობრობა დამყარებინა შორეულ რუსეთთან, მერმე რა უპასუხა თავადმა ტატიშჩევმა თხოვნაზე—საქართველოში დასტოვე თოფით შეიარაღებული მოლაშქრეებო! გამოდის, რომ ჩვენგან ყველაფერი სურთ მიიღონ, სამაგიეროდ კი დაპირებით სავსე საპნის ბუშტს გვთავაზობენ.

— რუსეთი ერთმორწმუნეა,—ჩაურთო როსაბმა რაკი მამა თეოდოსის სიტყვები გაახსენდა.

— ერთმორწმუნე! — ჩაიცინა სააკაძემ. — უკეთუ აფხაზეთამდე მისელაში ცხენი ჯორად იქცევა, მაშინ სანამ ერთმორწმუნემდე მიხვიდოდე, თვითონ სახედრად გადაიქცევი. ყველასთვის უნდა ჩაიკეტოს საქართველო, ყველა ხევში რკინის კარი უნდა აიბას, ჩვენ მოკავშირეები აღარ დაგვკვირდება, თვით ძლიერნი ვიქნებით.

— მეფემ ყველა ეს უნდა იცოდეს,—სასწრაფოდ დაურთო როსაბმა.

— მეფეს, რა თქმა უნდა, ვეტყვი,—კუშტად შეიკრა წარბი გიორგიმ,—მაგრამ მხოლოდ უკანასკნელ წუთს ვეტყვი, როცა ჯარი ტფილისის გალაყანათან იღგება, აზნაურთა რაზმები კი—მეტეხის კედელთან... მგონია, რომ ლუარსაბი ისეთ მეფეთა რიცხვს ეკუთვნის, რომლებსთვისაც სასიამოვნოა ერთხელმწიფება, და სიმართლე უნდა ითქვას, მას ქართლი უყვარს, მხოლოდ არ ესმის რა არის მისთვის სასარგებლო... უკანასკნელ წუთს გაუუმტელავენებ, მანამდე კი ლალატისა მეშინია... როცა მეტი გზა არ ექნება, უნებურად აზნაურებს გაჰყვება...

ხანში შესულმა აზნაურმა ურწმუნოდ გაიქნია თავი:

— უარი რომ სთქვას?

— მარტონი რომ დაერჩეთ?—წამოიძახა თავადის აზნაურმა.

— მარტონი არ დაერჩებით...—საკაცე წამოდგა, გაიარ-გამოიარა, აზნაურთა წინ შესდგა და მტკიცედ განაცხადა:—შაჰ აბაზი ჩვენ გვემხრობა...

საშინელი დუმილი დაეუფლა დარბაზს. გარეთ, ფანჯარაში გაკრთა მტრედის ფრთა, საღლატ კარებმა დაიჯახუნა, ხალიჩაზე მზის აღმაცერა სხივი დაერქო.

ქვლივიძემ ძლივს მოიბრუნა სული:

— საიდან იცი საშინელი შაჰის სურვილი?

გრგვინვასავით გაისმა გიორგის სიტყვები:

— დიდი ხანია ერანის ლომს შეევთანხმდი, ჯერ კიდევ მაშინ, როცა თინათინს ისპაჰანს ვახლდი... მას შემდეგ მიწერ-მოწერა მაქვს... დიდი დახმარება გამიწია: ოქროს, იარაღს ერანიდან ვიღებ... რა თქმა, უნდა, არა მუქთად... რამდენიმე სამსახური მეც გავუწიე... აი ამას წინათ აზიზ-ფაშა ვუძღვენი...

ზოგიერთმა აზნაურმა ინსტინქტურად მოაველო თვალი კარს, სხვები შიშით უცქეროდნენ სააკაცეს, თითქოს პირველად ხედავენო. თითქოს რაღაც უცნობი რამ იმალეობოდა გიორგის არსებაში.

ასლამაზმა შეშფოთებით გაიფიქრა: „იქნებ, გავცე? ჩემი პაპა უკვე მდიდარი აზნაური იყო, მაგისი კი—ლატაკი. იქნებ ღარიბ აზნაურებზე უფრო მეტს ფიქრობს, ერთხელ ხომ ასწავლეს ჭკუა... ახლა ჭკუის სწავლება გვიანდაა. მეფეს თავისი და ცოლად შერთო...“—და ასლამაზმა მლეღვარებით ხელი შეისვა ნაიარავებ ყბაზე.

ქვლივიძე თავის ფიქრებსა და გრძნობებში ვერ გარკვეულიყო. მის გულში შიში შაჰ აბაზის ჩარევის წინაშე და სიამაყე აზნაურთა წოდების განდიდებისათვის ერთმანეთს ებრძოდა.

„მოლაღატეა თუ წინამძღოლი?—ჰფიქრობდა შეძრწუნებული როსაბი.—მე ხომ ტახტის აზნაური ვარ, თვალადელთა ასისტავი, დიდებულთა საბჭოც მათვასებს და უმაღლესი სამღვდელთა, მე უნდა გავხდე ქართლის სარდალი. მაშ, რაღად ჩაუვარდი კლანკებში ამ

„ვეფხს?“—როსაბმა წვეტიანი ულვაშები გადაიგრიხა და თითქოს საბოლოო გადაწყვეტილება მიიღო კიდევ.

„უნდა გავიქცეთ! გავიქცეთ აქედან, სანამ გვიან არ არის,“— შეშფოთებით ჰფიქრობდა ზემო, შუა და ქვემო ქართლის შთამომავლობითი ყოველი აზნაური, მაგრამ თანაც ექვობდა: იქნებ დარჩენა უფრო ხელსაყრელია?

— განა მხოლოდ სტამბოლელთა ქუსლებისათვის ცდილობს სპარსელი?—იკითხა როსაბმა.

გიორგი ყურადღებით აკვირდებოდა შეკრებილთ, რომ თვითულის აზრი გამოეცნო:

— რა თქმა უნდა, არა, ქვეიანი შაჰი ჰფიქრობს ჩვენი ნაშრომით ისარგებლოს და ქართლს შემოეპაროს, სიტყვით კი სულ ქართველთადმი სიყვარულზე ლაპარაკობს.

— კატასაც უყვარს თავვები იმიტომ, რომ აღრჩობს, — უკვე მკვეთრად მიუგო როსაბმა.

— კატას ფრინველიც უყვარს, მაგრამ ძვირად თუ ეღირსება მათი დაღრჩობის სიამოვნებას, — დაცინივით მიახალა გიორგიმ. — ყოველი კაცი თვისი ხედრის ღირსია... საქმე ეს როდია... ახლა შაჰის დახმარება აუცილებელია: როცა ლუარსაბი ჩვენი მოკავშირის შესახებ გაიგებს, უკანდახევას ველარ გაჰბედავს. რაც უნდა ძლიერნი იყვნენ თავადნი, სპარსელი ერთი თითის გაქნევით ყველას გაანადგურებს...

— საშინელი საქმეა, გიორგი, უნდა ვუფროსოდ სპარსელებს, ოქროს ისინი ტყუილ-უბრალოდ არა ჰფლანგავენ. თვითონ ამბობ — მრავალჯერ მეგობრულად მოსულან და მტრულად კი წასულანო... — გაუბედვად წარმოსთქვა ქვლივიძემ.

— ამჯერადაც, მგონია, მტრულად წავლენ... გეგმა ზუსტად მაქვს მოფიქრებული... ქართლისკენ ისწრაფვის ფიქრი ჩემი... თქვენ ვერ გაიგეთ... გინდათ კიდევ იცოდეთ რამე? უკან არ დავიხევთ და არც თქვენ გირჩევთ: შადიმანმა იცის ყოველივე... მასაც თათბირი აქვს გამართული. თავადნი იარაღს ისხამენ, მტრულად განწყობილნი შერიგდნენ აზნაურთა მოსასპობად. გსურთ განა ამოგწყვიტონ... მაშ, თავთავიანთ სახლში დაბრუნდით და ელოდეთ სტუმრებს...

— გიორგი, რატომ წინათ არ ლაპარაკობდი აგრე? — გაიკვირვა გივიმ.

— არ ლაპარაკობდა? — უეცრად გაფიცხდა დიმიტრი. — შენ, მგონი, ყურში ბამბა გაქვს ჩაჩრილი.

— იქნება ბევრ სხვასაც, — გულგრილად ჩაურთო დაუთბეგმა, — მგონი, ყველასათვის ცხადი იყო, თუ რა საქიროებისათვის ხარჯავდა გიორგი ოქროს. მაშასადამე, მამულის გაფართოება, საქონლის შემატება და საკურელის შექმნა მოგწონდათ? მაშინ არ გაინტერესებდათ — სპარსულია ეს ოქრო თუ გიორგი ტყუი სთხრიდა მას? არ გაინ-

ტერესებდათ — ხალხი ხმელ პურს დაკმაყოფილდება, ჩვენ კი ნაირ-ნაირებს მივიერთმევით?

— არ მინდა განუგეშოთ, აზნაურნო, ბევრი სისხლი დაიღვრება... თქვენ მართალი ხართ, დიდ ხანს უნდა იფიქროთ... მაგრამ შეგონა, უკვე მრავალი წელია ჰფიქრობენ მეთქი... ხოლო თუ კვლავ გასურთ ფიქრი, სამი დღის ვადა მომიცია... ხელ ასპარეზობა იქნება, ზეგ კი — ჯი-რითობა. ბაზარი საესეა შადიმანის ჯაშუშებით, ფრთხილად იყავით, მხოლოდ აქ ილაპარაკეთ, ციხე-დარბაზში საშიში არაფერია...

სამი დღის შემდეგ აღელვებულმა და რატომღაც გახარებულმა თხუთმეტმა აზნაურმა ქელივიძის მეთაურობით გიორგის ჩააბარეს თავიანთი სიცოცხლე, ქონება და ოჯახთა ბედი...

მაგრამ შთამომავლობითმა, საეკლესიომ და სააკაძის შემწეობით გამდიდრებულმა ოცდახუთმა აზნაურმა ისე მიატოვა ნოსტე, რომ გიორგის არც კი გამოსთხოვებია.

პირველნი გაქენდნენ როსაბი და ასლამაზი.

ასეთი მოლაღატური საქციელი გადამწყვეტს მომენტში სააკაძემ ისე მიიღო, როგორც გაფრთხილება, რომ საქიროა ბრძოლა არა მარტო თავადების წინააღმდეგ, არამედ გავლენიანი აზნაურების წინააღმდეგაც, რომლებიც არასოდეს არ გასწირავენ თავიანთ მდგომარეობას და კეთილდღეობასო.

„არა, ამ ფუქსავატ ხალხთან ერთად როდი ვიწყებ ბრძოლას თავადების წინააღმდეგ ქართლის განსათავისუფლებლად. — და იქვე დაურთო: — მაგრამ ვისთან ერთად? განა საუკეთესონი არ დარჩნენ? დე, მცირენი ვიყოთ, როგორც სურამის ბრძოლაში. განა დელი-მაჰმად-ხანი საუკეთესო მხედართმთავარი არ იყო? მაშასადამე, ის კი არ გაიმარჯვებს, ვისაც ბევრი საჭურველი აქვს, არამედ ის, — ვისაც გარკვეული მიზანი და მკრელი ხმალი აქვს. და მე ვიცი, რომ მთელი ქართლელი ხალხი გამოიმყვება...“

ყრუდ ისმოდა გაღვივებული მოძრაობის გუგუნე. მთელ ქართლს მითქმა-მოთქმა მოედო: აჯანყება მაისშია დანიშნულიო. ნოსტეს მაგრად კარჩაკეტილ ციხეში ცხოვრება სდულდა. ღამ-ღამობით მაღავდნენ ტფილისის ამქრებისგან მოტანილ იარაღს, მაღავდნენ ცხენებს, საომრად სწვრთნიდნენ გამოქცეულ გლეხებს.

აზნაურთა კაცშირის ერთგულ წევრებს სააკაძემ აუკრძალა ცხოვრების ნირის შეცვლა: უკანასკნელ წუთამდე ექვი არავის არ უნდა აღუძრან და მხოლოდ ოცდახუთ მაისს თავიანთი რაზმებით გამოცხადდნენ იმ ადგილას, რომელსაც იგი დაუნიშნავსო.

„ფეხები“ მეტეხში წაყიდნენ. ქართლში მყუდროება იყო...

შადიმანმა სამ დღეს დაჰყო თავის ციხე-დარბაზში. მამული არ დაუთვალა იერებია, რადგან ისედაც საუცხოოდ იყო მოვლილი მოურავ ოთარის მიერ.

წინასწარი საიდუმლო მოწვევით შეიკრიბა ყველა სახელგანთქმული თავადი. პიროულად იყო მოპატიჟებული ლეონ მაღალაძეც: ნოსტეს ახლოს ცხოვრობსო...

შადიმანმა მდგომარეობა დაასურათა:

— სოფელი აღარ დარჩენილა, საიდანაც ხალხი სააკაძესთან არ გაქცეულიყოს. იგი ურიგებს მიწა-წყალს, შალის, აბრეწუმის და ოქროს გაღებით ანთავისუფლებს მესეფეებს და გლებთა მდგომარეობაში გადაჰყავს ისინი. სად შოულობს ამდენ ოქროს? მისი ხალხი თავისუფლად ცხოვრობს: თუ სურს, შეუძლია წავიდეს და თან წაიღოს თავისი წილი. და ხალხი თვით აძლევს ამომრჩევლებს ზედმეტს, რაც კი გააჩნიათ, გასასყიდად და სამარაგოდ... საშიში შეგალითია თავადთა სამფლობელოსათვის... მთელი ახალგაზრდობა ცხენზე ზის. ბევრ აზნაურს ერთნაირი წესწყობილება აქვს, ამ ნიშნით ვცნობ, ვინ არის სააკაძის კავშირში. ყველგან სიმაგრეები ააგო, ციხეები განამტკიცა... ნუ თუ ყოველივე ეს სააკაძის ფულით კეთდება?.. გეგონება, ფულს თვითონ სჭრისო... ხალხი ერთგულია „დიდი მოურავისა“, პირველ დაძახებისთანავე მზად არის ყველაფერი ღიატოვოს და მდაბიოს დროშის ქვეშ დადგეს. გესმით განა რას ნიშნავს ესა?.. გაქცეულნი თმას იკრეპენ, წვერ-ულვაშს იღებებენ, სახელსა და გვარს იცვლიან... ხუთი ჩემი მსახურიც „გაიქცა“ სააკაძისას, ორ თვეს დაჰყო იქა და უკვე დაბრუნდა... დაწვრილებითი ცნობები მაქვს... ირწმუნებიან, ნოსტეში საომრად ემზადებიანო... მერე ვის წინააღმდეგ სურთ ეს ომი? ადვილი მისახვედრია... მგონია ერთთან მეგობრობა აქვს, ტყუილ-უბრალოდ როდი უზიდავენ საქონელს ისპაპანელი ვაჭრები... დიდებულნო! ლალატს ამზადებს მდაბიო! თავისი და ტახტზე დასვა, მდაბიოებს ჩვენს ადგილებს უმზადებს... ტყუილ-უბრალოდ კი არა ჰყავს ხელში სამეფო ჯარი, მრავალი ციხე საიდუმლოდ აქცია, მთელს ქართლში გვირაბები გათხარა, ვითომ სამხედრო მიზნით მტრის შემოსევის შემთხვევისათვის... გარდა ამისა, შეამჩნიეთ განა რა ფრთხილად ეპყრობა მეფეს?.. თითქოს ნათესავიც არ არისო... დიდი ცბიერი ვინმეა მდაბიო: ერისთავი მუქში გამომწყვდია, მუხრან-ბატონის მეგობრობა უზრუნველჰყო, ახლა შაჰ აბაზს ელოლიაყვება... დაყოვნება შეუძლებელია. დიდებულნო, სააკაძე უნდა დაილუპოს ან... ან ჩვენ ყველანი დავილუპებით.

თითქმის არ უძინიათ... ორი დღის განმავლობაში შფოთავდა შადიმანის ციხე-დარბაზი, აწყობდნენ და შლიდნენ სისხლისმღვრელ გეგმებს და, გადაწყვეტილება რომ მიიღეს, წყნარად დაიშალნენ.

შადიმანი მეტებს დაბრუნდა... ქართლში მყუდროება იყო...

მარიამი ყველაზე უფრო გააკვირვა და შეაშფოთა შადიმანის ხანიათის ცვლილებამ. მმართველი მთლად განისმქვალა ლუარსაბისა და თეკლეს ინტერესებით და ქება-დიდებას ასხამდა „მშვენიერი

დედოფლის“ სილამაზეს, ჭკუასა და კეთილ ხასიათს. დიდებულის უფლებით მოულო ბოლო დედოფლის წინააღმდეგ მიმართულ ხრიკებს და შეშინებული კარისკაცნიც ისწრაფოდნენ პოზიციის გამოცვლას, გულშარიც კი ერთბაშად გულკეთილი გახდა და ცდილობდა დამეგობრებოდა თეკლეს. ნასიამოვნებმა ლუარსაბმა მოქედილი ხმალი მიუძღვნა შადიმანს და კვლავ განიმსჯეალა ნდობით საყვარელი მოძღვრისადმი.

თეკლემ რომ მეფის სიხარული და კარგი გუნება შენიშნა, ინსტინქტურად შეშინდა შადიმანის ცვლილებების გამო, მაგრამ ვერ ბედავდა ლუარსაბისათვის გაემხილა თავისი შიში.

განმარტოებულს ხეივანში დასეირნობენ მეფე და შადიმანი...

— მაშასადამე, საჭიროა საელჩოს გაგზავნა, ჩემო შადიმან.

— აუცილებელია, მეფეო... დიდებული საელჩო და უხვი ძღვენი. წარმოიდგინე, შაჰაბაზი ხანში შედის, თხუთმეტი წლის შემდეგ ერანის ტახტს დაიკვიდრებს ნახევრად ქართველი, მშვენიერი თინათინის ვაჟი. რა მომავალი ელის ქართლს! საჭიროა ვინახულოთ თინათინი, გავიგოთ რასა ჰგრძნობს ნათესაეებისადმი და ჩუმად დავარწმუნოთ, რომ ვაჟი ქართლის სიყვარულით აღზარდოს... დიდი ამოცანაა, მეფეო, — წინასწარვე შევამზადოთ ნიდაგი სამეფოს მომავალი კეთილდღეობისათვის...

— მოიცა, შენ ამბობ თინათინი ვნახოთო? განა მამაკაცებს ჰარმხნაში უშეებენ?

— რა თქმა უნდა, არა, საჭიროა მანდილოსნების გაგზავნა... საბაბიც შესაფერისია: პირველი ვაჟი კანონიერი ცოლისაგან, დიდხანს ელოდებოდა. ნათესაეებისაგან დიდი ძღვენი სეფი-მირზას, შაჰსა და დედას... შაჰს უყვარს, როცა პატივსა სცემენ, მუდამ ცდილობს მაიდანზე გამოაქვეყნოს საამო ამბები...

— შენის ფიქრით, ვინ უნდა გავგზავნოთ?

— ვფიქრობ, მეფეო, საელჩოს უნდა მეთაურობდეს ემირ-გიუნე-ხანისა და ალა-ხანის ტოლი ვინმე, თორემ შაჰი იწყენს. სპარსელები მტკიცედ იმახსოვრებენ მარცხსა და ყურადღებას... კარგი იქნებოდა გაგვეგზავნა ბატონიშვილი სვიმონ, მაგრამ საშიშია, მოხუცი ბაგრატი ბავშვობიდანვე შეყვარებულია ქართლის ტახტს.

— სანაქებო ერთგულებათა, — გაიცინა ლუარსაბმა, მაგრამ, რა თქმაუნდა, ასეთებისათვის უმჯობესია შეყვარებულის გვერდით ოხრაედეს... მუხრან-ბატონი შესაფერისია?

— დიდებული აზრია, მეფევი! სამწუხაროა, რომ ამირინდოსა მტრობს, თორემ სხვა მხრივ შესაფერისი იქნებოდა, გულშარიც წავიდოდა და თინათინთან ბაასს მოახერხებდა, აქ საჭიროა დიდი სიფრთხილე და ჭკუა. მაგრამ ასეთ შემთხვევაში უმჯობესია მეგობრები გავგზავნოთ.

— რა იქნება. ზურაბს რომ ვთხოვო? ნესტანი ოდესღაც საყვარელი მეგობარი იყო თინათინისა, მას უფრო ნდობით მოეპყრობა ჩემი და. ნესტანსაც ვერ ვუძიებავთ უქკუობასა და მოუხერხებლობას, ტყუილუბრალოდ როდი აღზრდილა მეტეხში... შენ რაღაც უქმყოფილო ხარ თითქოს, შადიმან?

— არა, რატომ, მეფეო? თქვენი სურვილი მუდამ მაკმაყოფილებს... რა თქმა უნდა, ნესტანს გარდაც მოიპოვებიან კვიანნი, მაგალითად, ხორეშანი... თანაც მეტი დიდებულობისათვის საჭიროა ორი სეფექალი გაიგზავნოს ბრწყინვალე ამალითურთ...

— ნესტანი და ხორეშანი? ძალიან შესაფერისნი არიან, მაგრამ ვშიშობ, ქალბატონს არ ვაწყენინო: ორის ლვით წასვლა აზნაურს დააშორებს...

— ამგვარს რასმე ქალები არაფის აპატიებენ, ხორეშანი კი ერთ კვირაზე მეტს ვერა სძლებს. თუ აზნაური აქ არის, ხორეშანიც აქ არის, თუ იგი ამშაშია, ქალიც შინა ზის. ამბობენ, თავადმა თურმანიძემ თხიზელი ძაღლები გაიჩინაო, საიდუმლო ხვრელები ამოჰყორა, შუბოსანი გუშაგები გალაქანზე უდგანან, თვითონაც ღამით ნადირობს, აზნაური კი ყოველ მეორე დღეს ქალბატონთან ითევს ღამეს...

ლუარსაბმა გადაიხარხარა და ბავშვურად გადააქნია თავი.

— ყოჩაღ, ასეთი საქმისათვის ჯილდოს ღირსია...

— შესაფერისი საბაბია, მეფეო, შეგიძლია კიდევ დააჯილდოო.

— როგორ, ერანს გავგზავნო? რა თქმა უნდა, უნდა გავგზავნოთ! წარმოგიდგენია მოხუცი თავადის გაცოფება! იგი უნდა დავსაჯოთ, მეტეხს ჯოჯოხეთით გაურბის... ხორეშანს კი სიამოვნებით მოუტყუო მხიარულ მგზავრობას.

— დიად, მეფეო, მხოლოდ უხერხულია ერთი აზნაურის გაგზავნა, თვალში ეცემათ. იქნებ სურამის საქმისათვის? „ვეფხთა რაზმმა“ განსაკუთრებით გამოიჩინა თავი, ბევრი დაქრილი იყო, მაგრამ ბრძოლა არ მიუტოვებიათ. წყალობა დამსახურებული იქნება. შაჰი საჩუქრებით დააჯილდოებს და გიორგისაც გაეხარდება, ახლო მეგობრები არიან... დიდებულნი წინააღმდეგნი არ გახდებიან, ისწავლეს მეფე ლუარსაბის სურვილის შესრულება... დიად, საჭიროა დიდებულები ამაღლა... ახალგაზრდების შერჩევა მოგვიხდება, უმთავრესად, დიდგვაროვანთა შორის და გამოჩენილ აზნაურთა შორის... საბჭოში შეიყრებიან, მეფეს შეუძლია სურვილისამებრ აირჩიოს...

თორმეტი დღის შემდეგ სათათბიროდ მობრძანდნენ მირვან მუხრან-ბატონი და სხვა დიდებულნი.

ლუარსაბმა დიუფალთა დასწრებაც ისურვა: იმათაც შეეხებაო...

თათბირის დაწყებამდე დიდი ხნით ადრე სანადირო დარბაზში შეიკრიბა ცნობისმოყვარეობით გახელებული მთელი სასახლე. ლუარსაბის კარგი გუნება სასიამოვნო თათბირს მოასწავებდა.

მარიამი ძალაუვნებურად მარჯვნივ დაჯდა, თეკლე კი—მეფის გვერდით. ფარჩა ეცვა, ნაწნავებში მარგალიტი უბრწყინავდა. თვალნი კრძალვით დაეხარა და მხოლოდ ხანდახან შეანათებდა სოლმე სიხარულს ლუარსაბის გულს.

რამდენსაც მეფე ლაპარაკს განაგრძობდა, დამსწრეთა სახენი იმდენადვე მხიარული ხდებოდნენ. მხოლოდ ჯინ იქნება ღირსი ამ საამო მგზავრობისა? როგორ, სეფექალებიც თინათინის მისალოცავად? ბრწყინვალე ჰარამხანა, ცეკვა, სიმღერა, შაჰის საჩუქარი, მაგრამ რომელი ბედნიერი ქალი ეღირსება ამას?

სულგანაბულნი ელოდნენ. მირვანი... ეს მოსალოდნელი იყო... ზურაბი? რატომ? განა სხვები ცოტანი არიან?

— იქნებ მეფე ინებებდა ჯავახიშვილიც მიემატებინა? შადიმანმა თავი ისე მოაჩვენა, თითქოს უკმაყოფილოაო.

— შეუძლებელია, შადიმან, მე მხოლოდ გუშინ შევპირდი, ერთად ვინადიროთ მეტქი... თავადი ექვინია, გუშინ დიდ ხანს მეხვეწებოდა, უარს ნუ მეტყვიო. იფიქრებს—საბაბს ვეძებ რომ დაპირება არ შევუსრულო.

ლუარსაბმა ნესტანისა და ხორეშანის კეჟა და მოხერხებულობა, შეაქო. თანაც სთხოვა: ქართლის მეფისა და დედოფლების სახელით მოიხადეთ თავაზიანობის ვალი ერანის სასახლის წინაშე და ჩემს დას გადაეცით გულწრფელი სურვილი მისი კარგადყოფნისაო...

გულშარი კინალამ ხალიჩაზე დაეცა, წყენის დაფარვაც კი ვეღარ მოახერხა.

— რატომ გულშარი არა, შვილო ჩემო? ისიც მეგობარი იყო თინათინისა, — ძლივს წამოიკნავლა მარიამმა.

ლუარსაბმა მიუგო: არა მსურს ვაწყენინო ციხის უფროსს და ორის თვით მოვაშორო მშვენიერთა შორის უმშვენიერეს ქალსაო... თუმცა აქ ტყე არ არის, მაგრამ ვხედავ, რომ „ვეფხები“ ყველანი აქ არიან, მსურს სურამის ამაგისათვის დაეაჯილდოო. ისინი ყველანი ისპაჰანს წავლენ, რადგან მათ ვანდობ სეფექალთა დაცვას.

და ლუარსაბმა ღიმილით გადაჰხედა აშკარად გახარებულ ხორეშანს.

საკაძე გაფითრდა: „ორის თვით? უცნაური ამბავია. რატომ მართო ჩემს მახლობელს ჰგზავნის?... ეს შადიმანიც რომ გაფითრებულა... ნუთუ ლუარსაბი აღრე არ მოსთათბირებია მმართველს? ნუთუ უკვე აღარ ეთათბირება? ბაკა განცვიფრებულია. მარიამი გველივით სისინებს, გულშარი ცოცხალ-მკვდარია, მაგრამ მაინც უცნაურია!

შადიმანმა შენიშნა გიორგის ცქერა და თითქოს უკმაყოფილომ იკითხა:

— იქნებ ინებებდი, მეფეო, თამაზ მალალაძეც ჩაგერიცხა? თავადს დიდიხანია სურს ერანის ნახვა...

გაკვირვებულმა ლუარსაბმა შადიმანს გადახედა და, ოდნავი ფიქრის შემდეგ მიუგო:

— მაგას მეც ვფიქრობდი, მაგრამ „ვეფხთა“ სიახლოვე ბერს როდი ესიამოვნება.

ლუარსაბმა თვალი მიაპყრო მოწყენილ რევანს: ამასაც რომ სამსახური გაუფირო? ასტანს მაინცა და მაინც არა სწყურია მისი სიახლოვეო, და საამური ღიმილით განაგრძო:

— ასეთ შემთხვევაში, თავადო, კარგია ახლოს გეყავდეს ჩინებული მონადირე. იმედი მაქვს, რევანზ ორბელიანი ისპაჰანშიც ასახელებს ქართულ სიძარჯვეს...

— მეფევე, ნურც მამუკა დაგაფაწყდება, თორემ უთავადოთ მას აქ სული ამოხდება,—გესლიანად მიახალა გულშარმა.

დათომ გვერდში მჯილი ჰკრა გაღენჩებულ რევანსა და წასჩურჩულა:

— მამუკა წაეიყვანოთ, დარეჯანიც, ეს ურიგო როდი იქნება, მგზავრობაში კი განსაკუთრებით საამოა: ხორეშანთან მოვაწყობთ...

რევანზმა ქურდულად გადაჰხედა ამაყად წელში გამართულ ასტანს. სიხარულის კორგალი ყელში მიებრჯინა და უეცრად ცხვირი დააცემინა. ლუარსაბმა ჩარბი ჩაიკენიტა. მირვანი დაჟინებით ათვალიერებდა ქერზე დახატულ ოქროსფერ დურაჯს. ჯავახიშვილმა „უწესო“ სიცილის თავიდან აშორება განიზრახა და საჩქაროდ შეეკითხა ლუარსაბს:

— ნებას ხომ არ დამრთავდი, მეფეო, საელჩო ქარაენისათვის შემეერთებინა ძღვენიტ დატვირთული აქლემი მშვენიერი თინათინისათვის?

დარბაზმა მადლიერი თვალი მიაპყრო ჰკვიან მანდილოსანს და უეცრად ახარხარდა, იცინოდა, კისკასობდა ისე, რომ თვალს ცრემლი აღგებოდა.

დარცხენილმა ლუარსაბმა დარბაზს წინადადება მისცა: ძღვენსა და ამალის შემადგენლობაზე ვიმსჯელოთო.

ღიმიტრი შეუმჩნეველად მიუახლოვდა გიორგის.

— რაო, გიორგი, ხომ არ დაგვცინის ეგ რეგვენი რევანი? თუ „ვეფხების“ მეგობრობა სურს, დეე ორბეთში აცემინოს ცხვირი და არა მეფის წინაშე...

საკაძე არ იზიარებდა ნესტანის. ხორეშანისა და „ვეფხების“ დიდ სიხარულს... ციხის გალაგანზე მიმოდოდა გამალებული. საავდრო ღრუბლები იგრავნებოდა კოშკების თავზე. მალლა, ცაში არწივი დანავარდობდა... ახლა მარტის დასასრულია... საუკეთესო თანაშემწენი და მისი ნების აღმსრულებლები უცხოეთს მიდიან. აღ-

ვილი სათქმელია—აჯანყების შეკავება. როცა იგი ყოველ დაბრკოლებას წალეკვას უქადის. და თავადებს განა ყველაფერი მზად არა აქვს? ამაყობენ მეფის წყალობითა და ნდობით. ნესტანსა და ხორეშანს უხარიათ, მაგრამ რატომ მხოლოდ ჩემს მეგობრებს ჰგზავნიან? იქნებ საქიროა გავაფრთხილო „ვეფხები“? შევაჩერო? არა, ეს შადიმანს ექვს აღუძრავს.

მაგრამ რაკი ძალა არ შესწევდა დაეცხრო მოუსვენრობა და ექვი, სააკაძემ მოახერხა და საიდუმლოდ ინახულა თეკლე.

-- არა, მეფე არასოდეს არ მესაუბრება სამეფო საქმეებზე. მარწმუნებს, როცა შენი სამყოფელის ზღურბლს გადმოვაბიჯებ, ასე მგონია, ჯურღმულიდან ამოვედი და სხვა ყველაფერი მავიწყდებაო... მაგრამ სწორედ საელჩოზე მეკითხებოდა ლუარსაბი: ხომ არ მოგეწყინება უნესტანოლო... შადიმანი დაჟინებით ურჩევდა გულშარს, მაგრამ მეფემ შინც გადასწყვიტა სიამე შიანიქოს თავის საბრალო დას... თანაც საგულისხმოდ საქმეა, და ერისთავს უფრო ენდობა ვიდრე ბაგრატის ნათესავ ამილახვარს. სვიმონსაც სურდა წასვლა. ხოლო „ვეფხების“ გამოჩინების საბაბს დიდი ხანია ეძებდა. გადაწყვეტილი აქვს, დათოსა და როსტომს ისპაჰანიდან დაბრუნების შემდეგ თავადობა უბოდოს სურამის ბრძოლაში მეფის მხლებლობისათვის. მე სხვებისთვისაც ვშუამდგომლობდი, გაეხარდა, პირველი თხოვნააო შენი, და აღმითქვა.

ასეთმა ცნობებმა ოდნავ დააშოშინეს სააკაძე.

რა კი მეგობართა მომავლის გაფუჭება არა სურდა, მოურავმა არ გაუმჟღავნა „ვეფხებს“ თვისი შეშფოთება და, პირიქით, ამცნო მეფის განზრახვა მათთვის თავადობის წოდების მინიჭებისა, რაც „ვეფხებმა“ საკმაო გულგრილობით მიიღეს. მათ ახარებდა მომავალი მგზავრობა, თავგადასავალი უცხო, ზღაპრულ ქვეყანაში, ლხინი, ნადირობა და სპარსთა დიდებულებთან ასპარეზობა.

დათოს კი ის გარემოება ახარებდა, რომ მოურავმა საიდუმლო დავალება შიანდო შაჰ აბაზის წინაშე.

ლამით ვენეციური სარკე ასახავდა გულშარის მოზეიმე თვალებს. კობტაობდა და ამირინდოსთან ერთად ყვითელი გველისა და მდაბიოების შიამიტობაზე ხარხარებდა.

მხოლოდ ერთმა მარიამმა არა უწყოდა და რა თვისი აშკარა გაცოფებით მოურავს ამშვიდებდა.

თავი ორმოცდამეოთხე

მოკაუქებულ ხმალივით ჰკიდია ქართლის ცაზე ახალი მთვარე. თბილ ნისლს დაუბურავს ხეები. ბურუსში კუს ხოკივით მოსჩანან მალალი მთები, რომელთა კალთებზედაც გველივით დაკლაკნილან ბილიკები.

ლურჯ ცის კამარას მიბრუნებინა კოშკთა წვეროები. მაგრამ არსად სჩანს ყიზილბაშთა შუბი, არც თურქ მოხალისეთა წითელი ფესი და არც ენგიართა ყალბზე ამდგარი ცხენი.

მხოლოდ სქელ ნისლში შრიალებს ტყე, ქურდულად იძვრიან აჩრდილნი, წკრიალებს ტბის ლელი. მთელს ქართლს მოსდებია შემაფფოთებელი ჩურჩული, სოფლიდან სოფელს გადადის ფრთამალი ახალი ამბავი.

გლეხები შიშით იხედებიან იქით-აქეთ და ერთმანეთს რალაცას ჩურჩულით უზიარებენ. მაშვრალთა ხელს მიუტოვებია გუთანნი, თოხნი და ნაჯახნი და მათ მაგიერ აულია ხმალი და სატევეარი.

მდინარეებში ლპება მატყლი, დაუქმებულა ჯარა, უმოდრად ძევს წინდისჩხირი, გაკვირვებულნი ბლავიან ძროხები, ობლად დაბორიანებენ ქათამ-ბატ-ინდაურები. გლეხები მკიდროდ შეჯგუფებულან, პირჯვარს ისახავენ, იცრემლებიან:

— ქალებო, ქალებო. თავად შადიმანისას ყველა მესეფეს უღელი ადგია, ფიხივით ჩამომხმარან საბრალონი... თავადმა მზე დაუბნელა ქალწულებს, მოლაშქრეებს ერთის წლით აუკრძალა დაქორწინება.

— სულ ტყუილია, ამით ვერავის შეაკავენს, უკვე მრავალი გაექცა. ბრმა მოხუცი პერანგს იფხრეწს და ხალხს მოუწოდებს: მოურავთან გაეშურეთ, მხოლოდ იქ არის ხსნა გამხეცებულ თავად ჯაფახიშვილისაგან, რომელმაც თვალები დასთხარა ნეპყრობილ გლეხებს.

— ვაი ჩვენ, ხალხო, თავადმა ამილახვარმა ჩვენი სარგო ერთი-ორად შეამცირა, სამუშაო კი ერთი-ორად გაადიდა... ბალები წავგვართვა, თუ უფროსები გაიქცევიან, ამათ თათრის ტყვეობაში გავყიდო.

— სულ ტყუილია, ასეთი რამ ხალხს ვერ დაიქვრს, უკვე მრავალი გაექცა.

— ხალხო, ხალხო ბატონიშვილმა ბაგრატმა მოხუცი ჯურღმულში ჯაქვებით დააბა, ქალიშვილები კი მძევლებად სარდაფში ჩაჭკეტა: თუ ახალგაზრდობა გაიქცა, მოხუცთ დააღრჩობს, ქალიშვილებს კი ჰარამხანაში გააწყიდის.

— ტყუილი ფიქრია, ეს ხომ ხალხს ვერ შეაკავენს, უკვე მრავალი გაექცა.

— ხალხო, თავადმა ქაჩიბადემ ყველა მოლაშქრეს შუბი წაართვა, იარაღი გადაშალა; მსახურები სოფლიდან აღარავის უშვებენ, ღამე სდარაჯობენ, ძალებით იქერენ, თმებსა ჰკრევენ, ქონებას ართმევენ...

— უაზრო რამ განუზრახავს. მაგით ხალხს ვერ დააოკებს, უკვე მრავალი გაექცა.

მიცოცავეს შრიალი, ქართლს ეფინება სხვადასხვა ხმა, ქართლს აშფოთებს მოლოდინი.

— ნუ გეშინიათ, ხალხო, სააკაძემ ღამით თვით მოაჭენა ცხენი, აღგვითქვა, ბავშვებს ვიხსნიო, აღგვითქვა...

— მიწობში მოხუც ფანუსს თავისი თვალით უნახავს...

— ღმერთს გეფიცები, მიწობში კი არა, ეგ არყვიანში იყო...

— დიდ მოურავს შეუძლია ერთსა და იმავე დროს ორ ადგილას იყო.. მის ცხენს უხილავი ფრთები ასხია.

— ხალხო, ხალხო, ამზადეთ ისრები, ათანიაში ჩვენი მოურავი იყო, ყველა გლეხი გამოისყიდა ყაჩაღ ჩიჯავაძისაგან!

— არა მარტო გლეხები, მესეფეებიც უყვარს: ცოფიან მაღალაძეს ბევრი მესეფე წაართვა.

— მოხუცი პავლე ამბობს: თავადებს ყველაფერს წაართმევს ხალხისთვისო...

— როგორც მტრებსაო... აღიღეთ ხმალი, აღიღეთ შუბი!

— ძნელია თავადებს რაიმე წაართვა, დიდი ძალა აქვს...

— სურამმა დაგვანახვა რა ძალაც აქვთ... მოურავი მიწა-წყალს ხალხს დაურიგებს.

— მოურავი ნებას არავის მისცემს ბავშვები გაუყიდონ, ნებას არავის მისცემს ხალხი დაახრჩონ, ნოსტეს მიაშურეთ მოლაშქრენო!..

— ხალხო და ჯაამათო, გალესეთ ხმალი, შეჰკაზმეთ ცხენი და ილტვოდე ნოსტესკენ, ნუ გეშინია, იქ მოურავს გულით უყვარს ხალხი...

და დაიძრა ნიაღვარი...

უწყვეტ ნაკადად მიედინებოდა ხალხი უკვე გაქედილ ნოსტეში.

საკაძე მიხვდა, სტიქიონის შეკავება მის ძალას აღემატებოდა. აუცილებლობის ორომტრიალით წარტაცებული მოურავი უდროო ქარიშხალს ეგებებოდა, მაგრამ მტკიცედ ახსოვდა: არცერთი გლეხი იმედგაცრუებული არ უნდა დაბრუნდეს უკან, თორემ დაიღუპება მრავალი წლის ნაამაგარი, დიდი ხნით ჩაიხშობა გლეხიებული მრისხანება და კვლავ შავი მონობა დაეუფლება ქართლის მიწა-წყალსო...

და იარაღს ისხამდა სახალხო ლაშქარი...

მიზანს აშკარად არ ამხელდნენ, შემთხვევითს ცნობისმოყვარეთ, ალბათ, თავადების მოგზავნილთ, სიამოვნებით მოუთხრობდნენ მეფის დასათვალისწინებლად სახალხო ლაშქრის მზადების შესახებ.

აშკარად არ ამბობდნენ, მაგრამ ყველამ იცოდა—ახლოვდება ბრძოლა, დიდი ხნის ნანატრი სასტიკი ბრძოლა... მოიგრაგნებიან სისხლით გაჟღენთილი ღრუბლები, უღმობლად ზუზუნებენ ისრები,

შარჯვენა მრისხანედ იქნევს ხმალს, მაგრამ ვინ დაატეხს თავს დიდებულთა კოშკებს ხალხის მრისხანებას, ვინ დაეხმარება განხრახბულის შესრულებაში?

მტანჯველი სიცხადით მიხვდა სააკაძე: იგი მარტოა. ოჰ, რა შორს არიან: "ერთგული - ვეფხები", რომელნიც ელვის უსწრაფეს ხედებოდნენ მოურავის აზრს; მკაცრი ზურაბი, შეუღრეკელად რომ ისწრაფვის მიზნისკენ, მირმან მუხრან-ბატონი, რომელსაც ფიქრადაც არ მოსდის საქმის ნამდვილი ვითარება, რომელიც დასთანხმდა ხელი შეუწყოს შადიმანის მომხრეთა მოსპობაში; შორსმპკრეტელი ნესტან, რომელიც თვალს ადევნებს მეტეხის განწყობილებას; ხორეშანი, რომელიც ლუარსაბისთვისაა მიჩენილი... თვით გულუბრყვილო გივიც კი ომში ნაცად ამ აზნაურს გაუტოლდებოდა..

მარტოა, ერთგულ თანამოსანგრეთა დაუხმარებლად, უშიშარ მხედართა და კევიან პოლიტიკოსთაგან მიტოვებული.

მხოლოდ ჩამომხმარი, თვალანთებული ვრასტი და მისი ოცი მხვერავი დამთხვეულებივით დაჰქრიან სოფლიდან-სოფლად და მიაქვთ მოურავის ბრძანება: მზად იყავით, პირველ დაძახებნისთანავე იარაღი აისხითო. მხოლოდ მოღუშულმა, ძიღამაფრთხალმა პაპუნამ, რომელსაც ამძიმებდა მზრუნველობა, რით გამოვკვებო და რა ჩავაცვა ნახევარ ქართლსო, იცოდა რაოდენ საშინელი უფსკრული გაჩნდა მოურავის წინაშე...

პირველად ამშელთა რაზმმა ჩაიქროლა. მას მიჰყებოდა მსუბუქ ცხენოსანთა რაზმი. ოდნავ დაშორებულნი, დინჯად იძვროდნენ შუბალმართული ოთხკუთხედები.

ყოველწლიური აღლუმი მეტეხში იზიდავდა სამეფო და აზნაურთა ჯარს.

გზაჯვარედინები, დუქნები, ბაზარი სავსეა ჯაშუშებით. არალში მოულოდნელად იფეთქა ამბოხებამ, საღლაც გაჰქრენ ასასების ცხენები, განთიადისას კი ეკლესიის კარებთან მოკლული მღვდელი იპოვნეს...

შავჩაბალახიანი და ოთარი სწრაფად გაილანენ ცეცხლმოდებულ არალიდან, მაგრამ მისაქციელში, თითქოს მიწიდან ამოძვრაო, უეცრად გაჩნდა ჯავშანში ჩამჯდარი ცხენოსანი ხევსური.

ხევსური ოთარს მიეჭრა და ჩაფხუტი აიხადა. განცვიფრებულმა ოთარმა ძლივს მოასწრო დაძახება: „კიაზო, შენა?!" რომ ხევსურმა ხმალი მოუქნია და თავმოკვეთილი ოთარი ცხენზე დაეკიდა.

ხევსურმა სწრაფად ჩამოიფარა ჩაფხუტი, თვალი გაადევნა გაქცეულ შავჩაბალახიანს და სწრაფად მიიშალა.

აღრევა და ხანძარი სწრაფად მოედო დახშულ სოფლებს.

შეშინებული ვაქრები მეფესა სთხოვდნენ, მღელვარე ხალხის საფრთხისაგან დაგვიფარეო.

საჩქაროდ შეიყარნენ არაჩვეულებრივ თათბირზე დიდებულნი და ლუარსაბის წინაშე გამოჩნდა აღმოდებული სახე ქართლისა: გაქცეული გლეხებით გაქედილი ნოსტე საომრად ემზადება, სააკაძე მღვდელთა მკვლელობას აქეზებს. წმინდა ეკლესიის მსახურნი სოფლებიდან გარბიან. თავხედებმა გაბედეს და ჩაფრების და ასახების ცხენებიც კი მოიპარეს, დიდებულნი უშალოდ სანადიროდაც ვერ გასულან... მალე მთელს ქართლს ამოსწყვეტენ მდაბიონი... ისინი ამხედრდნენ ბატონების წინააღმდეგ, საუკუნეებით განმტკიცებული წესწყობილების წინააღმდეგ... დიდებულნი არ აპირებენ თავიანთი სიცოცხლე და ქონება საფრთხეში ჩააგდონ. საჭიროა მტკიცე ღონისძიება... ქართლის დიდებულნი მეფის სიტყვას ელოდებიან.

— განა მეფე ვერა ხედავს? სააკაძეს ავი განუზრახავს ტახტისა და დიდებულთა ციხე-დარბაზების წინააღმდეგ.

— რას მიჩვევენ დიდებულნი?

— დაუყოვნებლივ განქორწინებას, ვინაიდან ეს ქორწინება ჩირქსა სცხებს ქართლის ტახტს და პატივისცემას უკარგავს ქვეყნის თვალში.

— წარიხოცოს პირისაგან ქართლისა ავის მზრახველი მოლაღატე.

— მისი სიკვდილით დამშვიდდეს სამეფო და გადარჩეს ტახტი და ციხე-დარბაზები.

— თორემ დიდებულნი თვით იღონებენ და დეე მეფე მარტო დარჩეს მდაბიოს განკარგულებაში.

ლუარსაბმა მრისხანედ და აღშფოთებით უარპყო მოთხოვნა განქორწინებისა: სანამ მეფე ვარ, დედოფალი თეკლე იქნებაო. მაგრამ, რადგან ძლიერი ეპკვი შეუვიდა სააკაძის ერთგულებაში, დიდებულთა აღუთქვა: მოურავის საქციელს გამოვიკვლევ და მაშინ თქვენთან ერთად საჭირო გზას დავადგებიო...

სააკაძე სწრაფად დაიბარეს მეტეხში.

შადიმანის რჩევით მეფემ პასუხი მოსთხოვა დიდებულთა, თანდასწრებით. სააკაძემ თვალი მოავლო მტრულად განწყობილ დიდებულთ: ჯავახიშვილს, რომელიც მხრებს იჩივდა, მალაღაძეს, სისხლის მსმელივით რომ ტუჩებს ილოკავდა, ამირინდოს, რომელიც გააფთრებული ბლუჯავდა ხმლის ვადას, და თვალსისხლიან სვიმონ ბატონიშვილს.

„უველას წინაშე ვილაპარაკო? ვთქვა, რომ აზნაურთა კავშირს სურს დიდებულთა ხელისუფლების მოსპობა? ახლავე, თუნდ ხვალ, გარშემოვერტყა მეტეხს, დავატყვევო მონობის მთესველი შადიმან, ალყა შემოვარტყა მძღავერ ფეოდალთა ციხე-კოშკებს და ვაიძულო მეფე თავს იდოს ერთხელმწიფება?— სააკაძეს გულში ჩაეცინა. — ვთქვა

ახლავე: „მეფე და ხალხი“, აქვე დავეცე აფთართა ხმლით აკეპილი და დავლუპო მთელი საქმე? არა, საიდუმლო თავის დროზე გამომქ-
ლავნდებო. ცალკე გავუმელავენო მეფეს? მაგრამ ვანა ერთხელ უკვე არა
ვცადე? საფრთხეში ჩავაგდო ყოველივე?.. არა, ამასაც ვერ დავთანხმ-
დები...“

და სააკაძემ მშვიდად გაუსწორა თვალი ლუარსაბს:

— რა ომისათვის ვემზადები, მეფე? მხოლოდ იმ ომისათვის,
რომელსაც მეფე ლუარსაბი გამოაცხადებს. რატომ არ დაეშალე აზ-
ნაურთა რაზმები და მუქთად ვაქმევ? უმჯობესია ჩემიანებს ვაქამო
მუქთად, ვიდრე უცხოებმა შეემკამონ... დავით აღმშენებელმა პირველ-
მა შემოიღო მუღმივი ჯარი და ბრძოლაც არასოდეს არ წაუგია. მეფის
ნდობით აღკურვილი მოურავი ვალდებულია დაიცვას ქართლი მტერ-
თა მოულოდნელი თავდასხმისაგან... ნოსტეს ციხეს კი, რა თქმა უნ-
და, მეგობართაგან თავდასაცველად როდი ვამაგრებ. შენთან ხალხი
გამორბისო? ჩემგან არავინ გარბის, დეე დიდებულნი ჩაუფიქრდნენ
ამას.

საკაძეს კარგად ესმოდა ამ პასუხის მცირე საბუთანობა, მაგ-
რამ ნუგზარ ერისთავის ჯარი, მთავარი ძალა, ტფილისს წასასვლე-
ლად მხოლოდ თოთხმეტი დღის შემდეგ იქნება მზად... უნდა გავა-
ქიანურო, ყოველი საშუალებით უნდა გვაეპიანურო...

— გარდა ამისა, მეფე... არის კიდევ სხვა მნიშვნელოვანი მიზე-
ზიც. გარნა, ნება მიბოძე, ამის შესახებ ორი კვირის შემდეგ მოგახ-
სენო... ცნობები მაქვს... საზღვარზე თურქებიც არ არიან მშვი-
დად... აი დიდებული ბაგრატიც ვაფითრდა... არ ვურჩევ თავადის
საქურველმტვირთველთ საზღვრის ახლოს ხეტიალს, არც ის არის
კარგი, რომ მტერს შავი ჩაბალახები უთავაზო... ხალხი გარბისო?!
ყველა ჩემთან როდი მოდის, აი თავად ამილახერის ერთი მსახური
საზღვარზე შეიპყრეს.. მგონია, ვიპოვნი მღვდლის მკვლელ ავაზაკს.
ერთ მესტვირეს უნახავს, ამბობს, შავი ჩაბალახი ჰქონდა თვალებზე
ჩამოფარებულიო... ნება მიბოძე, მეფე, წარმოგიდგინო საბუთი შენ-
დამი ჩემი ერთგულებისა... ორი კვირის შემდეგ ბევრ რამეს გაგიჩვენე.

ლუარსაბმა მაგრად დაარაბუნა იატაკს ბაგრატოვანთა ხმალი.

— მაგრამ მართალია თუ არა, აზნაურთა ფარული კავშირის არ-
სებობა?

— მართალია, მეფე, აზნაურთა კავშირმა ერთხელ უკვე გავუმე-
ლავნა თავისი საიდუმლოება ქართლის მეფეს სურამის ველზე...
მხოლოდ აზნაურებს უნდა ვუმადლოდე, რომ ამჟამად თურქები კი
არ შემტერებიან, არამედ დიდებულნი..

ამ ნართაულმა სიტყვამ ლუარსაბი წამოაწითლა. გარდა ამისა,
გაიხსენა ბაგრატიც და გულში გაივლო: ამ აფთარს ყოველთვის უნ-
და ვერიდებოდე...

შადიმანი, ლუარსაბს რომ აკვირდებოდა, მიხვდა, საჭიროა მდგომარეობა ვიხსნაო. მანიშნებელი თვალით გადაჰხედა ამირინდოს და „მკლე“ თავადმაც იერიში არ დააყოვნა. მას სხეებიც მიჰყვნენ: მუქარა, ლანძღვა...

— ირჩიე, მეფეო: ან ჩვენ, ან მდაბიო, რომელმაც გაჰხედა ქართლის დიდებულთა პარტივისა და უფლების ხელყოფა.

აჩხარუნდა იარალი. შორეულ კუთხეში შიშველმა ხმალმა იელვა, გიორგიმ ივარაუდა: რამდენს გაეგორებ, სანამ მომწვედებოდნენო. მაგრამ ხმალი ამოვილო მეფის წინაშე?... ისურვებს განა ლუარსაბი ასეთი თავხედობის შემდეგ მოისმინოს ჩემი პასუხი?

შადიმანმა საჩქაროდ სთქვა:

— დიდებულნო, გთხოვთ მომისმინოთ. მოურავი ორი კვირის ვადას თხოულობს, განა უფლება გვაქვს უარი ვუთხრათ? მეტად დიდია მოურავის დამსახურება ქართლის წინაშე. იმედი მაქვს თავადი მოახერხებს ტახტის ქებულ დამცველთა დამშვიდებას.

სააკაძემ გაკვირვებით, ხოლო ლუარსაბმა მადლობით შეჰხედა შადიმანს. მეფემ სააკაძეს ურჩია, დროს ნუ დაჰკარგავო, და ჯარის დათვლიერება ორი კვირის შემდეგ დანიშნა.

სააკაძე ნოსტეს გაეშურა. კიშქარი ჯერ კიდევ არ დახურულიყო მფლობელის შესვლის შემდეგ, რომ კვლავ გაიღო და პაპუნაქ საჩქაროდ გაეშურა ნუგზართან, რათა გადაეცა სააკაძის თხოვნა: ჯარის გაგზავნა დააჩქარე ტფილისში, სადაც გიორგი სწორედ ორი კვირის შემდეგ იქნებაო.

პაპუნას არ უყვარდა ცხენის აჩქარება, მაგრამ დავალება სისწრაფეს მოითხოვდა და ამიტომ ცხენს ქუსლი ჰკრა და გააქანა. გაახსენდა ბედნიერი დრო, როცა ჯიუტი კამეჩები ზანტად მიაბოტებდნენ მის ცხოვრებას. გაახსენდა ურმით თბილისიდან უკანასკნელი დაბრუნება. აი ხრამი, მდინარე, იქ, დიდ ლოდთან ბადრი ოჩოკოჩის ამბავს მოუთხრობდა. ბადრი... პაპუნამ წარბი შეიკრა. „მარგალიტს სისხლი უყვარს, სისხლი ადვილს ეძებს, ხოლო ადვილს მთელი დედამიწა დაუკავებია...“ და პაპუნამ მკაფიოდ შეიგნო ხვალინდელი დღის გამოუცნობლობა. გული მტკივნეულად შეეკუმშა...

მოსისხლე მტრის მოულოდნელი მხარდაჭერით გაკვირვებულმა გიორგიმ მეტისმეტი სიფრთხილით მოისაზრა აზნაურების უკან დახევა ტფილისიდან, თუ ვინცობაა დალატი მოხდებოდა. რაკი პირველი მარცხი ახსოვდა გიორგი X დროს, სააკაძემ გადასწყვეტა არ დანდობოდა მეფეთა ცვალებად გუნებას, ამიტომ, როგორც მტრის შემოსევის მოლოდინში, მთელი ნოსტე მიწაში მარხავდა ხორბალს, ერბო-კარაქსა და მატყლს.

მწყემსებმა საქონელი შორეულ საძოვრებზე გარეკეს. ცოტა ხნის წინათ ბაზარში დამკვიდრებულმა ამქრებმა ფრთხილად შეახვიეს

სხვადასხვა ფერის ტარსიკონი, ზანდუკებში ჩააწყეს ვერცხლის ნივთები, ურმებში ჩატვირთეს სპილენძეულობა და აქლემებს აჰკიდეს ჩითეულობა. ესოდენი სიძნელით მოწყობილი ვაჭრობა, რომელსაც უკვე კავშირი ჰქონდა გაბმული სატრანზიტო ქარვასლებთან, ახლადროებით გადაჰქონდათ ამშას, დათო ქავთარაძისას. რეალური საფრთხე არავის სწამდა, მაგრამ არავის სურდა 'შემთხვევის ანაბრად დეტროვებინა თავადთაგან ძლიერ მოპოებული უფლება თავისუფალი ვაჭრობისა. მთელი დღის განმავლობაში ახმაურებულ ქუჩებში კრიალეზდნენ დატვირთული ურმები, ქალებსა და ბავშვებს „ვეფხთა რაზმების“ სოფლებში ჰგზავნიდნენ. ერასტიმ თავისი ცოლი დარეჯანი და პატარა ვაჟი, ბეჟანი დაუთბეგის ოჯახში გაგზავნა. ერასტის მამას არას გზით არ სურდა წასვლა და ხალხის ქონების დასაცავად დარჩა.

გაზაფხულისაგან ამწვანებულ ბაღებში კი ვარდი იფურჩქნებოდა. სურნელებას აფრქვევდა თეთრი შროშანა და ფრინველებიც ათას ხმაზე. ქიკიკობდნენ...

შექმნილი მდგომარეობით შეშფოთებულმა ლუარსაბმა თეკლეს გაუზიარა თავისი ეჭვი გიორგის უცნაური საქციელის გამო: ისე წავიდა, რომ პირადად ნახვაც კი არ ისურვაო. თეკლე მიხვდა ძმის გუნებას და მისი საქციელი სიამაყით ახსნა: არა სურდა ნათესაური უფლებით სარგებლობაო.

სამი დღის შემდეგ ლუარსაბი ინახულა შეშფოთებულმა შადიმანმა.

— ცუდი ამბებია, მეფევე, ვერაფერი სანუგეშო ცნობები მომდის დიდებულთაგან, კვლავ საბჭოს მოითხოვენ...

— რა ამბებია? — წარბშეკვრით იკითხა ლუარსაბმა.

— ერთი თურქი შეუპყრიათ ჩიტის ხევში, ერანიდან გამოქცეულა, აზიზ-ფაშის საქურჯელთმტვირთველია... მხოლოდ იგი გადარჩენილა სასტიკ სასჯელს. ამბობს, აზიზ-ფაშა საზღვრის ახლოს ნადირობდა, სააკაძემ და მისმა ათმა აზნაურმა აზიზ-ფაშა დაატყვევეს, პირში ჩვარი ჩასჩარეს, უნაგირზე დააკრეს ისე, რომ 'მშველელის დაძახებაც კი ვერ მოასწრო. ერანის საზღვარზე ქართული ტანისამოსი ჩააცვეს და დიდ ფულად შაჰაბაზს მიჰყიდეს. მეფის სახელით მოქმედებდნენო. დიდი თავხედობაა! სირცხვილია სტამბოლის წინაშე. აზიზ-ფაშა გავლენიანი კაცი იყო.

— შესაძლებელია ეს განა! ასეთი თავხედობისათვის თავის მოკვეთა ცოტაა! მაგრამ მოვუცადოთ სააკაძის განმარტებას.

— რა თქმა უნდა, მეფევე, მაგრამ დიდებულნი გაცოფებულნი არიან, ვეშიშობ შუღლი არ დაიწყოს. დიდი საშიშროება... ნუგზარი მზად არის აღსდგეს, ბაგრატი დიდი ხანია შემთხვევას ეძებს, შალვა

ქსნის ერისთავი კარგა ხანია აღმაცერად უცქერის ამირინდოს, ხალხი კი ელოდება: თავადებმა ხმალი როდის იშიშვლონო...

— ძვირფასო შადიმან, არ შეიძლება შუღლის ჩამოგდება, გთხოვ ბოლო მოულო დავას.

— ძნელია, მეფევ, დიდებულნი შეუძლებელს მოითხოვენ... ხალხის სიძულვილით იმუქრებიან, იგი თითქოს აღშფოთებულია ქორწინებით, რომელმაც დაამცირა ღვთის ცხებულის მაღალი ღირსება...

— ამაზე ნუ ვილაპარაკებთ, შადიმან... ხალხის სიძულვილის შესახებ მხოლოდ თავადებისაგან მესმის და, უნდა გამოვტყდე, მცირე მნიშვნელობას ვაძლევ.

— დიად, მეფევ, გარნა სახელმწიფო საქმეები საფრთხეშია.

— შენ შეგიძლია, შადიმან, თავიდან აგვაშორო მღელვარება.

— ვფიქრობ, მეფევ, ნადირობით გავაქიანურო დრო. თავადებს სისხლი გაუნელდებათ და მშვენიერი დედოფალიც, რომლის მყუდროებისათვის მზადა ვარ სიცოცხლე გაეწირო, კმაყოფილი დარჩება...

— დღესასწაულობა! რა შემთხვევის გამო? და მართალი უნდა ითქვას, შადიმან, შემფოთებული ვარ, მხიარულობას გული არ მითქვამს.

— მეფევ, ეს არის აზრად მომივიდა... ოც მაისს ერთი წელიწადი სრულდება შენი დაქორწინებისა... რა იქნება, რომ თითქოს ქვათახევის მონასტერში: სამადლობელი პარაკლისის გადახდის საბაბით შენ და დედოფალი დროებით თვალადს წახვიდით? მეფეს ვერაფერს უძრახავს ასეთ დღეს ილოცოს და ყოველდღიურ საქმეთაგან მოისვენოს...

— შადიმან, ძვირფასო, ნუ თუ ეს შესაძლებელია? ჯარის დათვალიერება? ან გიორგის რა ვუყრთ?

— ძალიან კარგად მოეწყობა... ტფილისში [აუტანელი სიცხეა, მოზღვავებული ლაშქარის გამო შესაძლებელია რაიმე ავადმყოფობის გაჩენა. ციციშვილს ეუბრძანებ კიკეთს წავიდეს და იქ ელოდოს ჯარის დათვალიერებას. გიორგი არ იწყენს, მიხვდება, რომ ახალგაზრდა მეფისა და დედოფლისათვის უფრო სასიამოვნო იქნება ქორწინების დღე გრილ თვალადში გაატარონ და არა სიცხითა და სიძულვილით გავარვარებულ ტფილისში...

— შადიმან, მარტო ორმა?... დიდებულნი?..

— ყველანი წავკისის სასახლეში მიიწვიე. საჭირო არაა ყველას მოწვევა. ყარაიის ველზე ახლა საუკეთესო დროა ნადირობისა: დიდებულნი სისხლს დაიცხრობენ, მე კი თვალადს შენი გამგზავრების შემდეგ ვეტყვი, თითქოს ოცს ჩამოხვალ. მეფის არყოფნის საბაბს ყოველთვის ვიშოვნი. სააკაძე მოასწრებს თავის გამართლებას. დარწმუნებული ვარ, ყველაფერი კარგად მოეწყობა და ქარიშხალი სისხლდაუღვრეულად თავიდან აგვცდება.

ხრიკებსა და დავიდარაბის ქსელში გახვეული ლუარსაბი ჩაებლა-
უქა ამ შესაძლებლობას თეკლესთან ერთად საყვარელ თვალადში
დასასვენებლად.

სანაძ მოწვეული დიდებულნი წავეისში წავიდოდნენ შადიმანის
რჩევით, თვალადს მეფის გამგზავრება ხერხეულიძესაც კი დაუმაღეს.
ბააკა, მეფის სურვილისამებრ, წავეისს გაემგზავრა სამეფო ნადირო-
ბის შესამზადებლად. სასახლის მკველთა უფროსის წასვლის შემდეგ
მეფემ ციციშვილი მოიწვია და უბრძანა: დაუყოვნებლივ წაიყვანე
ჯარი კიკეთს და იქ ელოდე ჩემს დაბრუნებასო. ნოსტეს კი მეფის
შიკრიკი გაგზავნეს და მოურავს შეუთვალეს: ოცი მაისის საზეიმო
დღე წავეისში ნადირობაზე გაატარეო.

შადიმანთან საიდუმლო მოთათბირების შემდეგ დიდებულთ სი-
ამით მიიღეს მეფის მიპატიჟება და საჩქაროდაც კი დასტოვეს ტფი-
ლისი. ციციშვილიც საჩქაროდ გაემგზავრა ჯარითურთ კიკეთს.

ღამით ლუარსაბი და თეკლე, მხოლოდ ქეშიკთა და შადიმანის
რაზმის თანხლებით, თვალადს გაემგზავრნენ...

ახალგაზრდა თავადი ამირეჯიბი ცნობისმოყვარეობით ათვალე-
რებდა რუსუდანის სპარსულად მორთულ ოთახს ნოსტეს სასახლეში.
დიდი აღფრთოვანება გამოსთქვა რუსუდანის გემოვნების გამო და
თავაზიანად გადასცა მეფის დავალება.

სააკაძე ძალიან გაახარა ამირეჯიბის მიერ მოტანილმა ამბავმა.
დრო მისთვის ამჟამად ძვირად ღირდა. ამასობაში კი მეგობრებიც
შოვიდოდნენ. ლოცავდა ოც მაისს, საყვარელი თეკლეს ქორწინების
დღეს... საჩქაროდ მოემზადა, თავის მაგიერ ქვლივიძე დასტოვა
თხუთმეტი აზნაურის რაზმთა მეთაურად და თვითონ კი ერასტის
თანხლებით წავეისს გაეშურა.

სიფრთხილის გამო მოურავმა ქვლივიძეს დაავალა: რაიმე ცვლი-
ლების შემთხვევაში შიკრიკს გამოგზავნი და დაუყოვნებლივ ტფი-
ლისს მოაშურეო.

ასეთი შიკრიკი, ქვლივიძის გასაოცებლად, მეორე დღესვე მოიქ-
რა.

— მეფემ შესცვალა თავისი გადაწყვეტილება, ჯერ ჯარს დათვა-
ლიერებს, შემდეგ კი აზნაურებს საერთო ნადირობაზე მიიწვევსო.

გახარებული აზნაურები თავიანთი რაზმებითურთ ტფილისის გზას
გაუდგნენ.

იმვე დღეს აზნაურის გზაზე მიაქროლებდა აზნაური ასლამაზი
ისე, რომ დუქნებშიც კი არსად გაჩერებულა. აზნაურიდან ნოსტეს
შობავალ პაპუნას ფიქრადაც კი არ მოსვლია, რომ ის ცხენოსანი,
ჯაშუში იყო, თორემ პაპუნას სატეგარს შეეძლო ერთბაშად ჩაეფუშა
შადიმანის მთელი გეგმა.

ანანურიც ნამდვილ სამხედრო ბანაკს ჰგავდა. მეფის მსწრაფ-მსროლი დიდი სიფრთხილით შეუშვეს. ნუგზარი ასლამაზს გიორგის ერთგულ მომხრედ სთვლიდა და კარგად გამასპინძლების შემდეგ თავის სამყოფელში მიიწვია.

— ტფილისში მღელვარებაა, მეფე და მოურავი საიდუმლოდ თათბირობდნენ და ფარულად გამომგზავნეს მთელი სასახლის სახელით, ჯარი ტფილისში დასავლეთის კარებით შევა, მამაცი ნუგზარი ჯერ ნუ წამოვა ანანურიდან, სამი-ოთხი დღის შემდეგ პაპუნა კვლავ მოვა მოურავის საიდუმლო დავალებით, მაშინ თავადმა თვით გადასწყვიტოს რა უმჯობესიაო.

შეშფოთებულმა ნუგზარმა დაუყოვნებლივ გაგზავნა ხუთი ათასი ცხენოსანი ბრძოლებში გამოცდილი აზნაურების მეთაურობით.

რაკი სურდა ერთხელ და სამუდამოდ გასწორებოდა შადიმანის მომხრეებს, როგორც სააკაძე არწმუნებდა, ნუგზარმა ორი დღის განმავლობაში მთელი არაგვის საერისთაოში შეჰკრიბა ყველა, ვისაც კი ცხენზე ჯდომა და იარაღის ხმარება შეეძლო. ანანურში მხოლოდ ღრმად მოხუცებულნი დარჩნენ. პირადი დაცვის ჯარიც კი ნუგზარმა ერთი-ორად შეამცირა.

წავკისში დიდი გამოცოცხლებაა. ხითხითებენ, ბოროტად აბრიალებენ თვალს, ბრძანებას იძლევიან და იარაღს მუქარით აჩხარუნებენ, თანაც ჩურჩულით ლაპარაკობენ და იქვენულად აქეთ-იქით იცქირებიან.

შეშფოთება მთელ სასახლეს ეღება. საჯინიბოებში — ცხენთა ქიხინი ისმის, ეზოში — მსახურთა ლანძღვა-გინება, საგუშაგო კოშკებში კი — ყურდაცქვეტილი ფხიზლობა მეფობს. წავკისში ცუდად მხიარულობენ, ცუდად სძინავთ, ავად ელოდებიან რალაცას... ერთერთ კოშკში მყოფი ხერხეულიძე შადიმანის მომხრე მეხუთე თავადის რაზმების მოსვლას უცქერდა. იარაღის საეჭვო ჩხარუნი, უნაგირმოუხდელი ცხენები საჯინიბოში, დიდებულთა უცნაური ნერვულობა სრულიადაც არა ჰგავდა ყარაის ველზე ნადირობის მშვიდობიან სამზადისს.

შადიმანის მარტოდ მოსვლამ, უშეფოდ, რომელიც ვითომ ერთის დღით წასულიყო ცხინვალს, საბოლოოდ განუმტკიცა ბააკას ეჭვი მმართველის საიდუმლო განზრახვისა, ხოლო „კინის ხელის“ სადგომის ქერქვეშ დამალულმა მოლაშქრეებმა დილით საშინელი ამბავი მიუტანეს.

ბააკამ დაუყოვნებლივ უბრძანა ერთგულ ქეშიკს: ახლავე სააკაძის შესახედრად გაეშურეო, მაგრამ ხერხეულიძეს თავზარი დაეცა, როცა ქიშკარი ერთბაშად გაიღო და სააკაძემ მარტო ერასტის თანხლებით შემოაჰენა ცხენი.

მეჯინიბენი საჩქაროდ მიცვივდნენ და ერთობ სასწრაფოდ მოხადეს უნაგირი გაქაფულ ცხენებს.

შადიმანი გამოეგება და ზეიმოვნად მიესალმა დედოფლის ძმას. თანაც სხვათა შორის გაისხენა ლუარსაბის სურვილი, დედოფალთან ერთად ღმერთს მადლობა მინდა შეეწირო ბედნიერი წლისათვის და ხვალ ნადირობის დაწყებისას მოვალო.

სააკაძეს გაუკვირდა:

— როგორ მოხდა, რომ ბრძენი შადიმანი თან არ ახლავს მეფეს?

შადიმანმა თავაზიანად დაჰხარა თავი და სააკაძემ ვერ შეამჩნია ბოროტი ღიმილი.

— მეფემ დაგვიანებისათვის იბოდიშა და მე მთხოვა წინდაწინ წამოვსულიყავ. დიდებულნი ამაყნი არიან, განსაკუთრებით ბრწყინვალე ბაგრატი. ნეტავ, როდის მოკვდება, სიმონთან საქმის დაქვერა უფრო ადვილია.

შადიმანი გიორგის არა შორდებოდა, მაგრამ ხერხეულიძემ ყალბი განგაში მოაწყო. თავადთა ყურადღება განაბნია და გიორგიმ გაიგონა სწრაფი ჩურჩული:

— შუათანა კოშკში ამოდი.

ბააკა მოუთმენლად ელოდებოდა გიორგის, ერთჯული გუშავი შესასვლელს იცავდა.

— რას ნიშნავს ეს შენი საიდუმლო მოპატიჟება? სად არის ლუარსაბი? შენ შეშფოთებული ხარ, თეკლეს ხომ არათყვე მოსვლია? სთქვი, თავადო, ახლა ავი დროა.

— გიორგი, დედოფალი კარგად არის, მაგრამ... დიდხანს ლაპარაკი უსარგებლოა... დაუყოვნებლივ გაიქეც, ხაფანგში ხარ! ბოროტი შეოქმულებაა!.. ვადაწყვეტილია შენ აქ მოგკლან, ნოსტეს ციხეში კი მალაღაძეა გაგზავნილი... რუსუდანი საფრთხეშია... გაიქეც, გიორგი, დაუყოვნებლივ გაიქეც!

— რას ამბობ, ბააკა? ყური ხომ არ მატყუებს? შეოქმულება ჩემს წინააღმდეგ ლუარსაბის ნებართვით? შიკრიკი მოიჭრა, მე მეფის ხელწერას დავუჯერე, თორემ მარტო არ მოვიდოდი... შენ იცი ყველაფერი მზადაა ლუარსაბის განსადიდებლად. მისი სკიპტრით მინდოდა საქართველო გამეერთიანებინა, ახალი გზა დამესახა... დიდებულთა დაბერებული სისხლი ხალხის ქორთვა სისხლი განმეახლებია.. ბააკა, იქნებ იხუმრე?! როგორ შეეძლო ლუარსაბს დაევიწყებინა... როგორ გაჰბედა სურამის ბრძოლის დავიწყება? სად არის მეფე, თეკლე? სად არიან ისინი? შენ აბნეული ხარ! ბააკა, ნუთუ მეფემ იცის? უეჭველია, გამცა... ბააკა, რა არის ესა?.. ერთ წუთში ყველაფერი დაინთქა... მითხარ, მეგობარო, იცის თუ არა მეფემ?

— არა მგონია, ძვირფასო გიორგი. ახლავე ნოსტეს გაიქეც, ოჯახობითურთ ანანურს შეატარე თავი... მეფეს თეკლე უყვარს, შენ

დას მე გავაფრთხილებ, ყველაფერი განქარდება... ახლა ლაპარაკის დრო არ არის. გაიქეც, გიორგი, რუსუდანი საფრთხეშია!

— მაშ მართალია? გავიქეცე? იქ, საიმედო შთებს იქით, ნოსტე-ში მეგობრები მიმელიან. ბრძოლა იწყება მხოლოდ უღმობელი, სიკვდილივით შეუბრალებელი ბრძოლა! ახლა ჩაფხუტახდილი ვიბრძოლებ, კმარა ღიმილით მალულობია... დიდი მოურავი... ასე მეძახის ხალხი. ან მე არ ვიქნები ამ სახელწოდების ღირსი, ანდა ხალხი გაიმარჯვებს! ბააკა, გადაეცი დიდებულთ, რომ ისინი კვლავ გაიხსენებენ დიდ მოურავს. შებრალება არ იქნება, მათს სისხლში ავაცურებ მთელ ქართლს! ნოსტეში აზნაურთა ჯარია, ანაურში კი — ნუგზარი... მშვიდობით, მეგობარო, შენს ამაგს არ დავივიწყებ... თეკლეს გაუფრთხილდი...

— მოიცა, გიორგი, საიდუმლო ხერხლით გაგატარებ...

— უჩემცხენოდ? არა!..

სააკაძე სწრაფად შებრუნდა. ჩაიქროლა ქვის საფეხურები — ერთი... შვიდი... თერთმეტი... ეზო...

— ერასტი, ცხენები! ნუ შეჰკაზმავ. საფრთხეში ვართ!..

წუთი, მხოლოდ ერთი წუთი. სასწრაფოდ გაიღო ქიშკარი. გუშაგის გადატეხილი შუბი — და ცხენზე გაკრული ორი მხედარი გზაში გაიქრა.

შეშფოთებული გუგუნნი... მათრახის ტყლაშუნი... წყევა-კრულვა...

შადიმანი, ამირინდო და ჯავახიშვილი რაზმებითურთ დაედევნენ გაქცეულ ცხენოსნებს...

— ნოსტეში მოვსპოთ საზიზლარნი! — გრგვინავდა შადიმანი.

სააკაძემ მიიხედა და ორი ცხენი ხრამს გადაეგლო.

ნეგლის მალლობები. ცხენთა ფაფარში ქარი გახლართულა. მეფე მოღალატეა! მოსალოდნელიც იყო, არასოდეს ხალხთან ერთად არ ყოფილა... შურისძიება მეფეს, შურისძიება დიდებულთა ციხე-დარბაზებს! ერთი მოურავი მოკვდება, მეორე დაიბადება... დაღმართი... ხშირი ტყე... გელიწყარის მალლობები... ერასტი ცხენს დაჰკვდომია ზურგზე, ძლივს სუნთქავს, ხრიწინით დაისტვინა... შეუძლებელია ხალხის შეკავება!..

ციცაბო მოსახვევი, დიდგორის მალლობნი, პირდაჩენჩხილნი კლდენი... სააკაძემ ცხენს ქუსლი ჰკრა... შეუძლებელია ხალხის შეკავება, ვის შეუძლია ქარიშხლის შეკავება? მიხვეულ-მოხვეული ბილიკები, ვიწრო საცალფეხო გზა... წითელი ყვავილები რუხ ქვებში... გოსტიშის ხეობა... და ორი მიწას გაკრული ცხენი შეიქრა დაბურულ ტყეში და ორი ცხენსგაკრული მხედარი ხარბად ლევს სივრცეს... და კვლავ ნაცნობი დაღმართი... აღმართი... ხევი... ნოსტე...

მაგრამ რად დაცარიელებულა ქუჩები? რად დადუმებულა მოსახლეობა, რად აღარ ისმის საბრძოლო სიმღერები? სად არიან აზნაურთა ერთგული რაზმები? სად არის შურისძიებით ანთებული ახალგაზრდათა თვალი? და წუთით გაქვედა გიორგი, როცა გაიგონა: ყალბმა შიკრიკმა ტფილისს წაიყვანა აზნაურთა ჯარით... უეცრად აგორდა ოქროსფერი მტვერი, ბორიალით დაიცარნენ აჩრდილნი, — არა, ყველაფერი როდი დაღუპულა, არის კიდევ მტკიცე დასაყრდენი, — თვალწინ აბრკვევიალდა ნუგზარის ხმალი... მაშ, ანანურისკენ! საჩქარო განქარგულებანი. გლენი დაუყოვნებლივ წავიდნენ „ვეფხთა რაზმის“ სოფლებში; ამოჰქოლეთ შალსართაფი, ერბო-კარაქის ქარხანა, შეუნახავე მატყლი ფარულ სარდაფებში დამალეთ, დარჩენილი ჯოგი მთებში გარეკეთ... და ნოსტე ერთ წუთში დაცალიერდა... გადახრილი მზე ცის დასაყვალს მიეშურება. ციხეში საჩქარო მზადებაა წასასვლელად, საიდუმლო გვირაბთან უკვე მოუთმენლად ფრთქვინადნენ ცხენები, პაპუნა, პაატა, ავთანდილი და პატარა ვახტანგი უკვე ჩაეშენენ ხვრელში, ერასტიმ უკვე აჰკიდა ცხენს საგანძურის ზანდუკი, ანანურელ არჩილსა და მის ცხრამეტ ახალგაზრდა მზევერავს უკვე მზად უქირავს ხმალი. სახეგაქვავებული რუსუდანი კი ქვის კიბეზე შეყოვნდა, კვლავ განიცდის ოდესღაც განცდილ ბედნიერებას. მკვეთრი სტვენა... ნოსტეს გალავანს გარეთ შორეული გუგუნი, ცხენთა თქარათქური, გინება, მუქარა და იარაღის ჩხარაჩხური ისმის...

საკაცემ ბრძანება გასცა... წუთი—და კვლავ დაიხურა ფარული ხვრელის კედლები.

მტკიცე რკალად შემოერთყნენ მოურავის ციხეს. დიდებულთა ხმაჩახლეჩილ ყიჟინაში მალაღამის რაზმელები ციხის ქიშკარს ამტვრევენ. ყვირილი, გინება, წვევა-კრულვა... ციხის შემტვრეულ ქიშკარში პირველი შევარდა შადიმანი...

დიდგორის მალლობები. ცივი განთიადი რუხ ფანტელებად ჰკიღია ხეებზე. მღვრიე ლაქები მოსცურავენ კლდეებზე, ირხევა დახრილი ტოტი.

ხესპიყრდნობილი გიორგი და რუსუდანი დასცქერიან ალში გახვეულ ნოსტეს...

უკან დარჩნენ ულრანი ტყენი, ხრამნი, ციცაბო კლდენი, მოლუშული მალლობნი. ხშირნი ქალანი. კვლავ განთიადი. მძინარე სოფელი თელავდანი... ვიწრო ბილიკი, ჩქარი სელა, სოფელი კარსანა.

ამომავალმა მზემ გააბრწყინა დიდებული მცხეთა. მეფის მკველთა რაზმის სამოცი შუბოსანი ფხიზლად სდარაჯობს კუზიან ხიდს. ოდესღაც ამ ხიდზე გაუვლიათ პირთეთრა ცეზართჳ მწყობრ ლეგიონებს, გაუქროლნიათ მარდ სარკინოზებს, გაუქვებნიათ არაბთა ცხენოსნებს, გადაგორებულან მონგოლთა ურდოს ტალღები.

გარნა სააკაძემ ხიდს გვერდი აუხვია და აბობოქრებულ მტკვარს მიაშურა.

რომელ ქართველს არ უნახავს აღიდებული მტკვარი მაისის გასულს!

უნდო მორევი ავის მომასწავებლად აქაფებულან. ცვალებად ნაპირებს გაშმაგებით ეხეთქებიან ყვითელი, შფოთიანი ტალღები, მოაქვთ ფესვიანად ამოთხრილი ხეები, დაშლილი ტივები. ჩირგვნარი, ლობეები, ქვები და შეუფერხებელი ოტებით ქლდოვანი ვიწროებიდან მღვრიე კასპიისაკენ მიექანებიან.

— რუსუდან, ხომ არ გაშინებს აღიდებული წყალი?

— მოურავის მეუღლემ შიში არ უნდა იცოდეს, — და რუსუდანმა პირველმა შეაგდო ცხენი აქაფებულ მორევში. მას მიჰყვა არჩილი ვახტანგი თურთ და ერასტი, რომელსაც მაგრად ჩაეხუტებინა ახარხარებული ავთანდილი. პაპუნამ გულში ჩაიკრა პაატა და მშვიდად გადასერა აბობოქრებული მდინარე.

ნაპირს უკასკენელი გასცურდა სააკაძე.

გუშაგებს ფიქრადაც კი არ მოუვიდოდათ ეს უმაგალითო მამაცობა და ამიტომ, შუბებს დაყრდნობილნი, უდარდელად სთვლემდნენ ხიდზე.

გაქეულები არ შემდგარან მისაქციელში, საიდანაც იწყებოდა ნუგზარ ერისთავის სამფლობელო, და პირდაპირ ანანურს გაეშურნენ.

არასოდეს ასე საჩქაროდ არ გაღებულა ანანურის ციხის კიშკარი.

თავზარდაცემული ხუგზარი უცქერდა რუსუდანის დახეულ კაბას, ტალახით დასვრილ ჩოხებს, გაწამებულ ცხენებსა და ძლივს წარმოსთქვა:

— სად არის არაგვის ჯარი?

მძიმე ქვებივით ეცემოდნენ სიტყვები და იხსნებოდა უფსკრული...

— ჯარი?!

გიორგი დაბარბაცდა...

შეშფოთებით განვლო ღამემ ციხეში. თვალი სკვრეტს შორეულ სივრცეს, გულისცემა მძაფრ ქარს უფრთღება. მტკივნეულად იხლართებიან გავარვარებული ფიქრები; „ნინო, ოქროს ნინო! ვერც არწივებთან ბრძოლა, ვერც სამეფო სასახლეთა ბრწყინვალეობა, ვერც განთქმულ მშვენიერთა სილამაზე ვერ ჩაჩრდილავენ შენს ოქროს კულულებს...“ — გიორგიმ ახალოხი გაიხსნა და ქისა ამოიღო: ნაგვიანევი მთვარის ცივ შუქზე უცნაურად ალაპლაპდა ამოქარგული არწივი... „ძმაო, ჩემო დიდო ძმაო, შეხე, რა საყურია...“ გულში უჩხვლიტა შეგნებამ: ლუარსაბი მოლალატეა, მოლალატე ვით უკანასკნელი ლაჩა-

რი!.. მეფენი არასოდეს ხალხთან არ იქნებიან. საკიროა მომავალში მახსოვდეს ესა... უკანასკნელი იმედია მუხრან-ბატონი და ქსნის ერისთავი... მაგრამ რომ არ გამომყენენ? რომ მიხვდნენ?.. ხელი კლდის წვეტს დაეცა... მაშინ?.. და დარიალის ქარის გრიალსა და არაგვის გააფთრებულ შხტილში გიორგის გათენებამდე ეჩვენებოდა ხმაჩახლეჩილი მუქარა, გალესილ ხმალთა ჩახუნნი და ცხენთა გამალებული თქარათქური.

დილით კი სააკაძემ მდუმარედ მოუსმინა ნუგზარს.

— მირვანი ისპაჰანშია, მოხუცი მუხრან-ბატონი კი მეფის წინააღმდეგ არ წაფა... მარტო ქსნის ერისთავიც არ იკისრებს ამხედრებას. უკანასკნელი შველა ერანს გაქცევაა, ერანს გაქცევა, სანამ შადიმანი ანანურს არ შემორტყმია გარს... დაებრუნდებით და ვერაგობას სამაგიეროს ვუზღავთ.

— სამაგიეროს ვუზღავთ? მაგრამ გიორგი სააკაძე მშვიდობიანად ვერ დაბრუნდება.. შაჰ აბაზს გაეუშელავნებ თურქეთთან მოლაპარაკების ამბავს. დიდებულთ ძვირად დაუჯდებათ უკანასკნელი თამაში...

და კვლავ საჩქარო მზადება წასასვლელად, დაძაბული 'ლოდინი. ღამით წასული ქარავენის შემდგომ მძიმედ დაიხურა ანანურის კარები.

და კვლავ უღრანი ტყეები, არაგვის მარდი ტალღები, კვლავ აღმართი, დაბურული მწვერვალები, დაღმართი, ქალები, და სურამის გზით, ლაჯინის გვერდის ავლით, გაქაფული ცხენები ყურყურტის ფონს მიადგნენ...

იქ ერანის მხარეს, ბედი უღმობელ ქართველებს ამზადებს. რა მოელის მოურავს? დიდება თუ სირცხვილი? ან იქნებ შაჰის მიერ აღთქმული დახმარება დიდებულთა წინააღმდეგ?.. სისხლიანი ფარდა აიხადა და გამოჩნდა ბრძოლის ახალი ასპარეზი და მართალია ის, ვინც გაიმარჯვებს... მაგრამ რა ფასად?.. და განა მოურავისთვის ამას მნიშვნელობა აქვს?.. განა იძულებითი უკანდახვევა გიორგი სააკაძეს შეაყენებს? არა, ბრძოლა გააფთრებული და საბოლოო, სრულ გამარჯვებამდე.

უკანასკნელი გადასასვლელი...

და იქ, სადაც სააკაძე ქართლის საზღვარს ამავრებდა, სადაც ააგო ახალი აღჩა-ყალა, მეფის საგუშაგოს ერთგული მცველის კოლოტაურის ხმალი ცდილობდა გზა გადაეღობა მისთვის. განრისხებულმა სააკაძემ ხმალი იშიშვლა. თავხედის გაგდებინებული ხმალი შორს დაეცა. ცხენზე ჩამოგდებული კოლოტაური მომაკვდინებელ დაკვრას ელოდება, გარნა გიორგიმ ხმალი აღმართა, ტარამდე ჩაასო ქართულ მიწაში და გადასტეხა.

— ასე გასტეხს გიორგი სააკაძის ხმალი ქართველ დიდებულთა უკანასკნელ საგვარეულოს.

უკანასკნელი გადასასვლელი...

აღჩა-ყალის კიშკარი გაიღო, გამოცვივდნენ სარბაზები და ორ რიგად დაეწყვენ. გიორგის შემოეგება იუზბაშებითა და ონბაშებით გარშემოხვეული ციხისთავი.

გაუტეხელი დუმილით გაუსწორეს თვალი ერთმანეთს მოურავმა და ხანმა...

ხანის უკან გიორგიმ შენიშნა ქერიმის საშინელებით აღსავსე თვალი. ალი-ბაინდურმა გულზე ხელი მიიღო და თავაზიანად მიესალმა: — ერანის კარი ფართოდ არის ღია დიდი მოურავისათვის...

მეორე ნაწილის დასასრული

Анна Антоновская
ВЕЛИКИЙ
МОУРАВИ

ლინგა I
часть II
(на грузинском языке)

Изд-во „Федерация“
19 Тбилиси 41

* *

რედაქტორი: გ. ქიქოძე

ბეჭდვით დასაბეჭდავად 14-IV 1941 წ.
ტირაჟი 4000 ნივთის ზომა 6 x 10,5
სააქტობო ფორმათა რაოდენობა 15,5
სასტამბო ფორმათა რაოდენობა 17
შეკვეთის პ.ნ. 850 33 18349

* *

გამ. „ფედერაცია“-ს სტამბა, თბი-
ლისი, კვანთაძის, 181